

元和郡縣圖志序



金紫光祿大夫中書侍郎同中書門下平章事兼集

賢殿大學士監修國史上柱國趙國公臣李吉甫撰

臣聞王者建州域物土疆觀次於星躔察法於地理考中國山河之象求二儀險阻之情天漢萌而兩界分南宮正而五均叙自黃帝之方制萬國夏禹之分別九州辨方經野因人緯俗其揆一矣及秦皇併六國則罷侯而置守漢武討百蠻則窮兵而黷武雖裂爲郡縣者遠過於殷周而教令之所行威懷之所服亦不越於三代夫天地作限之意非皇王尚德之仁誇志役心久而後悔由此觀之則聖元和郡縣志

序

一

人疆理之制固不在荒遠矣我國家肇自貞觀至於開元兼夏商之職貢掩秦漢之文軌梯航累乎九譯廐置通乎萬里然後分疆以辨之置吏以康之任所有而差貢賦因所宜而制名物守其要害險其走集經理之道冠乎百王巍巍乎無得而稱矣易曰天險不可升地險山川丘陵王公設險以守其國險之時用大矣哉然則聖人雖設險而未嘗恃險施於有備之內措於立德之中其用常存其機不顯弛張開闔因變制權所以財成二儀統理萬物故漢祖入關諸將爭走金帛之府獨蕭何收秦圖書高祖所以知山川阨塞戶口虛實厥後受命汜水定都洛陽留侯

演委輅之謀田肯賀入關之策事關興替理切安危舉斯而言斷可識矣伏惟

睿聖文武皇帝陛下握樞秉聖承祧立極祖堯舜之道憲文武之程皇王之遐蹤行之必至祖宗之耿光寢而復耀天寶之季王塗蹙艱由是墜綱解而不紐強侯傲而未肅逮至興運盡爲驅除故蜀有阻隘之夫吳有憑江之卒雖完保聚繕用甲兵莫不手足裂而異處封疆一乎四海故鄜衛風偃朔塞砥平東西南北無思不服臣吉甫當元聖撫運之初從內庭視草之列尋備衮職久塵台階每自循省赧然收汗謨明弼諧誠淺智之不及簿書期會亦散材之不工久而伏思方得所効以爲成當今之務樹將來之勢則莫若版圖地理之爲切也所以前上元和國計簿審

元和郡縣志

序

二

戶口之豐耗續撰元和郡縣圖志辨州域之疆理時獲省闕或裨聰明豈欲希鄼侯之規模庶乎盡朱贛之條奏况古今言地理者凡數十家尚古遠者或搜古而略今採謠俗者多傳疑而失實飾州邦而叙人物因丘墓而徵鬼神流於異端莫切根要至於丘壤山川攻守利害本於地理者皆略而不書將何以佐明王扼天下之吭制羣生之命收地保勢勝之利示形東壤制之端此微臣之所以精研聖后之所宜周覽也謹上元和郡縣圖志起京兆府盡隴

右道凡四十七鎮成四十卷每鎮皆圖在篇首冠於叙事
之前併目錄兩卷總四十二卷臣學非博聞識愧經遠馳
驚雖久漏略猶多輕瀆

宸嚴退增戰越謹上



元和郡縣圖志卷第一

關內道一



京兆府雍州

開元戶三十六萬二千九百九元
和戶二十四萬一千二百二

禹貢雍州之地舜置十二牧雍其一也周武王都鄴錫平

王東遷以岐鄴之地賜秦襄公至孝公始都咸陽秦兼天

下置內史以領關中項籍滅秦分其地為三以章邯為雍

王都廢丘

今興平縣是也

司馬欣為塞王都櫟陽董翳為翟王都

高奴

今延州金明縣是也

謂之三秦高祖入關定三秦復併為內史

景帝分置左右內史武帝太初元年改內史為京兆尹後

與左馮翊右扶風謂之三輔其理俱在長安城中又置司

元和郡縣志

卷一

一

隸校尉以總之光武都洛陽以關中地置雍州尋復立三

輔魏分河西為涼州分隴右為秦州三輔仍舊屬司隸晉

初省司隸復置雍州愍帝之後劉聰石勒苻捷姚萇相繼

竊據之萇孫泓為劉裕所滅東晉復置雍州及京兆郡尋

為赫連勃勃所破遣子隗鎮長安號曰南臺後魏太武破

赫連昌復於長安置雍州孝武自洛陽遷長安改為京兆

尹隋開皇三年自長安故城遷都龍首川即今都城是也

初隋氏營都宇文愷以朱雀街南北有六條高坡為乾卦

之象故以九二置宮殿以當帝王之居九三立百司以應

君子之數九五貴位不欲常人居之故置立都觀及興善

寺以鎮之大明宮即望唐高宗龍朔二年所置高宗嘗染

風痺以大內秋濕置官於斯其地即龍首山之東麓北據

高原南俯城邑每晴天齊景下視終南含元殿所居高明

尤得地勢大明東南曰興慶宮玄宗藩邸宅也

廢京兆尹又置雍州煬帝改爲

京兆郡武德元年復爲雍州開元元年改爲京兆府

謹按漢五年高祖在洛陽婁敬說曰陛下都洛陽豈欲與

周室比隆哉周之都洛以爲此天下中

丁仲反

四方納貢職

道里均有德則易以王無德則易以亡凡居此者欲令務

以德致人不欲阻險令後世驕奢也今陛下而欲比隆成

康之時爲不侔矣且夫秦地被山帶河四塞以爲固猝然

有急百萬衆可具因秦之故資甚美膏腴之地此所謂天

府陛下入關而都之山東雖亂秦故地可全而有也夫與

人鬪不搯其亢拊其背未能全勝今陛下入關而都按秦

元和郡縣志

卷一

二

之故此亦搯天下之亢而拊其背也高祖問羣臣羣臣皆

山東人爭言周王數百年秦二世則亡不如都周高祖疑

未能決及留侯明言入關便即日駕西都關中六年擒韓

信田肯賀高祖曰甚善陛下得韓信又治秦中秦形勝之

國帶河阻山持戟百萬秦得百二焉地勢便利其以下兵

於諸侯譬猶居高屋之上建瓴水也自漢至今常爲王者

輿區

府境

東西三百一十里
南北四百七十里

八到

東至東都八百三十五里
東至華州一百八十里

東南至商州二百六十五里
南取庫谷路至金州六百八十里

西南至洋州六百三十里
正西微北至鳳翔三百一十里
西北至郿州三百里
東北至坊州一百五十里
正東微北至同州二百五十里

管縣一十二

萬年 長安 昭應 三原 醴泉 奉天

奉光 富平 雲陽 咸陽 渭南 藍田

萬年縣赤本漢舊縣屬馮翊在今櫟陽縣東北三十五里
周明帝二年分長安霸城山北等三縣始於長安城中置
萬年縣隋開皇三年遷都改爲大興縣理宣陽坊武德元
年復爲萬年乾封元年分置明堂縣理永樂坊長安三年
元和郡縣志

卷一

三

廢天寶七年改爲咸寧乾元元年復名萬年縣
終南山在縣南五十里按經傳所說終南山一名太一亦
名中南據張衡西京賦云終南太乙隆窟崔率潘岳西征
賦云九峻巖薛太一龍從面終南而背雲陽跨平原而連
嶓冢然則終南太乙非一山也

畢原在縣西南二十八里詩注云畢終南之道名也書云
周公薨成王葬於畢是也

白鹿原在縣東二十里亦謂之霸上漢文帝葬其上謂之
霸陵王仲宣詩曰南登霸陵岸回首望長安即此也

長樂坡在縣東北十二里即涇川之西岸舊名涇坂隋文

帝惡其坂名改曰長樂坡

故軹道在縣東北一十六里即秦王子嬰降沛公之處也
細柳營在縣東北三十里相傳云周亞夫屯軍處今按亞
夫所屯在咸陽縣西南二十里言在此非也

杜陵在縣東南二十里漢宣帝陵也

渭水在縣北五十里舊云北去縣五十里

灞水在縣東二十里灞橋隋開皇三年造唐隆二年仍舊
所創制爲二南北兩橋

樊川一名後寬川在縣南三十五里本杜陵之樊鄉漢高
祖賜樊噲食邑於此

元和郡縣志

卷一

四

御宿川在縣南三十七里漢爲離宮別館禁禦人不得往
來遊觀止宿其中故曰御宿

長安縣赤本秦舊縣初楚懷王封項羽爲長安侯則長安

久矣非始於漢但未詳所在耳及高帝五年入關復置長
安縣乃取舊名以名縣也至隋開皇三年遷都長安縣移
至長壽坊西南隅乾封元年分置乾封縣理懷真坊長安
三年廢

龍首山在縣北一十里長六十里頭入渭水尾達樊川秦
時有黑龍從南山出飲水其行道因成土山疏山爲臺殿
不假版築高出長安城西京賦所云疏龍首以抗殿也

輔三

黃圖曰營未央宮
因龍首制前殿也

細柳原在縣西南三十三里別是一細柳非亞夫屯軍之所

長安故城在縣西北十三里漢舊都惠帝修築本秦離宮也按惠帝元年正月城長安三年春發長安六百里內男女十四萬五千人三十日罷六月發徒隸二萬人常役至五年正月發十四萬六千人三十日乃罷九月而城成城南爲南斗形城北爲北斗形周迴六十五里

太和宮在縣南五十五里終南山太和谷武德八年造貞觀十年廢二十一年以時熟公卿重請修築於是使將作元和郡縣志

卷一

五

大匠閻立德繕理焉改爲翠微宮今廢而爲寺

周武王宮即鎬京也在縣西北十八里自漢武帝穿昆明池於此鎬京遺趾淪陷焉

秦阿房宮在縣西北十四里殿東西五百步南北五十丈上可坐萬人下可建五丈旗表南山以爲闕爲複道自阿房渡渭屬之咸陽庭中可受十萬人又置銅人十二於宮前

漢長樂宮在縣西北十五里

漢未央宮在縣西北十四里並在長安故城中

漢建章宮在縣西二十里長安故城西太初元年柏梁臺

災越巫以厭勝之術請作建章宮爲千門萬戶
桂宮在縣北十三里長安故城中漢武帝所造
柏梁臺在長安故城中未央宮北

漸臺在未央宮西王莽死於此

神明臺在縣西北二十里長安故城西上有承露盤

漢博望苑在縣北五里武帝爲太子據所立使通賓客

上林苑在縣西北一十四里周匝二百四十里相如所賦
也

酒池在長樂宮中漢武帝所作以誇羗胡飲以鐵盃重不能
舉皆低頭半飲西征賦云酒池監於商辛追覆車而不寤

元和郡縣志

卷一

六

子午關在縣南百里王莽通子午道因置此關

新豐故城在縣東十八里漢新豐縣城也漢七年高祖以
太上皇思東歸於此置縣徙豐人以實之故曰新豐併移
枌榆舊社街衢棟宇一如舊制男女老幼各知其室雖雞
犬混放亦識其家焉

古戲亭在縣東北三十里周幽王爲犬戎所逐死於戲即
此也周章軍西至戲秦將章邯拒破之亦此地也

周幽王陵在縣東北二十五里

秦始皇陵在縣東八里始皇即位治驪山陵役徙七十萬
人今按其陵高大亦不足役七十萬人積年之功蓋以驪

山水泉本北流者陂障使東西流又此土無石取大石於渭北諸山其費功力由此也

華清宮在驪山上開元十一年初置溫泉宮天寶六年改爲華清宮又造長里殿名爲集靈臺以祀神也

三原縣

次赤西南至府一百一十里

本漢池陽縣巖薛山在今縣西北

六十里苻秦於此山北置三原護軍以其地西有孟侯原南曰豐原北曰白鹿原後魏大武七年罷改置三原縣屬北地郡明帝孝昌三年蕭寶寅逆亂毛洪賓立義捍賊永安元年於此置北雍州洪賓爲刺史亦謂之洪賓柵其故城在縣北五十五里又割北地郡之三原縣於此置建忠

元和郡縣志

卷一

七

郡以旌其功開皇三年罷郡以縣屬雍州

高祖獻陵在縣東十五里

堯門山在縣西北三十二里

天齊原在縣西北二十五里上有天齊祠

黃白城在縣西南十五里後漢李傕亂政天子東遷三輔饑歉乃移保黃白城即其地也

秦西梁宮在縣西南十五里黃白城內

于謹墓在縣北十八里

醴泉縣

次赤東南至府一百二十里

本漢谷口縣地在九巖山東起山

西當涇水出山之處故謂之谷口溝洫志云白渠首起谷

口尾入櫟陽袤二百里溉田千五百餘頃田人得其利饒歌曰田於何所池陽谷口鄭國在前白渠起後涇水一石其泥數斗且溉且糞長我禾黍衣食京師億萬之口謂此也後漢及晉又爲池陽縣後魏改爲寧夷縣隋開皇十八年改爲醴泉縣以縣界有周醴泉宮因爲名

太宗昭陵在縣東北二十五里九峻山

肅宗建陵在縣東北十八里武將山

奉天縣次赤東南至府一百六十里光宅元年割醴泉始平好時武功

新平郡之永壽五縣置

梁山高宗天皇帝乾陵所在因名曰奉天其山即禹貢

元和郡縣志

卷一

八

所云壺口理梁及岐又古公亶父踰梁山至於岐下及秦立梁山宮皆此山也

奉先縣次赤西南至府二百四十里本秦重泉縣後魏省至孝文帝分

白水縣置南白水縣西魏改爲蒲城縣本屬同州開元四年以縣西北三十里有豐山於北置睿宗橋陵改爲奉先

縣隸京兆

玄宗陵在縣東北二十里

惠莊太子陵在橋陵東南三里

惠宣太子陵在橋陵東六里

惠文太子陵在橋陵東三里並在柏城內

富平縣

次赤西南至府一百五十里

本漢舊縣屬北地郡後魏文帝自

懷德城移於今理周閔帝於縣置中華郡武帝省郡以縣屬馮翊開皇三年改屬雍州

中宗定陵在縣西北十五里龍泉山

代宗元陵在縣西北四十里檀山

順宗豐陵在縣東北三十三里甕金山

節愍太子陵在縣西北十五里

荆山在縣西南二十五里在岐山東禹貢云荆岐既旅是也

鹽池澤在縣東南二十五里周迴二十里

元和郡縣志

卷一

九

後周文帝成陵在縣西北十五里

王翦墓在縣東北三里

司馬欣墓在縣西二十五里章邯長史降項羽封爲塞王

雲陽縣

次赤西南至府一百一十里

本漢舊縣屬左馮翊魏司馬宣王

撫慰關中罷縣置撫夷護軍及趙王倫鎮長安復罷護軍

劉石苻姚因之魏罷護軍更於今理別置雲陽縣隋因之

武德元年分置石門縣三年於石門縣置泉州貞觀元年

廢州改石門縣爲雲陽縣

德宗崇陵在縣東二十里

嵯峨山一名截薛山在縣東北十里東西二十五里南北

二十里山上有雲必雨常以爲候

甘泉山一名磨石嶺在縣西北九十里周圍六十里

車箱阪在縣西北三十八里縈紆曲折單軌纔通上阪即平原宏敞樓觀相屬即趨甘泉宮道也

涇水在縣西南二十五里初鄭國分涇水置鄭渠後倪寬又穿六輔渠今此縣與三原界六道小渠猶有存者謹按秦始皇元年韓聞秦好興事欲疲之乃使水工鄭國間說令鑿涇水自仲山西瓠口爲渠東注洛三百餘里欲以溉田中作而覺秦欲殺國國曰始臣爲間然渠成亦秦之利秦以爲然卒使就渠旣成溉澤鹵之地四萬頃畝皆一鍾

元和郡縣志

卷一

十

關中無凶年命爲鄭國渠後至漢武帝元鼎六年一百三十六歲倪寬爲左內史又奏請穿六輔渠以益溉鄭渠旁高卬之田後十六歲趙中大夫白公又奏穿涇水注渭中溉田四千餘頃人得其饒而歌之大唐永徽六年雍州長史長孫祥奏言往日鄭白渠溉田四百餘頃今爲富僧大賈競造碾磑止溉一萬許頃於是高宗令分檢渠上碾磑皆毀撤之未幾所毀皆復廣德二年臣吉甫先臣文獻公爲工部侍郎復陳其弊代宗亦命先臣拆去私碾磑七十餘所歲餘先臣出牧常州私制如初至大曆中利所及纔六千二百餘頃

漢雲陽故縣在縣西北八十里

雲陽宮即秦之林光宮漢之甘泉宮在縣西北八十里甘泉山上周迴十餘里去長安三百里望見長安城黃帝以來祭天元丘處也齊人少翁謂武帝曰上即欲與神通宮室被服非像神神物不至乃於甘泉宮中爲臺畫天地泰一諸鬼神而祭之又作柏梁銅柱承露盤仙人掌之屬帝以五月避暑於此八月乃還

通天臺在縣西北八十一里甘泉宮中高三十五丈望雷雨悉在下

咸陽縣

畿正東微南至府四十里

本秦舊縣也孝公十二年於渭北城

元和郡縣志

卷一

十一

咸陽自汧隴徙都焉秦自孝公惠文悼武昭襄莊襄王始皇胡亥並都之始皇二十六年初并天下收天下兵聚之咸陽鑄以爲鐘鐻金人十二各重千石置庭中徙天下豪富於咸陽十二萬戶每破諸侯放其宮室作之咸陽北阪上以所得諸侯美人鐘鼓充之咸陽之旁二百里內宮觀二百七十土木皆被絺繡宮人不移樂不改縣窮年忘歸猶不能徧至胡亥時天下叛秦漢元年秦王子嬰降漢項羽引兵西屠咸陽殺子嬰燒秦宮室火三月不滅及漢興以爲渭城縣屬右扶風按秦咸陽在今縣東二十二里漢渭城縣亦理於此苻堅時改爲咸陽郡後魏移咸陽縣於涇水

北今涇陽縣理是也隋開皇九年改涇陽爲咸陽大業三年廢入涇陽縣城本杜郵也武德元年置白起堡二年置縣又加營築焉山南曰陽水北曰陽縣在北山之南渭水之北故曰咸陽

畢原即縣所理也左傳曰畢原鄆郇文之昭也即謂此地原南北數十里東西二三百里無山川陂湖井深五十丈亦謂之畢陌漢氏諸陵並在其上

短陰原在縣西南二十里

渭水南去縣三里

臨臯縣在縣東南二十里

元和郡縣志

卷一

十二

長陵故城在縣東北三十里初漢徙關東豪族以奉陵邑長陵茂陵各萬戶其餘五陵各千戶皆屬太常不隸於郡秦蘭池宮在縣東二十五里

秦慈石門在縣東南十五里東南有閣道即阿房宮之北門也累慈石爲之著鐵甲入者慈石吸之不得過羗胡以爲神

細柳倉在縣西南二十里漢舊倉也周亞夫軍次細柳即此是也張揖云在昆明池南恐爲踈遠

棘門在縣東北十八里本秦關門也漢文帝使將軍徐厲屯棘門謂此也

蘭池陂即秦之蘭池也在縣東二十五里初始皇引渭水爲池東西二百里南北二十里築爲蓬萊山刻石爲鯨魚長二百丈始皇嘗微行遇盜於蘭池見倉使武士擊殺盜關中大索二十日

中渭橋在縣東南二十二里本名橫橋架渭水上始皇都咸陽渭水貫都以象天漢橫橋南渡以法牽牛渭水南有長樂宮渭水北有咸陽宮欲通二宮之間故造此橋漢末董卓燒之魏文帝更造劉裕入關又毀之後魏重造貞觀十年移於今所

便橋在縣西南十里架渭水上武帝建元三年初作便門

元和郡縣志

卷一

十三

橋在長安北茂陵東去長安二十里長安城西門曰便門此橋與門相對因號便橋

白起祠在縣城中

漢長陵在縣東三十里高帝陵也

安陵漢惠帝陵也在縣東北二十里

陽陵景帝陵也在縣東四十里

平陵昭帝陵也在縣西北二十里

渭陵元帝陵也在縣西北七里

延陵成帝陵也在縣西北十三里

義陵哀帝陵也在縣北八里

康陵平帝陵也在縣西北九里

太公墓在縣東北十里

周公墓在縣北十三里

蕭何墓在縣東北三十七里

曹參墓在縣東北三十五里

張良墓在縣東北三十六里

蒙恬祠在縣西北十五里

渭南縣

畿西至府一百三十里

本漢新豐縣地符秦時置後魏孝明

帝

亦云孝文帝

於今縣東南四里置渭南郡及南新豐縣西魏

廢帝二年改南新豐爲渭南縣武德元年屬華州五年改

元和郡縣志

卷一

十四

屬雍

倒獸山一名玄象山在縣東南五十里王子年隱處也

渭水北去縣四里

酋水出縣西南石樓山北入渭

隋崇業宮在縣東十五里

秦步高宮在縣西南二十里

藍田縣

畿東北至府八十里

本秦孝公置按周禮玉之美者曰球其

次爲藍蓋以縣出美玉故曰藍田周閔帝割京兆之藍田

又置玉山白鹿三縣置藍田郡至武帝省郡復爲藍田縣

屬京兆後遂因之縣理城卽嶢柳城也俗亦謂之青泥城

桓溫伐苻捷使將軍薛珍擊青泥城破之即其處也

藍田山一名玉山一名覆車山在縣東二十八里

白鹿原在縣西六里晉桓溫伐苻捷督護鄧遐等奮擊於白鹿原即此地也

灞水故滋子也即秦嶺水之下流東南自商州上洛縣界流入又西北流合澁水入渭

思鄉城在縣東南三十三里宋武帝征關中築城於此南人思鄉因以爲名

藍田關在縣東南九十里即峽關也秦趙高將兵拒峽關沛公引兵攻峽關踰黃山擊秦軍大破之

元和郡縣志

卷一

十五

黃山在縣東南二十五里

元和郡縣圖志卷第一

元和郡縣圖志卷第二

關內道二

京兆下

興平 高平 櫟陽 徑陽 美原 華原

同官 鄠縣 藍屋 武功 好畤

華州 同州

鳳翔節度使 鳳翔府 隴州

興平縣 畿東至府 九十里 本漢平陵縣屬右扶風魏文帝改為始

平晉武改置始平國領槐里縣歷晉至西魏數有移易景

龍二年金城公主出降吐蕃中宗送至此縣改始平縣為

元和郡縣志

卷二

一

金城縣至德二年改名興平

始平原在縣北十二里東西五十里南北八里入咸陽界

西入武功界

渭水南去縣二十九里

馬牧澤在縣東南二十里南北廣四里東西二十一里

百頃澤在縣西二十五里多蒲魚之利周迴十六里

槐里城周曰犬丘秦改名廢丘周懿王所都項羽封章邯

為雍王都廢丘亦此城也

武學故城在縣東南十里

馬嵬故城在縣西北二十三里馬嵬於此築城以避難未

詳何代人也

漢龍泉廟在縣東北二十四里武帝廟號也

漢黃山宮在縣西南三十里武帝微行西至黃山宮即此也

章邯臺在縣東南十里

漢茂陵在縣東北十七里武帝陵也在槐里之茂鄉因以爲名守陵旣樹掃除凡五千人

漢公孫弘墓在縣東北十八里

衛青墓在縣東北十九里起冢象廬山

霍去病墓在縣東北十九里起冢象祁連山

元和郡縣志

卷二

二

高陵縣

畿西南至府八十里

本秦舊縣孝公置漢屬左馮翊魏文帝

改爲高陸屬京兆郡大業二年復爲高陵

龍躍宮在縣西十四里高祖太武皇帝龍潛舊居也武德

六年置

姚興墓在縣東南十三里

櫟陽縣

畿西南至府一百里

本秦舊縣獻公自雍徙居焉屬左馮翊

項羽立司馬欣爲塞王亦都之按高帝旣葬太上皇於櫟

陽之萬年陵遂分櫟陽置萬年縣以爲陵邑理櫟陽城中

故櫟陽城亦名萬年城後漢省櫟陽入萬年後魏宣武帝

又分置廣陽縣周明帝省萬年入廣陽更於長安城中別

置萬年縣廣陽仍屬馮翊郡隋開皇三年罷郡廣陽縣屬
雍州武德元年又改爲櫟陽縣

煮鹽澤在縣南十五里澤多鹹鹵符秦時於此煮鹽周迴
二十里

清泉陂在縣西南十里多水族之利

漢太上皇陵在縣東北二十五里

涇陽縣畿南至府
七十里本秦舊縣漢屬安定郡惠帝改置池陽

縣屬左馮翊故城在今縣西北二里以其在池水之陽故
曰池陽後魏廢於今縣置咸陽郡符秦又置涇陽縣隋文
帝罷郡移涇陽縣於咸陽郡屬雍州即今縣是也

元和郡縣志

卷二

三

石安原在縣南七里高二丈東西三十八里南入咸陽
縣界

平長坂一本
云坡在縣西南五里

涇水西北自池陽縣界流入經縣南七里又東南入高陵
縣界春秋襄公十四年諸侯伐秦濟涇而次秦人毒涇師
人多死

焦獲音
護藪亦名瓠口爾雅十藪周有焦獲詩云獫狁匪茹

整居焦獲即謂此也按韓水工鄭國說秦令鑿涇水自仲
山西抵瓠口爲渠即鄭白二渠也

秦望夷宮在縣東南八里北臨涇水以望北夷故名之故

胡亥死於此也

漢池陽宮在縣西北八里

龍泉陂在縣南三里周迴六里多蒲魚之利

太白渠在縣東北十里

中白渠首受太白渠東流入高陵縣界

南白渠首受中白渠水東南流亦入高陵界

美原縣

畿西南至府一百八十里

秦漢頻陽之地以縣西北十一里有

頻山秦厲公於山南立縣故曰頻陽後魏別立土門縣以
頻山有二土門狀似門故曰土門大業二年省義寧二年
再置貞觀十七年又省咸亨二年復置仍改名曰美原

元和郡縣志

卷二

四

頻陽故城在縣西南三里秦將王翳卽此縣人也

華原縣

畿西南至府一百六十里

本漢祋裒縣地屬左馮翊曹魏皆於

其地置北地郡元魏廢帝三年改爲通川郡領泥陽縣屬
宜州六年改泥陽爲華原縣大業二年省宜州縣屬京兆
垂拱元年改爲永安縣天授二年又置宜州大定元年廢
之神龍元年復爲華原縣

土門山在縣東南四里

祋裒故城在縣東南一里漢縣也宣帝神雀二年鳳皇集
祋裒城是也

泥陽故縣在東南十七里

漢步壽宮在縣東北三里

同官縣

畿西南至府二百一十里

本漢設裒縣地屬左馮翊晉屬頻陽符秦於祓裒城東北銅官川置銅官護軍後魏太武帝改置銅官縣屬北地郡周朝除金祓此同字屬宜州太業二年省宜州縣屬雍州國朝因之

鄠縣

畿東北至府六十五里

本夏之扈國啟與有扈戰於甘之野地理志古扈國有戶各戶亭又有甘亭扈至秦改爲鄠邑漢屬右扶風自後魏屬京兆後遂因之

終南山在縣東南二十里

雞頭山在縣東南三十一里僞趙主石生不能守長安欲

元和郡縣志

卷二

五

西上隴士卒散盡遂入雞頭山尋爲追兵所害

牛首山在縣西南二十三里南接終南在上林苑中西京賦云繞黃山而款牛首是也澇水所自出

渭水北去縣十七里

豐水出縣東南終山南自發源北流經縣東二十八里北流入渭

龍臺澤在縣東北三十里周迴二十五里

八部澤在縣東南五里周迴五十里

故鄠城在縣北二里夏之扈國也

鍾宮故城一名灌鍾城在縣東北二十五里蓋始皇收天

下兵器銷爲鐘鏐此或其處

馬祖壇在縣東北三十二里龍堂澤中每年太常太僕四時祭之春祭馬祖夏祭先牧秋祭馬社冬祭馬步

隋太平宮在縣東南三十一里對太平谷因名之

隋甘泉宮在縣西南二十二里對甘泉谷因名之

周艷宮周文王宮也在縣東三十五里詩云旣伐于崇作邑于豐是也崇侯無道文王伐之命無殺人無壞室崇人聞之如歸父母遂虜崇侯作艷邑崇國在秦晉之間

秦萑陽宮在縣西南二十三里

美陂在縣西五里周迴十四里

元和郡縣志

卷二

六

甘亭在縣西南五里夏啓伐有扈誓師於甘之野即此處也

蓋屋縣

畿東北至府一百三十里

漢舊縣武帝置屬右扶風山曲曰蓋

水曲曰屋後漢省晉復立武德三年屬稷州貞觀元年廢稷州復屬雍州天寶中改名宜壽後復名蓋屋

姜維嶺本名沉嶺在縣南五十里蜀後主延熙二十年大將軍姜維率衆出駱谷經沉嶺即此也

望仙澤在縣東南三十五里中有龍尾堆

隋宜壽宮在縣東南三十二里

秦長楊宮在縣東南三十三里漢武帝好自擊熊羆司馬

相如從至上林上疏諫

秦五柞宮在縣東南三十八里

馬融讀書臺在縣東北二十七里

司竹園在縣東十五里史記曰渭川千畝竹今按園周迴百里置監丞掌之以供國用義寧元年義師起高祖第三女平陽公主舉兵於司竹園號娘子軍

駱谷關在縣西南一百二十里武德七年開駱谷道以通梁州在今關北九里貞觀四年移於今所

駱谷道漢魏舊道也南通蜀漢魏少帝正始四年曹爽伐

蜀諸軍入駱谷三百餘里不得前進牛馬驢騾

一本云羸

以轉

元和郡縣志

卷二

七

運死略盡少帝甘露三年蜀將姜維出駱谷圍長城亦此道也

樓觀在縣東三十七里本周康王大夫尹喜宅也穆王爲召幽逸之人置爲道士相承至秦漢皆有道士居之晉惠帝時重置其地舊有尹先生樓因名樓觀武德初改名宗聖觀事具樓觀本記及先師傳焉

武功縣

畿東至府一百四十里

漢舊縣古有郃國堯封后稷之地周

平王東遷以賜秦襄公孝公作四十一縣釐美陽武功各其一也釐與郃音同字異武功蓋在渭水南今郿縣地是也按舊縣境有武功山斜谷水亦曰武功水故諸葛亮表

云遣孟琰據武功水又杜彥遠云太白山南連武功山是則縣本以山水立名也武德三年分雍州之武功好時蓋屋扶風之郿四縣於今縣理置稷州因后稷所封爲名貞觀元年廢州以縣屬京兆

慶善宮在縣南十八里皇家舊宅也南臨渭水武德元年置宮貞觀六年鑿駕親幸讌群臣賦詩焉

三時原在縣西南二十里高五十丈西入扶風縣界故檿城一名武功城在縣西南二十三里古邠國也

后稷祠在縣西南二十三里

姜嫄祠在縣西南二十二里

元和郡縣志

卷二

八

隋文帝泰陵在縣西南二十里三時原上

好時縣

畿西南至府一百八十里

本漢舊縣在今縣理東南十三里故

城是也時者神明所依止也以雍州積高神明之隩故立時以郊上帝諸神也後漢省武德二年分醴泉縣置因漢舊名屬雍州三年改屬稷州貞觀元年廢稷州復屬雍州二十一年於廢上宜縣置好時縣今縣理是也其上宜縣隋開皇十八年置貞觀八年廢

華州

華陰四輔

開元戶三萬七百八十七
元和戶一千四百三十七

鄉七十二

禹貢雍州之域周爲畿內之國鄭桓公始封之邑其地一名咸林春秋時爲秦晉界邑長城在州東七十二里或說

秦晉分境祠華岳故築此城戰國時屬秦魏地理志云自高陵已東皆魏分也按史記魏築長城自鄭濱洛今州東南三里魏長城是也秦併天下為內史之地二漢及晉為京兆之地後魏置東雍州廢帝改為華州大業二年省華州義寧二年置華山郡武德元年復為華州垂拱元年改為太州避武太后祖諱神龍元年復舊

州境東西一百六十四里南北一百四十里

八到西至上都一百八十里東至潼關一百二十里

東至東都六百八十里東至虢州二百里

東北至同州八十里南至商州山南路二百七十里

元和郡縣志

卷二

九

貢賦開元

賦苳苓

綿苳神

布細辛

管縣三

鄭縣 華陰 下邳

鄭縣望郭下

本秦舊縣漢屬京兆後魏置東雍州其縣移在

州西七里大業二年州廢移入州城隸屬雍州至三年以

州城屋宇壯麗置太華宮縣即權移城東四年宮廢又移

入城

古鄭縣在縣理西北三里興元元年新築羅城及古鄭城

竝在羅城內

少華山在縣東南十里

華陰縣

望西至州六十五里

本魏之陰晉邑秦惠文王時魏入犀首

納之於秦秦改曰寧秦漢高帝八年更名華陰屬弘農郡

後魏屬華州隋大業五年移於今理垂拱元年改曰仙掌

尋復舊名

長城在縣西春秋時晉分界處

太華山在縣南八里

衣豐倉在縣東北三十五里渭河口隋置義寧元年因倉

又置監天寶三年左常侍兼陝州刺史韋堅開漕河自苑

西引渭水因古渠至華陰入渭引永豐倉及三門倉米以

給京師名曰廣運潭以堅爲天下轉運使

灇漕二水會於漕渠每夏大雨

元和郡縣志

卷二

十

輒皆漲大曆之後漸不通舟

天寶中每歲水陸運米二百五十萬石入

潼關大曆後每歲水陸運米四十萬石入關

潼關在縣東北三十九里古桃林塞也春秋時晉侯使唐

嘉處瑕以守桃林之塞是也關西一里有潼水因以名關

又云河在關內南流衝激關山因謂之衝關謹按秦函谷

關在漢弘農縣即今靈寶縣西南十一里故關是也今大

路在北本非鈴束之要漢武帝元鼎三年楊僕爲樓船將

軍本宜陽人

今福昌縣也

耻居關外上疏請以家僮七百人徙

關於新安武帝從之即今新安縣東一里函谷故關是也

而御傳所馳出於南路至後漢獻帝初平二年董卓督帝

西幸長安出函谷關自此已前其關竝在新安其後二十
年至建安十六年曹公破馬超於潼關則是中間徙於今
所今歷二處而至河潼上躋高隅俯視洪流盤紆峻極實
謂天險河之北岸則風陵津北至蒲關六十餘里河山之
險灑迤相接自此相望川途曠然蓋神明之奧區帝宅之
戶牖百二之固信非虛言也

下邳縣

望東南至州八十里

本秦舊縣地理志屬京兆注下邳秦武

公伐邳戎置以隴西有上邳故此加邳也董卓遷都長安
華歆求出爲下邳令即此也後魏避道武帝諱改爲夏封

大業二年復舊後魏屬馮翊隋屬華州武德年屬同州垂

元和郡縣志

卷二

十一

拱二年復屬華州

漢蓮勺縣故城在縣東二十二里張禹本河內人徙家蓮

勺

同州

馮翊四輔

開元戶五萬六千五百

鄉一百二十一

元和戶四千八百六

鄉一百四十

禹貢雍州之域春秋時其地屬秦本大荔戎國秦獲之更
名曰臨晉魏文侯伐秦築臨晉今朝邑西南有故城七
國時屬魏始皇并天下京兆馮翊扶風竝內史之地及項
羽滅秦爲塞國立司馬欣爲塞王及漢王定三秦以爲河
上郡復罷爲內史武帝更名左馮翊魏除左字但爲馮翊

郡晉因之後魏永平三年改爲同州禹貢云漆沮旣從灃

水攸同言二水至此同流入渭城居其地故曰同州

州境東西一百一十二里
南北二百三十五里

八到西至上都二百五十里
東至蒲津關六十里

東至東都六百五十里
南至華州八十里

西北至坊州二百五十里

貢賦開元 貢賦 絛文吉莫皮二十張

元和 貢

麝香 麻黃 地黃 蒺藜子
絛文靴 石鐵餅 寒山石

管縣七

馮翊 朝邑 韓城 白水 夏陽 澄城

元和郡縣志

卷二

十二

馮翊縣望郭下本漢臨晉縣故大戎城秦獲之更名舊說秦

築高壘以臨晉國故曰臨晉武帝改爲大荔縣後魏改爲

華陰縣後以名重改爲武鄉大業三年改爲馮翊縣馮輔

也翊佐也義取輔佐京師

沙苑一名沙阜在縣南十二里東西八十里南北三十里

後魏文帝大統三年周太祖爲相國與高歡戰於沙苑大

破之其時太祖兵少隱伏於沙草之中以奇勝之後於兵

立之處人栽一樹以表其功今樹往往猶存仍於戰處立

忠武寺今以其處宜六畜置沙苑監

興德宮在縣南三十二里義旗將趣京師軍次於忠武園

因置亭子名興德宮屬家令寺

朝邑縣

望西至州三十五里

本漢臨晉縣之地大荔國在今縣東三

十步故王城是也後魏置南五泉縣西魏改爲朝邑縣以此據朝坂故以爲縣西南有蒲津關

河橋本秦后子奔晉造舟於河通秦晉之道今爲河西縣長春宮後周武帝置大業十三年高祖起義兵自太原金於此宮休甲養士而定京邑武德二年於此置陝東大行臺太宗居藩作鎮四年山東平乃移行臺於洛州

通靈陂在縣北四里二百三十步開元初姜師度爲刺史引洛水及堰黃河以灌之種稻田二千餘頃

元和郡縣志

卷二

十三

苦泉在縣西北三十里許原下其水鹹苦羊飲之肥而美今於泉側置羊牧故俗諺云苦泉羊洛水漿

韓城縣

上西南至州二百里

古韓國及梁國漢爲夏陽縣之地韓國

故城在今縣理南十八里梁國在今縣理南二十三里有少梁故城隋文帝分郟陽於此置韓城縣春秋秦晉戰於韓原即此地也

龍門山在縣北五十里

龍門戍在縣東北極險峻後周又於此置龍門關今廢也

白水縣

望東南至州一百二十里

本漢粟邑縣之地屬左馮翊按粟邑

故城在縣理西北二十八里薛宣爲左馮翊以粟邑縣小

僻在山中其人謹朴以潁陽令薛恭換粟邑令尹賞二縣俱大理又爲漢衙縣地春秋時秦晉爭戰於彭衙是也後魏文成帝分澄城郡於此置白水縣白水南臨白水因以爲名隋文開皇三年罷郡縣屬同州

夏陽縣縣西南至州一百三十里古有莘國漢郃陽縣之地武德三年

分郃陽於此置河西縣在河之西因以爲名又割同州之

郃陽韓城二縣於今縣理置西韓州取古韓國爲名也以

河東有韓州故此加西貞觀八年廢西韓州以縣屬同州

乾元三年改爲夏陽縣縣南有莘城即古莘國文王妃太

姒即此國之女也

元和郡縣志

卷二

十四

澄城縣望南至州一百里漢徵縣也韋昭云徵音懲懲澄同聲後

人誤爲澄文十年秦晉取北徵即此城是也後魏太武七

年分郃陽縣置又於今縣理置澄城郡開皇三年罷郡以

屬同州

漢武帝時嚴熊上言願穿洛以溉重泉以東萬餘頃於是

發卒穿渠自徵引洛水至商顏下商顏今在馮翊縣界名曰龍首渠

按州西三十里有乾坑即龍首之尾也

王官故城在縣西北春秋傳曰俘我王官剪我羈馬

郃陽縣望西南至州一百二十里本漢襄縣屬左馮翊在郃水之陽詩

大雅所謂在洽之陽是也水經注曰郃陽城南有漢水東

流注於河即郃水也按中漢水蒲池漢水與南漢水竝在舊河西縣南五里今郃陽界內爾雅云漢出大尾下郭璞以爲汾陰縣有水如車輪此水亦然周武時屬澄城郡開皇三年罷郃以縣屬同州

鞏馬故城在縣東北二十六里

鳳翔府

岐州

扶風四輔

開元戶四萬四千五百三十三

鄉九十二

元和戶七千五百八十

鄉八十八

今爲鳳翔節度理所

管州二

元和郡縣志

卷二

十五

鳳翔府

隴州

縣十四

都管戶八千三百六十四

禹貢雍州之域春秋及戰國時爲秦都德公初居雍即今天興縣也至獻公始徙櫟陽始皇并天下屬內史項羽封章邯爲雍王亦此地也高帝更名中地郡復屬內史景帝更名主爵都尉武帝太初元年更名右扶風所以扶助京師行風化也與京兆尹左馮翊謂之三輔理皆在長安城中後漢出理槐里即今興平縣南東七里故槐里城是魏文帝除右字爲扶風郡亦是重鎮曹公使張郃屯陳倉建興中諸葛亮攻陳倉及郃皆不克晉太康八年爲秦國後

魏太武於今州理東五里築雍城鎮文帝改鎮爲岐州隋
開皇元年於州城內置岐陽宮岐州移於今理大業三年
罷州爲扶風郡武德元年復爲岐州至德元年改爲鳳翔
郡乾元元年改爲鳳翔府

州境東西一百八十三里
南北三百八十九里

八到東至上都三百一十里
東至東都一千一百七十里

東北至邠州二百三十里
南取太白山路至興元府六百里

西南至鳳州二百八十里
西至龍州一百五十里

北至涇州二百二十里

貢賦關元 龍鬚席 蠟燭
賦 麻布

元和郡縣志

卷二

十六

管縣九

天興 岐山 扶風 普潤 岐陽 麟遊

寶雞 號縣 郿縣

天興縣次赤 郭下本秦雍縣秦國都也漢縣屬右扶風四面高

曰雍又四望不見四方故謂之雍秦回中宮在縣西漢文

帝十四年匈奴入蕭關燒回中宮候騎至雍即此也至德

二年分置鳳翔縣永泰元年廢仍改雍縣爲天興縣

乾歸故城在縣西四十三里之伏乾歸據苑川自號西秦

因築此城

石鼓文在縣南二十許里石形如鼓其數有十蓋紀周宣

王畋獵之事其文卽史籀之迹也貞觀中吏部侍郎蘇勗
紀其事云虞褚歐陽共稱古妙雖歲久訛缺遺迹尚有可
觀而歷代紀地理志者不存記錄尤可嘆惜

岐山縣西至府五十里本漢雍縣之地周武帝天和四年割涇州

鶉觚縣之南界置三龍縣開皇十六年移三龍縣於岐山

南十里改爲岐山縣貞觀八年移於今理岐山亦名天柱

山在縣東北十里

渭水在縣南三十里

五將山在縣西北六十里苻堅爲姚萇將吳忠所擒之處

扶風縣西至府一百里本漢美陽縣地武德三年分岐山縣置圍

元和郡縣志

卷二

十七

川縣屬岐州取今縣南漳川水爲名近代訛作圍四年隸

入稷州貞觀元年廢稷州以縣屬岐州八年改爲扶風

普潤縣南至府九十里隋大業元年於此置馬牧又置普潤屯後

廢屯置縣在漢爲漆縣併有鐵官今城西有漆水又有小

城蓋置鐵官處

岐陽縣西南至府一百里蓋漢杜陽縣地貞觀七年割扶風岐山

二縣置以在岐山之南因以名之

麟遊縣西南至府一百六十里本漢杜陽縣地隋於此置西麟州營

仁壽宮義寧元年唐高祖輔政廢宮是年獲白麟於宮所

因置縣

九成宮在縣理西一里即隋文帝所置仁壽宮每歲避暑
春往冬還義寧元年廢宮置立郡縣貞觀五年復修舊宮以
爲避暑之所改名九成宮

永安宮在縣西三十里貞觀八年置

寶雞縣

東北至府
九十里

本秦陳倉縣秦文公所築因山以爲名

屬右扶風大業九年移於今理在渭水北乾元元年改爲
寶雞以昔有陳寶鳴雞之瑞故名之

陳倉城魏太和中將軍郝昭所築陳倉城通訖會諸葛亮
來攻亮本聞陳倉城惡及至怪其整頓問知昭在其中大
驚愕亮素聞昭在西有威名念攻之不易初太原勣詳少

元和郡縣志

卷二

十八

與昭相親後爲蜀所得及亮圍陳倉詳爲亮監軍使於城
外呼昭諭之昭於樓上應詳曰魏家科法卿所練也我之
爲人卿所知也曩時高剛守祁山坐不專意雖終得全於
今誚議不止我必死耳卿還謝諸葛亮便可攻也詳以告
亮亮進兵雲梯衝車晝夜距二十餘日亮無利會費曜等
救至亮乃引去按今城有上下二城相連上城是秦文公
築下城是郝昭築

陳倉山在縣南十里南接梁鳳二州界散關在縣西南五
十二里蜀志諸葛亮相出散關圍陳倉

三交城在縣西十六里司馬宣王與諸葛亮相距所築咸

享三年於縣東南開渠引渭水入昇原渠通船至京故城

即故長安城漢惠帝所築城在今故大興城之西北苑中

號縣北至府三十里古號國周文王弟號叔所封是曰西號後秦

武公滅爲縣周改爲洛邑縣大業二年復爲號縣貞觀八

年廢天授二年再置

郿縣西北至府一百里本秦縣右輔都尉理所在今縣東一十五

里有故故今縣周天和元年築置雲州建德三年廢武德

元年又於故城置郿州三年廢州郿縣屬稷州七年屬岐

州白起即此縣人也縣在渭水南一里自岐山至郿縣以上八縣並文畿

終南山在縣南三十里

元和郡縣志

卷二

十九

太白山在縣東南五十里

五丈原在縣西南三十五里初諸葛亮與司馬宣王相持

亮據渭水南原宣王謂諸將曰亮若出武功依山東轉是

其勇也若西上五丈原諸君無事矣亮果屯此原耕者雜

於渭濱居人安堵軍無私焉

積石原在縣西北二十五里魏青龍二年諸葛亮出斜谷

與司馬宣王屯渭南郭淮笑亮必爭北原遂先據之亮至

不得上即此原也

縣理城亦曰斜城城南當斜谷因爲名斜谷南口曰褒

北口曰斜

董卓塢在縣東北十六里卓封郿侯築塢高與長安埒號
爲萬歲塢

成國渠在縣東北九里受渭水以溉田

隴州 汧陽上 開元戶六千八十五
元和戶七百八十四

禹貢雍州之域秦文公所都漢爲汧縣屬右扶風後魏置
東秦州西魏文帝改名隴州因山爲名大業二年省義寧
二年又於縣理置隴東郡武德元年改爲隴州

州境 東西二百里
南北四百九十五里

八到 東至上都四百六十里
東至東都一千三百二十里

東至鳳翔府一百五十里
西至秦州三百四十里

元和郡縣志 卷二 二十

南至鳳州山路四百三十里
北至原州三百三十里

貢賦 開元 貢 龍鬚席五領

管縣五

汧陽 吳山 華亭 南由

汧源縣 上郭 本漢汧縣地屬右扶風在汧水之北後魏改

爲汧陰縣隋改爲汧源縣

隴山在縣西六十二里

岍山在縣西六十里北與隴山接禹貢導岍及岐是也

大震闕在州西六十一里後周置漢武至此遇雷震因名

秦城在州東西二十五里秦非子養馬汧渭之間有功周

孝王命爲大夫

汧陽縣

上西至州八十里

本漢隃麋縣地因今縣東八里隃麋澤

爲名周武帝置汧陽郡及縣尋省郡以縣屬隴州

汧水在縣南一里

吳山縣

中西北至州一百一十里

本漢隃麋縣地後魏孝昌二年於長

蛇川置長蛇縣屬東秦州開皇十八年改爲吳山縣

吳山在縣西南五十里秦都咸陽以爲西岳今爲國之西

鎮山國語謂之西吳

華亭縣

下正南微東至州一百一十里

本秦涇陽縣地大業元年置華亭

縣以在華亭川口故名

元和郡縣志

卷二

五

小龍山在縣西四十里

南由縣

下東北至州一百二十里

本漢汧縣地後魏孝明帝於縣西南

由谷口置縣因谷爲名開皇二年省長蛇縣併入南由屬

岐州貞觀四年割入隴州

安夷關在縣西一百四十六里

長蛇川在縣西一百步

渭水在縣南四十里

元和郡縣圖志卷第二



元和郡縣圖志卷第三

關內道三

涇源節度使 涇州 原州

邠寧節度使 邠州 寧州 慶州

鄜坊觀察使 鄜州 坊州 丹州 延州

涇州

安定上

開元戶一萬五千九百五十二

鄉五十五

元和戶一千九百九十

鄉三

鞏田 今為涇源節度使理所

管州二

涇州 原州

元和郡縣志

卷三

一

縣九 都管戶

禹貢雍州之域春秋時屬秦至始皇分三十六郡屬北地郡漢分北地郡置安定郡即此是也漢以六郡良家子補羽林郎按六郡安定即其一焉後漢安帝永初五年徙其人於美陽以避羗寇郡寄理美陽在今武功縣界夷陽故城是也至順帝移於今理後魏太武神鹿三年於此置涇州因水為名大業三年改為安定郡大業末金城賊帥薛舉侵擾幽涇武德元年太宗西討會舉死因平舉子仁果遂改安定郡為涇州

州境

東西一百九十六里
南北二百八十六里



八到

東南至上都四百八十里
東北至寧州一百五十里

東南至東都一千三百四十里
西北至原州平原縣一百五十里

北至原州城三百三十里
北至慶州三百二十三里

南至鳳州二百五十八里
東南至邠州一百八十里

西南至隴州私路一百八十里

貢賦

開元

賦

龍鬚席
麻布

管縣五

保定 靈臺 臨涇 良原 潘原

保定縣

上郭下

本漢安定縣也今臨涇縣安定故城也後漢

省後魏文帝天統元年自高平移城於今理屬安定郡隋

元和郡縣志

卷三

二

開皇三年罷郡以縣屬涇州至德二年改保定縣

涇水在縣東一里

折塘故城在縣東十里西魏涇州刺史乙弗貴所築隋末

薛舉屯據於此城舉死仁果復竊據武德元年討平之

萬侯醜奴餘趾在縣東五里醜奴高平人後魏建義元年

僭號於此

靈臺縣

上州

西至一百里

本漢鶉觚縣屬北地郡周屬趙平郡隋

開皇三年屬涇州天寶元年改為靈臺縣理西東接縣城

即古密國之地也今縣理西陰密故城是也詩云密人不

共也

臨涇縣

上東南至州九十里

本漢舊縣屬安定郡隋大業元年於今

縣理置秋谷縣取縣內秋谷為名十二年復為臨涇縣皇

朝因而不改按縣在彭陽川內彭陽水一百步縣界兼有

漢安武安定彭陽撫夷四縣之地也

良原縣

上東北至州六十里

本漢三水縣地屬安定郡今安定縣界

三水故城是也大業元年分安定縣之地置良原縣縣西

南三十里有良原因以為名

汭水一名宜祿川西自隴州華亭縣流入

石原在縣西南所謂良原也

潘原縣

中東至州一百里

本漢陰盤縣屬安定郡在今邠州宜祿

元和郡縣志

卷三

三

縣西二十三里陰盤故城是也地有陰槃

原州

平京中都督府

開元戶元和

鄉鄉

州境

八到 東南至上都八百里
東南至涇州三百二十里

東南至東都一千六百六十里
西至會州三百九十里

南至秦州四百六十里
正西微南至臨洮軍六百二十里

北至靈州五百里

貢賦 開元 貢 覆 鞍 禮
賦 麻

管縣四

平高 平涼 百泉 蕭關

平高縣 望 郭下 本漢高平縣屬安定郡後魏太武太延二年

於今縣理置平高縣屬平高郡隋開皇三年罷郡以縣屬

原州大業三年以原州為平涼郡武德元年重為原州縣

元和郡縣志

卷三

四

仍屬

笄頭山一名崆峒山在縣西一百里即黃帝謁廣成子學

道之處史記曰黃帝東至於海西至崆峒登笄頭是也漢

書曰笄頭山在涇陽西禹貢涇水所出莊子云廣成子學

道崆峒之山又後漢書隗囂使將王孟塞雞頭道即此也

木峽關在縣西南四十里

蕭關故城在縣東南三十里漢書文帝十四年匈奴入蕭

關殺北地都尉是也

瓦亭故關在縣南七十里即隴山北垂隗囂使牛邯守瓦

亭即是此也

秦長城在縣北十里

朝那湫郊祀志云湫泉祠那蘇林云在安定朝那縣方四十里冬夏不增減不生草木旱時即祠之以壺挹水置之於所在則雨雨不止及水於泉俗以爲恒今周迴七里蓋近代減耗

監牧貞觀中自京師東赤岍澤移馬牧於秦渭二州之北會州之南蘭州狄道縣之西置監牧使以掌其事仍以原州刺史爲都監牧使以管四使南使在原州西南一百八十里西使在臨洮軍西二百二十里北使寄理原州城內東宮使寄理原州城內天寶中諸使共有五十監

元和郡縣志

卷三

五

南使管十八監

西使管十六監

北使管七監

東宮使管九監

監牧地東西約六百里南北約四百里天寶十三年諸監見在馬總三十一萬九千三百八十七疋內一十三萬三千五百九十八疋課馬

平涼縣

上西北至州一百六十里

本漢涇陽縣地今縣西四十里涇

州故城是也後魏爲長城郡長城縣之地周武帝建德元年割涇州平涼郡於今理置平涼縣屬長城郡開皇三年屬原州皇朝因之開元五年移於涇水南貞元七年又移於舊縣南坂上今縣是也乃屯軍其中

馬屯山縣西十六里春秋云姚萇與苻登戰於高平登敗奔於馬屯山即此也其山南北二十里東西三十里

百泉縣

上西至州九十里

本漢朝那縣地故城在今縣理西四十

五里後魏孝明帝於今縣西南陽晉川置黃石縣隋煬帝改為百泉縣武德八年移於今所

可藍山一名都廬山在縣西南七十里十六國春秋曰赫

連定據平涼登可藍山望統萬城泣曰先帝若以朕承大

業豈有今日

涇水源出縣西南涇谷地理志云涇陽縣筭頭山涇水所

出淮南子云筭頭山一名薄落山故涇水亦曰薄落水又

元和郡縣志

卷三

六

南流經都廬山山路之中常如彈箏之聲故行旅因謂之

彈箏峽

蕭關縣

中南至州一百八十里

本隋他樓縣大業元年置神龍三年

廢別立蕭關縣以去州濶遠御史中丞侯全德奏於故白

草軍城置因取蕭關爲名

蔚茹水在縣之西一名葫蘆河源出原州西南顏沙山下

邠州

新平

開元戶一萬九千四百六十一

鄉四十九

今爲邠寧節度理所

管州三

邠州 寧州 慶州

縣十九

禹貢雍州之域周之先公劉所居之地詩大雅云篤公劉于幽斯館是也周本紀曰后稷子不窋末年夏政襄奔戎翟之間至公孫劉修后稷之業乃國於幽徐廣云新平漆縣東北有幽亭是也按幽國城在今州理東北二十九里三水縣界古幽城是也自周東遷其地屬秦秦并天下分三十六郡屬內史漢屬右扶風今州理即漢右扶風之漆縣也漆水在今縣西九里西北流注於涇今鳳翔府麟遊縣東西亦有一漆水與此異也後漢於此置新平郡及姚萇之亂百姓夷滅此地郡縣並無理所至後魏又置郡焉

元和郡縣志

卷三

七

文帝大統十四年於今理置南豳州廢帝除南字大業二年省入寧州義寧二年復為新平郡武德元年復為豳州開元十三年以豳與幽字相涉詔曰魚魯變文荆并誤聽欲求辨惑必也正名改為邠字天寶元年改為新平郡乾元元年復為邠州

州境

東西二百里
南北二百七十里
八到 東南至上都三百里
東南至東都一千一百六十里
東至坊州三百十里
南至奉天縣一百三十里

貢賦

開元 貢 粟 蠟
西北至涇州一百八十里
北至寧州一百四十里
東至坊州三百十里
南至奉天縣一百三十里

賦

麻布 白蠟 米粟

管縣四

新平 三水 永壽 宜祿

新平縣

望郭下

本漢漆縣也屬右扶風建武八年隗囂悉衆

攻略陽上漆進止未定會馬援夜至上喜問之援聚米以爲山谷於上前指軍所從入上笑曰虜在吾目中遂進兵考諸記注漢之漆縣即今州理是也姚萇之亂郡縣不立暨乎後魏於今縣西南十里陳陽原上置白上縣屬新平郡開皇三年罷郡移白土縣於今州城中置豳州四年改白土縣爲新平縣大業二年省豳州入寧州義寧二年復爲新平郡武德元年以新平郡又爲豳州縣屬焉

元和郡縣志

卷三

八

五龍原在縣南三里原側有五泉水因名

涇水西北自宜祿界流入

豪丘堡在縣西十八里東西南三面石坡峭峻高十丈北面築城高二丈武德二年置貞觀元年廢

苻堅墓在縣東南二里先兵有謠云河水清苻詔死新城堅聞惡之語軍侯曰地名新城避之至是爲姚萇所殺於新平城遂葬焉

三水縣

緊州

西南至州六十里

本漢舊縣有鐵官屬安定郡以縣界

有羅川谷三泉並流故以爲號魏改三水縣爲西川縣亦屬安定後魏於今縣理西二十八里重置三水縣取漢舊

名屬新平開皇三年罷郡以縣屬豳州皇朝因之

石門山在縣東五十里峰巖相對望之似門

柁邑故城在縣東二十五里即漢柁邑縣屬右扶風古邠國也左傳云畢原豐邠文之昭也

古豳城在縣西三十里公劉始都之處

永壽

縣上西北至州九十里

武德二年分新平縣西界於今理北

三十里永壽原西分置永壽縣因原而名貞觀二年移於州東南八十里興元元年又移於順義店即今理是也本漢漆縣之南界也

高泉山亦曰甘泉在縣北二十五里

元和郡縣志

卷三

九

涇水自新平縣界流入

醴泉苑在縣東北十里并宮並周所立後廢貞觀四年置醴泉監兼置屯五所隸司農寺

宜祿縣

中東至州八十一里

本漢淺水縣地屬上郡後魏爲東陰

盤縣地廢帝以縣南臨宜祿川因改名隸涇州暨周隋又

爲白土縣貞觀二年分新平縣又置宜祿縣後魏舊名也

淺水原即今縣理所初金城人薛舉稱兵攻破郡縣武德

元年舉寇涇州屯兵於新安定縣之析墟城太宗親征相守

六十餘日會舉死其子仁果統其衆并羗胡十餘萬數來

挑戰上遣總管龐玉自此原南出賊之右因高而陳上率

大兵自原北出其不意斬首萬餘級賊大潰仁杲懼而請降俘其精兵萬餘人男女五萬口故城猶在今縣北五里陰盤城在縣西北二十五里

昭仁寺在縣西十步淺水原上王帥討平仁杲詔於此置寺碑諫議大夫朱子奢之詞也

長武城在縣西五十里隋開皇中築在涇河南岍武德元年廢大曆初郭子儀置兵以備西戎

寧州

彭原望

開元戶三萬二百二十八元和戶一千一百七

鄉七十三

墾田

禹貢雍州之域古西戎地也當夏之哀公劉邑焉周時爲

元和郡縣志

卷三

一

義渠戎國其後戎翟攻太王亶父避于岐山脚而作周按今州理城即公劉邑地也後西北伐犬戎武王都鎬逐戎夷於涇洛之北以時入貢命曰荒狄周道衰荒狄不至後幽王爲犬戎所殺至秦繆公得由余西戎八國來至秦昭王殺義渠戎王并其地始皇分三十六郡此爲北地郡即義渠舊地也漢氏因之後漢移北地郡居富平故城是也後魏延興二年爲三縣鎮孝文太和十一年改置班州十四年改爲邠州二十年改邠爲豳取地名也廢帝三年改豳州爲寧州以撫寧戎狄爲名後周改爲北地郡隋又爲寧州大業中又爲郡武德元年復爲寧州貞觀元年改爲

都督府四年又廢府爲州

州境東西二百一十六里
南北五百一十四里

八到東南至上都四百五十六里
東南至東都一千三百里

東至坊州三百二十里
西至涇州一百五十里

東北至寧州三百九十里
北至慶州一百三十里

南至邠州一百四十里

貢賦開元

貢 龍鬚席
麻布

管縣六

安定 真寧 襄樂 彭原 定平 豐義

安定縣望郭下本漢泥陽縣在今縣理東南方十五里泥陽

元和郡縣志

卷三

十一

故城是也至後魏太武帝置安定縣取定俗安人爲義在
今縣理北西三里定安故關自開皇三年移縣入廢趙興
郡理仍屬寧州皇朝因之

扶蘇墓在縣西北十八里始皇太子也監蒙恬築長城始
皇崩李斯矯詔死葬於此

真寧縣繫州七十里 西北至本漢陽周縣地屬上郡漢書陳餘與

章邯書曰蒙恬爲秦將北逐戎人開榆中地數千里竟斬
陽州謂此縣也魏置泥陽惠陟二護軍孝文太和十一年

復置陽縣開皇十八年改爲羅川縣南羅水爲名屬寧州
皇朝因之天寶元年改爲真寧縣

子午山亦曰橋山在縣東八十里黃帝陵在山上即群臣
莫衣冠之處史記曰漢武帝北巡朔方還祭黃帝冢於橋
山曰吾聞黃帝不死今有冢何也或對曰黃帝已上仙群
臣莫其衣冠故有冢

襄樂縣縣上西南至本漢襄洛縣屬上郡後魏孝文改洛

為樂屬襄樂郡後周屬北地郡隋開皇三年改屬寧州皇
朝因之

秦故道在縣東八十里子午山始皇三十年向九原抵雲
陽即此道也

彭原縣縣上南至本漢彭陽縣地在今縣理西南六十里

元和郡縣志

卷三

十二

臨涇陽縣界彭陽故城是也暨於後漢又為富平縣之地
後魏破赫連定後於此復置富平原南北八十一里東西
六十里

定平縣縣上北至自漢至晉並泥陽縣地後魏至周並為

安定縣地大業十年於此築城置棗社驛武德二年於驛
分安定縣置平定縣其驛移出城北

豐義縣縣上東南至本漢彭陽縣地今縣理西四十里彭

陽故城是也後魏於縣理置雲州周武帝保定二年廢州
為防隋文帝廢防名為豐義城武德二年分彭原縣置豐

義縣因舊城為名屬彭州貞觀元年州廢縣屬寧州

慶州 順化 都督府 開元戶一萬七千九百八十一 鄉五十一

墾田

禹貢雍州之域古西戎地周本紀曰夏氏政衰后稷子不
窋奔戎狄之間今州理東南三里有不窋故城是也春秋
及戰國時為義渠戎國秦厲公伐併之虜其王義渠至始
皇時屬北地郡按今州理即漢郁城地理志屬化城郡後
漢郡境為虜所侵北地郡寄寓馮翊後魏文帝大統十一
年置朔州周武帝保定元年廢朔州為周武防隋文帝開
皇三年改置合川鎮十六年割寧州歸德縣置慶州立嘉
名也義寧元年為弘化郡天寶元年改為安化郡至德元
元和郡縣志

卷三

年改為順化郡

州境 東西二百五十三里 南北四百七十二里

八到 東南至上都五百七十里 東南至東都一千四百三十里

東北至延州四百四十里 東北至寧州六百二十里 東至鄜州三百九十里 西至原州三百四十里 南至寧州一百二十七里 北至鹽州五百七十二里

貢賦 開元 貢 牛蘇 麝香 賦 胡布

管縣十

順化 樂蟠 馬嶺 合水 華池
洛源 延慶 方渠 懷安 同川

順化縣

中郭下

本漢郁郅縣後漢迄晉戎虜所侵不立州縣

後魏及周以爲鎮防開皇十六年於今州城西南一里置

合水縣在馬嶺白馬二水口因以爲名屬慶州大業二年

以慶州爲弘化合水屬焉至武德二年改合水爲合州縣

取隋合川鎮爲名貞觀元年改爲弘化縣天寶元年改爲

安化縣至德元年改爲順化縣也

不窰墓在縣東二里

樂蟠縣

中北至州三十二里

本漢略畔道地也今縣理北五里略

畔故城是也後魏及晉爲虜所侵逼此地無復郡縣後魏

文帝於此置蔚州周武置北地郡隋開皇二年罷郡以彭

元和郡縣志

卷三

十四

陽襄樂二縣屬寧州義寧元年分合水縣置樂蟠縣屬弘

化郡取樂蟠城爲名也百官表云縣有蠻夷曰道按略畔

樂蟠皆指此城方言訛舛故不同耳

馬嶺縣

中東南至州六十七里

本漢舊縣屬北地郡漢末爲虜所

侵至後魏爲朔州之地隋大業元年分合水縣於此置馬

嶺縣復漢縣之舊名也十三年陷賊縣廢義寧二年於今

縣理北四十里百家堡置馬嶺縣屬弘化郡以縣西一里

有馬嶺坂因名

秦長城在縣西北一百二十六里即蒙恬所築也

合水縣

中西至州五十里

本漢略畔道之地在今縣西南三十八

里故城是也自後漢至晉此地皆無郡縣至後魏爲襄樂縣之地武德六年分合水縣置蟠交縣以城臨大小樂蟠二水交口因以爲名天寶元年改爲合水縣

華池縣下西南至州一百五十里本漢歸德縣地也按漢歸德縣今

洛源縣是隋仁壽二年於今縣東北二里庫多汗故城置華池縣因縣西華池水爲名屬慶州皇朝因之

子午山舊名翟道山在縣西四十五里

同川縣中下東南至州八十里本漢郁郅縣地義寧二年分寧州之

彭原縣西南十五里三泉故城置三泉縣屬弘化郡武德

元年改爲慶州縣屬焉仍改爲同川因同川城爲名

元和郡縣志

卷三

十五

洛源縣中下東南至州二百七十五里本漢歸德縣地屬北地郡後漢

更始二年封岑彭爲歸德侯謂此地也後漢迄晉無復郡

縣後魏文帝天統元年復置歸德縣大業元年改爲洛源

縣因洛水所出爲名皇朝因之

洛水源出白於山一名女郎山在縣北三十里

延慶縣中南至州四十里本漢郁郅縣地後魏於今縣理置翔州

隋開皇中改置合水縣武德六年移豐州戶住此仍分合

水縣置白馬縣西臨白馬川水爲名天寶元年改名延慶

縣

方渠縣中下東南至州一百八十里古慶匡州倉在馬嶺川內因渠爲

名景龍元年置取漢縣爲名縣西北馬嶺山諸谷水東南流經縣新置方渠堡因名之

懷安縣下南至州一百六十里右居近党項藩落開元十年檢逃戶

所置故以懷安爲名

鄜州洛交上開元戶三萬一百八十五 鄉五十一 元和戶七百五十 鄉十二

墾田

今爲鄜坊觀察理所

管州四

鄜州 坊州 丹州 延州

縣二十四 都管戶四千三百四十七

元和郡縣志

卷三

十六

禹貢雍州之域春秋時屬秦至始皇時地屬上郡漢爲上郡雕陰縣之地按漢雕陰在今洛交縣北三十里雕陰故城是也暨晉陷於戎羯不置州郡苻姚置杏城鎮後魏孝文廢鎮改爲東秦州孝明帝改爲北華州廢帝改爲鄜州因秦文公夢黃蛇自天降屬於地遂於鄜衍立鄜時爲名大業初復爲上郡武德元年復舊爲鄜州貞觀二年加爲都督府十六年罷鄜州城舊名立交城

州境東西二百六十七里 南北二百七十三里

八到東南至上都四百七十七里 東南至東都九百五十九里

北至丹州一百八十三里 西至慶州三百九十八里

南至坊州一百二十五里
北至延州一百五十里

貢賦開元元和

貢賦龍鬚席 賦麻布

管縣五

洛交 洛川 三川 直羅 甘泉

洛交縣繫 本漢雕陰縣地屬上郡雕山在西南故曰雕陰

魏省上郡晉為戎狄所居苻堅時為長城縣後魏及周為

三川縣隋開皇十六年分三川二縣置洛交縣屬鄜州洛

水之交故曰洛交皇朝因之

洛水在縣南一里

秦長城在縣東北三十里

元和郡縣志

卷三

十七

偽夏太后城在縣西三十六里赫連勃勃聞劉裕滅姚泓

命其子義真等守長安大悅自將兵入長安留太后於此

築城以居

洛川縣上 西北至 本漢鄜縣地後秦姚萇於此置洛川

縣以縣界有洛川水為名後魏置敷城郡開元三年罷郡

以縣屬鄜州

三川縣中 東北至 本漢翟道縣地右三水郡以華池水

黑源水及洛水三川同會因為名苻堅時於長城原置長

城縣屬長城郡後魏廢帝改為三川屬中部郡開皇三年

屬鄜州

直羅縣

中下 東至州一百里

本漢雕陰縣地後魏因之魏省雕陰

縣晉時戎狄所居後魏置三川郡隋開皇三年使戶部尚書崔仲方築城以居之城枕羅原水其川平直故名直羅城武德三年分三川洛交於此置縣因城爲名

大槃山在縣西北一百一十里

羅川水在縣南二里

甘泉縣

中下 南至州七十五里

武德元年分洛交縣於伏陸城置縣

取城爲名天寶元年改爲甘泉縣本漢雕陰縣城今在縣南四十里

伏陸山在縣理東北有阿伏斤谷其水出又潛流伏川陸

元和郡縣志

卷三

十八

故號伏陸天寶元年改爲甘川谷

坊州

中部下

開元戶一萬五千七百一十五

鄉四十四鄉十二

墾田

禹貢雍州之域古之翟國秦屬內史漢爲左馮翊翟道縣之地魏晉陷於夷狄不置郡縣劉石苻姚時於今州理西七里置杏城鎮常以兵守之後魏孝文帝改鎮爲東秦州孝明帝改爲北華州廢帝改爲鄜州元皇帝以周武帝時天和七年放牧於今州界置馬坊結構之處尚存武德二年高祖駕幸於此聖情永感因置坊州取馬坊爲名

州境

東西三百八十九里南北一百三十九里

八到東至上都三百五十里
東至東都九百里

東南至同州二百五十里
西南至邠州三百一十里

東北至丹州二百六十里
北至邠州一百五十里

貢賦開元
元和 貢 龍鬚席 象麻 弓絳麻

管縣四

中部 宜君 昇平 邠城

中部縣上 本漢翟道縣之地屬左馮翊魏晉戎翟所居後

秦姚興於今縣南置中部縣後魏文帝移入杏城後周改

為內郡屬邠州武德二年置坊州改為中部杏城在縣西

南五里相傳云漢將韓胡伐杏木為柵以抗北狄因以為

元和郡縣志 卷三 十九

名

宜君縣上 東北至
州一百里 前秦苻堅於役邠縣故城置宜君護

軍後魏太武改為宜君縣文帝大統五年又移於今華原

縣北貞觀十七年廢縣地入雍州二十年置玉華宮仍於

宮所置宜君縣屬雍州永徽二年與宮同廢龍朔三年坊

州刺史竇師倫奏再置玉華宮在縣北四里貞觀二十年

奉勅營造其地本縣人秦小龍宅太宗云小龍出大龍入

當時以為清涼勝於九成宮永徽二年有詔廢宮為寺使

以玉華為名寺內有肅成殿永徽中奉勅令玄奘法師於

此院譯經每言此寺即闍浮之兜率天也

昇平縣州上東至天寶十二年刺史羅希奭奏割宜君縣

西北三鄉置去宜君縣三十五里

廊城縣上東至本漢廊縣地屬左馮翊後漢省後魏於

今縣理置廊城縣屬廊城郡大業元年改廊坊州

丹州成平開元戶一萬二千四百二十二鄉三十五

墾田

禹貢雍州之域春秋時為白翟所居隋圖經云義州本春秋時白翟地今其俗

狄語訛耳近代號為部落稽胡自言白狄之後秦置三

十六郡屬上郡漢因之魏文帝省上郡其地晉時戎狄居

之符姚時為三堡鎮後魏文帝大統三年割廊延二州地

元和郡縣志

卷三

二十

置汾州理三堡鎮廢帝以河東汾州同名改為丹州因丹

陽川為名領義川樂川縣隋大業三年廢丹州於義川縣

置延平縣十三年為胡賊劉步祿所據義寧七年於義川

縣置丹陽郡武德元年改為丹州九年置都督府貞觀元

年罷府為州永徽二年移於赤石川

州境東西一百九十九里南北一百七十三里

八到西南至上都五百五十里東南至東都九百二十里

東至同州三百五十里南至坊州二百六十里

西至廊州一百八十里北至延州二百五十里

貢賦開元貢麝香 蠟燭 龍鬚席 賦 麻布

管縣四

義川 雲巖 汾川 咸寧

義川縣上郭下本漢上郡之地二漢因之魏省上郡其地至

晉為戎狄所居後魏文帝大統三年置義川縣屬義川郡

因川為名大業二年廢丹州義川屬延州義寧元年於舊

城復置丹州郡縣在城內永徽二年移於今理

雲巖縣中州七十三里東南至武德元年分義川縣置在庫利川南

有雲巖山因以為名

庫利川在縣郭南昔有奴賊居此川內稽胡呼奴為庫利

因名之

元和郡縣志

卷三

五

汾川縣上州七十里西南至本秦上郡地二漢因之魏省上郡後

魏孝文帝置安平縣理薛川屬樂川郡文帝改安平為汾

州開皇三年罷郡縣屬丹州大業二年屬延州武德元年

復屬丹州

黃河在縣東七里河岸頓狹狀似槽形鄉人呼為石槽蓋

禹治水鑿石導河之處石槽長一千步闊三十步懸水奔

流龜鼉魚鼈所不能遊

咸寧縣中下州四十五里西南至本秦上郡之地後魏孝文帝太和

十八年於白水川置永寧縣屬義川郡在今縣東三十里

永寧故縣是也文帝改為太平縣移於今所隋文罷郡屬

丹州十八年改太平縣為咸寧以界內有咸寧鎮為名

延州 延安 中都督府 開元戶一萬六千三百四十五 鄉六十

元和戶九百三十八 鄉十八

墾田

禹貢雍州之域春秋時白翟所居秦置三十六郡屬上郡在漢為上郡高奴縣之地今州理即上郡高奴縣之城也項羽三分秦地以董翳為翟王都高奴即其地也魏省上郡至晉陷為戎狄其後屬赫連勃勃後魏滅赫連昌以屬統萬鎮孝文置金明郡宣武帝置東夏州廢帝改為延州以界內延水為名置總管丹延綏三州開皇八年廢總管元和郡縣志

卷三

主

但為延州煬帝以為延安郡隋氏喪亂陷於殘寇武德元年百姓歸化置總管府開元二年為都督府尋罷府為州

州境 東西四百四十九里 南北三百五十一里

八到 西南至上都六百七十四里 東南至東都一千一百里

東至隰州三百六十里 東至鄜州一百五十里

東至慶州四百四十里 北至夏州四百里

貢賦 開元 貢 蜜蠟 麝香 賦 麻布 元和 貢 同

管縣十

膚施 延長 臨真 金明 豐林 延川

敷政 延昌 延水 門山

膚施縣上本漢舊縣屬上郡趙武靈王滅齊中山遷其

人膚施漢書匈奴南侵至朝那膚施即其處也魏晉陷戎

狄隋煬帝大業二年分豐林金明二縣於此置膚施縣復

舊名也屬延安郡皇朝因之縣有五龍山帝原水黃帝祠

清水俗名去斤水北自金明縣界流入地理志謂之清水

其肥可撚鮮卑謂清水為去斤水

斤一作筋

延長縣中東至州本秦膚施縣地後魏廢帝元年於丘

頭原置廣安縣隋仁壽元年以廣字犯皇太子名改為延

安縣大業末廢貞觀六年又置移於府北去斤川今縣是

也廣德二年改為延長

元和郡縣志

卷三

十三

臨真縣中西北至州本漢高奴縣地後魏文成帝置臨

真縣屬偏城郡周武帝天和元年稽胡叛攻破郡城遂移

於今理隋開皇元年改為臨真縣屬延安郡皇朝因之

金明縣中東南至洛縣屬金明郡隋開皇四年屬延州後仁壽元年以太子

名廣改為金明縣大業十三年省入膚施縣武德六年又

分置金明縣

豐林縣中下西至本漢高奴縣地後魏孝文帝置廣武

縣屬偏城郡在今理東四十里周宣帝改為豐林屬延州

皇朝因之

皇朝因之

琉璃山在縣北九十五里

延川縣中 西南至州一百五十里本秦臨河縣地漢不改後漢省後

魏分安人縣於此地置文安縣隋文帝改為延州取吐延川爲名皇朝因而不改

吐延水北自綏州綏德縣流入

敷政縣中 下 東北至州一百五十里本漢高奴縣地後魏太和初置因

城縣隋文開皇六年於其中置金城鎮武德二年移縣就鎮因改爲金城縣天寶元年改敷政

延昌縣中 南至州一百七十六里本漢高奴縣地開皇三年於此置

朔方鎮十年以北有朔方鎮遂廢貞觀九年置罷交鎮十年和郡縣志

卷三

五

年又置罷交縣屬延州取城北罷交谷爲名天寶元年改爲延昌縣

塞門鎮在縣西北二十里鎮本在夏州寧朔縣界開元年移就蘆子關南金鎮所安置

蘆子關屬夏州北去鎮一十八里

延水縣中 下 西至州二百一十五里本秦臨河縣之地史記秦滅六國

使蒙恬北擊匈奴悉收河內地因河爲塞築四十四縣城臨河徙謫吏以戍之漢因之在今縣理北十五里臨河故

城是也後魏於其中置安人縣并安人鎮屬東夏州隋文帝廢鎮置安人戍武德二年重置安人縣屬延州貞觀二

十三年改爲延水縣取吐延水爲名

黃河在縣東八里

門山縣

中 西至州二百一十五里

本漢定陽縣地周宣帝大象元年分

汾州雲巖二縣於今縣南六里置北有山形似門因以爲

名武德八年於今縣北五里宋斯堡置丹州廣德二年割

屬延州

黃河在縣東三十五里

元和郡縣圖志卷第三

元和郡縣志

卷三

十五

元和郡縣圖志卷第四

關內道四

靈武節度使 靈州 會州 鹽州

夏州節度使 夏州 綏州 銀州 宥州

振武節度使 單于都護府 東受降城

麟州 勝州

都防禦使 豐州 天德軍

中受降城 西受降城

靈州 靈武 大都督府 開元戶九千六百六

元和鄉戶

元和郡縣志

卷四

一

管州三

靈州 會州 鹽州

縣十

禹貢雍州之域春秋及戰國屬秦秦并天下為北地郡漢富平縣之地後漢安帝永初五年西羗大擾詔令郡人移理池陽順帝永建四年歸舊土其城赫連勃勃所置果園今桃李千餘株鬱然猶在後魏太武帝平赫連昌置薄骨律鎮後改置靈州以州在河渚之中水上下未嘗陷沒故號靈州周置總管府大業元年罷府為靈州三年又改為靈武郡武德元年又改為靈州仍置總管七年改為都督

府開元二十一年於邊境置節度使以遏四夷靈州常爲朔方節度理所朔方節度管兵六萬四千七百八人馬二萬四千三百疋永賜二百萬疋段

統經略軍 靈武郡城內管兵二萬七百人馬三千疋

豐安軍 靈武郡西黃河外一百八十餘里萬歲通天初置管兵八千人馬一千三百疋

定遠東城 靈武郡東北二百里黃河外景龍中韓公張仁愿置管兵七千人馬三千疋

西城 九原郡北黃河外八十里景龍中韓公張仁愿置管兵七千人馬一千七百疋西南去理所一千餘里

元和郡縣志

卷四

二

安北都護府 亦曰中受降城景龍中韓公張仁愿於黃河北岸置管兵六千人馬二千疋西南去理所一千三百里

東城 榆林郡東北二百里景龍中韓公張仁愿置管兵七千人馬一千七百疋西南去理所一千六百餘里

振武軍 單于都護府城內天寶中王忠嗣置管兵九千人馬一千六百疋西南去理所一千七百里

天寶元年又改爲靈武郡至德元年肅宗幸靈武即位陞爲大都督府乾元元年復爲靈州

州境

東五百八十里
南北八十里

八到 東南至上都一千二百五十里
東南至東都二千二百七十里

東南至鹽州三百里
東南至慶州六百二十里

西南至涼州九百里
北至磧南彌娥川水一千里

貢賦 開元 貢 甘草 青虫子 鹿皮 紅花
鳥翎 野馬皮 雜筋 麝香

鹿角膠 花蓂蓉 赤裡馬鞭

管縣六

迴樂 靈武 保靜 懷遠 鳴沙 温池

定遠城廢

迴樂縣 望郭下 本漢富平縣地屬北地郡在今縣理西南富

平故城是也後漢置迴樂縣枕黃河後魏刁雍為薄骨律

元和郡縣志 卷四 三

鎮將上表請開富平西三十里艾山舊渠通河水溉公私

田四萬餘頃人大獲其利孝文太和七年雍又上表論漕

運奉詔平高安定統萬 平高今屬原州安定
今涇州統夏今夏州 及臣所守四

鎮出車五千乘運穀五十萬斛付沃野鎮以供運糧臣鎮

去沃野鎮八百里道多深沙輕車往來猶以為難今載穀

二十五斛每至深沙必至滯陷又穀在河西轉至沃野越

渡大河計五千乘運十萬斛百餘日乃得一返大發生人

耕墾之業車牛艱阻雖可令至一歲不過三運五十萬斛

乃經三年臣聞鄭白之渠遠引淮海之粟沂流數千里周

年乃得一至猶稱國有儲糧人用安樂今求於崑崙山 在今

原州平高縣即今笄頭山語訛亦曰沂也山即嬀岵河水之次造船二百艘二船爲

一舫一舫乘二千斛一舫十人計湏千人臣鎮內之兵卒皆習水一運二十萬斛方舟順流五日而至自沃野牽上十日還到合六十日得一返從三月至九月三返運送六十萬斛計用人功輕於車運十倍有餘不費牛力又不廢田孝文帝善之下詔曰非但一運自可永爲式

溫泉鹽池在縣南一百八十三里周迴三十一里

薄骨律渠在縣南六十里溉田一千餘頃

安樂川在靈州南稍東一百八十里

長樂山舊名達樂山亦曰鐸落泉山以下有鐸落泉水

元和郡縣志

卷四

四

故名舊土渾部落所居今土蕃置兵守之

靈武縣

上東南至州十八里

本漢富平縣之地後魏破赫連昌收

胡戶徙之因號胡地城天和中於州東北置建安縣開皇十八年改爲大潤縣仁壽元年改爲靈武縣移入胡地城安置黃河自迴樂縣界流入

千金陂在縣北四十二里長五十里闊十里

漢渠在縣南五十里從漢渠北流四十餘里始爲千金大

陂其左右又有胡渠御史百家等八渠溉田五百餘頃

保靜縣

上西南至州六十里

本漢富平縣地後魏立弘靜鎮徙關

東漢人以充屯田俗謂之漢城隋改置弘靜縣神龍元年

改爲安靜至德元年改爲保靜

賀蘭山在縣西九十三里山有樹木青白望如駁馬北人呼駁爲賀蘭其山河東望雲山形勢相接迤邐向北經靈武縣又西北經保靜西又北經懷遠縣西又北經定遠城西又東北抵河其抵河之處亦名乞伏山在黃河西從首至尾有像月形南北約長五百餘里直邊城之拒防山之東河之西有平田數千頃可引水溉灌如盡收地利足以贍給軍儲也

懷遠縣上南至州一在州東北隔河一百二十里本名

飲汗城赫連勃勃以此爲麗子園後魏給百姓立爲懷遠

元和郡縣志

卷四

五

縣其城儀鳳二年爲河水汎損三年於故城西更築新城縣有鹽池三所隋廢紅桃鹽池鹽色似桃花在縣西三百二十里武平鹽池在縣西北一十二里河池鹽池在縣東北一百四十五里

廢靈武城在縣東北隔河一百里其城本蒙恬所築古謂之渾懷障即渾懷所理道故謂之靈武

新堡在縣西北四十里永昌元年置堡內安置防禦軍二千五百人糧五萬石舊名千金堡今名新堡

鳴沙縣上東北至州一百二十里本漢富平縣地屬安定郡在今縣

理東二百里原州周保定二年於此置會州建德六年廢

郡立鳴沙鎮隋文開皇十九年置環州以大河環曲爲名仍立沙鳴縣屬焉大業三年罷環州以縣屬靈武郡貞觀六年復置環州九年州廢以縣屬靈州神龍二年冬爲默啜所寇因而荒廢遂移縣於廢豐安城即今縣理是西枕黃河人馬行經此沙隨路有聲異於餘沙故號鳴沙

温池縣上西北至州一百八十里神龍五年置縣側有鹽池

定遠城廢在州東北二里即漢北地郡方渠縣之地先天二年郭元振以西城遠闊豐安勢孤中間千里無城烽候香渺故置此城有兵募健五千五百人以鎮之其後信安王禕更築羊馬城幅員一十四里

元和郡縣志

卷四

經略軍在夏州西北三百里天寶中王忠嗣奏於榆多勒城置軍今屬靈武節度本屬夏州南去靈武六百五十餘里元和九年於此城新置宥州

會州會寧開元戶三千五百四十鄉六
下府元和戶和戶

禹貢雍州之域古西羗地周太祖爲西魏相來巡會師於此土人張信罄資饗六軍太祖悅因命置州以會爲名周武帝保定二年廢州改爲會防隋開皇元年改防爲鎮武德二年討平李軌置西會州貞觀八年以此州倉儲殷實改爲粟州其年又爲會州天寶元年改爲會靈郡乾元元年復爲會州

州境東西五百一十里
南北三百三十里

八到東南至上都一千一百九十里
東南至東都一千五百里

東南至原州三百九十里
西南至蘭州三百八十里

西北至涼州五百四十里
東北至靈州五百三十里

貢賦開元 貢 覆鞍毯

管縣二

會寧 烏蘭

會寧縣上本漢鶡陰縣地周太祖置會寧縣屬會州大業二年改為涼州縣武德二年又改為會寧

黃河堰開元七年河流漸逼州城刺史安敬忠率團結兵

元和郡縣志

卷四

七

起作拔河水向西北流遂免淹沒

會寧關東南去州一百八十里

河池西去州一百二十里其地春夏因雨水生鹽雨多鹽

少雨少鹽多遠望似河故名河地

烏蘭縣上東南至州一百四十里本漢祖厲縣地屬安定郡後漢屬

武威郡前涼張軌收其縣人於涼州故武威縣側近別置

祖厲縣周武帝西巡於此置烏蘭關又置縣在會寧關東

南四里舊城內沙石不堪久居天授二年移於東北七里

平川置

鹽州五原 開元戶三千二十五 鄉七
中府 元和戶

禹貢雍州之域春秋爲戎狄所居地史記梁山經漆之北有義渠胸衍謂此也及始皇并天下屬梁州漢武元朔二年置五原郡地有原五所故號五原至晉地沒赫連勃勃後魏平之改爲西安州以其北有鹽池又改爲鹽池大業三年爲鹽州郡貞觀二年討平梁師都郡鹽州天寶元年改爲五原郡乾元元年復爲鹽州

州境

東西二百四十八里
南北二百七十里

八到

南至上都一千五十里
東至東都一千七百三十里

東北至經略軍四百里
南至慶州四百五十里

西北至靈州三百里
西北取烏地黑浮圖堡私至靈州四百里

元和郡縣志

卷四

八

貢賦

開元

貢

鹽上四十顆

管縣二

五原 白池

五原縣

上

本漢馬嶺縣地貞觀二年與州同置五原謂龍

遊原乞地千原青嶺原可嵐貞原橫槽原也

鹽池四所一烏池二白池三細項池四瓦窰池烏白兩池出鹽今度支收糶其瓦窰池細項池並廢

白池縣

上

州九十里

景龍三年勅置以近鹽池因以爲名

宥州廢在鹽州北百四十里調露元年於靈夏南界置魯麗倉塞依契等六州以處突厥降戶時人謂之六胡州長

安四年併爲匡長二州神龍三年復置蘭池都督府在鹽州白池縣北八十里仍分六州各爲一縣以隸之開元十一年康大賓叛亂於此尅定後遷其人於河南江淮諸州二十六年赦其餘黨遂於此置宥州以寬宥爲名也後爲寧朔郡領縣三懷德歸仁延恩寶應後廢其本未具新宥州

夏州

朔方

中都督府

開元戶六千一百三十二

鄉二十

今爲夏州綏銀節度理所

管州四

夏州

綏州

銀州

宥州

新置

元和郡縣志

卷四

九

縣十二

禹貢雍州之域春秋及戰國時屬魏秦併天下置三十六郡屬上郡漢武帝分置朔方郡後漢建武二十年罷二十七
年復置靈帝末羗胡爲亂塞下皆空至晉末赫連勃勃於
今州理僭稱大夏勃勃守屈丐朔方匈奴人父衛辰符堅
時爲西單于遂有朔方之地辰後爲後魏所殺勃勃殺高
平沒單于併其衆自稱大王於朔水之北黑水之南營起
都城即今州理是也名曰統萬城至子昌爲魏大武所滅
置統萬鎮孝文太和十一年改置夏州大業元年以爲朔
方郡隋末爲賊帥梁師都所據貞觀二年討平之改爲夏

州置都督府天寶元年改爲朔方郡乾元元年復爲夏州

也

州境東西二百一十五里南北七十里

八到東南至上都一千五十里東南至東都一千八百五十里

東至銀州一百八十里南東至延州四百里

西南至鹽州三百里西北至豐州七百五十里

貢賦開元 貢 角弓 氈 酥 苜 霜薺 賦 麻布

管縣四

朔方 德靜 寧朔 長澤

朔方縣上郭下本漢舊縣今縣理北什賁故城是漢末荒廢

元和郡縣志 卷四

後魏更置巖錄縣隋因之貞觀二年改爲朔方縣

契吳山在縣北七十里十六國春秋曰赫連勃勃北遊契

吳歎曰美哉臨廣澤而帶清流吾行地多矣自馬嶺以北

大河以南未之有也

無定河一名朔水一名奢延水源出縣南百步赫連勃勃

於此水之北黑水之南改築大城名統萬城今按州南無

奢延水唯無定河即奢延水也古今異名耳烏水出縣黑

潤東注奢延水本名黑水避周太祖諱改名烏水初統萬

城成勃勃下書曰今都城已建宜立美名朕方統一天下

君臨萬國宜以統萬爲名其城土色白而牢固有九敵峻

險非力可攻酈道元云統萬城蒸土加功雉堞雖久崇墉
若新

什賁故城在縣理北即漢朔方縣之故城也詩所謂王命
南仲城彼朔方是也漢武帝元朔二年收河南地置朔方
五原郡使校尉蘇建築朔方公孫弘數諫以爲罷敞中國
以奉無用之地願罷之上使朱買臣難弘發十策弘不得
一由是卒城之亦謂此也自漢至今常爲關中根植什賁
之號蓋蕃語也城西南有二鹽池大而青白青者名白青
鹽一名戎鹽入藥分也故白城一名契吳城在縣北一百
二十五里契吳山赫連中因山所築勃勃嘗所歎美故其
元和郡縣志

卷四

十一

子昌因立此城以立勃勃之廟

勃勃墓在縣西一十五里隋置白城鎮後廢

德靜縣

中下

西南至州八十里

蓋漢朔方縣地周武帝於此置彌渾

戍南有彌渾水因名隋改爲德靜鎮尋廢鎮爲縣皇朝因
之

無定河自朔方縣界流入

秦長城在縣西二里

寧朔縣

中下

西北至州一百二十里

本漢朔方地周於此置寧朔縣屬

化政郡自隋罷郡以縣屬夏州皇朝因之

賀蘭山在縣東北三十里

秦長城在縣北十里

長澤縣中下 東北至本漢三封縣地屬朔方郡今縣北

二十里三封故城是也後魏於此置長澤縣屬闡熙郡隋罷郡以縣屬夏州皇朝因之

闡熙故城在今縣西南二十里

百井戍在縣南八十里勃勃與禿髮擣檀戰處

胡洛鹽池在縣北五百里周迴三十里亦謂之獨樂池聲相近也漢有鹽官

綏州

上郡

開元戶八千七百十五

鄉二十八

下

元和戶八百四十

鄉一十二

禹貢雍州之域春秋時其地爲白狄所居七國時屬魏史元和郡縣志

卷四

十二

記曰魏有西河上郡秦併天下始皇置三十六郡爲上郡

漢高帝元年項羽立董翳爲翟王後廢復爲上郡漢武帝

徵六郡良家子爲羽林郎上郡即其一也按秦上郡城在

今州理東南五十里上郡故城是也自後漢末已來荒廢

年久俗是稽胡及赫連勃勃都於統萬上郡之地又爲赫

連部落所居後魏明帝神龜元年東夏州刺史張邵於此

置上郡廢帝元年於郡內分置綏州隋煬帝又改爲上郡

後又改爲雕陰郡以雕山在西南故名隋亂陷賊武德三

年百姓歸化遂於延州豐林縣置綏州總管貞觀二年討

平梁師都廢府移州於今理

州境東西南北

八到西南至上都一千
里東南至東都一千四
百里

東至石州二百七十
里至西夏州三千六十
里

西南至延州三百三十
里西北至銀州一百六
十里東北至太原五百
九十里

貢賦開元

賦貢麻布

管縣五

龍泉 延福 綏德 城平 大斌

龍泉縣中下郭下本秦膚施縣地二漢同後魏於此置上縣取

郡為名開皇三年上縣屬綏州大業二年改綏州為上郡

元和郡縣志

卷四

十三

又改為雕陰郡上縣咸屬焉皇朝因而不改天寶元年改
為龍泉

疏屬山亦名雕陰山即山海經云二負之臣曰危與二負
然窳窳帝乃桔之疏屬山即此也

無定河一名奢延水自銀州撫寧縣界流入

州城貞觀元年築實中四面石崖東面高八十尺西面高
百四十尺南面高四十尺北面高百二十尺周迴四里二
百步

上郡故城在縣東南五十里始皇使太子扶蘇監蒙恬於
上郡即此處也

吳兒城在縣西北四十里初赫連勃勃破劉裕子義真於
長安遂虜其人築此城以居之號吳兒城

延福縣

中下 西至州 一百一十里

本秦膚施縣地後魏置延陵縣理

延陵村隋文帝改爲延福皇朝因之

綏德縣

中下 北至州 一百里

本秦上郡之地二漢不改魏省上郡

後魏文帝分上郡南界丘尼谷置綏德縣隋不改皇朝因
之武德二年移於吐延水北即今理是也

城平縣

中下 東北至州 二百里

本秦膚施縣二漢不改後魏孝明帝

於今縣理西三十里庫仁川置城中縣隋改爲城平縣自
庫仁川移於今理屬上郡皇朝因之

元和郡縣志

卷四

十四

大斌縣

中下 東至州 一百一十里

本秦膚施縣之地後魏孝明帝神

龜元年於今縣東五里置大斌縣屬上郡周隋不改武德
七年於今城平縣界魏平故城改置因隋舊名大斌者取
稽胡懷化文武雜半之義

銀州

銀川 開元戶六千一百二十

鄉十九

禹貢雍州之域春秋時爲狄地秦并天下始皇分三十六
郡屬上郡漢爲河西郡圓陰縣之地晉十六國時爲戎狄所
屬符秦建元元年自驄馬城巡撫戎狄其城即今州理城
是也周武帝保定二年分置銀州因谷爲名舊有人牧驄
馬於此谷虜語驄馬爲乞銀大業二年廢銀州縣屬雕陰

郡隋末陷於寇賊貞觀二年梁師都都於此重置銀州天寶元年爲銀州郡乾元元年復爲銀州

州境東西二百七十一里南北三百二十八里

八到西南至上都一千六百里東南至東都一千四百里

東至石州界黃河一百六十里西至夏州一百八十里

東南至綏州一百六十里東北至麟州三百里

貢賦開元 貢 女稽布 麻布 粟

管縣四

儒林 真鄉 開光 撫寧

儒林縣中郭下本漢囿陰縣地以其在囿水之陰故名開皇

元和郡縣志 卷四 十五

三年於此置儒林縣屬銀州大業二年廢銀州以縣屬雕

陰郡貞觀二年重置銀州縣又屬焉

無定河自夏州界流入

真鄉縣中下州一百里西至漢囿陰縣地周武帝保定二年置今

縣屬銀州皇朝因之

茹蘆水源出縣理西北

開光縣中下州二百里西南漢囿陰縣地周武帝保定二年於今

縣理置開光郡宣帝大象二年廢郡置開光縣屬撫寧郡

開皇三年罷郡以縣屬銀州皇朝因之

撫寧縣中下州八十里北至本漢囿陰縣地魏廢帝於縣東撫寧

故城置撫寧縣屬撫寧郡開皇三年廢郡以縣移於今理屬銀州皇朝因之

無定河在縣北二十里

廢宥所在鹽州東北三百里開元十六年置寶應已後廢

事本未具新宥州

新宥州在夏州西北三百二十里在廢宥州東北三百里

東南取夏州路至上都一千三百里東去麟州六百里西南至靈州六百五十里北去天德軍六百

里東北中受降城五百六十里南去鹽州六百里本在鹽州北三百里初調露元年於靈州南界置魯麗舍

塞依契等六州以處突厥降戶時人謂之六胡州長安四年并爲匡長二州神龍三年復置蘭池都督府在鹽州白

元和郡縣志

卷四

十六

池縣北八十里仍分六州各爲一縣以隸之開元十一年

康待賓叛亂克定後遷其人於河南江淮諸州二十六年

還其餘黨遂於此置宥州以寬宥爲名也後爲寧朔郡領

縣三懷德延恩歸仁天寶中宥州寄理經略軍寶應已後

因循遂廢由是昆夷党項屢來寇擾元和八年冬回鶻南

過磧取拚城各路討吐蕃西城防禦使周懷義表至朝廷

大恐以爲回鶻聲言討吐蕃意是爲寇唯中書侍郎平章

事李吉甫以爲回鶻入寇且當斷絕和事不應便來犯邊

今之多士居平則橫生異議深沮邊計及聞邊警言又承虛

聲以洵朝廷冀因幾危搖動時事但當設備不足爲慮因

請自夏州至天德軍復置廢館一十一所以通急驛又請
夏州騎士五百人營於經略故城應援驛使兼護党項部
落上悉從之又上言曰國家舊置六胡州在靈州界內開
元中廢六州置宥州以領諸降戶天寶末宥州寄理於經
略軍蓋以謂居中可以總統蕃部北接天德南據夏州今
經略軍遠礙靈武通路乖越又不置軍鎮非舊制也請置
宥州理經略軍至九年五月詔復于經略軍城置宥州乃
爲上州於州郭下置延恩縣爲上縣改隸夏綏銀觀察使
取鄜城神策行營兵馬使鄭杲下兵士并家九千人以實
經略軍又置州之日版築之下掘得金二百五十四口悉
元和郡縣志

卷四

十七

堪烹飪識者以爲暗合前賢之規摹亦足以彰玄化之所
感也其金並散給諸營以資軍用又頃年每有回鶻消息
常須經太原取驛路至闕下及奏報到已失事宜今自新
宥州北至天德置新館十一所從天德取夏州乘傳奏事
四日餘便至京師

單于大都護府今爲振武節度理所

管州二

麟州 勝州

縣六

東受降城在朔州北三百五十里本漢定襄郡之盛樂縣

也後魏都盛樂亦謂此城武德四年平突厥於此置雲州
貞觀二十年改爲雲州都督府麟德三年改爲單于大都
護府垂拱二年改爲鎮守使聖曆元年改置安化都護開
元七年隸屬東受降城八年復置單于大都護府

州境

東西南北

八到

西南取太原路至上都一千九百二十里
東南至東都一千七百里

東南至河界靜邊軍一百二十里
南至朔州三百五十里

西南至成都一百二十里
北至黑沙磧口七百里

管縣一

金河

元和郡縣志

卷四

十八

金河縣

中郭下

天寶四年於城內置其振武軍景龍二年張

仁愿於今東受降城置天寶四年節度使王忠嗣移於此

金河即後魏什翼捷所都盛樂之地道武遷都平城即今

雲州所理是也

麟州

新秦下

天寶戶元和戶

禹貢雍州之域秦漢爲雲中郡隋開皇二十年置榆林縣

改爲勝州天寶元年王忠嗣奏割勝州連谷銀城兩縣置

麟州

州境

東西南北

八到

西南至上都一千四百六十里
東南至東都一千五百一十里

東至嵐州一百八十里
東至嵐州界黃河一百二十里河上有合水關
東北至勝州四百里
西南至銀州三百里

貢賦

管縣三

新秦 連名 銀城

新秦縣中郭下初漢武帝徙貧人於關中以西及朔方以南
謂之新秦天寶元年置以爲縣取漢舊名也

連谷縣中下州四十里南至本漢固陰縣地屬西河郡在今銀州

儒林縣界隋文帝於此置連谷鎮煬帝改爲連谷成大業

十三年廢成貞觀八年於廢成置連谷縣屬勝州天寶元

元和郡縣志

卷四

十九

年割屬麟州

連谷鎮縣理城中貞觀八年置

銀城縣中下州四十里北至本漢固陰縣地屬西河郡漢末大亂

匈奴侵邊雲中西河之間其地遂空訖於魏晉不立郡縣

後魏時置石城縣廢帝改爲銀城關武帝保定二年移于

廢石龜鎮城即今縣理是也貞觀因之屬勝州天寶元年

屬麟州

勝州榆林下府開元戶四千九十五 鄉十三

禹貢雍州之域春秋爲戎狄地戰國時爲晉趙地地理志
云雲中立五原本戎狄地趙有之始皇分三十六郡爲雲

中郡漢因之不改按漢雲中在今州理東地四十里榆林縣界雲中故城是也漢末大亂匈奴侵邊其城遂空晉末

赫連氏赫連勃勃稱夏都於統萬按統萬城在今州理西南八百里夏州是也後魏太武

平赫連昌之後託於周代往往置鎮不立縣郡隋文開皇

三年此置榆林縣七年又置榆林縣屬雲州二十年割雲

州之榆林富昌金河三縣置勝州立嘉名也煬帝大業五

年以勝州為榆林郡領榆林富昌金河三縣十五年郡人

郭子和以城入突厥武德四年郭子和歸國其地又陷梁

師都貞觀二年平師都三年仍隋舊理置勝州時柴紹劉

蘭破滅匈奴奪得河南之地因置州以決勝為名

元和郡縣志

卷四

二

州境東西南北

八到西南至上都一千八百五十三里東南至東都一千九百四十里

西南至麟州四百里西南至夏州九百里

南至銀州七百里北至豐州七百里

貢賦開元 胡布 麻布 粟

管縣二

榆林 河濱

榆林縣中下本漢沙南縣地屬雲中郡漢末北虜侵擾歷

魏晉及周此地皆無縣邑隋開皇七年置榆林縣地北近榆

林即漢之榆溪塞因名屬雲州二十年改屬勝州皇朝因之

黃河西南自夏州朔方界流入

又有大葭蘆水縣西二百二十里

小葭蘆水縣西二百四十里其間地甚良沃

平河水首受黃河隋文帝開之以通屯倉

金河泊在縣東北二十里周迴十里

雲中故城在縣東北四十里趙雲中城秦雲中郡也史記曰趙武靈王北破林胡樓煩所置秦因之

隋榆林宮在州城內煬帝大業三年置因榆林郡爲名其煬帝北巡陳兵塞表以威北狄因幸此宮突厥啟人可汗獻焉及兵器新帳因賦詩云云

元和郡縣志

卷四

二

榆林關在縣東三十里東北臨河秦却匈奴之處開皇三年於此置城置榆林關

河濱縣

中下

本漢沙南縣地屬雲中郡訖於魏晉此地不

立縣邑至後魏及周復銀城縣地隋時復爲榆林縣地貞觀三年於此置河濱縣東臨河岸因以爲名改雲州爲威州立嘉名也八年廢威州以縣屬勝州

黃河在縣東一十五步闊一里不通船楫即河濱關渡河處名君子津

河濱關在縣東北貞觀七年置

豐州

九原下府

今置都防禦使管 天德軍 西受降城 中受

降城

共都防禦使及天德軍使理在西城今移理舊天德軍

城

開元戶一千九百 鄉五 元和戶

禹貢雍州之域秦上郡之北境秦末沒胡武帝元朔二年使衛青逐去匈奴開置朔方領縣十理在三封在今豐州西一百里後漢因之靈帝末羗胡擾亂城邑皆空永嘉後匈奴衛辰父子新居其地辰子赫連勃勃自稱大單于統萬城也屬勃勃後魏太武擒滅赫連昌置統萬鎮孝文改置夏州其地又為夏州之地境周武帝於今永豐縣置永元和郡縣志

卷四

豐鎮隋文帝開皇三年於鎮置豐州後廢貞觀四年突厥降附又權於此置州都督府不領縣唯領蕃戶以史大柰為都督十一年大柰死復廢府以地屬靈州二十二年又分置豐州永徽九年於州復重置永豐縣四年於郭下又置九原縣麟德元年又置豐安縣天寶元年改為九原郡乾元元年復為豐州

州境

八到

南至上都一千八百里 南至東都一千二百九十里

東至勝州五百三十里

西南至靈州九百里

東南至夏州七百五十里 西北至河西城八十里

貢賦 開元

管縣二

九原 永豐

九原縣 中下郭下 本漢之廣牧舊地中郡部都尉所理其九原縣永徽四年重置其城周隋間俗謂之甘草城

永豐縣 中下州西一百十六里 本漢臨戎舊地後漢末廢北人又謂

之賀葛真城周武保定三年於此置永豐鎮開皇五年廢鎮置永豐縣武德六年省永徽九年復置

廢豐安縣在州東南四十里開皇六年於縣置豐安鎮麟德元年改爲豐安縣天寶末廢

元和郡縣志

卷四

十三

天德軍

舊理在西受降城權置軍馬於永清柵元和九年詔移理舊城 本安北都護貞觀

二十一年於今西受降城東北四十里置燕然都護以瀚海等六都督臯蘭等七州並隸焉龍朔三年移於磧北回紇

本部仍改名瀚海都護總章二年又改名安北都護尋移於甘州東北一千一十八里隋故大同城鎮垂拱元年置

同城鎮其都護權移理刪丹縣西南九十九里西安城景龍二年又移理西受降城開元十年又移理中受降城天

寶八年張齊丘又於可敦城置橫塞軍又自中受降城移理橫塞軍十二年安思順奏廢橫塞軍請於大同川西築

城置軍玄宗賜名曰大安軍十四年築城功軍移天安軍

理焉乾元後改爲天德軍緣居人校少遂西南移三里權
居永清柵其理所又移在西受降城自後頗爲河水所侵
至元和八年春黃河泛溢城南面毀壞轉多防禦使周懷
義上表請修築約當錢二十一萬貫中書侍郎平章事李
吉甫密陳便宜以西戎費用至廣又難施功請修天德舊
城以安軍鎮其大略曰伏以西城是開元十年張說所築
今河水來侵已毀其半臣量其事勢不堪重修若別築新
城所費殊廣計其人功糧食及改屋宇比及事畢不下三
十萬貫錢此但計費猶未知出入之處城南面卽爲水所
壞其子城猶堅牢量留一千人足得住居天德軍士合抽
元和郡縣志

卷四

五

居舊城豈可更勞版築虛棄錢物若三城是國家盛制仁
愿舊規亦湏得天德添兵然後有人修築按天德舊城在
西城正東微南一百八十里其處見有兩城本是永清柵
卽隋氏大同城舊理去本城約三里已下城甚窄小今隨
事宜置仍存天德軍額北城周迴一十二丈高四丈下闊
一丈七尺天寶十二載安思順所置其城居大同川中當
北戎大路南接牟那山南又是麥泊其地良沃遠近不如
天寶中安思順郭子儀等本築此城擬爲朔方根本其意
以中城東城連振武爲左翼又以西城豐州連定遠爲右
臂南制党項北制匈奴左右鈎帶居中處要誠長久之規

也尋屬祿山有事子儀留老弱於此城身率大衆河北討賊爲賊將宋星星所破縱火焚燒遂移天德軍永清柵別置理所於西城只緣添兵未得且因循併在一處力所不足實非遠圖臣久訪略已計科約修此城不過二萬貫錢今若於天德舊城隨事增飾因有移換仍取城隸於天德軍別置使名自爲雄鎮以聲勢可警殊鄰詔從之於是復移天德軍理所於舊城焉先是緣邊居人常苦室韋党項之所侵掠投竄山谷不知所從及新城施功之日遂有三萬餘家移止城內初議者又慮城大無人以實及是遠近奔湊邊軍益壯人心遂安沃野故城在軍城北六十里即元和郡縣志

卷四

十五

是後魏時六鎮從西第一鎮也

州境

東西南北

八到

西取寧遠鎮故落鹽池經夏州至上都一千八百里西南取渡河至豐州一百六十里

西北至橫塞軍城二百里

西至西受降城一百八十里

西南至新宥州六百里

東南至中受降城二百里

東受降城本漢雲中郡地在榆林縣東北八里今屬振武

節度

八到

城南至上都一千八百六十八里東南至東都取單于路一千八百二十里

東北至單于都護府一百二十里

東北至朔州四百里

西至中受降城三百里

北至磧口八百里

武川城今名里城後魏六鎮從西第三鎮在軍北三百里
自北出石門障即光祿城右入匈奴大路

光祿城東北有懷朔古城其城即後魏六鎮從西第二鎮
在今中城界向北化柵側近也

中受降城本漢九原郡地漢武帝元朔二年更名五原開
元十年於此城置安北大都護府後又移徙事具天德軍
敬本古城在中城北四十里鄭虔軍錄曰時人以張仁愿
河外築三城自古未有今敬本城周一萬八百七十二步
壕塹深峻亦古之堅守賈耽古今述曰以地理求之前代
九原郡城也

元和郡縣志

卷四

城南至上都一千八百六十里

東南至東都取單于路二千一百二十里

東至中受降城三百里

西北至天德軍二百里

南至麟州四百里

北至磧口五百里

西受降城

舊天德軍理於此城元和九年移理天德軍城

在豐州西北八十里蓋

漢朔方郡地臨河縣故理處開元初為河水所壞至開元
十年總管張說於故城東別置新城今城一本云其後城西南隅

又為河水所壞本末具天德軍

城南至上都一千八百八十里

東南至東都取單于路二百五十里

正東微南至天德軍一百八十里

東南渡河至豐州八十里
西南至定遠城七百里
北至磧口三百里
磧口西至回鶻衙帳一千五里

右三受降城景雲三年張仁愿所置也初突厥入寇朔方軍總管沙吒忠義爲賊所敗詔仁愿代之先是朔方軍比與突厥以河爲界河北岸有拂雲堆神祠突厥將入寇必先詣祠祭酹求福因牧馬料兵而後渡河時突厥默覈盡衆西擊突騎施婆葛仁愿奏請乘虛突取漢南之地於河北築三受降城首尾相應絕其南寇之路太子少師唐休璟以爲兩漢已來皆北守黃河今於寇境築城恐勞人費功終爲賊所有仁愿固請不已中宗竟從之仁愿表留年滿鎮兵以助其功時咸陽兵二百餘人逃歸仁愿擒獲盡斬之軍中股慄六旬而三城俱就以拂雲祠爲中城與東西兩城相去各四百餘里遙相應接北拓三百餘里於牛頭牟那山北置烽堠一千八百所自是突厥不得度山放牧朔方無復寇掠減鎮兵數萬人初三城不置壅門及曲敵戰具或問曰邊城禦賊之所不爲守備何也仁愿曰寇若至此當併力出戰迴顧望城猶湏斬之何用守備生其退恐之心其後常元楷爲總管始築壅門議者劣之

元和郡縣圖志卷第四



元和郡縣圖志卷第五

河南道一

河南府

開元戶一十二萬七千四百四十一
元和戶一萬八千七百九十九

鄉二百



禹貢豫州之域在天地之中故三代皆為都邑陽翟夏域
禹都也偃師西亳湯都也周成王定鼎於郊鄆使召公先
相臺乃卜澗水東澠水西是為東都今苑內故王城是也
又卜澠水東召公往營之是為成周今河南府東故洛城
是也至赧王獻地於秦莊襄莊襄王立為三川郡三川伊洛河也
漢改為河南郡後漢光武建武元年入洛陽遂定都焉及
董卓逼遷獻帝西都長安盡燒洛陽宮廟後又都為魏文
元和郡縣志

卷五

一

帝受禪亦都洛陽陳留王以司隸校尉所掌置司州領河
南河東河內弘農平陽五郡晉武受禪司州不改永嘉初
劉曜叛亂司州沒胡後又沒於石勒東晉穆帝永和元年
桓溫入洛陽置河南郡宋武北平關洛復置司州後魏孝
文太和十七年六宮文武盡遷洛陽改為河南尹至周宣
帝移相州六府於洛州以為東京隋文帝改六府為六尚
書省又置河南道行臺省仁壽四年煬帝詔楊素營東京
大業元年新都成遂徙居今洛陽言是也其宮北據卬山
南直伊闕之口洛水貫都有河漢之象東去故城一十八
里初煬帝嘗登卬山觀伊闕顧曰此非龍門耶自古何因

不建都於此僕射蘇威對曰自古非不知以俟陛下帝大
悅遂議都焉其宮室臺殿皆宇文愷所創也愷巧思絕倫
因此制造頗窮奢麗前代都邑莫之比焉又改洛州爲豫
州罷牧三年罷州爲河南郡置尹四年改東京爲東都十四
年復置洛州隋亂王充僭號稱鄭改爲司州武德四年討
平充復爲洛州仍置總管府其冬罷府置陝東道大行臺
太宗爲大行臺尚書令九年罷臺置洛州都督府貞觀十
八年廢府顯慶二年置東都則天改爲神都神龍元年復
爲東都開元元年改洛州爲河南府天寶元年改東都爲
東京至德元年復爲東都

元和郡縣志

卷五

二

府境

東西六百二十里
南北

八到

西至上都八百五十里
東至鄭州二百八十里

東北至懷州一百五十里
西至陝州三百五十里

東南至汝州一百七十里

東南取嶧嶺路至陽翟縣二百四十里

從縣至許州九十里

貢賦

開元貢

綾絹

白瓷器

管縣二十六洛陽

河南

偃師

緱氏

鞏縣

伊闕

密縣

王屋

長水

伊陽

河陰

陽翟

潁陽

告成

登封

福昌

壽安

澠池

永寧

新安

陸渾

河陽

溫縣

濟源 汜水 河清

河陽等五縣今權
隸河陽三城節度

洛陽赤本秦舊縣歷代相因貞觀六年自金墉城移入郭
內毓德坊今理是也神龍初改爲永昌尋復舊號故洛陽
城在縣東二十里按華延雋洛陽記云洛陽城東西七里
南北九里洛陽城內宮殿臺觀府藏寺舍凡有一萬一千
二百一十九門自劉曜入洛元帝渡江官署里閭鞠爲茂
草後魏孝文太和十七年幸洛陽巡故宮遂詠黍離之詩
爲之流涕觀石經仍定邊都而經始洛京十九年九月新
都始立於是六宮文武盡遷洛陽

洛水在縣西南三里西自苑內上陽之南彌漫東流宇文
元和郡縣志

卷五

三

愷斜堤束令東北流當水衝捺堰九所形如偃月謂之月
坡今雖漸壞尚有存者

河南縣赤本漢舊縣後魏靜帝改爲宜遷縣周宣帝復爲
河南隋仁壽四年遷都移縣於東都城內寬政坊即今縣
是也永昌元年以明堂初成改爲合宮縣神龍初復舊二
年復爲合宮景雲初復舊

洛水在縣北四里伊水在縣東南十八里

瀍水在縣西北六十里禹貢曰伊洛瀍澗既入於河孔安
國注曰出河南北山水經云源出河南穀城縣北今驗水
西從新安縣東入縣界

天津橋在縣北四里隋煬帝大業元年初造此橋以架洛水用大船維舟皆以鐵鑠鈎連之南北夾路對起四樓其樓爲日月表勝之象然洛水溢浮橋輒壞貞觀十四年更令石上累方石爲脚爾雅牛斗之間爲天漢之津故取名焉

中橋咸通三年造累石爲脚如天津橋之制

通津渠在縣南三里隋大業元年分洛水西北名千步磧渠東北流入洛水謂之洛

偃師縣西南至府七十里本漢舊縣帝嚳及湯盤庚並都之商有

二亳成湯居西亳即此是也至盤庚又自河北徙理於亳

元和郡縣志

卷五

四

商家後此而改號曰殷武王伐紂於此築城息偃戎師因以名焉天寶七年四月河南尹韋濟奏於偃師縣東山下開驛路通孝義橋廢北坡義堂路焉

北邙山在縣北二里西自洛陽縣界東入鞏縣界舊說云北邙山是隴山之尾乃衆山總名連嶺修亘四百餘里

首陽山在縣西北二十五里

盟津在縣西北三十一里

緱氏縣西北至府六十三里本漢縣古滑國也左傳曰秦師滅滑其

後屬晉至秦漢爲縣因山爲名大業十年移據公路澗西憑岸爲城即今縣是也

緱氏山在縣東南二十九里王子晉得仙處

轅轅山在縣東南四十六里左傳欒盈過周王使後出諸轅轅注曰緱氏縣東南有轅轅關道路險隘凡十二曲將去復還故曰轅轅後漢河南尹何進所置八關此其一也鄂嶺坂在縣東南三十七里晉八王故事曰范陽王保於鄂坂後於其上置關

洛水自西洛陽縣界流入

曹城在縣東一里曹操與袁術相拒築城於此

表術固一名表公塢在縣西南十五里宋武北征記曰少室山西有表紹固可容十萬衆一夫守隘萬人莫當

元和郡縣志

卷五

五

公路壘在縣南三里表術與曹公相拒處

鈎鑠故壘在縣東北七里宋書司馬休之從宋公西征營於拍谷塢西即此壘相連如鎖因以爲名也

鞏縣

西至府一百四十里

古鞏伯之國也春秋晉師尅鞏戰國時韓

獻於秦至漢以爲縣屬河南郡大業十三年李密自潁川率群盜十餘萬襲破洛口倉因據鞏縣仍築城斷洛川包南北山周迴三十餘里屯營其中後爲王充所破縣本與成臯中分洛水西則鞏東則成臯後魏并焉按爾雅鞏固也四面有山河之固因以爲名

天陵山在縣東南六十里

黃河西自偃師縣界流入河於此有五社波又有五社津後漢朱鮪遣賈强從五社津波是也

洛水東經洛汭北對郎耶渚入河謂之洛口亦名什谷張儀說秦王下兵三川塞什谷之口即此也

伊闕縣

北至府七十里

古戎蠻子國漢爲新城縣屬河南郡周武

帝時屬伊川郡開皇十八年罷郡改爲伊闕縣

伊闕山在縣北四十五里兩山相對望之若闕伊水流其間故名

陸渾山俗名方山在縣西五十五里

伊水西自陸渾縣界流入左傳秦晉遷陸渾之戎於伊川

元和郡縣志

卷五

六

伊闕故闕在縣北四十五里何進八闕之一

密縣

西南至府一百十里

本漢舊縣古密國也春秋諸侯伐鄭圍新

密漢屬河南郡隋大業二年廢十二年又置武德三年於

此置密州四年廢州以縣屬鄭州龍朔二年割屬河南府

爾雅曰山如堂者曰密因以爲名

大隗山在縣南東五十里本具茨山黃帝見大隗於具茨之山故亦謂之大隗山灑水源出於此

馬嶺山在縣南十五里洧水所出

王屋縣

東南至府一百里

本周時邵康公之采邑漢爲垣縣地後

魏獻文帝分垣縣置長平縣周明帝改爲王屋縣因山爲

名仍於縣置王屋郡太和元年又爲西懷州開皇三年改爲邵州大業三年廢邵州以縣屬懷州明慶二年割屬河南府

齊子嶺在縣東十二里即宇文周與高齊分據境之處也黃河在縣南五十里

王屋山在縣北十五里周迴一百三十里高三十里禹貢底柱析城至於王屋是也

析城山在縣西北六十里峯四面其形如城有南門焉故曰析城

長水縣東至府二百三十里本漢盧氏縣地後漢晉宋不改後魏宣

元和郡縣志

卷五

七

武帝分盧氏東境置南陝縣屬弘農郡西魏廢帝改爲長淵義寧元年以犯高祖廟諱改爲長水貞觀八年自號州

割屬穀州明慶二年屬河南府穀州今新安縣所理是也

伊陽縣北至府二百六十里本陸渾縣南界之地先天元年割置伊

陽縣

伊水路在縣西南出鸞掌山東流水經云出南陽魯縣蔓蕰山東北過陸渾縣南又東北過伊闕中又魯北入於洛多雨暴漲諸峽束水之處其高或七八丈故伊闕石壁有石銘云黃初四年六月二十四日辛巳大水出高四丈五尺

銀鈔窟在縣南五里今每歲稅銀一千兩

河陰縣

西南至府二百三十里

本漢滎陽縣地開元二十二年以地

當汴河口分泥水滎澤武陟三縣地於輸場東置以便運漕即侍中裴耀卿所立初耀卿爲宣州刺史開元十八年因朝集上便宜曰竊見江淮諸州所送租庸等本州正月二月上道至揚州入斗門即逢水淺停留一月已上四月已後始度淮入汴多屬乾淺又般連停留至六月七月方至河口即遇黃河漲溢不得入河又須停一兩月待河水較小始得上河入洛即又漕洛乾淺船艘不通計從江南至東都停滯日多得行日少艱辛欠折因此而生伏見國元和郡縣志

卷五

八

家舊法河口元置武牢倉江南船不入黃河即於倉內便貯也鞏縣置洛口倉從黃河不入漕洛即於倉內安置爰及河陽倉柏崖倉太原倉永豐倉渭南倉節級取便例皆如此水通利則隨近運轉不通即且納在倉不滯遠船不生隱盜每年剽得一二百萬石即數年之外倉廩轉加至二十二年以耀卿爲相兼轉運都使於是遂分至置河陰縣及河陰倉河清縣置柏崖倉三門東置集津倉三門西置鹽倉三門北鑿山十八里陸行以避湍險自江淮來者悉納河陰倉自河陰候水調浮漕送含嘉倉又取曉習河水者遞送太原倉所謂北運也自太原倉浮渭以實關中凡三

年運七百萬石省脚三十萬貫及耀御罷相後緣北路險澁頗爲隱欺議者言其不便事又停

汴渠在縣南二百五十步亦名葭蕩渠禹塞滎澤開渠以通淮泗後漢初河汴決壞明帝永平中命王景修築渠堤十里立一水門令更相注洄無復潰漏之患自宋武北征之後復皆堙塞煬帝大業元年更令開導名通濟渠自洛陽西苑引穀洛水達於河自板渚引河入汴口又從大梁之東引汴水入于泗達于淮自江都宮入于海亦謂之御河河畔築御道樹之以柳煬帝巡幸乘龍舟而往江都自揚益湘南至交廣閩中等州公家運漕私行商旅舳艫相

元和郡縣志

卷五

九

繼隋氏作之雖勞後代實受其利焉

汴口堰在縣西二十里又名梁公堰隋文開皇七年使梁睿增築漢古堰過河入汴也

三皇山亦曰巖高山上有三城即劉項相持處春秋左氏傳曰晉師在敖郟之間亦此也

陽翟縣

西北至府二百四十里

本夏禹所都春秋時鄭之櫟邑韓自

宜陽移都於此秦爲潁川郡楚漢之際韓公子成爲韓王項羽殺成立鄭昌漢元年又誅昌立橫野君信六年徙信太原公復置潁川郡領縣二十里陽翟潁州屬縣後魏復置陽翟郡開皇十六年廢郡置嵩州以縣屬焉大業三年隸

襄城郡武德中人隸嵩州貞觀元年廢入許州建都後改屬河南府

釣臺在縣南十五里左氏傳曰夏啓有釣臺之饗也

潁陽縣西北至府九十里古綸氏縣本夏之綸國也少康之邑在

漢屬潁川晉省後魏太和中於綸氏縣城置潁陽縣屬河南戶又分潁陽置瑤陽縣開皇六年改瑤陽為武林十八年又改為綸氏大業元年改為嵩陽載初元年又改為武林開元十五年改為潁陽

大石山一名萬安山在縣西北四十五里

倚箔山望之如立箔山西北崖下有鐘乳隋時充貢

元和郡縣志

卷五

十

陽乾山在縣東二十五里潁水一源出陽乾山

大谷口在縣西北三十五里孫堅停兵大谷距洛陽九十里即此谷

大谷故關在縣西北四十五里何進八關之一也

告成縣西北至府一百七十里

本漢陽城縣屬潁川郡因陽城山為名後魏置陽城郡屬司州開皇三年廢郡以縣屬洛州十六年於此置嵩州仁壽四年省嵩山以縣屬河南郡萬歲登封元年則天因封中嵩改名告成

許由山在縣內十三里

嵩高山在縣西北二十三里

少室山在縣西北五十里

陽城山在縣東北三十八里

鬼谷在縣北五里即六國時鬼谷先生所居也

測景臺在縣城內西北隅高一丈開元十年詔太史監南宮說立石表焉

登封縣西北至府一百三十五里

本漢嵩高縣武帝元封元年置以奉太室後省入陽城累代因之高宗將有事於中岳分陽城緱氏置嵩城縣萬歲登封元年則天因封岳改爲登封

元和郡縣志

卷五

二

嵩高山在縣北八里亦名方外山又云東曰太室西曰少室嵩高總名即中岳也山高二十里周迴一百三十里

少室山在縣西十里高十六里週迴三十里潁水源出焉

潁水有三源石水出陽乾山之類谷中水導源少室左右水出少室南溪東合潁水

開母祠縣東北七里漢書武帝祀中嶽見夏啟母石是也應邵云啓生而母化爲石淮南子亦同嵩山記陽翟婦人今龕中鑿石像其名漢安帝延光三年立

福昌縣東至府一百五十里

古宜陽地春秋時屬晉七國時屬韓漢以爲縣屬弘農郡後漢建武三年馮異被赤眉於嶠底餘衆走向宜陽帝自

征之赤眉君臣面縛即此地也義寧二年於此置宜陽郡
武德元年改爲穀州改宜陽縣爲福昌縣取縣西隋宮爲
名明慶二年廢穀州以縣屬河南府今縣城即魏一全塢
城東南北三面天險峭絕後周置重兵於此以備高齊
女几山在縣西南三十四里

壽安縣

東北至府七十六里

本漢宜陽縣地後魏分新安置甘掌縣隋開皇三年以縣
屬熊州十六年改爲穀州仁壽四年改名壽安縣貞觀七
年改屬河南府

石墨山在縣西南三里山石如墨可以書

元和郡縣志

卷五

十一

洛水西自福昌縣界流入

少水今名慈澗水出縣北

八關故城在縣東北三十里後漢靈帝中平元年以河南
尹何進爲大將軍將五營士屯都亭置函谷大城伊闕大
谷輶轅旋門平津孟津等八關都尉官理於此

永濟橋在縣西十七里煬帝大業三年置架洛水隋亂毀廢
貞觀八年修造舟爲梁長四十丈三尺廣二丈六尺

澠池縣

東至府一百五十里

本韓地哀侯東徙其地入秦漢以爲縣屬弘農郡隋文帝
時屬熊州

熊州今河南府
福昌縣是也

十六年改屬穀州明慶二年廢

穀州縣屬河南府

廣陽山亦名澠池山在縣東北五十五里

穀水南去縣二百步東經秦趙二城俗謂之俱利城

東城在縣西十三里

西城在縣西四十里昔秦趙會於澠池之處

大塢故城在縣北十五里後魏武帝入關使行臺楊騰出關

安撫騰因舊城置大塢鎮

永寧縣東至府二百里

漢澠池縣之西境後漢晉宋不改後魏文帝於今縣東四

十里置北宜陽縣屬宜陽郡廢帝二年改爲熊耳縣義寧

元和郡縣志

卷五

十三

二年置永寧縣屬宜陽郡貞觀元年改屬河南府

二嶠山又名嶽崮山在縣北二十八里春秋時秦將襲鄭

蹇叔哭送其子曰晉人禦師必於嶠嶠有二陵其南陵夏

后臯之墓北陵文王之所避風雨必死是間漢建安中曹

公西討巴漢惡其險更於山下路側有石銘曰晉太康三

年弘農太守梁柳脩復舊道西征記嶠上不得鳴鼓角則

風雨總至自東嶠至西嶠三十五里東嶠長坂數里峻阜

絕澗車不得方軌西嶠全是石坂十二里險絕不異東嶠

熊耳山在縣東北四十五里後漢世祖破赤眉積甲宜陽

縣城西與北山齊按禹貢導洛自熊耳在商州上洛縣界

與此別也

穀陽山在縣西北五十五里漢書地理志穀水出穀陽山
回谿俗名迴坑在縣東北三十六里馮異與赤眉戰敗於
此璽書勞曰始垂翅於迴谿終奮翼於澠池可謂失之東
隅收之桑榆

新安縣

東至府七十里

本漢舊縣屬弘農郡晉改屬河南郡後魏屬新安郡周武
帝保定三年省新安郡又於今縣理置中州建德六年省
中州又置新安郡隋開皇六年改置穀州貞觀元年新安
屬河南府

元和郡縣志

卷五

十四

穀水在縣南二里國語曰穀洛閭壤王宮是也縣城本名
通洛城周武帝將東封令陝州總管尉遲綱築此城以臨
齊境

白超故城一名白超壘一名白超塢在縣西北十五里壘
當大道左右有山道從中出漢末黃巾賊起白超築此壘
以自固東魏修築爲城因名白超城

函谷故關在縣東一里漢武帝元鼎三年爲楊僕徙關於
新安按秦函谷關在今陝州靈寶西南一二里靈寶縣以
其道險隘其形如函故曰函谷項羽坑秦降卒於新安即此
地今縣城之東有南北塞垣楊僕所築

慈澗故鎮在縣東南二十里周武帝保定六年置武德三年討王充前軍鎮北太宗以輕騎擊破之充拔鎮歸於東都

陸渾縣

東北至府一百三十里

本陸渾戎所居春秋時秦晉遷陸渾

之戎於伊川至漢爲陸渾縣屬弘農郡後屬河南尹後魏改爲伏流縣大業元年省伏流縣移陸渾縣於今理

三塗山在縣西南五十里左傳曰四嶽三塗陽城大室九州之險

明臯山在縣東北十五里

伊水在縣西南自虢州盧氏縣界流入

元和郡縣志

卷五

五

伏流城即今縣理城東魏孝靜帝武定二年所築以城北焦澗水伏流也下西有伏流坂因以爲名

河陽縣

西南至府八十里

自河陽已下至河清等五縣今權隸三

城節度本周司寇蘇忿生之邑後爲晉邑在漢爲河陽縣屬河內高齊省入溫軹三縣開皇十六年分溫軹二縣重置屬懷州武德四年平王充後割屬河南府

南城在縣西四面臨河即孟津之地亦謂之富平津後魏使高永樂守河南以備西魏即此也周隋爲官貞觀置鎮中渾城東魏孝靜帝元象元年築之仍置河陽關天寶已前亦於其上置關縣西南十三里古遮馬提即後魏爾朱

榮殺朝士千三百餘人於此

謹按至德中史思明之來寇也時李光弼已至東都聞思
明將至乃移牒留守及河南尹并留司官坊市居人令悉出
避寇空其城乃率麾下士馬數萬東守河陽三城拒逆賊
賊黨初謂光弼自洛而西及聞保河陽出其慮外疑懼久
之不敢犯宮闕光弼訓練招集威聲大震賊雖入城悼光
弼兵威南不出百里西不越畿內陝州得修戎備關隘無
虞皆光弼保河陽之力故自乾元已後常置重兵貞元後
加置節度爲都城之巨防造浮橋架黃河爲之以船爲脚
竹篲亘之晉陽秋云杜元凱造河橋於富平津卽此是也

元和郡縣志

卷五

六

船篲出洪州

温縣

西南至府百三十里

本周畿內司寇蘇公之邑春秋周襄王賜晉文公漢以爲
縣屬河內郡大業十三年自故温移於今所皇朝建都割
屬河南府

濟源縣

南至府一百二十里

古軹邑屬魏秦昭王時伐魏取軹漢文帝時封薄昭爲軹
侯屬河內郡開皇十六年分軹縣置濟源縣屬懷州以濟
水所出因名明慶元年割屬河南府

濟水在縣西北三里平地而出有二源其東源周迴七百

步深不測西源周迴六百八十五步深一丈皆繚之以周
墻源出王屋山海經云王屋之山聯水出焉郭璞注云
聯流水之源尚書禹貢云導沅水東流爲濟入於河溢爲
滎孔安國注云濟水入河並流十數里而南截河又並流
數里溢爲滎澤按禹貢導沅水東流爲濟入於河溢爲滎
東出於陶丘北又東至於荷又東北會於汶又北東入於
海顏師古云沅水而爲濟截河內爲滎澤陶丘今在曹州
定陶西南荷澤過荷澤又與汶水會北折而東入於海也
按流水出今王屋縣山東流至濟源縣而名濟水滎澤在
今鄭州滎澤縣定陶令曹州濟陰縣也荷澤在今兗州魚
元和郡縣志

卷五

十七

臺縣汶水出今兗州萊蕪縣然濟水因王莽末旱渠涸不
復截河南過今東平濟南淄川北海界中有水流入於海
謂之清河實荷澤汶水合流亦曰濟河蓋因舊名非本濟
水也而水經是和帝已後所撰乃言濟水南過滎澤至於
乘氏等縣一依禹貢舊道斯不詳之甚也酈元又從而注
之尤爲批繆矣

百尺溝在縣東北六里引濟水溉灌仁壽三年置初分功人
穿十丈故名百尺溝

河清縣

南至府六十里

本漢軹縣地縣西有柏崖故城即東魏將侯景所築武德

初於城東置太基縣八年省咸通四年重置先天元年以
犯玄宗廟諱改名河清

汜水縣 西南至府一百八十里

古東虢國鄭之制邑漢之成臯縣一名武牢穆天子傳曰
天子獵於鄭國有獸在葭中七萃之士擒之以獻天子命
蓄之東隅因曰武牢漢楚之際項羽使海春侯曹咎守

漢王破之咎自殺至宋武帝北平關洛置司州刺史理武
牢魏使奚斤攻宋司州刺史毛德祖經二十日尅之城中傷者
無血知其乏水潛作地道其穴猶存開皇十八年改成臯
焉汜水縣大業十三年陷於王充武德四年討平充復於
元和郡縣志

卷五

十八

縣理置鄭州貞觀七年移鄭州於營城以縣屬焉明慶二
年改屬河南府垂拱四年改名廣武縣神龍元年復爲汜
水開元二十九年自武牢城移於今理
黃河自鞏縣流入

汜水出縣東南三十二里浮戲山經武牢城東漢破曹咎
於此

成臯故關在縣東南二里

旋門關在縣西南十里即八關之一

汜口去縣五十里今屬河陰

坂渚在縣東北三十五里初竇建德衆數十萬自于坂渚

結陣南屬鵲山以臨汜水太宗帥輕騎擊之賊衆大潰建
德竄於牛渚將軍白一讓生獲先是童謡云豆入牛口勢
不得久果敗於此牛口渚與坂渚邈迤相接

等慈寺在縣東七里王師旣破建德有詔於戰所起寺立
碑紀功焉令顏師古爲其碑文

元和郡縣圖志卷第五

元和郡縣志

卷五

十九

元和郡縣圖志卷第六

河南道二

陝虢觀察使

陝州

虢州

汝州

陝州陝郡都督府

開元戶四萬七千三百二十二
元和戶八千七百

鄉五十六
鄉六十六

今為陝虢觀察使理所

管州三

縣一十四

都管戶一萬一
千九百四十七

墾田

陝州

虢州

汝州

禹貢豫州之域周為二伯分陝之地公羊傳曰自陝以東

周公主之自陝以西召公主之又為古之虢國今平陸縣

地是也戰國時為魏地後屬韓秦并天下屬三川郡漢為

元和郡縣志

卷六

一

弘農郡之陝縣自漢至宋不改後魏孝文太和十一年置

陝州以顯祖孝文皇帝諱弘改為恒農郡十八年罷陝州

孝武永熙中重置西魏文帝大統三年又罷周明帝復置

屯兵於此以修齊隋大業二年復罷以其地屬河南郡義

寧元年改置弘農郡武德元年改為陝州廣德元年改為

大都督府

謹按陝城蒲牢與彭城滑臺壽陽懸瓠屢經攻守皆中夏

之要云

州境

東西二百五十二里
南北隔河二百四十六里

八到

西至上都五百一十里
東至東都三百五十里

西南至虢州一百三十三里
北至絳州一百里

西至潼關二百里
西北至河中府二百四十五里

貢賦

開元貢

駝絹綿絲布

柏子仁

瓜

蓼

管縣八

陝縣

硤石

靈寶

夏縣

安邑

平陸

芮城

垣縣

陝縣

望郭下

本漢縣也歷代不改後魏改為陝中縣西魏去

中字周名帝於陝城內置峭郡以陝峭二縣屬焉開皇罷

郡以縣屬陝州陝原在縣西南二十五里

虢山在縣西二里臨黃河黃河自靈寶界流入後漢獻帝

元和郡縣志

卷六

二

東歸至陝議者欲令天子浮河東下太尉楊彪曰從此以

東有三十六灘非萬乘所當從也乃止

曹陽墟俗名七里澗在縣西南七里獻帝東遷李催郭汜

追戰於弘農東澗天子遂露次於曹陽之墟謂此地也

州里城即古虢國城西征記曰陝縣周召分職處南倚山

原北臨黃河懸水百餘仞臨之者皆為悼慄

故焦城在縣東北百步

太原倉在縣西南四里隋開皇二年置以其北臨焦水西

俯大河地勢高平故謂之太原今倉實中周迴六里

太陽故關在縣西北四里後周大象元年置即茅津也春

秋時秦伯伐晉自茅津濟封峭尸而還

徽伯故壘在縣南二里高觀使李徽伯戍陝周太祖攻之徽伯築壘於此拒太祖

北利人渠開皇六年文帝建邳國公蘇威引橐水西北入城百姓賴其利故以爲名

南利人渠東南自硤石界流入與北渠同時疏導

太楊橋長七十六丈廣二丈架黃河爲之在縣東北三里貞觀十一年太宗東巡遣武侯將軍丘行恭營造

陝石縣望西至府五十里

本漢陝縣地屬弘農郡自漢至宋不改後魏孝文分陝縣

元和郡縣志

卷六

三

東界置峭縣明帝二年分陝峭二縣置峭郡隋文罷郡以峭縣屬陝州大業二年廢入陝縣義寧元年重置理陝

石鳴貞觀中改名硤石縣

底柱山俗名三門山在縣東北五十里黃河中禹貢曰導河積石至於龍門又東至於底柱河水分流色山山見水中若柱然也又以禹理洪水山陵當水着破之以通河三年既決河出其間有似於門故亦謂之三門漢成帝鴻嘉四年楊焉上言底柱之險可鑄廣之上乃令鑄之纔沒水中不能復去而令湍流沸怒爲害彌甚隋開皇三年遣倉部侍郎韋瓚自蒲陝以東募人能於洛陽運米四十石經

砥柱之險達於嘗平者免其征戍貞觀十二年太宗東巡臨幸於此令魏徵勒銘

萃野在縣西十五里春秋時有神降於此

黃河西自陝縣界流入東經底柱水經注曰後魏景明中帝遣諫議大夫寇慈帥工三千人歲如修理以平河阻

魏長城在縣北二十二里魏惠王十九年所築東南起峭山西北至河三十七里

靈寶縣

望

東北至府七十五里

本漢弘農縣自漢至後魏不改隋開皇十六年於今縣置桃林縣屬陝州天寶元年於縣南古函谷關尹真人宅掘元和郡縣志

卷六

四

得天寶靈符遂改縣為靈寶

稠桑宅在縣西十里號公敗戎於桑田即此也

函谷故城在縣南十里秦函谷關城漢弘農縣也西征記曰函谷關城路在谷中深險如函故以為名其中劣通東曰十五里絕岸壁立崖上柏林陰谷中殆不見日關去長安四百里日入則閉雞鳴則開秦法也東自崤山西至潼津通名函谷號曰天險所謂秦得百二也隗囂將王元說囂曰請以一丸泥東封函谷關即此也

桃林塞自縣以西至潼關皆是也春秋時晉侯使詹嘉處瑕守桃林之塞三秦記曰桃林塞在長安東四百里若有

軍馬經過好行則牧華山休息林下惡行則決河漫延人馬不得過矣

涇津在縣西北三里義寧元年置關貞觀元年廢關置津曹陽亭在縣東南十四里陳涉使周文西入秦秦使章邯擊破之殺文於曹陽即此地也後曹公改爲好陽

夏縣望 西南至州一百二十里

本漢安邑縣地屬河東郡後魏孝文太和十一年別置安邑縣十八年改爲夏縣曰夏禹所都爲名大業二年屬河東郡武德元年又屬

虞州今陝州安邑縣是也

元和郡縣志

卷六

五

貞觀十七年隸絳州大定元年割屬陝州尋屬絳州乾元三年屬陝州

涑川在縣北四十里左傳晉侯使呂相絕秦曰伐我涑川按川東西三十里南北七里

安邑故城在縣東北一十五里夏禹所都也

安邑縣望 南至府一百一十里

本夏舊都漢以爲縣屬河東郡開皇十六年屬虞州貞觀十七年屬蒲州乾元三年割屬陝州

雷首山一名中條山在縣南二十里其山有銀谷在縣西南三十五里隋及武德初並置銀治監今廢

高堠原在縣北三十里原南坂口即古鳴條陌也湯與桀戰於此

鹽池在縣南五里即左傳邠瑕氏之地沃饒近鹽是也今按池東西四十里南北七里西入解縣界

平陸縣望西南至州十七里

本漢大陽縣地屬河東郡後漢於此置河北郡領河北縣開皇十五年河北縣改屬蒲州貞觀元年又屬陝州天寶元年改爲平陸縣

黃河在縣南二百步

吳山即吳坂也伯樂遇騏驎駕鹽車之地其坂自上及下元和郡縣志

卷六

六

七山相重

傅巖在縣七里即傳說版築之處

閑原在縣西六十五里即虞芮爭田讓爲閑田之所

顛軫坂今謂之軫橋在縣東北四十五里左傳曰冀爲不道入自顛軫是也

瑟瑟窟在縣西北四十里

故虞城在縣東北五十里虞山之上晉侯使荀息假道於虞以伐虢即此城也

下陽故縣在縣東北二十里

芮城縣望東至府一百里

本漢河北縣地屬河東郡自漢至後魏因之周明帝二年改名芮城屬河北郡其年又於此置虞州武帝建德一年於縣置芮州貞觀元年廢芮州以縣屬陝州

黃河在縣南二十里

本魏城春秋晉滅之賜畢萬是也在縣北五里

故芮城在縣西二十里古芮伯國也

垣縣 上 西南至州二百里

本漢縣屬河東郡後魏獻文帝皇興四年置邵郡及白水縣周明帝武成元年改白水為亳城縣大業三年改亳城為垣縣屬絳郡武德元年屬邵州九年屬絳州貞元三年元和郡縣志

卷六

七

割屬陝縣枕黃河

垣城在縣西二十里

臯落城在縣西北六十里左傳曰晉侯使太子申生伐東

山臯落氏是也

虢州 弘農 開元戶一萬七千七百四十三

望 元和戶五千二百三十六 鄉 三十六

禹貢雍及豫二州之境周初為虢國虢有三北虢今陝州平陸縣東虢今滎陽縣西虢在今鳳翔扶風縣也魯僖二
年晉荀息假道於虞以伐虢虢亡仍為晉地其後三卿分
晉屬韓秦兼天下屬三川郡至漢武帝元鼎四年置弘農
郡後魏以獻文帝諱弘改為恒農郡孝武帝永熙三年分

爲西恒農屬陝州周明帝復爲弘農開皇三年廢郡以縣屬陝州大業二年又改屬豫州三年又於弘農縣置弘農郡義寧元年改爲鳳林郡其年於盧氏縣置號郡武德元年改爲號州其年改鳳林郡爲鼎州因鼎湖以爲名貞觀八年廢遂移號州於今理所

州境

東西南北

八到

西北至上都四百三十里東至東都四百五十三里

東至陝州一百三十三里

西南至高州三百七十里

西北至漳關一百三十里

自關至華州一百二十里

西北至河中府一百八十里

元和郡縣志

卷六

八

貢賦

開元貢天門冬賦絹純綿

管縣六

弘農

盧氏

閿鄉

玉城

朱陽

湖城

弘農縣

本漢舊縣大業二年省三年復於今湖城縣西南一里置尋移就郡理其年移郡於鴻臚川縣亦隨徙即今縣是也義寧元年屬鳳林郡武德元年屬鼎州貞觀八年屬號州方伯堆在縣東南五里宋奮武將軍魯方平所築鴻臚水過縣北十五里入靈寶界溉田四百餘頃盧氏縣上西北至州一百六十六里

本漢舊縣春秋時西虢之邑地有盧氏山或言靈敖得道於此山宜五穀可以避水災開皇三年改爲虢州大業三年廢以盧氏屬河南郡武德元年又置虢州縣依舊熊耳山在縣南五十里禹貢導洛於此

閿鄉縣

望

東南至州一百里

本漢湖縣地屬京兆尹自漢至宋不改周明帝二年置閿鄉郡按閿鄉本湖縣鄉名閿古文聞字也說文從門受聲開皇三年廢閿鄉郡十六年移湖城縣於今所改名閿鄉縣屬陝州貞觀八年改屬虢州

秦山一名柰嶺在縣南五十里南入商州西南入華州一元和郡縣志

卷六

九

高二千丈周迴三百餘里

黃蒼坂在縣西北二十五里即潼關路也水經注曰河水自潼關東北流入側有長坂謂之黃蒼坂東出通謂之函谷關岸高道隘車不得方軌魏武征韓遂馬超遼兵此地又潘岳西征賦曰溯黃蒼以濟潼關亦謂此也

桃源在縣東北十里古之桃林周武王放牛之地也

黃河在縣北三里

金鳩水一名全節水漢戾太子亡匿之處

思子宮故城在縣東北二十五里漢武帝爲戾太子所築

曹公故壘在縣西二十五里魏武征韓遂馬超此地置壘
又宋之入長安檀道濟王鎮惡濱帶河險大小七營皆此
處

赫連氏京觀俗號平吳臺在縣西二十二里赫連勃勃使
太原公昌攻劉裕將齡石於潼關克之築臺以表武功

王城縣 上西北至州六十里

本漢盧氏縣地屬弘農郡後魏正始二年分立石城縣廢
帝改爲王城周武天和元年廢義寧元年重置貞觀八年
移於今理

朱陽縣 上東北至州七十里

元和郡縣志

卷六

十

本漢盧氏縣屬弘農郡後魏太和十四年蠻人樊磨背梁
歸魏立朱陽郡并朱陽縣令樊磨爲太守大統三年分爲
朱陽郡屬東義州周武保定二年又省郡宣帝大象元年
割盧氏西界以益朱陽縣開皇四年北屬陝州大業三年
改屬虢州

湖城縣 望東南至州五十二里

本漢湖縣屬京兆尹即黃帝鑄鼎之處後漢改屬弘農郡
至宋加城字爲湖城縣

荆山在縣南即黃帝鑄鼎之處

夸父山在縣東南三十五里

湖縣故城在縣西南二里

汝州 臨汝 開元戶二萬六千五百三十三 元和戶一萬三千七百九十九

鄉六十 鄉三十七

禹貢豫州之域春秋時周王畿及鄭楚之地後屬於晉六國時復為韓魏之地秦屬三川郡在漢為河南郡之梁縣地也開皇四年自陸渾縣界移伊州理於此大業二年改為汝州三年改為宸城郡隋亂陷賊武德四年討平王充復為伊州貞觀八年改為汝州

州境 東西二百三里 南北二百五十二里

八到 西至上都九百八十里 西北至東都一百七十里

南至蔡州四百五十里 西南至鄧州四百七十五里

元和郡縣志

卷六

十一

東至許州二百三十里

貢賦

管縣七 梁縣 臨汝 魯山 葉縣 襄城 龍興

陝城

梁縣 上郭下

漢舊縣古蠻子邑戰國時謂之南梁以別大梁少梁即左傳云楚為一昔之期而襲梁反霍也

蠻中聚郡或蠻子國也在今郡西南俗謂之麻城又有陽人聚故城在今縣西秦滅東周徙其君於陽人聚即此地也漢末孫堅大破董卓軍於此高齊於此置汝北郡以備周

寇故城在今縣南下名王塢城隋煬帝改梁縣爲承休縣屬汝州貞觀元年又改爲梁縣汝水經縣南三里

廣成澤在縣西四十里後漢安帝永初元年以廣成遊獵地假與貧人元初二年鄧太后臨朝鄧騭兄弟輔政以爲文德可興武功宜廢請寢蒐狩之禮於時馬融以文武之道並用作廣成贊以諷按此澤周迴一百里煬帝大業元年置馬牧於此

周承休城在縣東北二十六里漢封周後於此

黃陂在縣東二十五里南北七里東西十里隋朝修築有溉灌之利隋末廢乾封初有詔增修百姓賴其利焉

元和郡縣志

卷六

十二

臨汝縣

上東南至州六十里

本漢梁縣地先天二年置貞觀七年刺史陸長源奏請割梁縣西界二鄉以益之仍自下縣昇爲上縣

魯山縣

上北至州一百五十里

本漢魯陽縣古魯縣也屬南陽郡魯陽公與韓戰酣揮戈日爲退三舍謂此地也後魏太和十一年孝文南巡置魯陽鎮十八年改鎮爲荊州二十二年罷荊州置魯陽郡改魯陽縣爲北山縣周改爲魯山縣武德四年又於縣置魯州貞觀元年州廢以魯山屬伊州八年改伊州爲汝州縣仍屬魯山在縣東北十里

魚齒山在縣東六十里春秋楚師伐鄭涉於魚齒之下山有涇水故言涉也

汝水出縣西一百五十里

人息山一名伏牛山

涇水出縣西大陌山世祖破王尋於昆陽士卒赴水死者甚衆涇水爲之不流即此水也

温湯水在縣西四十里狀如沸湯可以熟米側有石銘曰女湯可已萬病

魯陽關水俗謂之三雎水經縣西七里其關三鷓鎮在縣西南十九里後周置以禦高齊亦名平高城

元和郡縣志

卷六

十三

魯城在縣東北十七里高齊置以禦周

葉縣

繫西北至州二百一十里

本楚之葉縣春秋楚人遷許於此其後楚使沈諸梁尹之僭號稱公謂之葉公秦置郡縣隸於南陽後漢書謂之小長安言地沃人豐也開元三年於縣置仙州以漢時王喬於此得仙也二十六年廢仙州屬許州其年又割屬汝州

方城山在縣西南十八里楚屈完曰楚國方城以爲城是

也

黃成山一名苦菜山在縣西二十五里即長沮桀溺耦耕

處汝水西北流入去縣二十三里

昆陽故城在縣北二十五里後漢世祖破王邑尋之處燒車水在縣南二十四里世祖破王尋燒其輜重於此水濱因名

襄城縣望 西北至州一百四十里

本秦舊縣漢因之屬潁川郡春秋襄王避叔帶之難出居鄭地記在今縣南一里古汜城是蓋以周襄王嘗出居此故名襄城晉及後魏屬襄城郡開皇三年改郡爲汝州以縣屬焉大業二年汝州以縣屬許州開皇三年置仙州割襄城屬焉二十六年廢仙州復隸許州天寶七年又屬汝州

元和郡縣志

卷六

十四

州

汝水經縣南去縣一里縣理廢汝州城即古襄城楚靈所築後漢馮異據之降世祖莊子曰黃帝遊於襄城之野七聖皆迷遇牧馬童子而問道焉亦此地也

郟城縣 繫 西北至州八十里

本春秋時鄭地後屬楚人入於晉七國時又屬韓至漢以爲縣屬潁川郡晉屬襄城縣郡後魏屬南陽郡高齊省隋煬帝大業三年移父城縣於今縣西北五里屬汝州四年改父城縣爲郟城縣汝水西去縣七里

扈澗水出縣北三十里

父城故城在縣東南四十里故殷時應國也在左傳楚大

城父城使太子建居之

龍興縣 上 西北至州九十里

本漢邾城縣地後魏太和十八年置汝南縣高齊天寶七年廢開皇十八年復置汝南隋末廢則天證聖元年置武興縣神龍元年改爲龍興縣縣城本通鷄城即後漢賈復城也復南擊鄆所築後魏太和二十三年孝文親征馬圈行至此城昏霧得三雖引路遂過南山故號通鷄城

大龍山在縣東南三十五里劉累學擾龍遷於魯縣因以名山

汝水在縣北四十三里西南從梁縣界流入

元和郡縣志

卷六

十五

湛水在縣東三十里春秋襄公十六年楚公子帥師戰於湛水是也

湍陽城一名應城在縣南二十五里後魏置滎陽縣開皇十年改爲湛水武德四年又置湍陽縣

元和郡縣圖志卷第六



元和郡縣圖志卷第七

河南道三

汴宋節度使 汴州 宋州 亳州 潁州

汴州 陳雷 開元戶八萬二千一百九十 鄉一百六十一
州 陳雷 元和戶八千二百一十八 鄉五十三

今為汴宋節度使理所

管州四 縣二十八 都管今戶三萬一千四百四十四

禹貢豫州之域春秋鄭地戰國魏都史記魏惠王自安邑
理徙大梁即今浚儀縣秦為三川郡地漢陳留郡之浚儀
縣也酈生說漢高曰陳留天下之衝四通五達之郊漢文
帝以皇子武為梁王都大梁以其地卑濕東徙睢陽今宋

元和郡縣志

卷七

一

州是也漢陳留郡即今陳留縣東魏孝靜帝於此置梁州
周宣帝改為汴州 蓋以城臨汴水故也 大業二年州廢以開封浚儀
屬鄭州隨亂陷賊武德四年平王充復置汴州

州境 東西一百九十六里
南北二百三十五里

入到 西至上都一千二百八十里
東南至宋州三百里
東北至曹州二百四十五里
東南至陳州三百一十里
東至東都四百二十里
北至滑州二百一十里

東北至曹州二百四十五里
東南至陳州三百一十里

貢賦 開元貢 絹二十疋 賦 綿絹
元和同

管縣六 開封 浚儀 陳留 雍丘 封丘 尉氏

開封縣 望郭里
下東界 本漢舊縣屬河南郡魏為秦所敗走保開

封此城也晉屬滎陽郡後魏天平元年於此置開封郡



高齊天保七年廢隋開皇六年復置開封縣屬汴州大業二年廢汴州以縣屬鄭州武德四年重置汴州開封又屬焉貞觀元年廢延和元年於城內別置開封縣管東界蓬澤在縣東北十四里今號蓬池左氏所謂蓬澤也

長垣故城一名倉垣城在縣北二十里漢陳留太守所理梁王吹臺在縣南東六里俗號繁臺

沙海在縣北二里戰國策齊欲發卒取周九鼎顏率說曰天梁之君臣欲得九鼎謀於沙海之上爲日久矣即謂此也隋文疏鑿舊跡引汴水注之以習舟師以伐陳陳平之後立碑其側以紀功焉今無水

元和郡縣志

卷七

二

蓼堤在縣東北六里高六尺廣四丈梁孝王都大梁以其地卑濕東徙睢陽乃築此堤至宋州凡三百里

浚儀縣望郭下里西界本漢舊縣屬陳留郡故大梁也魏惠王自

安邑徙此因浚水爲名後魏於此置梁州周宣帝改爲汴州縣屬之隋大業二年廢汴州改屬鄭州武德四年於此重置汴州以縣屬焉

夷門史記大梁城有十二門東門隱士侯嬴年七十家貧爲夷門監者魏公子無忌厚遺之不肯受遺

枯遮梁溝秦始皇二十二年王賁引水灌大梁城於此溝琵琶溝水西自中年縣界流入通濟渠隋煬帝欲幸江都

自大梁城西南鑿渠引汴水即葭宕渠也

陳留縣

望西至州五十里

本漢陳留郡陳留縣地武帝置陳留郡

屬兗州按留本鄭邑後爲陳所并故曰陳留又按彭城亦有留此留屬陳故稱陳留晉爲陳留國開皇三年分浚儀縣置陳留縣屬汴州武德四年屬杞州今汴州雍丘縣是貞觀元年廢杞州屬汴州

故莘城在縣東北三十五里古莘國地也國語湯伐桀與韋顧之君等拒湯於莘之墟遂戰於鳴條之野

東昏故城本漢縣縣東北九十里即陽武之戶牖即陳平之故里也

元和郡縣志

卷七

三

雍丘縣

望西至州一百一十里

本漢舊縣亦古之雍國及杞國周武

王克殷封禹後東婁公於杞後魏孝昌四年分東郡陳留置陽夏郡理雍丘城開皇三年罷郡以縣屬汴州武德四年於此置杞州貞觀元年廢以縣屬汴州

雍丘故城今縣城是也春秋時杞國城也杞爲宋滅城北臨汴河晉永嘉宋鎮西將軍祖逖爲豫州刺史理於此逖累破石勒軍由是黃河已南皆爲晉土人皆感說逖卒百姓

立祠

高陽故城縣西南二十九里顓頊高陽氏佐小昊有功受封此邑高祖攻昌邑西過高陽又酈食其墓在此外黃故

城縣東六十里黃本屬宋後屬陳留郡以魏郡有內黃故此爲外黃

封丘縣

繁南至州五十二里

古之封國

左傳魯封父之繁弱是也

後屬衛亦屬魏

漢高祖與項羽戰敗於延鄉有翟母者免其難故以延鄉

爲封丘縣以封翟母屬陳留郡後魏并入酸棗宣武帝又

置封丘縣屬陳留郡開皇三年置郡以縣屬汴州

黃池在縣南七里魯哀十三年晉侯與吳子爭盟於此

尉氏縣

北至州一百里

漢舊縣春秋時鄭大夫尉氏之邑自漢歷

氏屬陳留郡不改高齊省以地入開封府開皇六年復置

尉氏縣屬汴州武德四年於此置有州貞觀元年廢以縣

元和郡縣志

卷七

四

屬州

三亭崗在縣西三十七里秦使謁者王稽使魏夜與范雎

言曰待我於三亭之南即此崗之南也

故鍾城在縣西三十五里魏太尉鍾繇故里

宋州

睢陽

開元戶一十萬三千二百

鄉一百九十三

禹貢豫州之域即高辛氏之子閼伯所居商丘今州理是

也周爲青州之域武王封微子於宋後爲齊楚魏所滅三

分其地魏得其梁陳留齊得濟陰東平楚得沛按梁即今

州地秦并天下改爲碭郡後改爲梁國漢文帝封子武爲

梁王自漢至晉爲梁國屬豫州宋改爲梁郡隋於睢陽置

宋州大業三年又改爲梁郡隋亂陷賊武德四年討平王
充又爲宋州天寶末祿山亂兩河郡縣多所陷沒唯張巡
許遠姚閻三人堅守睢陽賊將尹子奇并力攻圍踰年不
尅城中孤危糧竭相食殆盡時賀蘭進明許叔冀屯軍臨
淮爭權不協不發援師城竟爲賊所陷巡遠等抗詞不屈
遂俱被害然使賊鋒挫衄不至江淮巡遠之力也

州境

東西三百五十九里
南北二百一十八里

八到

西至上都一千五百八十里
東南至泗州七百五十里
東南至亳州一百四十里
西北至魯州一百五十里

貢賦

開元貢絹二十八
賦綿絹

元和郡縣志

卷七

五

管縣十

宋城

碭山

虞城

楚丘

柘城

穀熟

下邑

單父

襄邑

寧陵

宋城縣

郭下
望

漢睢陽縣屬宋國後屬梁國後魏屬梁郡隋開

皇三年罷梁郡以縣屬亳州十六年於此置宋州睢陽屬
焉十八年改爲宋城

睢水西南至寧陵縣界流入

渙水西南自寧陵界流入

隕石水源出縣北四十里春秋時隕石於宋其處爲潭小

蒙故城縣凡二十二里即莊周之故里

州城古闕伯之墟契孫相土亦都於此春秋爲宋國都漢

梁孝王廣睢陽城七十里開汴河後汴水經州城南

兔園縣東南十里漢梁孝王園

清冷池在縣東二里

碭山縣上西至州一百五十里一漢碭縣屬梁國後漢不改晉以其地

并入下邑宋復置碭縣屬梁郡後魏屬碭郡高齊文宣帝

並廢以安陽縣屬彭城郡開皇十八年改安陽縣為碭山

縣大業二年改屬宋州碭文石也以其山出文石故以名

縣

虞城縣上西南至州七十里本虞國舜後所封之邑後漢及晉屬梁

國後魏延昌中於此置蕭縣理虞城屬沛郡高齊省開皇

元和郡縣志

卷七

六

十六年分下邑置虞城縣屬宋州

孟諸澤在縣西北十里周迴五十里俗號盟諸澤

故綸城縣東南三十五里左氏小康逃奔有虞虞妻以姚

而邑諸綸

平臺縣西四十里左傳宋皇國父為宋平公所築漢梁孝

王大治宮室為複道自宮連屬於平臺三十餘里與鄒枚

相如之徒並遊其上即此也

楚丘縣緊南至州七十里古戎州已氏之地至漢為已氏縣屬梁

國後漢屬濟陰郡北齊廢開皇五年又置屬曹州六年改

為楚丘縣武德五年屬戴州今宋州單父縣是也貞觀十七年廢戴

州隸宋州

楚丘故城在縣北三十里

柘城縣

上東北至州一百一十里

本陳之株邑詩陳風株林劉靈公是

也至秦爲柘城縣續漢志屬陳郡至晉太康中廢開皇十六年復置貞觀初廢入穀熟寧陵二縣後縣人徭賦路遠陳訴積年至高宗朝復屬置宋州其羅城即古株邑故城也

渙水在縣北二十九里

穀熟縣

上西北至州五十七里

本漢縣縣地置於古穀城春秋時爲

穀丘亦殷之所都謂之南亳漢於此置薄縣屬山陽郡薄元和郡縣志

卷七

七

與亳義同字異後漢改置穀縣屬梁國開皇十六年屬宋州隋末喪亂縣人劉繼叔戮力固守免陷於賊武德二年置南穀州以繼叔爲刺史四年罷以縣屬宋州

渙水在縣南二十八里

高辛故城在縣西南四十五里帝嚳初封於此

下邑縣

上西至州一百一十里

漢舊縣按魯爲楚所滅頃公遷於下

邑漢高祖攻下邑拔之在漢屬梁國後漢無下邑縣魏復立焉晉宋屬梁郡開皇三年改屬亳州十六年改屬宋州故譙城縣北三十一里祖逖屯淮陰進據太丘城遂尅譙城而居之謂此也

單父縣

繫西南至州一百四十九里

古魯邑也漢以為縣屬山陽郡後

漢以為侯國屬濟陰郡後魏置北濟陰郡理單父城開皇

三年廢郡又置單父縣屬濟陰郡十六年於縣置戴州單

父屬焉大業二年廢戴州以縣屬曹州武德五年重置戴

州縣又屬焉貞觀十七年廢戴州縣隸宋州

漢高祖呂后即單父人

宰

安子賤巫馬期皆宰單父

襄邑縣

繫東至州一百一十四里

本漢舊縣即春秋時宋襄牛地也秦

始皇徙承匡縣於襄陵改為襄邑縣漢以縣屬梁後又屬

陳留宋屬譙郡高齊文宣帝省入雍丘隋開皇十六年後

置襄邑縣屬杞州大業三年割屬梁郡武德二年後置杞

元和郡縣志

卷七

八

州以縣屬焉貞觀元年州廢縣隸宋州

睢水西自雍丘縣界流入

承匡故城在縣西南二十五里

宋襄公墓在縣城中東隅故號襄陵

寧陵縣

繫東至州五十九里

本漢舊縣寧亦作甯七國時屬魏魏安

釐王以弟無忌為信陵君邑於此漢初以魏咎為甯陸君

亦在此漢志寧陵屬陳留郡後漢屬梁國晉屬宋郡改屬

譙郡高齊省開皇六年復置屬亳州十六年割屬宋州

睢水西北自襄邑縣界流入

渙水西自襄邑界流入

故葛城在縣北十五里古葛伯國以不祀爲湯所滅

大棘故城在縣西南七十里左氏宋華元鄭公子歸生戰於大棘文七國反先擊梁棘蓋此城也

洧陵在縣南二十五里春秋鄭子罕伐宋宋將鉏樂懼敗諸洧陵

故柘城在縣南七十里陳之株邑

故鄆城在縣南五十三里漢之鄆縣鄭伯尅段於此

已吾故城在縣西南四十里後已吾城曹公初起兵於此始基故城在縣南九十里晉蔡州刺史祖逖督護衛策所

築初乞活尅遣陳川據陳留沃儀遣將魏碩於谷水南營

元和郡縣志

卷七

九

逖遣策等追戰大破之因即立戍畱守策曰從祖公北伐數年功始基於此因以爲名

仇畱故城在縣南六十五里初陳川自始基敗後遣將仇畱伐鄆以逼蔡州祖逖遣衛策進戍谷北高丘以禦仇畱故呼爲仇畱城

亳州

望譙郡

開元戶七萬七百三十二
元和戶六千五百二

鄉一百三十七
鄉一百六十一

禹貢豫州之域至周不改春秋時爲東國之焦邑六國時屬楚在秦爲碭郡北漢爲譙縣屬沛郡初後漢熹平五年黃龍見譙太史令單颺以爲其國當有王者興不及五十年亦當復見後如其言魏文帝即位黃初元年以先人舊

都又立爲譙國與長安許昌鄴洛陽號爲五都後魏復置南兖州周武帝改爲亳州隋亂陷賊武德四年討平王充復爲亳州

州境 東西三百六十七里 南北二百里

入到 西至上都一千七百二十里 西至東都八百六十里 正南微東至潁州一百六十里 西北至宋州一百四十里

東北至徐州三百九十里 西至陳州二百里

貢賦 開元貢 絹二十疋 賦線 絹 黍 稷 麻 麥 元和同

管縣八 譙縣 臨渙 鄴縣 城父 鹿邑 蒙城

永城 貞源

譙縣 緊郭下 漢舊縣屬汴郡晉屬譙郡後魏無譙縣有小黃

元和郡縣志

卷七

十

縣隋開皇三年以小黃縣屬亳州大業二年改小黃縣爲

譙縣三年以亳州爲譙郡縣仍屬焉

渦水在縣西四十八里魏黃初六年文帝以舟師自譙循

渦入淮

魏文帝祠在縣東五里初魏太祖以議郎告疾歸鄉里築

室於此讀書秋冬弋獵以自娛文帝以漢中平四年生於

此宅

故梅城在縣南四十里古梅伯國

臨渙縣 緊西至州一百六十里 本漢鉅縣屬沛郡後漢屬沛國魏屬

譙郡梁武帝普進中克鉅城置臨渙郡以臨渙水爲名後

魏改置渙北齊省臨渙郡改渙北縣爲臨渙縣屬譙郡開
皇三年廢郡留縣改置譙州神堯嘗爲譙州刺史大業二
年改屬亳州武德四年屬譙州貞觀十七年廢譙州縣隸
亳州

嵇山在縣西三十里晉嵇康家于銍嵇山之下因改姓嵇
氏

鄆縣上西南至州七十里秦漢舊縣屬碭郡漢屬沛郡蕭何封鄆侯此邑也魏

鄆縣屬譙國後魏省開皇十六年復置鄆縣屬沛郡武德
四年改屬亳州

城父縣上西北至州七十九里春秋時陳國之夷邑亦名城父漢爲

元和郡縣志

卷七

土

城父縣屬沛郡後漢屬汝南郡晉屬譙宋志闕而有浚儀
縣疑宋改爲浚儀開皇十八年以重名復改爲城父屬亳州

渦水西北自譙縣界流水

肥水東南至下蔡入海

扶陽故城在縣東北三十六里漢常賢封邑

章華臺縣南九里

高陂縣南五十六里周迴四十三里多魚蚌菱芡之利

鹿邑縣上東至州一百一十七里本漢鄆縣地春秋時鳴鹿邑屬陳國

左傳晉武子以諸侯之師侵陳至於鳴鹿是也晉屬陳郡後魏屬陳留郡開皇三

年改屬亳州改爲鹿邑縣

渦水西北自陳州太康縣界流入

鹿邑故城縣西十三里俗名牙鄉城春秋時鳴鹿邑也

武平故城縣東北十八里建安元年漢獻帝以曹公為大

將軍封武平侯以此城為封邑

蒙城縣上西北至州二百四十里本漢山桑縣屬沛郡後漢改屬汝南

郡魏屬醮郡後魏孝文帝於此置渦州理山桑城其地後

入於梁梁於此至西徐州後復入魏改為譙州改譙縣為

渦陽縣隋改渦陽為淝水縣武德四年重立山桑縣屬譙

州貞觀十七年廢譙州割屬亳州天寶二年改為蒙城縣

縣城北臨渦水後魏渦州城也東魏武定六年侯景叛行

元和郡縣志

臺慕容紹宗破景於此

檀公城本漢山桑縣城宋將檀道濟為征北將軍居此因

名之

永城縣西南至州一百四十里一因隋舊縣本秦芒縣地漢不改後為

臨睢縣之境晉靳縣地隋大業六年於馬甫城東北三里

割彭城睢陽置縣遂名永城屬譙郡武德五年移於馬甫

城屬譙州即今理是也貞觀十七年罷譙州以縣屬亳州

碭山縣南五十里漢祖隱芒碭山澤間應劭注芒今在臨

睢即永城縣是也碭屬梁國今碭山縣是二縣之界有山

澤之固可以隱也

故費城縣南二十里

貞源縣

望東至州五十九里

本楚之苦縣春秋時屬陳後爲楚并

漢屬淮陽國後漢苦縣屬陳國晉屬梁郡成帝更名谷陽高齊省入武平縣隋開皇六年復置谷陽縣理苦城屬亳州乾封元年高宗幸瀨鄉以立元皇帝生於此縣遂改爲貞源縣

寧平故城在縣西南五十五里漢縣也晉永嘉五年東海王越自陽城率甲士四萬薨于項祕不發喪石勒兵追之及寧平城焚越屍於此數萬衆斂手受害尸積如山王夷甫亦遇害

元和郡縣志

卷七

十三

立元皇帝祠縣東二十四里祠院中有九井隋季井皆竭自武德已來清泉泌漏或云汲一井則八井水皆動

李母祠在縣東一十四里乾封元年冊號先天太后今謂之洞宵宮

潁州

汝陰上

開元戶二萬八千一百七十九元和戶一萬一千五百二十九

鄉五十六鄉六十一

禹貢豫州之域春秋胡子國楚滅之秦并天下爲潁川郡之地在漢則汝南郡之汝陰縣也魏晉於此置汝陰郡司馬宣王使鄧艾於此置屯田後魏孝昌四年改置潁州高齊罷州置郡隋末陷賊武德四年討平王充於汝陰縣西北十里置信州六年改爲潁州移於今理

州境 東西三百五十七里
南北一百九十六里

入到 西取陳州路至上都一千八百二十里
西至東都九百六十里

西北至汴州七百里
南至淮約一百里
西至蔡州三百六十里
東至壽州二百六十里

西北至亳州二百六十里

貢賦 開元貢純二十疋
綿二十七

管縣四 汝陰 沈丘 潁上 下蔡

汝陰縣 上郭下本漢舊縣屬汝南郡魏文帝黃初三年屬汝

陰郡後魏孝昌三年於此置潁州北齊廢以縣屬汝陰郡

開皇三年罷郡以縣屬潁州武德置信州六年復為潁州

縣皆屬焉

元和郡縣志

卷七

十四

淮水西南流入經縣南去百里

潁水西北自陳州項城縣界流入俯於城下

汝水西南自蔡州新蔡縣界流入又東南入淮

寢丘故城在縣西北一百二十里楚相孫叔敖將死戒其

子請寢丘之地即此

古任城在縣北一里陳將任蠻奴伐齊於潁水北岸築城

以圍池陰

百尺堰在縣西北一百里司馬景王討王陵至百尺堰即

此

沈丘縣 中東南至州一百二十六里 本漢寢丘孫叔敖子之封一名沈

丘漢為寢縣屬汝南郡後漢加丘字東魏於此置才州高齊文宣廢州改置褒信縣隋不置縣邑至神龍二年十道使唐儉奏請分汝陰置沈丘縣

小汝水在縣北

潁上縣

中西北至州一百一十七里

本漢慎縣地屬汝南郡自漢訖宋

不改隋大業二年置潁上縣屬潁州三年以潁州為汝陰郡仍屬焉武德元年移於今理

淮水西南自汝陰縣界流入去縣七十里又東北入下蔡縣界

潁水西自汝陰縣界流入又東流入淮

元和郡縣志

卷七

十五

下蔡縣

上西至州二百二十里

本漢舊縣古蔡國又吳州來之邑也

按蔡國本郡上蔡又徙新蔡後又遷此故謂之下蔡漢以為縣屬沛郡後漢屬汝南郡隋大業二年屬潁州十二年移於今理武德四年於此置渦州下蔡屬焉八年州廢縣屬潁州

硤石山在縣西南六十里淮水經硤石中對岸山上築二城以防津要今按淮水以中流分界在西岸者屬下蔡在東岸者屬壽陽

淮水西南自潁上縣界流入

淝水經縣理南去縣一里入淮

硤石城魏諸葛誕及王昶據硤石以逼誕即此城入昔孝
武太元八年聞符堅入寇乃遣龍驤將軍胡彬水軍五千
援壽春既陷退保硤石亦此城也今之縣城在舊城東北
十餘里

鄧艾廟在縣西一百二十步艾爲魏將作陂營屯田後人
賴其利因爲立祠

元和郡縣圖志卷第七

元和郡縣志

卷七

元和郡縣圖志卷第八

河南道四

鄭滑節度使 滑州 鄭州

陳許節度使 許州 陳州

滑州

靈昌郡望

開元戶五萬三千六百二十七 元和戶八千五十六

鄉一百五

管州二 滑州 鄭州

縣十四 都管戶二萬二千

禹貢兗州之域春秋時為衛國左傳曰狄滅衛衛立戴公

以廬於曹

今州城東北五里白馬故城即衛之曹邑也

衛文公自曹邑遷於楚

丘

今衛南縣也

衛成公又遷於帝丘

今濮州濮陽縣是也

戰國時其地屬

元和郡縣志

卷八

一

魏始皇五年拔魏二十城初置東郡漢因之後漢末袁紹

以曹公為東郡太守東晉時慕容德自鄴南徙滑臺僭號

南燕都於胙城至超徙都廣固為宋所滅宋武既平慕容

之後盡得河南之地於此置兗州仍置東郡宋之北境守

在此其城古滑臺甚險固後屬後魏宋文帝使王玄謨攻

圍二十日不能服開皇九年又於今州理置杞州十六年

改杞州為滑州

取滑臺為名

大業三年又改為東郡武德元年

罷郡置滑州二年陷寇賊四年討平王充依舊置滑州

州境

東西二百三十六里 南北一百四十九里

八到

西南至上都一千四百四十里 東北至濮州二百一十五里

南至汴州二百一十里
正西微南至衛州一百一十五里

西南至鄭州三百里
北至相州一百三十里

東南至曹州二百四十里

貢賦

開元貢綾賦綿絹

元和貢方紋綾二十疋

管縣七

白馬

韋城

衛南

胙城

靈昌

酸棗

匡城

白馬縣

郭下望

本衛之曹邑漢以為縣屬東郡

因白馬津為名

隋開

皇三年屬汴州九年屬杞州十六年改杞州為滑州縣又

屬焉

白馬山在縣東北三十四里開山圖曰有白馬群行山上

元和郡縣志

卷八

二

悲鳴則河決馳走則山崩津與縣蓋取此山為名黃河去

外城二十步

州城即古滑臺城城有三重又有都城周二十里相傳云

衛靈公所築小城昔滑氏為壘後人增以為城城甚高峻

堅險臨河亦有臺慕容時宋公遣征虜將軍任仲德攻破

之即魏武破袁紹斬文醜於此岸

鹿鳴故城縣北三十里宋書宋將王玄謨據滑臺晝令走

鹿鳴城是也

黎陽津一名白馬津在縣北三十里鹿鳴城之西南隅

食其說漢祖曰守白馬之津塞飛狐之口以示諸侯則天

下知所歸矣謂此津也建安五年曹公征先主先主奔袁
紹曹公擒關羽拜為偏將軍紹遣顏良攻劉延於白馬曹
公使羽擊之羽刺良於萬衆之中遂解白馬之圍後慕容
德為魏軍所逼率戶四萬餘徙於鹿鳴達黎陽津昏而水
合是夜濟河訖旦而魏師至水亦尋泮德悅以為神助因
改黎陽津為天橋津

河侯祠在縣南一里漢主尊為東郡太守河水盛浸瓠子
隄尊臨決河不去後人嘉尊北節因為立祠

韋城縣上西北至州六十里本漢白馬縣地殷伯豕韋之國也左傳

范宣子曰昔我之祖在夏為御龍氏在商為豕韋氏杜注東郡

元和郡縣志

卷八

三

白馬縣東南有韋城也隋開皇六年分白馬縣南境置韋城縣屬汴

州九年屬杞州十六年屬滑州

京觀在縣北二百步王莽篡漢東郡太守翟義舉兵莽遣
將王邑等八將敗義於此乃築焉俗謂骨臺

衛南縣上西南至州五十五里本漢濮陽縣地隋開皇十六年於此

置楚丘縣屬滑州後以曹州有楚丘縣改今名

鐵丘在縣東南十里

故鉏城在縣東十五里左氏后羿自鉏遷於窮石是也

胙城縣上北至州九十里本古之胙國左傳凡蔣邢茅胙祭周公

之胙也又為古之燕國左傳魏人燕師伐鄭是也漢為南燕縣其後慕

容德都之復號東燕縣開皇三年廢東郡以縣屬汴州十八年文帝因覽奏狀見東燕縣名因曰今天下一統何東燕之有遂改爲胙城屬滑州武德二年於此置胙州領胙城又置東燕縣四年廢州胙城屬滑州

石丘在縣東北三十里俗傳漢成帝時星隕之名也

濮水縣南二十里西南自酸棗縣界流入

靈昌縣

上東北至州七十里

本漢南燕縣地自漢至隋不改開皇十六年分東燕酸棗一縣置靈昌縣取靈昌津以爲名屬滑

州

黃河在縣北一十里

元和郡縣志

卷八

四

赤眉故城在縣東二十四里漢末赤眉賊帥樊崇築

延津卽靈昌津也在縣東北二十二里初石勒伐劉曜至河渚不得渡時流漸下流因風結冰濟訖泮勒自以爲得天助故號靈昌津又左傳鄭太叔收貳以爲己邑至于廩延又曹公北救劉延至延津皆此津也

酸棗縣

望東北至州一百二十里

本秦舊縣屬陳留郡以地多酸棗其仁入藥用故爲名後魏併入小黃宣武帝復置改屬東郡

開皇三年屬汴州九年屬杞州十六年改屬滑州

黃河縣北二十里

酸棗故城在縣西南十五里六國時韓王所理處舊址猶

存

金堤在縣南二十三里漢文帝時河決酸棗東潰金堤即此堤也

匡城上西北至州一百里古衛之匡邑論語子畏於匡至漢為長垣

縣地自漢至後魏不改開皇十六年於此置匡城縣屬滑

州

故匡城在縣西南十里

故蒲城在縣北一十五里左傳齊侯衛侯胥命于蒲子路為蒲宰皆此也

訾婁故城縣西北十六里

元和郡縣志

卷八

五

故鶴城縣西南十五里衛懿公養鶴於此

鄭州滎陽開元戶六萬四千六百一十九鄉一百二十四

禹貢豫州之域春秋時為鄭國本高辛氏火正祝融之墟

也周宣王母弟友為周司徒食采於鄭是為鄭桓公後幽

王為犬戎所殺桓公死之其子武公與平王東遷平定虢

會之地故左傳曰我周之東遷晉鄭焉依是也自武公後

二十二公至六國時鄭為韓哀侯所滅哀侯二年韓自平

陽徙都鄭秦并天下屬三川郡漢高改三川為河南郡滎

陽屬焉晉武帝分河南置滎陽郡東魏孝靜帝分滎陽置

成臯郡高齊文宣帝又改為滎陽郡周改為滎州開皇三

年改滎州爲鄭州十六年分置管州大業二年廢鄭州改
管州爲鄭州隋末陷賊武德四年五月擒建德王充東都
平其月置鄭州理武牢其年又於今鄭州理置管州貞觀
元年廢管州七年自武牢移鄭州於今理

州境東西一百七十六里
南北二百里

八到西至上都一百四十里
西至東都二百八十里

東至汴州一百四十里
南至許州一百八十六里

東北至滑州三百里
北至黃河八十里

貢賦元貢麻黃 賦綿絹
元和貢絹二十疋 麻黃二十觔

管縣七 管城 滎陽 滎澤 原武 陽武 新鄭

元和郡縣志

卷八

六

中牟

管城縣望 郭下本周封管叔之國自漢至隋皆爲中牟縣開

皇十六年於此置管城縣屬管州大業二年改爲鄭州縣

又屬焉

梅山縣西南三十里春秋時楚爲子馮率師侵費滑右迴

梅山即此山也

圃田澤縣東三里

故市城縣西北三十里曹公擊袁紹軍於故市即此城

武強城縣東三十一里曹參擊項羽還攻武強即此城

祭城縣東北十五里

邲城縣東六里晉荀林父帥師與楚子戰於邲即此城
李氏陂縣東四里後魏孝文帝以此陂賜僕射李冲故俗
呼爲僕射陂周迴十八里

滎陽縣

繫東至州
六十里

本漢舊縣屬滎陽郡高齊改郡名成臯

以縣屬焉開皇三年罷郡以縣屬鄭州萬歲通天年改爲
武泰縣仍隸河南府神龍初復爲滎陽屈鄭州

京水出縣南平地

索水出縣南三十五里小陘山

古大索城今縣理是也楚漢戰於京索間漢書注京縣有

大索亭小索亭晉末滎陽人張卓董遇鳩集流散守固此

元和郡縣志

卷八

七

城因名大柵塢今呼爲大刺蓋音之訛耳

小索城縣北四里宋南平王鑠遣玉陽兒據小索破魏即
此城也

京縣故城縣東南二十里即鄭京城太叔之邑

滎澤縣

望東南至
州五十里

本漢滎陽縣地隋開皇四年分滎陽置

廣武縣取山爲名仁壽元年改爲滎澤屬鄭州

廣武山縣西二十里一名三皇山

敖山縣西十五里春秋時晉師救鄭在敖鄙之間二山名

宋武北征記曰敖山秦時築倉於山上漢高祖亦因倉敖

傍山築甬道下汴水即此山也

黃河北去縣十五里

滎澤縣北四里禹貢濟水溢爲滎今濟水亦不復入也

東廣武

西廣武二城各在一山頭相去二百餘步在縣西二十里漢高與項羽俱臨廣武而軍今東城有高壇卽是項羽坐太公於上以示漢軍處

踐土臺故王宮縣西北十五里北臨汴水南帶三皇山秦所置仲丁遷于囂此也詩曰薄狩于敖皆此地也

金堤縣西北二十二里漢孝文時河決酸棗潰金堤東郡大興卒塞之孝武時王尊爲東郡守又加修築至明帝永平

元和郡縣志

卷八

八

十二年詔樂浪人王景築堤起自滎陽東至千乘海口千餘里十里立一水門更相迴注無復潰漏之患此隄首也

原武縣

緊南至州六十里

本漢舊縣屬河南郡後魏屬滎陽郡東

魏改置廣武縣又屬焉高齊天寶七年郡縣並廢隋重置原武縣屬鄭州武德四年屬管州貞觀元年復屬鄭州

黃河縣北二十里

古陽池城竹書記年曰惠王十五年遣將龍賈築陽池以備秦卽此也開皇六年於此置縣今縣里

陽武縣

緊西南至州一百里

本漢舊縣屬河南郡晉屬滎陽郡

黃河縣北三十里

南棣城

北棣城二故城在縣北十里春秋楚伐陳諸侯會于北棣以救之此也

汴渠一名苜蓿渠今名通濟渠西南自滎澤管城二縣界流入

博浪沙縣東南五里張良爲韓報仇擊始皇處

新鄭縣

縣東北至州九十里

本有熊氏之墟又爲祝融之墟於周爲

鄭武公之國都韓哀侯滅鄭自平陽徙都之秦并天下其地爲潁川郡漢以爲新鄭縣屬河南郡晉省隋開皇十六年重置屬鄭州

元和郡縣志

卷八

九

陘山縣西南三十里史記魏敗楚于陘山山上有子產墓墓累石爲方墳墳東有廟皆東向即杜元凱終制所言者函陵縣北十三里左傳晉侯秦伯圍鄭晉軍函陵秦軍汜南此也

溱州府城即東魏河南道行臺侯景營軍之壘

溱水源出縣西北三十里平地

鄆城縣東北三十二里

洧水縣西北二十里灌潁渠首受洧水西魏遣王思政固守長社城東魏相高澄遣將清河王高岳攻之築堰通洧水渠灌破長杜城即此渠也

中牟縣繫西至州七十里本漢舊縣屬河南郡晉滎陽郡魏太武

省東魏孝靜帝分滎陽置廣武郡隋氏避諱改為內牟屬

管州今縣理是也十八年改為圃田縣大業十三年陷李

密武德三年李勣招撫東夏於此置牟州復改為中牟貞

觀元年屬汴州龍朔二年復穎鄭州縣理即古中牟故城

論語弗矜以中牟叛後漢魯恭為縣宰有善政人為立祠

圃田澤一名原圃縣西北七里其澤東西五十里南北二

十六里西限長城東極官渡上承鄭州管城縣界曹家陂

又溢而北流為二十四陂小鵠大鵠小斬大斬小灰大灰

之類是也

元和郡縣志

卷八

十

官渡臺俗號中牟臺亦名曹公臺在縣北十二里曹公破

表紹於此

許州

穎川開元戶五萬九千七百一十七和戶五千二百九十一

鄉一百一十七鄉五十七

今為陳許節度理所

管州二縣十三今鄉管戶九千三百二十九

禹貢豫州之域周又為許國按許國故城在今許昌縣南四十里故許昌城是也春

秋定公六年鄭滅許七年又封許自是附庸於鄭周末為

晉地三卿分晉其地屬韓秦滅韓虜韓王安以其地置穎

川郡理陽翟漢高帝五年為韓國以韓信為王六年復為

穎川郡後漢獻帝初遣董卓之亂遷都長安卓死東歸于

洛魏太祖迎帝都許及魏受禪改許縣爲許昌縣然魏雖都洛而宮室武庫猶在許昌又析潁川增置襄城縣晉咸和二年征西庾亮來成帝曰潁川襄城本是一郡戶口今少請還合潁川從之宋受禪後魏明帝使達奚斤伐宋長驅至武宇潁川許並入於後魏後又陷於東魏高澄就古潁陰城改置南鄭州即今州城是也隋仁壽元年改南鄭州爲許州隋末陷王充武德四年充平復爲許州

州境

東西二百一十七里
南北一百六十六里

八到

西至上都一千二百六十里
西北至東都三百四十里

北至鄭州一百八十六里
東南至陳州二百六十里

元和郡縣志

卷八

士

東北至汴州二百三十里
正南微東至蔡州三百里

貢賦

開元貢鹿心席絹
元和貢絹二十疋乾柿

賦綿絹鹿心席六領

管縣七

長社

長葛

許昌

鄆陵

臨潁

舞陽

扶溝

長社縣

望郭下

本漢舊縣屬潁川郡春秋時鄭長葛地其社

中樹暴長漢更名長社後漢屬郡不改隋文帝廢郡以縣屬汴州大業三年改爲潁川縣武德四年復爲長社改屬

許州

潁水西南自襄城縣界流入

潁水俗名勅水經縣西其源出密縣大颺山

長葛縣 緊南至州六十一里 本漢長社縣地置長葛縣屬許州取舊

名

洧水自北流入去縣十三里

長箱城東魏武定五年清河王高岳率衆圍西魏將王思政於潁川因築此城初以車箱爲樓因名長箱城開皇六年及於此立縣今縣理

長葛故城縣北十二里

長社故城縣西一里西魏大統十三年詔遣河南行臺大都督王思政進拔潁川東魏遣將清河王高岳率衆十萬圍潁川思政不與戰岳造高堰引洧水以灌城十五年潁元和郡縣志

卷八

十二

川城陷水自東北入城思政爲岳所執即此城也

東偏城縣東北五里左傳齊人鄭人伐許許莊公奔衛鄭伯使許叔奉許居許東偏即此城也

許昌縣 上西南至州五十五里 本許國爲楚所滅至漢爲縣屬潁川

郡後漢因之魏太祖迎獻帝都許文帝受禪改爲許昌宋志無許昌縣天平元年復置今縣理是也高齊文帝省鄆陵入許昌隋文帝又鄆陵縣置洧州以縣屬焉大業二年廢洧州以縣屬許州初魏武既破黃中經畧四方而苦軍食不足羽林監潁川棗祗建置屯田於是任峻爲典農中郎將募人屯田許下

即今許昌縣

得穀百萬斛郡國列置田官

數年之間所在倉儲盈積

洧水西北自長葛縣流入去縣三十里

許昌宮在許昌故城中楊修作許昌宮賦即此宮也魯城縣南西十里左氏鄭伯請以太山之枋易許田而祀周公即此城

景福殿殿基址今在許昌故城西南隅內

鄆陵縣

上西南至州七十五里

本漢舊縣屬潁川郡春秋鄭伯克段

于鄆晉楚戰于鄆陵並此地後魏分潁川置許昌郡仍立鄆陵縣以屬焉高齊文宣帝廢鄆以其地入許昌縣隋開皇三年復置屬許州十六年又於縣理置洧州縣仍屬焉元和郡縣志

卷八

十三

十里

鄆陵故城縣西北十五里

太丘城縣西南二十里陳實嘗爲此縣長

故陶城縣南五十里相傳晉陶侃征杜弋所築

臨潁縣

上西北至州六十里

本漢舊縣屬潁川郡歷代因之大業四

年自故城移於今經開皇三年罷郡以縣屬許州建中二年屬澗州貞元二年州廢依前屬許州

臨潁臯東西長五十里即龍脾崗也嵩高山東南三百里有龍脾其地沃壤可居即此崗也今臨潁縣理在崗上

潁水西北自長社縣界流入

繁昌故城縣西北三十里魏文帝行至繁陽亭築壇受禪
因置繁昌縣此城也

舞陽縣

上東北至州一百六十里

本漢舊縣屬潁川郡在舞水之陽因

名漢封樊噲魏封司馬宣王並爲舞陽侯皆此邑自漢至
晉不改宋省開元四年重於古城内置

扶溝縣

望西至州一百一十里

本漢舊縣屬淮陽國後漢屬陳留國

魏屬許昌郡高齊文宣帝自今縣北移於今理武德四年
置北陳州縣隸焉其年廢州以縣屬洧州九年洧州廢又
屬許州

元和郡縣志

卷八

十四

洧水縣西二十二里

陳州

淮陽上

開元戶五萬二千六百九十二
元和戶四千三十八

鄉一百四
鄉三十一

禹貢豫州之域本太昊之墟周武王封媯滿於陳春秋時
楚滅之秦滅楚屬潁川郡漢高帝分潁川置淮陽國後漢
章帝改爲陳國獻帝末陳王寵爲袁紹所殺國除爲陳郡
曹魏復爲陳國以東阿王植爲陳王植子志徙封濟北又
爲陳郡晉宋因之東魏孝靜帝以淮南內附置北揚州理
項城乃於項城橋立北丹陽郡及稜陵縣高齊文宣以百
姓守信不附侯景改北揚州爲信州周武帝改信州爲陳
州開皇二年改爲沈州大業二年廢沈州入陳州三年改

爲淮陽郡武德元年復爲陳州

州境 東西一百六十九里
南北二百八十里

八到 西至上都一千五百二十里
北至東都六百六十里

東至亳州二百里
東南至潁州三百里

北至許州二百六十里
西北至汴州三百一十里

西南至蔡州二百二十里
東北至宋州二百二十五里

貢賦 開元貢綿絹 賦 粟麥
元和貢絹十五疋

管縣六 宛丘 太康 項城 南頓 澗水 西華

宛丘縣 縣郭下 本漢陳縣春秋時楚滅陳縣之秦漢仍爲陳

縣漢屬淮陽國後漢屬陳郡晉屬梁國宋屬陳郡高齊文

元和郡縣志 卷八 十五

宣帝省陳郡仍移項縣理於此隋文帝罷陳郡改項縣爲

宛丘縣

陳州州城枕蔡水周迴三十里

宛丘縣南三里爾雅陳有宛丘又丘上有丘爲宛丘注四

方高中央下曰宛丘

固陵縣西北四十三里項羽敗南走固陵此也

洧水西自許州鄆陵縣界流入

蔡水自西北流入經縣理東一里

州理城楚襄王所築即古陳國城也包羲氏神農氏並都

於此及楚項襄王爲秦所伐失鄆郢徙都於陳卒爲秦所

滅

弩臺在縣理古陳城南八十步後漢陳敬王曹孫寵善弩射十發皆同處常於此臺教弩黃巾賊起寵有強弩千張故唯陳國保全開元九年移孔子廟移臺上東門池在州城東門內道南詩陳風東門之池可以漚麻即此池八卦臺及壇縣北一里古者伏羲氏始畫八卦於此

太康縣

縣南至州七十里

本漢陽夏縣地屬淮陽國後漢屬陳國

後魏孝昌四年置陽夏郡以縣屬焉隋文帝改陽夏為大業縣

蔡水西北自汴州尉氏界流入

元和郡縣志

卷八

十六

渦水首受蔡水東流經縣北

縣理城即漢陽夏縣城夏后太康所築漢五年高祖追擊

項羽至陽夏南羽敗走固陵是也

項城縣

上西北至州一百里

漢項縣古項子國春秋齊師滅項至楚

襄王徙都陳以項為別都按此城即楚築在漢屬汝南郡

晉屬陳國隋文帝改項縣加城字屬陳州東晉孝武敗秦

將符榮攻陷壽春符堅捨大軍於項城輕騎八千兼道赴

之時有謠曰堅不過項堅出令曰敢言吾在壽春者拔其

舌衆諫不從堅遂敗

武丘縣東南四十里本名丘頭魏王陵密謀廢五司馬宣王

將中軍討陵大軍掩至百尺堰陵自知勢窮軍到丘頭面縛水次因改丘頭爲武丘以旌其功即此也

小汝水西南流入去縣五十里

公路故城縣東四里漢末袁術所築

故誘城縣北三十里魏母丘作亂西至項鄧艾督軍至樂嘉以誘之後人因謂之誘城

百尺堰縣東北三十五里司馬宣王討王陵軍至百尺堰即此地

南頓縣上北至州七十五里本漢舊縣屬汝南郡古頓子國後逼於

陳南徙故號南頓其城楚令尹子王所築後漢世祖父欽

元和郡縣志

卷八

十七

嘗爲此縣令故號南頓君光武生於此縣中宋爲南頓郡東魏於

此置和城縣北齊廢郡省縣入和城隋復爲南頓縣屬陳州武德六年省入項城證聖元年以縣有光武鄉名符武氏遂於此置光武縣中宗復爲南頓

潁水縣西北三十里

小汝水縣西南四十里

高陽丘縣南四十里應瑒南頓人兄弟俱有名自比高陽氏才子故號高陽丘

澗水縣上北至州八十四里本漢汝陽縣屬汝南郡晉屬汝南國宋

又屬汝陽郡隋開皇三年屬陳州十六年改汝陽爲澗水

縣建中二年屬澉州興元二年澉州廢改屬陳州

澉水經縣北去縣三里

澉灌城縣東北二十五里本魏將鄧艾所築艾為典農使
行陳潁之間東至壽春艾以為田良水少不足盡地利遂
間築陂塘大興澉灌軍儲豐足因名此城

乾谿臺在縣北三里左傳楚靈王有乾谿之臺即此也

西華縣上東至州八十里本漢舊縣屬汝南郡後漢因之晉無西

華縣宋復置屬陳郡高齊省後魏太和中復置武城縣神

龍元年又為基城景雲復為西華

潁水縣南二十里

元和郡縣志

卷八

十八

洧水縣西二十里

集糧城在縣西十里魏使鄧艾營田築之貯糧故名

元和郡縣圖志卷第八



元和郡縣圖志卷第九

河南道五

徐州節度使 徐州 宿州 泗州 濠州

蔡州節度使 蔡州 申州 光州

徐州

彭城

開元戶四萬九千七百二
元和戶三千八百五十八

鄉九十二
鄉八十九

令為徐泗節度理所

管州四 徐州 宿州 泗州 濠州

縣一十六

都管戶三萬七
千二百五十二

本禹貢徐州之域春秋時為宋滕薛小邾偃陽之地六國時屬楚秦并天下為泗水郡楚漢之際楚懷王自盱眙徙

元和郡縣志

卷九

一

都之後項羽遷懷王於郴自立為西楚霸王又都於此漢改泗水郡為沛郡又分沛郡立楚國按楚國即今州理是也宣帝地節元年更為彭城郡尋復為楚國自漢以來或理彭城理下邳晉氏南遷又於淮南僑立徐州安帝始分淮北為北徐州宋永初二年加淮南徐州曰南徐州而改北徐州曰徐州明帝時淮北入魏梁初暨收太清之後尋復入魏徐州復理彭城仍立彭城郡高齊及後周不改隋開皇二年於此置總管罷郡其所領縣並屬徐州十四年廢總管府為彭城郡隋亂陷賊武德四年討平王充改置徐州總管府七年改為都督貞觀十七年罷都督初宋高



祖經畧中原以彭城險要置府於此至文帝時王玄謨又
上表曰彭城南界大淮左右清汴城隍峻整襟衛周固自
淮已西襄陽已北經塗三千達於齊岱六州之人三十萬
戶常得安全實由此鎮後魏大將軍尉元上表曰彭城宋
之要藩南師來侵莫不用之以陵諸夏輿地志云郡城由
來非攻所能拔按自隋氏鑿汴已來彭城南控埧橋以扼
汴路故其鎮尤重

州境

東西二百六十九里
南北六百八十九里

八到

西至上都二千八十里
西至東都一千二百二里

南取埧橋路至定州五百里
西南取蕭縣路至宋州三百十里

元和郡縣志

卷九

二

西南至濠州三百九十里 取埧橋路

西北至兗州三百四十里

東南至泗州五百九十里

東北至沂州三百五十里

貢賦

開元貢五色土各一斗
上細絹 賦用綿絹

管縣五

彭城

蕭縣

豐縣

沛縣

滕縣

彭城縣

望郭下

古大彭氏國也漢為彭城縣屬楚國後漢屬

彭城國宋屬彭城郡隋文帝罷郡為縣屬徐州

定國山在縣東四里魏武定五年慕容紹宗欲擊梁貞陽

侯蕭明營於此山

泗水在縣東去縣十步

州理城貞觀五年築其外城即古大彭氏國漢高祖定天

下以爲楚國封弟交爲楚王東晉封劉裕爲宋公至宋武
武帝以皇子義康爲彭城王並都於此後宋平北將軍徐
州刺史薛安都乃舉城歸魏

呂梁故城在縣東五十七里春秋時宋之呂邑至漢以爲
呂縣城臨泗水高百四十尺周迴十七里此城東二里有
三城一在水南一在水中潭上一在水北並高齊所築立
鎮以防陳寇

曹公故城在縣東南六十五里在呂梁東岸或言曹公築
此以守呂布西岸有城臨水是布之所固也號曰呂布固
故垞城在縣北二十六里或曰古崇侯國兗州人謂實中
元和郡縣志

卷九

三

城曰垞

戲馬臺在縣東南二里項羽所造戲馬於此宋公九日登
戲馬臺即此也

寒山堰在縣東南一十八里梁蕭明伐魏堰清水以灌彭
城呂梁在縣東南五十七里蓋泗水至呂縣積石爲梁故號
呂梁陳將吳明徹以舟師北破下邳進屯呂梁堰泗水以
灌徐州周將軍烏丸軌達奚長儒率兵救援軌取車輪數
百連鑠貫之橫斷水路然後募壯士夜決堰至明陳人始
覺潰亂爭歸至連鑠之處生擒明徹

蕭縣

上

東北至州六十里

本古之蕭國春秋時宋邑漢蕭縣屬沛郡北齊改爲承高
縣屬彭城郡開皇三年罷郡屬徐州改爲龍成縣尋復爲
蕭縣

丁公山在縣東南二十里丁固追漢高帝處

緩與山在縣東二十五里宋高祖緩與里人蓋因里以名
山也

胥井在縣北二百步左傳楚子伐蕭還無社與司馬言因
於胥井而拯之即此也

豐縣 上 東南至州一百七十五里

本漢舊縣屬沛郡戰國屬梁後漢屬沛國晉同宋改屬北

元和郡縣志

卷九

四

濟陰郡北齊改郡永昌以縣屬焉隋改屬徐州

豐西澤在縣西十五里漢高帝斬白蛇於此

沛縣 上 東南至州一百四十三里

本秦舊縣泗水郡理於此蓋取沛澤爲縣名漢興四年改
名沛郡領三十七縣理相成以此爲小沛魏分立譙郡又
以沛爲王國晉不改宋爲沛縣改屬徐州隋文帝罷郡縣
屬仍舊

微山上有微子冢去縣六十五里

泗水西北流入北去縣五十步

泡水即豐水也西去縣百五十步

縣理城即秦沛縣城也初陳涉起沛令欲以沛應之乃令樊噲召高祖沛令後悔閉城拒守高祖書帛射城上曰諸侯並起今屠沛父老乃殺沛令迎高祖立爲沛公十二年高祖破黥布還過沛謂沛父老曰遊子悲故鄉吾雖都關中萬歲後吾魂魄猶思樂沛且朕自沛公以誅暴亂其以沛爲朕湯沐邑

故留城在縣東南五十五里高祖令張良自擇齊三萬戶良曰始臣起于下邳與陛下會留乃封良爲留侯故沛宮在縣東南一里高祖過沛置酒歌大風即此宮也

泗水亭在縣東一百步高祖微時爲亭長於此

元和郡縣志

卷九

五

滕縣

上 南至州二百里

本古滕國漢蕃縣也屬魯國宋屬彭城郡漢末太傅陳蕃子逸爲魯相改音皮後魏置蕃郡以縣屬焉北齊郡縣並廢隋於此置滕縣屬徐州按古滕縣國在縣西南十四里滕城是也

奚公山在縣東南六十六里奚仲初造車於此處

公丘故城在西南十五里夏侯嬰初爲滕令故號滕公按此時高祖未立屬縣故滕爲秦縣至武帝改爲公丘縣屬

沛國

故薛城在縣東南四十三里薛侯國也孟嘗君時薛中六

萬家其中高厚天下無比此田文以抗禦楚魏也合鄉故
城在縣東二十三里即論語所謂互鄉是也

宿州 符離 上和戶八千六百七十六 鄉三十六

本徐州符離縣也元和四年以其地南臨汴河有埭橋為
舳舻之會運漕所歷防虞是資又以蘄縣北屬徐州疆界
闊遠有詔割符離蘄縣及泗州之虹縣置宿州取古宿國
為名也

州境 東西南北

入到 西北至上都一千九百里
西北至東都一千四百里

東南至泗州四百二十里
東南至淮百里與濠州分中流為界從界至濠州一

元和郡縣志 卷九

六

百里
北至徐州一百五十里

西至宋州三百三十里

貢賦 開元貢

管縣三 符離 蘄縣 虹縣

符離縣 上 北至州一百五十里

本秦舊縣漢屬沛郡高齊時屬睢南郡開皇三年罷郡以
縣屬徐州爾雅曰莞符離也以地多此草故縣取名
睢水自縣西北流入

故相城在縣西北九十里蓋相土舊都之所

靈壁故城在縣東北九十里漢二年漢王入彭城項羽以

精兵三萬人晨擊漢軍於靈壁東睢水上大破之睢水爲之不流
鄆縣 上 北至州二百三十二里 本秦舊縣漢屬沛郡後

漢屬沛國有大澤鄉陳涉起兵於此爲狐鳴宋於此置譙
郡齊以爲北譙郡後魏改蘄縣爲蘄城縣隋開皇三年去

城字屬仁州 即今宿州 蘄縣是也 大業二年屬徐州八年屬譙州七

年復隸徐州

淮水西南流入經縣南七十里

渙水西自臨渙縣界流入

渦水南去縣一百里

蘄水去縣三十里

元和郡縣志

卷九

七

虹縣 上 西至州二百里

本漢舊縣屬沛郡 虹音貢 漢書作虹字 梁武帝於此置貢

城戍後魏復置虹縣周大象中省以地屬晉陵縣開皇十

八年改晉爲夏丘縣武德四年於今縣南百里故虹城重

疊置虹縣屬仁州貞觀八年屬泗州貞觀十三年移今

理縣臨汴河

赤坎故城在縣西南五十九里梁天監八年置赤坎戍潼

陂一名萬安湖周迴二十里在縣北五里

垓下聚在縣西南五十四里漢高祖圍項羽於垓下大破

之即此地也按漢浚縣屬沛郡垓下即浚縣之聚落名也

波音絞圖經云項羽墓在縣南六里按羽死後高祖以魯公禮葬羽於穀城在今鄆州東阿縣界言在此俗說之謬也

廣濟渠按開元二十七年河南採訪使齊澣以江淮運漕經淮水波濤有沉溺之憂遂開廣濟渠下流自虹縣至楚州淮陰縣北十八里合於淮踰時畢功後以水流峻急行旅艱阻旋又停廢却由舊河

泗州 臨淮上 開元戶三萬三百五十五 元和戶四千一十五 鄉六十 鄉五十

禹貢徐州之域春秋時屬魯又為徐子之國後為楚所滅秦為泗水郡地漢興改泗水為郡武帝分置臨淮郡後漢元和郡縣志 卷九 八

下邳太守理此自晉迄後魏並為宿預縣後魏於此置東徐州周宣帝大象二年改為泗州大業三年改為下邳武德四年復為泗州開元二十三年自宿遷縣移於今理

州境 東西三百八十五里 東北三百七十九里

八到 西北至上都二千三百二十里 西北至東都一千四百七十里

東南陸行至揚州二百七十三里 東水路至楚州二百二十里

西南至濠州二百一十里 西北至埭橋四百二十里

貢賦 開元貢賦 麻布 細縑布

管縣五 臨淮 宿遷 徐城 漣水 下邳

臨淮縣 緊郭下

本漢徐縣地長安四年分徐城南界兩鄉於沙塾村置臨淮縣南臨淮水西枕汴河開元二十三年自宿遷移於今理

宿遷縣

上

南至州二百一十里

春秋時宋人遷宿之地至漢爲朐猶縣屬臨淮郡晉安立宿預縣開皇三年屬泗州寶應元年以犯代宗廟諱改爲宿遷縣

淮水入縣境南與楚州山陽縣分中流爲界

舊州城梁將張惠紹北入軍所次憑固斯城塹其羅引水環之今城在泗水之中

元和郡縣志

卷九

九

下相故城在縣西北七十里秦故縣也項羽卽下相人也應劭曰相水出沛國亦曰下相

魯肅廟在縣東南一里肅臨淮人後人爲之立廟

徐城縣

中

東至州五十里

本徐子國也周穆王末徐君偃好行仁義視物如傷東夷歸之者四十餘國穆王聞徐君威德日遠乘八駿之馬使造父御之發楚師襲其不備大破之殺偃王其子遂北徙彭城原東山之下百姓歸之號曰徐山按山今在下邳縣界楚漢之際項羽置東陽郡漢誅英布置徐縣屬臨淮郡後漢以臨淮郡合於東海明帝又分東海爲下邳國理於

此晉太康三年復置徐縣屬臨淮郡梁於此置高平郡及高平縣開皇十八年改爲徐城縣泗州理大徐城大業四年移於今理

淮水西南自虹縣界流入

永泰湖縣南二里周迴三百六十三里其中多魚尤出朱衣付

大徐城在縣北三十里

徐君墓在縣北三十二里李札掛劍處

漣水縣上 西至州一百六十里

本漢朐猶縣之地後漢爲徐縣之地晉爲宿遷縣之境宋

元和郡縣志

卷九

十

明帝於此置東海郡又於城北置襄賁縣屬焉後魏改爲海安郡開皇三年廢郡以縣屬海州五年改襄賁爲漣水縣因縣界有漣水爲名武德四年置漣州縣屬焉貞觀元年廢漣州縣屬泗州

海水在縣東北一百四里

淮水西南自宿遷縣界流入

沐水俗名漣水西南自海州沐陽縣流入

碩濩湖在縣北百一十六里與海州朐山縣中分爲界

下邳縣上 東南至州一百七十五里

本夏時邳國後屬薛左傳薛之祖奚仲遷於邳是也春秋

併於宋戰國時屬楚後屬齊至秦曰下邳縣漢屬東海郡
魏志曹公征呂布於下邳生擒布令東中郎將鎮下邳宋
改爲下邳縣屬東徐州周改東徐爲邳州隋省邳州以縣
屬泗州

嶧陽山在縣西六里

泗水西自彭城縣界流入

淮水自縣西流入去縣六十里

沂水經縣北分爲二水一水於城北西南入泗一水經城
東屈曲從縣南亦注泗謂之小沂水水上有橋昔張子房
遇黃石公於圯上即此處也南人謂橋爲圯故邾城在縣
元和郡縣志

卷九

二

東北一百五十里古邾子國城孔子問鳥官於邾子即此
地也

縣理城古邳國城也魏武征呂布於下邳決泗水引沂水
以灌其城即此處也按下邳城有三重大城周迴十二里
半中城周四里呂布所守也魏武擒布於白門即大城之
門也小城累塼堅峻周二里許西南又有一小城周三百
七十步征虜將軍石崇所築也石鼈屯晉穆帝升平初荀

羨爲北部都尉鎮下邳起田於東陽之石鼈

在縣臨
津郡界公私

利之北齊廢帝乾明中尚書在丞蘇珎芝又議修石鼈等
屯歲收數十萬石自是淮南軍防糧儲充足

濠州

鍾離上

開元戶二萬五百五十二
元和戶二萬七百二

鄉四十一
鄉四十二

禹貢揚州之域春秋時爲鍾離子之國後爲吳楚所爭之地左傳楚子爲舟師以畧吳疆滅鍾離又史記楚平王時鍾離人與吳邊邑畢卑梁小僮爭桑而二邑交相攻滅秦并天下屬九江郡漢置鍾離縣復隸九江郡晉立爲鍾離郡宋因之宋明帝失淮北地復立徐州於此後廢帝改號北徐州梁因之以昌義之爲北徐州刺史鎮鍾離魏鍾山王元英將軍揚大眼率衆數千萬來寇鍾離城北阻淮水魏人於州東邵揚州作浮橋晝夜攻城分番相代義之善射每彎弓所向莫不應弦而倒一日戰數十合魏軍死者元和郡縣志

卷九

十二

與城中平會高祖遣曹景宗韋叡二十萬來救魏軍大敗英與大眼脫身而走因輕騎追至洛口州後入高齊文宣帝改爲西楚州隋開皇三年改濠州因水爲名大業三年改爲鍾離郡南北朝皆爲重鎮隋亂陷賊武德五年杜伏威附改爲濠州按濠州本屬淮南與壽陽阻淮帶山爲淮南之險貞觀元年竇參爲相於是據淮割地隸屬徐州及徐州節度使張建封死子愔爲本軍所立常挫王師其時朝廷幾失淮南之地蓋參不學無術昧於疆理之制所由致也自貞元以後州西渦口對岸置兩城刺史常帶兩城使以守其要濠字中間誤去水元和三年字又如水焉

州境東西二百六十里
南北一百八十一里

八到北取虹縣路至上都二千三百七十五里
西北至東都一千五百一十里

東北至楚州肝胎縣二百二十里
從縣至楚州一百九十里

西南至壽州二百二十里
東南至滁州二百三十里

南至廬州三百三十里
東北至泗州三百二十里

西北至徐州四百五十里

貢賦開元貢賦
官純純絹

綿布

管縣三 鍾離 定遠 招義

鍾離縣郭上

本漢舊縣屬九江郡至晉屬淮南郡安帝時因東郡燕縣

元和郡縣志

卷九

十三

流人在鍾離者於此置燕縣至高齊復為鍾離縣

塗山在縣西九十五里

淮水西南自壽州界流入

西濠水出縣西南莫邪山北入淮

東濠水出縣南濠塘山東北入淮

當塗縣故城本塗山氏國在縣西南百一十七里禹娶於

塗山即此也

荆山堰在郡城西首一十二里梁天監十四年魏降人王

足陳計於武帝求堰淮水以灌壽陽引北方童謠曰荆山

為上格浮山為下格潼泡為激溝并灌鉅野澤帝遂發徐

徐陽人率二十戶取五丁以築之令太子右衛率康絢左衛將軍昌義之護作令戰士二十萬人於鍾離南起浮山堰北抵巉石至十四年四月堰將合淮水漂度輒復決潰或言江淮多蛟龍其性惡鐵於是東西二冶故鐵器大則釜鬲小則鏗鉏數千萬斤沉於堰所猶不合緣淮百里內木石皆盡負者肩上皆穿士卒死者十七八年四月堰乃成壽陽城成移頓於八公山淮水清人之墳墓皆歷歷見於水底或謂絢曰四瀆者天地所以節宣其氣不宜久塞旣而昏霧三日霧解而堰決殺數萬人其聲若雷聞於三百里水中怪物隨流而下或人頭魚身龍形馬首殊類元和郡縣志

卷九

十四

詭怪不可勝言

莊周臺在縣西南七里濠州水經其前莊子與惠子觀魚之所又云觀魚臺

定遠縣

上北至州一百里

本漢東城縣地屬九江郡梁武帝天監初置屬定遠郡高齊改爲大安郡仁壽元年廢郡改定遠縣爲臨濠縣屬濠州國朝復爲定遠縣

浴水經縣西四十里

陰陵縣故城在縣西北六十五里本漢縣也項羽敗於垓下將麾下八百騎潰圍南走灌嬰追羽至陰陵羽迷失道

問田父田父給曰在左乃陷大澤以故漢兵及之

東城縣故城在縣東南五十里項羽自陰陵至此尚有二十人騎南走至烏江亭灌嬰等追羽楊善斬羽於東城即此地也

招義縣 上 西至州一百四十里

本漢淮陵縣屬臨淮郡後漢屬下邳郡宋孝武自淮北徙睢陵縣改為池南縣陳為招義縣大業元年為化明縣屬濠州武德七年更名招義縣

淮水西自鍾離縣界流入

浮山堰在縣西北六十里梁天監十三年與荆山堰同時

元和郡縣志

卷九

十五

修築

蔡州

緊汝南

開元戶五萬一千二百一十
元和戶一萬二百六十三

鄉一百七

今為蔡州節度理所

管州三

蔡州

申州

光州

縣十二

古豫州之域春秋時為蔡江黃道柏胡蓼沈頓項息房呂十三國之地七國時屬魏秦兼天下為三川河東南陽潁川碭泗水師七郡之地漢立汝南郡領二十七縣理平與宋元嘉中後魏太武率兵圍汝南郡太守陳憲守拒四十餘日魏人積屍與城齊不拔而退宋文帝又於懸瓠城今理置司州其後太武收河南地獻文改司州為豫州周大象

二年改爲舒州隋文改爲豫州移入懸瓠城今理是也仁壽四年改爲溱州大業二年改蔡州三年罷州爲汝南郡武德四年復置豫州寶應元年以避代宗廟諱復改爲蔡

州

州境東西北至五百一十三里

八到西北至上都一千四百三十里
西北至東都六百二十里
南至申州二百五十里
西至唐州二百一十里
東北至陳州二百二十里
北至潁州三百六十里
東南至光州三百二十里

貢賦開元貢賦
龜甲鰓鵝鵠綾長安四年改爲四窠雲綾

元和郡縣志

卷九

十六

管縣十二

汝南

汝陽

平輿

吳房

西平

朗山

新息

真陽

上蔡

新蔡

褒信

郟城

汝南縣望郭下

管四界

本漢舊縣也屬汝南郡晉屬汝南國宋屬汝陽郡隋開皇二年罷郡縣屬豫州仁壽四年改豫州爲溱州以縣屬焉大業二年又移於今理屬蔡州

汝水經縣西南二里

州理城古懸瓠城也汝水屈曲形若垂瓠故城取名焉平

與故城漢縣也古沈子國在縣東北六十里

鴻郟陂在縣東十里成帝時陂溢為害翟方進為丞相以
為決去陂水其地肥美省隄防之費遂奏罷之王莽時嘗
枯旱郡人追怨方進童謠曰壞陂誰翟子威飯我豆食羹
成芋魁反手覆陂當復誰者云兩黃鵠及建武中太守鄧
晨使許陽為都水掾令復鴻郟陂陽曰昔成帝夢上天天
帝怒曰何故壞我濯龍池於是乃回高下形勢起塘四百
餘里數年乃立今廢

平輿縣 中 西至州六十二里

本漢平輿縣地屬汝南郡高齊廢大業二年重置十三年

元和郡縣志

卷九

十七

陷王世充置輿州管平輿一縣武德中屬蔡州貞觀元年
廢天授二年重置

汝水在縣南四十二里

葛陂周迴三十里在縣東北四十里費長房投杖成龍處

吳房縣 上 東南至州九十里

本漢舊縣屬汝南郡後魏置襄城郡仍立遂寧縣以屬焉
隋改為濯陽縣大業二年改為吳房縣

西平縣 上 東南至州一百五十里

本漢舊縣屬汝南郡後魏置即春秋時柏國也古韓地之
分蘇秦說韓王曰韓有劔戟出於棠谿今此縣西界有棠

谿村是也縣又有龍泉水可以淬刀劍自漢至後魏皆爲西平縣地隋末廢天授三年復置

朗山縣上 東北至州九十一里

本漢安昌縣地屬汝南郡漢省後魏太武真君二年於朗陵故城復置隋開皇三年移於今理屬豫州十六年改爲

朗山縣

朗陵山一名大朗山在縣西北三十里

淮水經縣理南去縣一百二十里

道城古道國也在縣東北二十里

朗陵故城漢縣也在縣西南三十五里晉何曾所封之邑

元和郡縣志

卷九

六

也

四望故城在縣東南七十里後魏太和十一年豫州刺史王肅於四望陂南築之以禦梁梁太清二年豫州刺史羊雖仁以二魏交逼糧運懸斷乃棄懸瓠歸於義陽上表曰臣輒率所領縮還舊鎮仍留夏紹等停四望城防備即此城也

新息縣上 西北至州二百里

本息侯國爲楚所滅漢以爲新息縣屬南郡周武帝於此置息州領此縣隋大業二年州廢改屬豫州武德四年於此重置息州貞觀元年廢以縣屬豫州

淮水自西流入經縣南去縣五里

汝水自西流入經縣北去縣八十里

王梁渠在縣西北五十里隋仁壽年修築開元中縣令薛務更加疏導兩岸通管陂一十六所利田三千餘頃

珉玉坑在古息城東南五步周迴一百八十步深三尺其玉顏色潔白堪爲器物隋朝官採用貞觀中亦令採取其後爲淮水所沒開元中淮水東移珉坑重出其玉溫潤倍勝昔時蔡州至今以爲厥貢之首

賈君祠在縣北一里名彪字偉節後漢時爲新息長人例不養子彪巖其制所活數千僉曰賈父後爲立祠

元和郡縣志

卷九

十九

新息故城在縣西南十里

真陽縣中 北至州一百里

本漢慎陽縣屬汝南郡晉汝南國後魏改爲真陽縣高齊改爲保城縣開皇十六年改置真丘縣大業二年復爲真陽縣因慎水爲名也

淮水經縣南去縣八十里

慎水出縣西南二十里

上蔡縣 上 南至州七十里

本漢舊縣也古蔡國晉上蔡縣屬汝南國後魏神龜三年於此置臨 縣高齊廢隋文開皇十二年移於今理爲上

蔡縣

蔡崗在縣東十里周迴五十里

汝水西去縣十五里

新蔡縣 上 西北至州一百五十里

本漢舊縣古呂國也漢屬汝南郡晉屬汝陰郡宋屬新蔡郡東魏孝靜帝於此置蔡州開皇十六年於此置舒州領大寧縣仁壽二年改縣爲汝大業二年改爲新蔡縣屬蔡州

汝水經縣南去縣

褒信縣 中 西北至州一百八十里

元和郡縣志

卷九

二十

本漢鄆縣之地後漢分立褒信縣屬汝南郡晉屬汝陰郡宋改爲褒信縣大業二年改褒信縣屬蔡州

淮水縣南去縣七十五里

汝水經縣東北去縣五十五里

白亭在縣東南四十二里左傳楚白公勝所封之地

鄆城縣 緊 東南至州一百八十里

本漢七國時魏之下邑史記楚昭陽伐魏取鄆兩漢以爲縣屬潁川郡光武謂賈復曰鄆最大宛次之復曰臣請擊鄆帝執復手曰執金吾擊鄆吾復何憂謂此城也宋元嘉二年將軍劉緬說曰鄆城有百年之福若北朝保之未可

敵也遂遣將軍殷祖焚其倉糧高齊於今縣置臨潁郡開皇三年廢五年又於廢郡城中置郟城縣屬許州武德四年於此置道州貞觀元年廢以縣屬豫州

汝水經縣西北去縣七十八里

大澗水上承汝水自襄城至岐額城分流南為汝水北為澗水

小澗水縣西北六十里至縣合為大澗水

邵陵故城在縣東四十五里春秋齊桓公帥諸侯之師盟於邵陵此其處也漢置邵陵縣屬汝南郡隋廢入郟城

征羌故城在縣東南七十五里本秦安陵縣建武十二年

元和郡縣志

卷九

三

來歙征西羌有功故改名以封之

申州中義陽本屬淮南道貞元已後隸蔡州節度

開元戶二萬一千二十
元和戶六百一十四

鄉四十二
鄉二十一

禹貢荊州之域又古申國也鄭武公娶于申曰武姜在周為侯伯後為楚所滅秦并天下屬南陽郡魏文帝分置義陽縣自後省置不常宋元嘉末於此立司州自後入後魏為郟州入梁為司州周武帝平齊改為申州大業二年改為義州武德四年復置申州

州境東西二百里
南北一百七十八里

八到西至上都一千七百一十里
西北至東都九百四十二里

東北至光州二百六十里
南至安州二百六十里
西北至唐州二百六十里
西南至隨州二百三十里
北至蔡州二百八十里

貢賦 開元貢賦 葛十疋 紵 綿 絹

管縣三 義陽 鍾山 羅山

義陽縣 郭上

本漢平氏縣義陽鄉之地也魏文帝分平氏立義陽縣江左省義陽縣地入平春縣晉孝武帝改平春曰平陽隋開皇三年改平陽為義陽縣屬申州大業二年改屬義州皇朝復屬申州

元和郡縣志 卷九 二十一

淮水西自唐州桐柏縣界流入東北經縣去縣三十七里故曹城在縣東三十八里梁將曹景宗將兵侵魏所築故平靖關城在縣南七十六里舊有此關不知何代創立接義陽有三關之塞此其一也武陽黃峴二關在安州應山縣界長老云此關因山為障不營濠隍故名平靖關

鍾山縣 上 西至州四十里

本漢鄆縣也屬江夏郡宋永初屬義陽郡高齊於此置齊安郡後改為萬歲郡開皇三年罷郡為齊安縣乃屬申州四年以近鍾山改齊安為鍾山縣

淮水經縣北四十里

澁水出縣南霸山去縣七十五里山石之間波流塞澁因以為名

石城在縣西南二十一里石城山上本晉義陽縣所理

羅山縣 上 西南至州一百一十里

本漢鄆縣地梁武帝置西汝南郡於此開皇三年併入鍾

山十六年於鍾山析置羅山縣屬申州武德四年置南羅

州領羅山一縣八年州廢以縣屬申州羅山在縣西南九

里

淮水經縣北去縣二十里

光州 弋陽中 本屬淮南道貞元已後隸蔡州節度

元和郡縣志

卷九

二十三

開元戶二萬九千六百九十五
元和戶一千九百九十

鄉六十一
鄉六十二

禹貢揚州之域春秋時弦國之地魯僖五年楚人滅弦弦

子奔黃在秦屬九江郡在漢為西陽屬江夏晉安帝立光

城縣理於此梁末於縣置光州大業二年罷州為弋陽郡

武德三年改為光州總管府貞觀元年為光州總管府大

極元年自光山縣移今理

州境 東西四百四十三里
南北二百三十五里

入到 西北至上都一千七百三十里
東北至壽州四百三十里

西北至東都九百二十里
西南至申州二百六十里

東南至大別山三百里
西北至蔡州三百里

貢賦 開元貢賦

純葛十疋 絹

生石斛六十斤

管縣五

定城

殷城

固始

光山

仙居

定城縣

下郭

本漢弋陽縣屬汝南郡自漢至蕭齊韋為弋陽

域武德三年置絃州領定城一縣貞觀元年省定城屬光

州

淮水北去縣六十七里

黃國故城在縣西十二里春秋時黃國後為楚所滅

殷城縣

中

北至州一百二十里

本漢期思縣地屬汝南郡宋僑立芑

信縣於此梁以芑信縣為義州隋開皇四年改芑信縣為

元和郡縣志

卷九

五

殷城縣屬弋陽郡武德三年重置義州以縣屬光州

澮水在縣西五里

定城關在縣南四十里高齊以南迫陳境因置此關隋廢

温湯在縣南山中其湯綠色

固始縣 上 西南州一百五十五里

本漢封蓼侯之地春秋蓼國楚并之今縣城是也自東晉

已後蓼縣省宋明帝失淮北地乃於僑立新蔡郡領固始

一縣開皇七年改屬義州大業三年廢義州屬弋陽郡

淮水經縣北八十里

茹陂在縣東南四十八里建安中劉馥為揚州刺史典築

以水溉田

孫叔敖祠在縣西北隅七十五里

光山縣上 北至州三十里

本漢西陽縣也屬江夏郡魏屬弋陽郡宋孝武帝大明初於此立光城縣隋開皇三年廢入樂安縣十八年又置光山縣

光山一名弋山在縣西北八十里

淮水經縣北七十里

木陵故關在縣南一百三十二里齊魏二境齊置此關以爲禁防周因不改隋開皇九年平陳後廢

元和郡縣志

卷九

三五

仙居縣中 東至州一百里

本漢軼音縣春秋時強國楚滅之漢以爲縣屬江夏郡至宋分立樂安縣天寶元年改爲仙居縣西有仙居因以爲名

谷水在縣北九里

軼縣故城在縣北四十里春秋時弦國之都也

仙堂上陂在縣西南十一里梁武大同元年百姓堰谷水爲六陂以溉稻田

元和郡縣圖志卷第九

元和郡縣圖志卷第十

河南道六

淄青節度使管十二州 鄆州 兖州 青州

齊州 曹州 以後分入下卷 濮州 密州

海州 沂州 淄州 萊州 登州

鄆州 東平 大都督府 開元戶三萬三千三百八十七 鄆六十二

今為淄青節度理所 自曹州以下分入下卷

管州十二 鄆州 兖州 青州 齊州 曹州

濮州 密州 沂州 淄州 萊州

登州

元和郡縣志

卷十

禹貢兖州之域春秋時屬宋即魯附庸須句國 音太昊之

後風左傳曰公伐邾取須句戰國時其地屬魏秦為薛郡

地在漢為東平國屬兖州後漢封皇子蒼是為憲王宋及

後魏並為東平郡周宣帝於此置魯州尋廢隋分兖州萬

安縣置鄆州大業三年罷州為東平郡隋亂陷賊武德五

年討平徐圓朗於今鄆城縣置鄆州為總管府本理鄆城

貞觀八年以下濕移理須昌貞元三年昇為都督府

州境 東西一百八十七里 南北二百六十四里

八到 西南至上都一千八百二十里 西南至東都九百六十五里

東北至齊州二百八十里 東南至兖州一百九十里

西至曹州三百三十里
北渡河至博州一百八十里

貢賦

開元貢賦

絹一十五疋
綿一十五疋

管縣十 東平 須昌 陽穀 壽張 盧縣 東阿

鄆城 鉅野 平陰 中都

東平縣

望郭下

古宿國左傳曰公及宋人盟于宿是也後齊

為無鹽地漢於此置宿昌縣屬東平郡縣理無鹽城隋別

置須昌縣屬鄆州改漢須昌縣為宿城縣貞元三年移於

州理改為東平縣

須昌縣

望郭

本漢舊縣屬東郡故須句國按此前須昌縣在今縣東南

元和郡縣志

卷十

二

三十二里須昌故城是也隋改須昌為宿城縣更立須昌

縣於今理屬鄆州縣在州南四十五步

濟水南自鄆城縣界流入去縣西二里

州理故須句城左傳任宿須句顓臾皆風姓也注曰須句

雖列國而削弱不能自通魯私屬若顓臾之比也

無鹽故城在縣東三十六里古宿國也列女傳曰無鹽有

醜女名宿瘤齊宣王善之立為夫人即此縣女也

清水石橋在縣西三里隋仁壽元年造石作華巧與趙州

石橋相埒長四百五十尺

東平思王宇墓在東四十九里漢東平思王宇宣帝子後

薨葬於此其冢松柏皆西靡王奢侈生葬所愛幸者守冢者常聞號呼數年後乃不復聞聲

陽穀縣

上 東南至州七十五里

本漢須昌縣地隋於此置陽穀縣取東河縣界陽穀亭爲名也屬濟州天寶十三年濟州爲河所陷沒以縣屬鄆州黃河在縣北十二里

故伏城在縣東南二里蓋伏生所居因號之

壽張縣

緊 東北至州四十五里

本漢壽良縣地屬東郡後漢光武以叔父名良改曰壽張屬東平郡開皇三年罷郡屬濟州十六年割屬鄆州武德

元和郡縣志

卷一

三

四年屬壽州五年廢壽州屬鄆州

梁山在縣南三十五里漢書曰孝王北獵梁山是也壽州故城在縣東南十五里隋末百姓築以爲堡武德四年於此置壽州

呂母垞在縣東南三十五里後漢東海呂母合衆於此交

州人謂城實中曰垞

音直加友

盧縣

緊 東南至州一百里

本漢舊縣也屬泰山郡都尉理之濟北王所都後漢盧縣屬濟北國宋屬北郡開皇三年罷郡縣屬濟州大業三年復爲濟北郡武德四年討平王充復爲濟州按濟州理碣

礪城

礪音若高反
礪音教

本秦東郡之荏平縣地也其城西臨黃河

晉末爲河水所毀移理河北博州界事具博州宋元嘉二十年寧朔將軍王玄謨前鋒入河平礪立戍守之都督劉義恭以沙城不堪守召玄謨毀城而還後更城之後魏略得河南置鎮守八年於此置濟州至天寶十三載州爲河所陷廢

礪礪津在縣北一里後魏於此置關名濟州關隋末廢劉公橋架濟水在縣東二十七里宋武帝伐燕過此造橋故俗呼爲劉公橋隋末廢貞觀元年重造長十二丈闊一文二尺

元和郡縣志

卷十

四

東阿縣

繫

南至州五十里

本漢舊縣也春秋時齊之柯地左傳曰公會齊侯盟於柯汪曰此柯今濟北東阿齊之柯邑猶祝阿也漢志東阿縣屬東郡都尉理晉屬濟北國開皇三年屬齊州天寶十三年濟州廢縣屬鄆州

魚山一名吾山在縣東南二十里瓠子歌曰吾山平兮巨野溢魚沸鬱兮迫冬日即此山也曹子建每登此山有終焉之志及亡葬於山下

穀城山在縣東三十二里黃石公出一編書與張良曰後十三年孺子見我濟北穀城山下黃石即我也其處焉

東阿故城在縣西二十里漢東阿縣城也晉太康後省魏志程昱謂范令靳允曰曹使君智殆天所授君必固范戍守東阿則田單之功可立謂此城也水經注曰東阿天井巨若輪深七八丈每歲取此井水煮膠入貢本草所謂阿膠也

陽穀亭在縣東南四十二里左傳齊桓公會諸侯于陽穀是也

項羽墓在縣東二十七里初羽爲魯公羽死後魯猶爲楚守漢王示以羽首魯乃方降羽死乃以公禮葬於此

鄆城縣緊東北至州一百里

元和郡縣志

卷十

五

本漢壽良縣地左傳曰晉人執季文子於茗丘還待於鄆按古鄆城即今縣是也漢魏皆爲壽張縣地開皇四年改爲萬安縣十六年於此置鄆城縣貞觀八年移鄆州於須昌縣鄆城依舊

黎丘在縣西四十五里春秋時黎侯寓於衛因以爲名黎之臣子諷衛侯歸國作詩曰胡爲乎泥中蓋惡其卑濕也鉅野縣望西北至州一百二十里

本漢舊縣也屬山陽郡鉅野澤在縣東五里即魯西狩獲麟處武德四年於此置麟州其地以是獲麟之地故以爲名五年廢麟州以縣屬鄆

獲麟堆在縣東十二里春秋時十四年經曰西狩獲麟大野澤一名鉅野在縣東五里南北三百里東西百餘里爾雅十藪魯有大野西狩獲麟於此澤

蚩尤墓在縣東北九里今山陽鉅野縣有蚩尤肩髀冢按黃帝殺蚩尤於涿鹿之野身體異處故別葬焉

平陰縣上 西南至州一百二十里

本漢肥城縣地屬泰山郡古肥子國開皇十四年於今縣西北二十八里置榆山縣大業二年移於今理仍改名平陰屬濟州天寶十三載州廢縣割隸鄆州

陶山在縣東三十五里范蠡葬處

元和郡縣志

卷十

六

黃河去縣十里

平陰故城在縣東北三十五里左傳曰晉侯伐齊齊侯禦諸平陰

故長城首起縣北二十九里齊湣王所築蘇代謂燕王曰齊有長城巨防足以爲塞是也

左丘明墓在縣東南五十五里

中都縣上 西北至州一百里

一本中都在兗州之末本魯國邑也定公以孔子爲中都宰一年四方皆則之禮記曰夫子制於中都四寸之棺五寸之槨由中都宰爲司寇故城在今縣西三十九里一名

殷密城至漢以其地爲東平陸縣屬東平國齊高帝改平陸縣爲樂平縣隋復改樂平爲平陸縣屬兗州天寶元年改爲中都割屬鄆州今却隸兗州

汶水北去縣二十四里又北入須昌縣界

桓水在縣西八十里晉桓溫進軍北次金鄉鑿鉅野三百里以通舟運自清水入河以是所鑿故曰桓水亦曰桓河

兗州

魯郡都督府

開元戶六萬七千三百九十七

鄉一百三十三

禹貢兗州之域兼得徐州之地春秋時爲魯國按武王即位封周公於少昊之墟曲阜之地周公不就封留佐武王武王崩又相成王其子伯禽乃就封之魯自伯禽至頃公

元和郡縣志

卷一

七

三十四君爲楚考烈王所滅六國時地屬楚秦滅楚以魯爲薛郡漢高后時更爲魯國後漢仍爲魯國兗州所理不恒獻帝初平三年移兗州理濟陰之鄆城以魏太祖遭操爲兗州牧魏仍移兗州理東郡之廩丘晉不改永嘉之後陷於石勒北州流入南渡成帝立南兗州寄理京口宋武平河南又得其地置兗州後又屬魏宋文帝元嘉八年理廣陵二十八年理貽盱二十年復理廣陵大業元年於兗州置都督府二年改爲魯州三年改爲魯郡十三年爲賊徐圓朗所據武德五年討平圓朗改魯郡置兗州貞觀十四年改置都督府謹按禹貢導沅水東流爲濟截河南渡東

與荷澤汶水會又東北入於海兗州在濟河之間因濟水發源為名今郡理乃非其境至周置兗州始兼得今郡之地而濟水自王莽末入河同流於海則河南之地無濟水矣自後所說皆習舊名

州境東西三百三十一里南北三百五十三里

八到西南至上都一十八百九十五里西北至宋州四百里

東至沂州三百八十里西至曹州三百七十里

東南至徐州西南至宋州四百里

西北至鄆州一百九十里正北微東至齊州三百三十里

貢賦開元貢鏡花綾二十疋防風二十斤

元和郡縣志 卷十 八

管縣十一 瑕丘 金鄉 魚臺 鄒縣

龔丘 乾封 萊蕪 曲阜

泗水 任城 中都見鄆州

瑕丘縣上郭下

本漢縣屬山陽郡即魯之負瑕邑也左傳曰季康子伐邾子益來因諸負瑕宋元嘉十三年立兗州理瑕丘城而瑕丘無縣至隋文帝割鄒縣汶陽平原三縣界立瑕丘縣屬

兗州

洙水東去縣二十三里

泗水東自曲阜縣界流入與洙水合

淮安王神通營在瑕丘故城中武德五年平賊徐圓朗屯兵之處也

又有管國公任環薛國公長孫順德原國公史萬寶壘列營相次各周迴五里

堯祠在縣東南七里洙水之西

金鄉縣望 東北至州一百八十里

本漢東緡縣也屬山陽郡即古之緡國城左傳曰夏桀爲仍之會有緡叛之陳留風俗傳曰東緡縣者故陽武戶牖鄉也漢丞相陳平即此鄉人也後漢於今兗任城縣西南七十五里置金鄉縣蓋因穿山得金故曰金鄉屬山陽國

元和郡縣志

卷十

九

武德四年於此置金州五年廢爲戴州貞觀中廢戴州縣屬兗州

昌邑故城在縣西北四十二里其中城周十餘里外城周三十餘里中有鐵柱出池數尺漢景帝三年吳楚趙膠西濟南菑川膠東七國俱反天子命條侯周亞夫將三十六軍擊吳楚亞夫至淮陽問父客鄧都尉榮安出客曰莫若引兵東北壁昌邑以梁委吳將軍深溝高壘使輕兵絕淮泗口塞吳饒道吳梁相繫乃以全制其極破吳必矣條侯從之吳王以正月起三月皆破滅即此城也

魚臺縣 上 東北至州一百九十里

本漢方與縣屬山陽郡高齊文宣帝廢開皇 年復置
方與縣屬戴州貞觀十七年廢戴州縣屬兖州寶應元年
改爲魚臺縣因縣北有魯君觀魚臺爲名

縣理城即漢方與地城也

荷水即濟水也一名五文溝西自金鄉縣界流入去縣十
里又東南流合泗水泗水東北自任城縣界流入經縣東
與荷水合又東流入徐州沛縣界

觀魚臺即武唐亭也在縣北十三里隱五年公矢魚于棠
是也

太山府君祠在縣西十二里

元和郡縣志

卷十

十

鄒縣

上

本漢鄒縣地故邾國魯之附庸魯繆公改邾爲鄒因鄒山
以爲縣大業二年改兖州爲魯州三年罷魯州爲魯郡縣
皆屬焉武德五年罷縣屬兖州按邾國之地陸終之子曹
姓所封即今鄒縣是也今黃州也又爲國之地陸終之後
所封蓋陸終有六子各爲國也

嶧山一名鄒山在縣南二十二里

禹貢曰嶧陽
孤桐即此也

始皇二十

六年觀禮于魯刻石于嶧山晉建武初兖州寄理山上洛
陽傾覆郗鑒獲歸州鄉人士並宗附之遂共推鑒爲主與
千餘家避難于嶧山中宗假鑒龍驤將軍兖州刺史鎮鄒

山後爲石勒所侵逼鑿率文武自嶧山奔下邳
鳧山在縣東南三十八里詩曰奄有鳧繹遂荒徐宅即此
山也

龔丘縣中 南至州五十里

本漢寧陽縣之地屬泰山郡後漢改屬東平國高齊文宣
帝移置平原縣於漢寧陽縣城北十七里今縣理也隋以
此縣與德州平原縣同名以縣東南二十里有龔丘城遂
改平原爲龔丘縣屬兗州

青石山在縣西三十里後魏有青石山祠即謂此也其山
都是一大石耳發地傑立高四十餘文周迴三里有石
元和郡縣志 卷一 十一
池二所東西行列有類人功冬夏澄清初無耗溢祈雨輒
應故古今祀之

故汶陽城在縣東北五十四里其城側土田沃壤故魯號
汶陽之田成二年齊歸我汶陽之田謂此地也

乾封縣上 西南至州一百六十里

本齊之博邑延陵季子適齊子死葬于贏博之間至漢武
帝封禪分贏博二縣立奉高縣以奉山之祀後魏改博縣
爲博平開皇十七年改博平爲博城縣乾封元年高宗封
岳析長安以置乾封長安元年廢乃於岱山下改博城縣
爲乾封縣屬兗州

泰山一曰岱宗在縣西北三十里

社首山在縣西北二十六里

高里山亦曰蒿里山在縣西北二十五里

徂來山亦曰尤來山詩曰徂來之松後漢赤眉渠帥樊崇
保守此山自號尤來三老

汶水源出縣東北原山西南流經縣理南去縣三里又有
北汶羸汶柴汶汶牟述征記曰太山郟水皆名汶按今縣界
凡有五汶皆源別而流同也

開元十三年冬玄宗登封泰山登封之夕凝氛昏晦迅風
激烈皇帝出齊宮露立以請及明清霽旗幡不搖事畢至
元和郡縣志

卷十

十二

山下日又抱戴明曜五色千官稱賀其日大赦以靈岳昭
感封太山神爲天齊王

岳廟在縣西北三十里泰山之南

萊蕪縣中西南至州二百六十里

本漢縣也故城在今淄州東南六十里齊靈公滅萊萊人
流播邑落荒蕪故曰萊蕪後漢范史雲曾爲此縣長百姓
歌其清儉曰甑中生塵范史雲釜中生魚范萊蕪至晉廢
後魏移古羸縣於此貞觀元年廢入博城縣至長安四年
又於廢羸縣置萊蕪縣取漢舊名也屬兗州

韶山在縣西北二十里其山出鐵漢置鐵官至今鼓鑄不

絕

曲阜縣 上 西北至州四十五里

本漢魯縣即春秋時魯國伯禽所都其地即古炎帝之墟也自後或爲魯國或爲魯郡而縣屬焉高齊文宣帝省魯郡仍於魯城置任城郡開皇三年罷郡仍移汶陽縣理此屬兗州十六年改汶陽縣爲曲阜縣

防山在縣東二十五里禮記曰孔子旣得合葬於防此是也

壽丘在縣東北六里皇甫謐以爲黃帝生於壽丘在魯城東門之北

元和郡縣志

卷十

十三

曲阜在縣理魯城中委曲長七八里今按季子臺及大庭氏庫及縣理城並在其上

洙泗二水東自泗水縣界流入又曲南流經縣北分爲二流水側有一城爲二水之分會也南爲泗水北爲洙水二水之間即夫子領徒之所居也

沂水亦名雩水源出縣東南八里垆澤俗名連泉澤在縣東九里魯僖公牧馬之地詩曰駟駒牡馬在垆之野是也闕里在縣西南三里魯城中北去洙水百餘步

兩觀在縣東南五十步定二年雉門及兩觀穴即家語孔子戮少正卯之處也

矍相圃在縣西三里魯城中

孔子墓在縣西北三里魯城之北

靈光殿魯王所造在魯城內按文選漢景帝子名發封爲魯王好理宮室而建此殿遭王莽亂宮室被焚建章皆墮壞而靈光殿巋然獨存

泗水縣上西南至州一百里

本漢卞縣之地即春秋之靈社地漢爲卞縣之地隋分汶陽縣於此城置泗水縣屬兗州

尼丘山在縣南五十里叔梁紇禱尼丘山而生孔子

梁父山在縣北八十里西按徂萊山封禪書曰古者封泰元和郡縣志

卷十

十四

山禪梁父七十二家

龜山在縣東北七十五里詩曰奄有龜蒙定十一年左傳曰齊人來歸龜陰之田是也

泗水源出縣東陪尾山其源有四四泉俱導因以爲名

盜泉源出縣東陪北高徑山之陰淮南子曰孔子不飲泉

漏澤在縣東七十里此澤漏冗有五皆方丈餘深二丈已上其澤每夏積水秋冬漏竭將漏之時居人知之不過三日漏水都盡先以竹木作薄籬圍之水族山積也

菟裘故城在縣北五十五里魯隱公曰使營菟裘吾將老

焉

任城縣緊 東至州七十六里

本漢縣也屬東平國古任國大昊之後風姓也僖二十一年左傳曰任宿須句皆風姓也注曰任今任城縣也魏志曰文帝封鄆陵侯彰為任城王齊天保七年移高平郡於此任城縣屬焉開皇三年罷高平郡屬兗州

承注山在縣東南七十六里云女媧生處按今山下有女媧廟

桓公溝源出縣理西四十里崩山之下宋武北征記曰桓

公宣武以太和四年率衆平趙魏時遣冠軍將軍毛彪生

元和郡縣志

卷十

十五

鑿此溝號曰桓公溝於今四十九年矣溝已填塞公遣寧

朔將軍朱超更鑿石通之

女媧陵在縣東南三十九里

魏王粲墓在縣南五十二里

青州

北海

開元戶五萬五千一百三十一

鄉一百二

古少昊氏之墟禹貢青州之地舜時以青州越海遼遠分

為營州禹復置九州武王尅商封師尚父於齊營丘周成

王少時命太公曰東至于海西至于河南至于穆陵北至

于無棣

穆陵山在今瑯琊沂水縣界無棣今景城郡屬縣也

五侯九伯實得征之

至二十九代為田和所篡和子孫強盛與燕趙韓魏楚俱

稱王五世至建爲秦所滅分齊地置瑯琊二郡漢元年東
更爲臨淄項羽立田都爲王都臨淄其年四月田榮擊都
走楚榮自立爲王十二月楚擊榮榮走平原項羽立田假
爲王榮弟橫擊假走楚楚立田廣爲王三年韓信殺廣
漢立韓信爲齊王王五年信徙王楚六年以膠東等七十
餘城封皇子肥爲齊王傳國至厲王昌國除武帝復封次
子閔爲齊王後國除遂以齊爲郡領縣十二理臨淄後漢
改齊郡爲齊國曹魏明帝封子芳爲齊王尋即帝位晉武
帝以弟攸爲王子冏嗣永嘉末陷於石勒其後南燕慕容
德建都於此至慕容超宋武帝伐尅之以沈文秀爲青州
元和郡縣志

卷十

十六

刺史守東陽城爲後魏將慕容白曜所陷遂入後魏大業
三年罷州爲北海郡領縣十隋亂陷賊武德二年海岱平
定改爲青州置總管府

州境

東西二百七十里
南北三百四十四里

八到

西南至上都二千四百五里
西南至東都一千五百五十五里

東北至萊州三百四十五里
東至密州三百三十里

南至沂州四百五十里
西北至棣州三百二十里

貢賦

開元貢賦

仙文綾

絹 棗

糖

海物

管縣七

益都

臨淄

千乘

臨朐

北海

壽光

博昌

益都縣望

郭下

本漢廣固縣之地魏於今壽光縣南十里益都城置益都縣屬齊國宋及後魏屬齊郡開皇三年罷郡縣屬青州

淄水西去縣五十五里

廣固城在縣西四里晉永嘉五年東萊年平人曹嶷為刺史所築有大澗甚廣固故謂之廣固初南燕慕容德議所都尚書潘聰曰青齊沃壤號東秦土方二千里四塞之固負海之饒可謂用武之國廣固者曹嶷之所營山川阻峻足為帝王之都德從之及義熙五年宋武征慕容超於廣固也城側有五龍口險阻難攻兵力疲弊河間人玄文說元和郡縣志

卷十

十七

裕曰昔趙攻曹嶷望風者以為澗水帶城非可攻拔若塞五龍口城當必陷石季龍從之嶷請降後五日大雨震雷復開徙舟嶧陽冉閔之亂段龕據之慕容恪攻圍數月不尅又塞五龍口龕遂降後無幾又震開之今舊基猶存宜試修塞裕從之超及城中男女皆悉脚弱病者大半超遂出奔為晉所擒

臨淄縣

縣

南至州四十里

古營丘之地呂望所封齊之都也太公後二十九代康公為田和所滅和立為齊侯後稱王五代至王建為秦所滅秦立為縣城臨淄水故曰臨淄自漢至後魏並屬齊郡高

齊省開皇十六年移高陽縣理此改爲臨淄縣屬青州

社山在縣西北二十五里一名愚公山愚公谷在山之陰

牛山在縣南二十五里昔齊景公遊牛山北望而歎曰美哉國乎古而無死將何去此晏子對曰古而無死則太公丁公之樂也君何與於此哉

營丘在縣北百步外城中爾雅曰水出其前經其左曰營丘今臨淄城中有丘淄水出其前經其左故曰營丘

葵丘在縣西北二十里桓公會諸侯于葵丘

元和郡縣志

卷十

七

縣理即古臨淄城也漢齊郡亦理于此蘇秦說齊王曰臨淄城中七萬戶戶不下三人即二十一萬人又燕王謂蘇秦曰吾聞齊地清濟濁河可以爲固巨防可以爲塞漢書田肯曰夫齊東有瑯琊即墨之饒南有太山之固懸隔千里持戟百萬齊得十二焉北東秦也非子弟勿王漢六年封皇子肥爲齊王盡得故齊地人能齊言者悉與之

齊雪宮故址在縣東北六里晏子春秋所謂齊侯見晏子于雪宮也

天齊池在縣東南十五里封禪書曰齊之所以爲齊者以天齊池也

齊桓公墓在縣東南二十三里鼎定山上貞觀十一年詔致祭禁二十步內不令樵蘇

管仲墓在縣南二十三里

晏嬰墓在縣東北三里貞觀十一年詔十五步並禁樵蘇

千乘縣 上 東南至州八十里

本漢舊縣也屬千乘國有鹽官後漢和帝永元七年改千乘國爲樂安郡千乘縣仍屬焉武德二年於此置乘州八年廢乘州千乘依舊屬青州千乘者以齊景公有馬千馬四畋于青丘今縣北有青丘縣因以爲名

淄水南去縣二十八里

元和郡縣志

卷十

十九

臨朐縣 上 北至州四十里

本漢縣也屬齊郡縣東有朐山因取爲名開皇六年改爲逢山縣屬青州取縣西逢山爲名大業二年又改爲臨朐縣

朐山在縣東南二里

逢山在縣西二十二里

破車峴在縣東南三十五里按峴高七十丈周迴二十里

道徑險惡因名破車峴

北海縣 緊 西北至州一百三十里

本漢平壽縣也屬北海郡隋開皇三年罷郡置下密縣於

廢郡中屬青州十六年又於此置濰州取界內濰水爲名
大業二年廢濰州仍改下密縣爲北海縣

海水在縣東北一百二十里禹貢曰海岱惟青州今按海
接萊州西接壽光縣界

濰水南去縣五十五里

膠水東去縣八十五里與萊州膠水縣中分爲界

公孫弘墓在縣西

壽光縣

緊

西南至州七十里

本漢舊縣也屬北海郡後漢改屬樂安郡宋爲壽光縣隋

開皇六年於縣北一里博昌故城置壽光縣屬青州武德

元和郡縣志

卷十

二十

二年屬乘州八年廢乘州還屬青州

海水在縣東北一百十里東接北海縣界西接博昌縣界

淄澗二水西自千乘縣界流入去縣四十里

博昌縣

上

東南至州一百二十里

本漢舊縣屬千乘國昌水其勢平博故曰博昌後漢千乘

國爲樂安郡博昌縣仍屬焉晉宋後魏並同高齊省仍自

今縣東十二里樂陵故縣移樂陵縣理此屬樂安郡隋開

皇三年罷郡樂陵縣屬青州十六年改爲博昌縣

濟水北去縣百步又東北流入海

海浦在縣東北二百八里即濟水

流入海之處水口謂

之海浦

薄姑故城在東北六十里齊舊都也

齊州齊郡 開元戶四萬九千一百五十七

禹貢兗州之域春秋及戰國時屬齊國秦併天下為齊郡
漢分齊郡立濟南國今州即濟南國之歷城縣理也景帝
三年為齊南郡理東平陵屬青州晉永嘉之後郡移理歷
城即今州理是也後為石勒所據慕容氏亦有其地義熙
五年劉裕平之宋元嘉九年分青州立冀州理歷城後魏
將慕容白曜攻下歷城文帝改冀州為齊州與濟南郡並
理隋開皇十三年罷郡以所領縣屬齊州大業三年罷州
元和郡縣志

卷十 十一

為齊郡隋末陷于寇賊武德元年海岱平定罷郡復州

州境東西三百八十二里
南北一百四十二里

八到西南至上都二千一百五里
西南至上都一千二百里

東至淄州一百九十里
西渡河至博州二百九十里

正南微西至兗州三百三十里
東北渡河至棣州三百五十里

正北微西至德州二百四十五里

貢賦開元貢
賦
絲
綿
葛

管縣九 歷城 全節 章丘 亭山

臨邑 臨濟 長清 豐齊

禹城

歷城縣

上郭下

古齊歷下城對歷山之下漢爲歷城縣屬齊

南國晉屬南郡開皇三年罷濟郡縣屬齊州華不注山一

名華山在縣東北十五里齊晉戰于鞍齊敗績晉逐之三

周華不注

州理城古歷下城也左傳晉平公伐齊戰於歷漢書酈食其說齊王田廣罷歷下軍守備韓信度平原襲破歷城因入臨淄述征記曰歷城到營城三十里自城以東水瀾漫數十里南則迫山實爲險固也

神通寺在縣東七十里琨瑞山中符秦時沙門竺僧朗隱居也朗少事佛圖澄尤明氣緯隱於此谷因謂之朗公谷

元和郡縣志

卷十

三十

全節縣

上州

西南至七十里

本春秋譚國之地齊滅之漢以爲

東平陵縣屬濟南郡宋省東字後魏爲東陵至周省其全節縣本是隋末土人李滿率鄉人據堡贍以家財武德二年歸國於堡置譚州及平陵縣以滿爲譚州總管貞觀元年廢譚州縣屬齊州十七年燕亮構逆滿及男君球固守賊平縣廢有詔重置縣改名全節以旌其功焉

濟水在縣北四十里

巨合城在縣東南一十三里耿弇討張步守巨里即此城也

章丘縣

上

本漢陽丘縣也屬濟南郡高齊文宣天保七年

自高唐故城移高唐縣理於此開皇十八年以博州亦有高唐縣改為章丘縣屬齊州取縣南章丘山為名也武德二年屬譚州貞觀元年廢譚州又屬齊州

東陵山在縣南二十八里莊子曰盜跖死於東陵之上龍盤山在縣東二十五里上有神跡是姜源所履處長白山在縣東南三十里高二千九百丈周迴六十里濟水西去縣十七里

縣理城即黃巾城也在濟水之南岸漢獻帝建安中黃巾賊張角之所守也

亭山縣

上西北至州九十里

本漢平陵縣地宋於此置衛國縣屬

元和郡縣志

卷十

三

頓丘郡開皇六年改為亭山縣屬齊州縣東南有亭山因以為名

長白山在縣東北六十里齊記曰於陵城西三里有長白山陳仲子夫妻所隱也

百脉水出縣東北平地水源方百餘步百泉俱出合流故名之

臨邑縣

上南至州六十里

本漢舊縣也屬東郡至晉屬濟北國宋

孝武帝孝建二年立東魏郡理臺城以臨邑縣屬焉開皇三年罷郡臨邑縣屬齊州武德二年屬譚州貞觀元年廢譚州屬齊州

黃河在縣北七十里

濟水西去縣四十里

漯水北去縣七里

鹿角關在縣西北七十里大業三年廢

臨濟縣

上 西南至州 一百二十里

本漢管縣屬濟南郡開皇六年

移朝陽縣理於此屬濟州十六年改為臨濟縣

黃河在縣北八十里

濟水在縣南二十里

長清縣

上 東北至 州八十里

本漢盧縣地開皇五年於此置鎮十

四年廢鎮置長清縣屬濟州因清水為名貞觀十七年廢

元和郡縣志

卷一

十四

濟州屬臨濟州縣

隔馬山在縣東南三十五里左傳曰晉侯伐齊齊帥遁風

沙衛斬馬於隘以塞道後因為隔馬山

黃河北去縣五十五里

濟水北去縣十里

清水西南去縣十里

涓溝泊在縣西南五里東西三十里南北二十五里水族

生焉數州取給

廢四口關在縣西南五十里後魏置武德九年廢

石窳故城在縣東三十里

豐齊縣

上東北至州四十里

本漢荏縣也取縣東北荏山為名屬

泰山郡大業二年省入歷城縣武德元年重置天寶元年

改為豐

岐陽山縣東南五十里

濟水西去縣二十六里

祝阿故城在縣東北二里禮記曰武王剋殷封黃帝之後

於祝即謂此也

禹城縣

上東南至州一百五十里

本漢祝阿縣春秋時齊邑漢以為

縣屬平原郡開皇十六年改屬濟州天寶元年改名禹城

縣以縣西南三十里有禹息故城因而為名在州西北八

元和郡縣志

卷一

二十五

十五里

元和郡縣圖志卷第十



元和郡縣圖志卷第十一

河南道七

曹州 濮州 密州 海州 沂州 萊州 淄州

登州

曹州 濟陰 開元戶七萬三千一百六十一 鄉一百四十九

禹貢豫州之域於周又為曹國之地後屬於宋左傳哀八年宋景公滅曹按曹國之地後北三十七里濟陰縣界故定陶城是也七國時屬齊宋為楚魏所滅三分其地齊得其濟陰東平漢為濟陰郡之地在濟水之南故以為名景帝中六年別為濟陰國宣帝甘露二年更名定陶哀帝更元和郡縣志 卷十一 一 為濟陰郡屬兗州後魏於定陶城置西兗州周武帝改西兗州為曹州取曹國為名也大業三年改為濟陰郡隋亂陷賊武德四年平孟海公復為曹州

州境 東西二百五十九里 南北二百五十九里

入到 西至上都一千五百二十五里 西至東都六百六十五里

西南至汴州二百四十五里 東至兗州三百七十里

東北至鄆州三百三十里 東南至宋州一百五十里

西北至滑州二百

貢賦 綿 絹 大蛇 粟 苧 蔴

管縣六 濟陰 寬甸 乘氏 成武 南華 考成



濟陰縣

紫郭下

本漢定陶縣之地也屬濟陰郡開皇六年於

此置濟陰縣屬曹州皇朝因之

曹南山在縣東二十里詩所謂蒼兮蔚兮南山朝濟是也
汜水在縣南昔漢高祖既定天下即位於汜水之陽張晏
曰汜水在濟陰界取其汎愛弘大而潤下按今汜水縣東
亦有高祖即位壇據叔孫通傳云高祖為皇帝通於定陶
就其儀在濟陰是也

荷澤

音柯

在縣東北九十里故定陶城東北禹貢曰導荷澤

被孟豬

州理中城蓋古之陶丘也一名左城帝王世紀舜陶于河

元和郡縣志

卷十一

二

濱即禹貢之陶丘今濟陰定陶西有陶丘是也爾雅曰再
城為陶丘成猶重也定陶故城堯所居也

古曹國在縣東北四十七里堯先居唐後居陶故曰陶唐
氏史記曰曹叔振鐸者周武王弟封於曹哀八年宋滅曹
執曹伯陽自曹叔至伯陽凡十八葉又范蠡相越平吳後
變姓名為朱公居於陶號陶朱公亦此地也

莘仲故城在縣東南三十里蓋古之莘國也伊摯耕於莘
野湯聞賢聘以為相即此地也

三驪亭古國也在縣東北四十九里湯伐桀遂伐三驪俘
厥寶王注曰三驪國名今定陶是也

寬句縣

縣東至州四十七里

本漢舊縣也漢初屬梁國景帝時屬濟

陰郡開皇三年罷郡以縣屬曹州

煮棗故城在縣西北四十里漢書樊噲攻煮棗屠之是也濟陽故城在縣西南五十里漢濟陽縣也光武以建平元年生於濟陽縣明照一室是歲有嘉禾生一莖九穗大於凡禾因名秀光武皇考為濟陽令

表本初故城在縣北七十里表紹所築故也

乘氏縣

縣南至州五十四里

本漢舊縣也屬濟陰郡開皇三年罷郡

以縣屬曹州大業末年廢武德四年重置

孟海公南北二城在縣東西十五里隋末賊帥孟海公所

元和郡縣志

卷十一

三

築

成武縣

縣西至州一百里

本漢舊縣也屬山陽郡後漢改屬濟陰

郡隋於此置戴州成武縣屬焉大業二年省戴州縣移理州城中復屬曹州武德五年於金鄉縣重置戴州縣又屬焉貞觀十七年廢戴州縣又屬曹州

故柁城在縣西北二十九里昭帝封金日磾為柁侯

南華縣

上東南至州一百二十里

本漢離狐縣也屬東郡舊傳初置縣

在濮水南常為神狐所穿穴遂移城濮水北故曰離狐後漢屬濟陰郡魏志李興從太祖遷離狐太守然則魏時離狐郡也晉屬濟陰郡開皇三年罷郡縣屬曹州天寶元年

改曰南華英公李勣左僕射彭城郡公劉晏皆此縣人也
濮水在縣南五里昔殷紂使師延作靡靡之樂武王伐紂
師延至投濮水而死謂此水也

考城縣

繫西南至州九十五里

古戴國也春秋隱十年宋人蔡人衛

人伐戴後屬宋楚滅宋改名曰穀漢以為菑縣國都城記
曰縣西南有戴水今名戴陂周迴可百餘里蓋本戴國取
此陂水為名也漢之興也其邑多菑年數不登故邑曰菑
孝章柴于岱宗過菑縣詔御史曰陳留菑縣其稱不令故
高祖鄙柏人之名武帝休聞喜而顯獲嘉祥其改菑縣為
考城縣至晉屬濟陰郡高齊天保七年省考城縣仍移成
元和郡縣志

卷十一

四

安縣理此開皇十六年改名考城縣屬宋州武德五年改
屬曹州

葵丘在縣東南一百五十步左傳齊桓公會諸侯于葵丘
是也

大劑陂則戴陂也在縣西南四十五里周迴八十七里與
宋州襄邑縣中分為界

濮州

濮陽上

開元戶四萬六千九百二十二

鄉九百十三

禹貢兗州之域春秋時為衛國地左傳齊桓公會諸侯于
鄆注曰鄆衛地今東郡鄆城縣也戰國時屬齊在漢為濟
陰郡之鄆城也後漢獻帝於此城置兗州晉置濮陽郡後

改濮陽國封王子允為王後為郡開皇十六年於此置濮
州大業三年廢濮州入東平郡隋末陷于寇賊武德四年
討平王充於此重置濮州

州境東西二百三十五里
南北一百三十五里

八到西南至上都一千六百五十五里
西南至東都七百九十五里

東北至鄆州一百七十里
南至曹州二百一十里

北至黃河二十里
西南至滑州二百一十五里

貢賦開元貢絹二十疋 賦綿絹

管縣五 鄆城 雷澤 臨濮 濮陽 范縣

鄆城縣隸郭下本漢舊縣屬濟陰郡開皇十六年於此置濮

元和郡縣志

卷十一

五

州鄆城縣屬焉大業三年廢濮州縣屬東平郡武德四年
重置濮州鄆城縣又隸焉

黃河北去縣二十一里

州理城在故鄆城中魏文帝以臨淄侯植為鄆城侯

雷澤縣上西北至州九十里本漢邲陽縣古邲伯國周武王封弟季

載於邲漢以為縣屬濟陰郡開皇六年於此置雷澤縣因
縣北雷夏澤以為名也屬濮州

歷山在縣西北十六里史記曰舜耕歷山耕者讓畔澗水
沮水二源俱出縣西北平地去縣十四里

雷夏澤在縣北郭外澗沮二水會同此澤

姚墟在縣東十三里舜帝生於姚墟

堯母廟在縣西南四里

堯陵在縣西三里自堯即位至永嘉三年二千七百二十一年記于碑貞觀十一年有詔禁人畝牧春秋莫駟

臨濮縣

上北至州六十里

本漢鄆陽縣地屬山陽郡開皇十六年

分鄆城南界雷澤西界置臨濮縣屬濮州南臨濮水故以為名焉大業二年廢武德四年重置

清丘在縣西三十五里

濮陽縣

上東至州八十里

本漢舊縣也古昆吾國即帝丘顓頊之

墟也昆吾即夏諸侯為五伯之首左傳曰狄滅衛遷于帝

元和郡縣志

卷十一

六

丘衛侯自楚丘徙濮陽縣秦置東郡理此漢仍為東郡及濮陽縣也開皇十六年改屬濮州

黃河北去縣十五里

瓠子河上承黃河漢書武帝時河決瓠子東南注鉅野通於淮泗上使汲黯鄭當時興人徒塞之堤復壞是時武安侯田蚡奉邑食鄆在河北河決而南則鄆無水災乃言江西之決乃天事也非易以人力塞之乃不復塞後二十餘歲歲北不登梁楚尤甚上使汲人郭昌率卒數萬人塞瓠子決河沉白馬玉璧自將軍已下皆負薪下淇園之竹以為健上悼功之不成乃作歌於是卒塞瓠子築宮於其上

名曰宣房其後王尊為東郡太守河水盛溢泛浸瓠子金堤尊躬率优吏沉白馬剋水神親執玉璧請神尊立不動而水漸退

范縣上西南至州六十里本漢舊縣也屬東郡春秋時晉大夫士會

之邑也高齊廢開皇六年又置范縣屬濟州十六年改屬

濮州

故顧城在縣東二十八里夏之顧國也詩曰韋顧既伐昆吾夏桀注曰三國黨於桀皆為湯所誅

密州高密中

禹貢青州之域兼得徐之地今州界於春秋之時為莒魯

元和郡縣志

卷一一

七

之地戰國時屬齊秦併天下屬琅邪郡漢高帝十六年分齊立膠西國都高密宣帝更名高密國後魏永安二年分青州立膠州取膠水為名也開皇五年改膠州為密州取境之密水為名也隋亂陷賊武德五年山東底定改置密州

州境東西三百一十六里南北三百九十里

八到西至上都二千七百四十五里西至東都一千八百八十五里

南至海州三百八十四里西南至沂州三百七十里

西北至青州三百三十里東北至萊州三百四十五里

東至大海一百六十里

貢賦

開元貢

細布

牛黃

海蛤

賦

馳布

管縣四

諸城

高密

輔唐

莒縣

諸城縣

上郭下

本漢東武縣也屬琅邪郡樂府章所謂東武

吟者也後漢屬琅邪國晉屬東莞郡後魏屬高密郡隋開皇十八年改東武為諸城縣取縣西三十里漢故諸縣城為名

琅邪山在縣東南百四十里史記曰始皇二十六年滅齊遂登琅邪作層臺於山上謂之琅邪臺周迴二十里秦王樂之因留三月徙黔首二萬戶於山下復十二年刊石立碑紀秦功德海在縣東一百五十里

元和郡縣志

卷十一

八

盧水出縣東南盧山水側有勝火木野火燒死其炭不灰故東方朔有謂不灰之木者也

縣理東南百三十里濱海有鹵澤九所煮鹽今古多收其利

濰州故堰在縣東北四十六里蓄以為塘方二十餘里既禾田萬頃

高密縣

上西南至州百二十里

本漢舊縣也文帝十六年分齊立膠

西國封齊悼惠王子卬為膠西王都高密世祖封鄧禹為

高密侯高齊文宣帝省高密縣開皇中復置屬密州

海在縣東南六十里

澠水在縣西南自諸城縣界流入去縣四十里昔韓信與楚將龍且夾澠水而陣信為萬餘囊盛沙過水引軍擊之信偽退且追北信決水且軍半不得渡遂斬龍且

膠水在縣東三十里

夷安澤在縣北二十里周迴四十里多麋鹿蒲葦

龍且城在縣西南五十五里楚將龍且所築也

鄭玄墓在縣西七十里

輔唐縣

上東南至州一百二十里

本漢安丘縣也屬北海郡後漢屬北

海郡有渠丘亭故莒渠丘公所居也高齊文帝天保七年

省隋分昌安縣置牟山縣大業二年改牟山縣為安丘縣

元和郡縣志

卷十一

九

取漢書舊名也屬密州乾元二年改為輔唐縣

牟山在縣西南十三里牟山縣取名於此

浯水堰三齊記曰昔者堰浯水南入荆水灌田數萬頃今

尚有餘堰而稻田畦畛存焉

莒縣

上東北至州一百九十里

故莒子國也漢為莒縣文帝二年封朱

虛侯章為城陽王都莒後魏亦以莒縣屬東莞郡開皇三

年廢郡莒縣屬莒州大業三年罷莒州以莒縣屬琅邪郡

武德五年重置莒州縣屬焉貞觀八年廢莒州以縣屬密

州

澠山在縣東北八十三里澠水所出也

縣理在莒國故城中城三里並皆崇峻唯南開一門
子城方十二里郭周迴四十里

故曹公城在縣南七十二里昔魏太祖征陶謙拔五城略
地東海於此築城周迴四里

漢海曲縣在縣東一百六十里屬琅邪郡有鹽官地有東
呂鄉東呂里太公望所出也王莽末海曲縣有呂母者其
子為縣令枉殺乃散財以招少年少年感母恩問母所欲
具言之乃共起兵殺縣令其後也結至數萬赤眉之興由
此始也今東海縣有呂母國即舊集之所也

海州東海開元戶二萬三千七百二十八鄉四十

元和郡縣志

卷十一

十

禹貢徐州之域春秋時魯國之東鄙七國時屬楚秦置三
十六郡以魯為薛郡後分薛郡為郟郡漢改郟為東海郡
領三十七縣理在郟縣屬徐州後漢以為東海國封皇子
疆為王晉惠帝封高密王子越為東海王梁武帝末年長
江已北悉附後魏武定七年改青冀二州為海州高齊文
宣帝移海州理琅邪郡改琅邪郡為朐山郡隋末喪亂臧
君相竊據之武德四年君相以郡歸順改為海州

州境東西一百九十八里

八到西至上都取沂兗路二千五百五里

東南至楚州四百一十里
南至揚州七百里
東南至泗州連水縣取官河水路三百四十里陸路二百五十里

西北至沂州二百三十里
西至徐州取下邳路五百六十里
北至密州三百八十四里
東至海 二十里

貢賦

開元貢

楚布

賦絹綿

管縣四 朐山 東海 沐陽 懷仁

朐山縣

上郭下

本漢朐山縣也屬東海郡後周武帝建德六

年改朐山縣為朐山郡取界內朐山為名也開皇三年廢

郡縣屬海州

羽山在縣西北一百里書曰殛鯀于羽山即此也

碩濩湖在縣南一百四十二里

龍且故城在縣南六十里

元和郡縣志

卷十一

十一

鍾離昧故城在縣南百里項羽將鍾離昧所築昧即此縣人

東海縣

上西至水州路九十里

本漢贛榆縣地俗謂之鬱州亦謂之

田橫島宋明帝失淮北地乃於鬱州上橋立青州地後入

魏魏改青州為海州又於此置臨海鎮高齊廢臨海鎮周

武帝復置東海縣後遂因之

小高山在縣北六十里田橫弟避漢所居之山也其山三

面絕壁皆百餘仞唯東面一道劣客行人

大海在縣東二十八里

贛榆故城在縣北四十九里隋末土人臧君相築

田橫國在縣北五十七里齊王田廣既死田橫乃代立為王與灌嬰戰於贏下橫敗走與其屬五百人入居海島即此也

沐陽縣中東北至州一百六十里本漢厚丘縣地文帝元嘉四年於此

置縣屬南彭城郡至太清二年地入魏孝靜帝改為沐陽郡在沐水之陽故以為名仍於郡東置懷文縣周武帝改懷文縣為沐陽縣

沐水西自下邳縣界流入經縣南十步

碩濩湖在縣東八十里與朐山連水三分湖為界

懷仁縣中東南至州九十里本漢贛榆縣地梁於此置北海郡後魏

元和郡縣志

卷十一

十二

改置義唐郡開皇初廢郡移懷仁縣理於此改屬海州

贛榆故城一名鹽倉城在縣東北三十里漢縣也屬琅邪

郡

沂州琅邪中開元戶二萬七千四百 鄉五十五

禹貢徐州之域春秋時為齊地秦并天下置琅邪郡因琅邪山以為名也漢因之高后立營陵侯劉澤為琅邪王文帝元年徙澤為燕王以琅邪為郡晉武帝咸寧二年改封東海王睿為王王即帝位于江東是為東晉元帝元年於郡城置發千戍以南軍鎮之自永嘉之後琅邪陷於胡寇成帝於丹陽江乘縣界別立南琅邪郡至宋武得河南尋

又沒於後魏莊帝置北徐州琅邪郡屬焉周武帝改北徐州置沂州以州城東臨沂水因以名之大業十三年亂離郡為徐圓朗所破武德四年討平圓朗復置沂州

州境東西三百二十一里南北四百二十九里

八到西至上都二千二百七十五里西至東都一千四百一十五里

東南至海州二百三十里西至兖州三百八十里

東南至泗州下邳縣二百七十七里北至青州四百五十里

西至徐州三百五十里東至密州三百七十里

西北至淄州五百三十里

貢賦

開元貢 紫石英 黃銀 賦綿絹

元和郡縣志

卷十一

十三

管縣五 臨沂 沂水 費縣 承縣 新泰

臨沂縣上郭下本漢舊縣也屬東海郡東臨沂水故名之後

漢改屬琅邪國晉屬琅邪郡高齊省開皇末復置屬沂州

羽山在縣東南一百一十里與海州胸山縣分界

沂水東去縣一里

王僧辯城在縣東北五十里梁將王僧辯屯兵於此

王導故宅在縣東北三十八里

沂水縣上南至州二百里本漢東莞縣即春秋莒魯所爭之鄆邑

也城陽姑幕縣南有負亭即鄆也俗變其字耳後魏孝文

帝於此置新泰縣開皇四年改為東安縣十六年又於古

蓋城別置東安縣而此改名沂水縣

沂山在縣北一百二十四里周禮青州其鎮沂山

穆陵山在縣北一百九十里管仲曰賜我先君履南至于穆陵是也

大峴山在縣北九十里宋高祖北伐慕容超大將公孫五樓說超曰吳兵輕銳難與爭鋒宜斷大峴使不得入上策也超曰引使過峴我以鐵騎蹙之此成擒耳不從宋高祖兵遂得入初是役也或曰若嚴守大峴軍無所資何能自返高祖曰鮮卑性貪且愛其穀必將引我兵一入大峴吾何患焉及師過大峴高祖喜曰天贊我也遂大破之五緝元和郟縣志

卷十一

十四

之從征記曰大峴去半城八十里直度山二十五里崖坂峭曲石徑幽危四岳三塗不是過也

靄山在縣西北二十八里出紫石英好者表裏映徹形若靄狀故名靄山今猶充貢

成平公營在縣北百五十六里周武帝拔鄴城齊王高緯先送其母妻於青州是日緯率十騎走青州周遣大將軍成平公尉遲勤率二千騎追之擒緯於青州南之雙溝周因授以青州總管立碑紀功

費縣上東南至古費國也隱元年傳曰費伯帥師城即是後為魯季氏之邑至漢為費縣屬東海郡自宋至隋皆屬

琅邪郡大業末為賊潘當所破武德四年重置屬沂州
蒙山在縣西北八十里楚老萊子所耕之處

東蒙山在縣西北七十五里論語曰今夫顓臾昔者先王
以為東蒙主

南城縣城在縣南九十里史記齊威王使檀子守南城則
楚人不敢為寇是也

承縣

上東北至州一百八十五里

一本漢之承縣春秋時鄆國也屬東海

郡開皇三年罷郡承縣屬徐州大業十三年縣為山賊左
君衡所破武德四年又於此置鄆州又改蘭陵縣為承縣
貞觀八年廢鄆州縣屬沂州縣西北有承水因以名焉

元和郡縣志

卷十一

十五

抱犢山在縣北六十里壁立千仞頂寬而有水此山去海
三百餘里天氣澄明宛然在目昔有遁隱者抱一犢於其
上墾種故以為名山高九里周迴四十五里

蘭陵縣城在縣東六十里史記曰荀卿以儒者適楚楚春
申君以為蘭陵令因家焉

縣界有陂十三所並貞觀元年已來修立以溉田焉

新泰縣

上東南至州一百六十三里

春秋時魯平陽邑也宣八年城平

陽晉武帝太始中鎮南將軍羊祜此縣人也表改為新泰
縣屬泰山郡隋開皇四年屬莒州大業二年廢莒州以縣
屬沂州

蒙山在縣東南八十八里書曰蒙羽其藝

障山在縣東八十里出銷石石暉炬火等石居人常採為

貨

萊州東萊下開元戶二萬三千一百五 鄉四十三

禹貢青州之域即古萊子國也齊滅之遷萊子於郟在齊

國之東故曰東萊漢高帝四年韓信虜齊王廣分齊郡置

東萊郡領縣十七理掖縣屬青州後魏獻文帝分青州置

光州取界內光水為名開皇二年改光州為萊州隋末陷

賊武德四年討平綦順復為萊州

州境東西四百二十八里南北二百四十一里

元和郡縣志

卷一一

十六

八到西南至上都二千七百六十里西北至東都一千九百里

東北至登州二百四十里正南微西至密州三百四十五里

北至大海五十里西南至青州三百四十五里

貢賦

開元貢 黃銀 文蛤 滑石器 牛黃 賦絹綿質布

管縣四 掖縣 即墨 昌陽 膠水

掖縣上郭下本漢舊縣也屬東萊郡按掖水出縣東南三十

五里寒同山故縣取為名開皇三年罷郡屬萊州

萬里沙在縣東北三十里郊祀志武帝元封元年大旱禱

萬里沙

浮游島在縣西北四十里遙望島在海中若浮游然故名

海水在縣北五十二里

膠水西去縣七十五里

海神祠在縣西北十七里

即墨縣

中西北至州二百六十三里

本漢舊縣也屬膠東國城臨墨水故

曰即墨高齊文宣帝併入膠水縣開皇末又於此置即墨縣屬萊州

大勞山小勞山在縣東南三十八里晏謨齊記曰太白自言高不如東海勞苦鄭康成領徒於此

壯武故城在縣西六十里晉封張華為壯武侯

海在縣東四十三里又在縣南百里

元和郡縣志

卷十一

十七

昌陽縣

上西北至州一百九十九里

本漢舊縣也屬東萊郡置在昌水

之陽故名昌陽有鹽官開皇三年罷郡昌陽縣屬萊州

黃銀坑在縣東百四十里開皇十八年牟州刺史辛公義

於此坑冶鑄得黃銀獻之大業末貞觀初更沙汰得之

奚養澤在縣西北四十里職方氏幽州其澤藪曰奚養

膠水縣

中北至州一百里

本漢膠東國之地後漢省膠東國為膠

東縣屬北海國後魏屬北海郡開皇三年罷郡屬萊州仁

壽元年改為膠水縣

即墨故城在縣東南六十里古東齊之地史記蘇秦曰齊東有琅邪即墨之饒此其處也齊湣王時燕得樂毅伐齊

下七十餘城唯莒即墨不下田單設奇策破燕軍迎襄王於莒盡復齊地封單為安平君漢書曰漢元年項羽徙齊王田市於即墨為膠東王田榮怒殺市於即墨自立為王遂併三齊之地漢膠東郡領八縣理即墨即此城也

平度故城在縣西北六十七里城西北有土山古今煮鹽

處

淄州 淄川 開元戶三萬七千四百四 鄉七十一

禹貢青州之域周之九州為幽州之境職方氏幽州其浸淄澚州蓋取淄水為名也春秋及戰國時屬齊秦為齊郡之地在漢為濟南郡之般陽縣也開皇十六年於今理改

元和郡縣志

卷十一

七

置淄州隋亂陷賊武德元年重置淄州

州境 東西一百一十五里 南北一百八十二里

八到 西南至上都二千二百九十五里 西南至東都一千四百三十五里

東至青州一百二十里 西北至兗州三百七十里

北渡河至棣州二百一十里 東南至沂州五里

貢賦 開元貢 防風 理石 賦綿 絹 米粟

管縣五 淄川 長山 鄒平 濟陽 高苑

淄川縣 郭下 本漢般陽縣也屬濟南在般水之陽故名後

漢屬齊國晉省宋於此置貝丘縣開皇十八年改貝丘為

淄川縣屬淄州

淄水出縣理東南原山去縣六十里俗傳禹理水功畢土石墨數里之中波流若漆故謂之淄水

長山縣

上東南至州六十四里

本漢於陵縣地也宋武帝於此立武

強縣開皇十八年改武強為長山縣取長白山為名屬淄州武德元年置鄒州縣又屬八年廢鄒州依舊淄州

長白山在縣西南四十里

濟水西北去縣三十五里

鄒平縣

上東南至州一百二十里

本漢舊縣也屬濟南郡開皇三年自

梁鄒城移平原縣入鄒平城屬齊州今理是也十六年改屬淄州十八年改平原縣為鄒平縣復舊名也

元和郡縣志

卷十一

十九

黃河西北去縣八十里

濟水南去縣三十五里

濟陽縣

上東南至州九十四里

本漢梁鄒縣也屬濟南郡隋又於後

漢梁鄒城地置濟南縣大業二年省景龍元年於漢梁鄒城置濟陽縣屬淄州

八會津在縣南一里相傳水陸所湊其路有八故名八會濟水在縣南又東北入高苑縣界

高苑縣

上南至州一百一十里

本漢舊縣也屬十乘國後漢屬樂安

國宋於此置長樂縣屬渤海郡十八年改為會城縣大業三年改為高苑縣取縣東南高苑故城為名隋末陷賊武

德元年重置高苑縣屬鄒州八年廢鄒州縣屬淄州

濟水北去縣七十步

千乘故城在縣北二十五里漢千乘國也

登州

東牟 開元戶一萬八千五百三十三

鄉三十六

禹貢青州之域古萊子之國春秋齊侯滅萊至漢為東萊
郡之地後魏孝靜帝分東萊於黃縣東一百步中郎故城
置東牟郡高齊廢開皇三年改置牟州大業三年廢武德
初又置因文登縣人不從賊黨遂於縣理置登州

州境

東西五百六十里
南北一百六十五里

八到

西南至上都三十里
西南至東都二千一百四十里

元和郡縣志

卷十一

二十

北至海三
西至海四里

當中國往新羅渤海過大路

正北微東至大海北岸都里鎮五百二十里

東至文登縣界大海四百九十里

東南至大海四百六十里

南至萊州昌陽縣二百里

南至大海六十里

貢賦

開元貢 牛黃 水葱蓆 賦麻布

管縣四 蓬萊 牟平 文登 黃縣

蓬萊縣

中郭下

本漢黃縣之地屬東萊郡昔漢武帝於此望

蓬萊山因築城以蓬萊為名在黃縣東北五十里貞觀八

年於此置蓬萊鎮神龍三年析黃縣置蓬萊縣在鎮南一

里即今登州所理是也

牟平縣 中西至州 二百里 本漢縣也屬東萊郡有鐵官鹽官在牟

山之陽其地夷坦故曰牟平漢書齊悼惠王子將閭為牟

平侯後屬萊州武德四年於中郎城置牟州牟平縣屬焉

貞觀元年牟州及縣俱廢麟德二年析文登縣於此重置

牟平縣屬登州

文登縣 上西北至州 三百二十五里 本漢牟平縣也屬東萊郡高齊後

帝分牟平置文登縣屬長廣郡取縣界文登山為名開皇

三年廢長廣郡文登縣屬萊州武德元年改屬登州

之果山在縣西北一百九十里史記曰秦始皇二十九年

登之果刊石紀功封禪書曰齊有八祠之果山為陽主

元和郡縣志

卷十一

三

成山在縣東北百八十里史記曰始皇二十九年又東遊

登成山升之果勒石紀功郊祀志曰齊有八祠成山為日

主封禪書曰七曰日主祠成山

文登山在縣西北九十里

海在縣南六十里縣東一百八十里三面俱至於海縣東

北海中有秦始皇石橋今海中時有堅石似柱之狀

東牟故城在縣西北百十里漢高后二年封齊悼惠王子

興居為侯

不夜故城在縣東北八十五里屬東萊郡春秋時萊子所

置初築此城有日夜出故名之

黃縣中東北至州九十里本漢舊縣也屬東萊郡開皇三年罷郡屬

萊州武德四年屬牟州神龍三年置登州黃縣割屬焉漢

書曰秦欲攻匈奴運糧使天下飛芻輓粟起於黃腫琅邪

負海之郡轉輸北河率三十鍾而致一石黃即今黃縣腫即今文登縣屬

東萊郡腫直瑞反北河朔方已北六斛四斗曰鍾計道路所費凡用百九十二斛乃致一石

萊山在縣東南二十里封禪書曰齊之八祠六日月主祠

之萊山

故黃城在縣東南二十五里古萊子之國春秋傳曰齊侯

滅萊杜注曰今萊黃縣是也

大人故城在縣北二十里司馬宣王伐遼東造此城運糧

元和郡縣志

卷十一

二十二

船從此入今新羅百濟往還常由於此

蓬萊鎮在縣東北五十里

海瀆祠在縣北二十四里大人城上

元和郡縣圖志卷第十一

元和郡縣圖志卷第十二

河東道一

河中府

河東郡

開元戶七萬二百七十八和戶一萬九千六百

鄉六十五

今為河中節度使理所

管縣五

河中府

絳州

晉州

慈州

隰州

管縣三十七

都管戶四萬一千三百六十五

禹貢冀州之域按今州本帝舜所都蒲坂也春秋時為魏耿揚芮之地左傳曰晉獻公滅魏以賜畢萬服虔注曰魏在晉之蒲坂畢萬之後十代至文公列為諸侯至惠王僭號稱王至王假為秦所滅今州即秦河東郡地也漢元年元和郡縣志

卷十二

一

項羽封魏豹為西魏王王河陳都平陽二年豹降從漢王在滎陽請歸侍親疾至則絕河津反為楚盡有太原上黨地九月韓信虜豹定魏地置河東上黨太原郡文帝時李布為河東守文帝謂曰河東吾股肱郡故特召君耳後魏太武帝於今州理置雍州延和元年改雍州為秦州周明帝改秦州為蒲州因蒲坂以為名大業三年罷州又置河東郡隋將屈突通守河東高祖師次桑泉縣通出守潼關乃令鷹揚郎將堯君素王行本留鎮郡城遂於今桑泉縣置河東郡武德元年罷郡置蒲州其年堯君素為城人薛宋李楚客所殺王行本仍堅守不賓二年置蒲州總管三

年行本歸化自桑泉移蒲州於今理九年廢總管置都督
府復為州開元元年五月改為河中府仍置中都麗正殿
學士韓覃上疏陳其不可至六月詔停後為州乾元三年
又改為河中府大曆中元載為相又上建中都議曰自古
建大功者未嘗不用天因地故高祖保關中光武據河內
皆深根固本以制天下臣等考天地之心本聖人之意驗
古往之事切當今之務則莫若建河中為中都隸陝號晉
絳汾潞儀石慈隰等十城為藩衛長安去中都三百里順
流而東邑居相望有羊腸底柱之險

羊腸在潞州壺關縣東南一百六里濁

河孟門之限

孟門在慈州文城縣西南三十六里即龍門上口

以輟轅為襟帶與

元和郡縣志

卷十二

二

關中為表裏劉敬所謂扼天下之亢而撫其背即此之謂
推是而言則建中都將欲固長安非欲外之也將欲安成
周非欲捨之也將欲制蠻夷非欲懼之也將欲定天下非
欲弱之也河中之地左右王都黃河北來太華南倚總水
陸之形勝鬱關河之氣色每歲白露既降涼風已高陛下
處金城湯池內綏華夏登信臣驍將外馭戎狄出於仲秋
還於農隙有漕濁泛舟之便無登高履險之虞不傷財不
害人得養威而時狩如此則國有保安之所家無係虜之
憂矣疏奏不省初代宗自幸陝之後每歲八九月間京師
恂恂常懼戎復至將相之家皆裝儲糗為行李之備載

知人情不安遂獻此疏冀因制置竊有兵權議亦宏博盡當時利害然代宗探見載意義故不行或曰建中都江融設險圖之首篇也融誅後書已不傳不知斯言何自而得

府境東西二百五里南北一百七十七里

八到西南至上都三百二十里東北至絳州取桐鄉路二百六十里東至東都五百八十五里東南至陝州二百四十五里

西至同州六十七里東南至華州一百四十七里

貢賦開元貢 麥麩扇 竹扇 漆匣 乾棗 鳳栖梨 龍骨 賦綿絹 麻布

管縣八 河東 河西 臨晉 猗氏 虞鄉 寶鼎

解縣 永樂

河東縣次赤郭下本漢蒲坂縣地也屬河東郡開皇三年罷郡

元和郡縣志 卷十二 三

縣仍屬蒲州十六年移蒲坂縣於城東仍於今理別置河

東縣大業二年省蒲坂縣入河東縣

雷首山一名中條山在縣南十五里

風陵堆山在縣南五十五里與潼關相對

長原一名蒲坂在縣東二里其原出龍骨

河水北自桑泉縣界流入

媯汭水源出縣南雷首山尚書曰釐降二女子媯汭州城

即蒲坂城也城中有舜廟城外有舜宅及二妃壇

故陶城在縣北四十里尚書大傳曰舜陶于河濱

故堯城在縣南二十八里

蒲坂關一名蒲津關在縣西四里魏志曰太祖西征馬超韓遂夜渡蒲津門即謂此也今造舟為梁其制甚盛每歲徵竹索價謂之橋腳錢數至二萬亦關河之巨防焉
風陵故關一名風陵津在縣南五十里魏太祖西征韓遂自潼關北渡即其處也

舜祠在州理舜城中貞觀十一年詔致祭以時灑掃

伯夷墓在縣南三十五里雷首山南貞觀十一年詔致祭
禁樵蘓

河西縣次赤郭下本朝邑縣東地乾元三年因置河中府割朝

邑縣置

元和郡縣志

卷十二

四

臨晉縣次畿西南至府七十四里本漢舊縣地也後魏改為北解縣

開皇十六年分倚氏縣於今理置桑泉縣因縣東桑泉故城以為名也天寶十二年改為臨晉

河水經縣西四十里

涑水在縣東二十三里

故解城本春秋時解梁城又為漢解縣城也在縣東南十八里晉惠公許賂秦伯以河外列城五東盡虢略內及解梁城是也桑泉故城在縣東十三里左傳曰重耳圍令狐入桑泉謂此也

故司空魏國公裴寂墓在縣東北十七里

猗氏縣

次畿

西南至府一百一十里

本漢舊縣即猗頓之所居也東

魏恭帝二年改猗氏為桑泉縣周明帝復改桑泉為猗氏

縣屬汾陰郡開皇三年罷郡屬蒲州

涑水經縣南六里

故郇邑在縣西南四里左傳曰晉侯謀去故絳欲居郇瑕氏之地韓獻子曰郇瑕氏土薄水淺不如新田遂遷新田即平陽絳邑縣也

虞鄉縣

次畿西至府七十里

本漢解縣地也後魏孝文帝改置南解

縣屬河東郡周明帝武成二年廢南解縣別置綏化縣武

帝改綏化為虞鄉

元和郡縣志

卷十二

五

壇道山一名百梯山在縣西南十二里山高萬仞躋攀者百梯方可升降故曰百梯山南有穴莫測淺深每有勅使投金龍於此兼醮焉

王官故城在縣南二里左傳曰秦伯涉河焚舟取王官

五老仙人祠在縣西十七里

寶鼎縣

次畿南至府一百一十里

本漢汾陰縣也屬東河郡劉元海

時廢汾陰縣入蒲坂縣後魏孝文帝復置汾陰縣開元十

一年改寶鼎縣

黃河在縣北十一里趙簡子沉侯臣欒激之所也

汾水北去縣二十五里

后土祠在縣西北一十一里

殷湯陵在縣北四十三里

解縣 次畿 東北至府 四十五里 本漢舊縣也屬河東郡大業二年

省解縣九年自綏化故城移虞鄉縣於廢解縣理即今縣理是也武德元年改虞鄉縣為解縣屬虞州因漢舊名也仍於蒲州界別置虞鄉縣貞觀十七年廢虞州解縣屬河中府

中條山在縣南二十里

鹽池在縣東十里

女鹽池在縣西北三里東西二十五里南北二十里鹽味

元和郡縣志

卷十二

六

小苦不及縣東大池鹽俗言此池亢旱鹽即凝結如逢霖雨鹽則不生今大池與安邑縣池總謂之雨池官置使以領之每歲收利納一百六十萬貫

慰斗陂在縣東北二十二里

通路自縣東南踰中條山出白徑趨陝州之道也山嶺恭天左右壁立間不容軌謂之石門路出其中名之白徑嶺焉

永樂縣 次畿 北至府 九十里 本漢河北縣地周明帝改河北縣為

永樂縣武帝省永樂縣以地屬芮城縣武德二年分芮城於縣東北二里永固堡重置永樂屬芮州七年移於今理貞

觀八年改屬

中條山在縣北三十里

河水經縣南二里

永樂澗水源出條山經縣東二里又南入河

五老山在縣東北十三里堯升首山觀河渚有五老人飛

為流星上入昴因號其山為五老山

絳州

絳郡

開元戶八萬一千九百八十八
元和戶一萬一千二百七十一

禹貢冀州之域春秋時屬晉左傳曰晉人謀去故絳欲居

邠瑕氏之地韓獻子曰邠瑕氏土薄水淺不如新田遂遷

新田注曰新田今平陽絳邑縣是也三卿滅晉其地屬魏

元和郡縣志

卷十二

七

戰國時亦為魏地秦為河東郡地今州郡漢河東郡之臨

汾縣地也魏正始八年分河東汾北置平陽郡又為平陽

郡地後魏孝武帝於今理西南二十里正平縣界栢壁置

東雍州及正平郡其地屬焉孝文帝廢東雍州東魏靜帝

復置周明帝武成二年改東雍州為絳州大業三年廢州

為絳郡初義師將西入關大將軍進次古堆去絳郡十餘

里通守陳叔達堅守不下高祖命厨人曰明日早下絳城

然後食乃引兵攻城自旦及辰破之仍置絳郡武德元年

罷郡置絳州總管三年復為絳州

州境

東西三百六十五里
南北三百三里

八到

西南至上都五百九十里
東南至東都取垣縣王屋路四百八十里

東北至晉州一百四十里
南至陝州二百里
東至澤州四百四十里
西北至慈州二百四十里

貢賦

開元貢 梨蠟 防風 賦貲布

管縣九 正平 太平 萬泉 曲沃 翼城 聞喜

絳縣 稷山 龍門

正平縣

望郭下

本漢臨汾縣地屬河東郡開皇三年罷郡改

屬絳州十八年改臨汾縣為正平縣因正平故郡城為名

也

汾水東北自曲沃縣界流入

澮水東自曲沃縣流入

元和郡縣志

卷十二

八

栢壁在縣西南二十里後魏明帝元年於此置栢壁鎮太武帝廢鎮置東雍州及正平郡周武帝於此改置絳州建德六年又自此移絳州於今稷山縣西南二十里玉壁按栢壁高二丈五尺周迴八里

晉虎祁宮在縣南六里左傳曰石言於晉魏榆師曠曰石不能言或憑焉抑又聞之作事不時怨讟動於人則有非言之物而言於是晉侯方築虎祁之宮今按宮南有澮水北有汾水俱西流至宮西而合隋末依宮餘趾築堡今名修義堡

晉靈公臺在縣西北三十一里左傳曰晉靈公不君從臺

上彈人觀其避丸即此臺也

武平故關在縣西三十里高齊時置周平齊廢

晉齊姜墓在縣南九里申生之母也

驪姬墓在縣南八里

太平縣

隸南至州
五十里

本漢臨汾縣地屬河東郡後魏大武

於今縣東北二十七里太平故關城置泰平縣屬平陽郡

周改泰平為太平因關名開皇三年罷郡改屬晉州十年

改屬絳州

汾水在縣東二十九里

太平故關城在縣東北二十七里

元和郡縣志

卷十二

九

白波壘在縣東南十二里後漢末黃巾賊於西河白波谷

寇太原於此築壘

子竒壘在縣東三十里後秦王姚興遣弟義揚公平字子

竒與征虜將軍狄伯支等步騎四萬伐魏攻平陽陷之遂

據柴壁魏軍大至截汾水以守之平大敗將麾下三十騎

赴汾水而死狄伯支等十將四萬人皆為魏所擒今按此

壘西臨汾水壘側尚有柴村子竒投汾水即此處也

趙盾祠在縣西南十八里

李牧祠在縣東北十三里

晉公孫杵臼程嬰墓並在縣南二十一里趙盾墓塋中

萬泉縣

上

東北至州一百二十里

本漢汾陰縣地屬河東郡又薛

通城者後魏道武帝天賜元年赫連勃勃僭號夏侵河外于時有縣人薛通率宗族十餘家西去漢汾陰縣城八十里築城自固因名之武德三年於薛通故城置萬泉縣屬秦州縣東谷中有井泉百餘區因名萬泉貞觀十七年廢秦縣屬絳州

曲沃縣

緊

西至州五十里

本晉舊都絳縣地也漢以為絳縣屬

河東郡後漢加邑字屬郡不改晉改屬平陽郡後魏孝文帝於今縣東南十里置曲沃縣屬正平郡因晉沃曲為名開皇三年罷正平郡改屬絳州

元和郡縣志

卷一二

一

絳山在縣南十三里出銅錒

汾水西南去縣二十二里

澮水在縣南二里

絳水在縣界南三十里

漢絳縣本春秋晉都新田也在縣南二里周勃為絳侯即其地也今號絳邑故城

陘庭故城在縣西北二十里左傳曰曲沃武公伐翼次于陘庭是也

臺駘神祠在縣西南三十六里左傳曰晉侯有疾卜臺駘為崇問于子產子產曰昔金天氏有裔子曰昧為玄宜師

生允格臺駘能業其官帝用嘉之封諸汾川今晉主汾而滅之由是觀之則臺駘汾神也

翼城縣

望 西南至州 一百里

本漢絳縣地屬河東郡後魏明帝

置此絳縣開皇末改爲翼城縣屬絳州因縣東古翼城爲名也武德元年於此置澮州二年廢澮州縣屬絳州

澮高山在縣東南二十五里澮水出焉其山出鐵隋於此置平泉治澮水今改名冀水

故翼城在縣東南十五里晉故絳都也

故唐城在縣西二十里堯裔子所封也

聞喜縣

望 西南至州 六十里

本漢左邑縣之桐鄉也武帝元鼎

元和郡縣志

卷十二

十一

六年將幸緱氏至此聞南越破大喜因立聞喜縣屬河東郡後魏改屬正平郡開皇三年罷郡屬絳州

景山在縣東南十八里

董澤一名董池陂在縣東北十四里左傳厨武子曰董澤之蒲可勝旣乎

桐鄉故城漢聞喜縣也在縣西南八里俗以此城爲伊尹放太甲於桐宮之所孔注尚書曰桐湯葬地也按今地有放太甲處在偃師縣界非此也又漢大司農朱邑屬其子葬桐鄉者又在今舒州界亦非此也

王官故城今名王城在縣南十五里左傳曰俘我王官

祁奚墓在縣東二十二里今太原祁縣又有祁奚墓未詳孰是

絳縣

上

西北至州八十里

本漢聞喜縣地後魏孝文帝置南絳

縣其地屬焉因縣此絳山為名也屬正平郡恭帝去南字直為絳縣開皇三年罷郡改屬絳州義寧元年屬翼城郡武德元年屬澧州改屬絳州

備窮山在縣東北二十五里出鐵鈔穴五所

絳水一名沸泉水出絳山東谷懸流奔壑一十許文西北注于澮史記稱智伯率韓魏引絳水灌晉陽不沉者三板智氏曰吾始不知水可以亡人之國今乃知之於是韓魏元和郡縣志

卷十二

十三

之君共煞智伯水在縣北十四里

晉文公墓在縣東二十里左傳曰文公卒將殯于曲沃出絳柩有聲如牛貞觀十一年詔致祭五十步禁樵採

稷山縣

緊

東至州四十九里

本漢聞喜縣地屬河東郡後魏孝

文帝於今縣東南三十里置高涼縣屬龍門郡開皇三年罷郡縣屬絳州十八年改為稷山縣因縣南稷山以為名也

稷山在縣南五十五里左傳曰晉侯理兵於稷以略狄土即此地也

汾水在縣南五十里

玉壁故城在縣南十二里後魏大統四年東道行臺王思政表築玉壁城因自鎮之八年高觀寇玉壁思政有備攻不尅周初於此置玉壁總管武帝建德六年廢總管城周迴八里四面並臨深谷

稷祠在縣南五十里稷山上

義和墓在縣東北十七里

龍門縣

望

東至州一百一十里

古耿國殷王祖乙所都晉獻公滅

之以封趙夙秦置爲皮氏縣漢屬河東郡後魏太武帝改皮氏爲龍門縣因龍門山爲名屬北鄉開皇三年廢郡以縣屬絳州十六年割屬蒲州武德三年屬秦州貞觀十七年廢秦州縣隸絳州

元和郡縣志

卷十二

十三

汾水去縣五里漢武帝行幸河東作秋風秋詞即此水也故耿城在縣南十二里古耿國也伏龍原在縣西南十八里

黃河北去縣二十五里即龍門口也禹貢曰浮于積石至于龍門注曰龍門山在河東之西界大禹導河積石疏決龍門即斯處也河口廣八十步巖際雋迹遺功尚存三秦記曰河津一名龍門水陸不通魚鱉之屬莫能上江海大魚集龍門下數千不得上上則爲龍故曰曝鰓龍門水經注曰其魚出鞏縣鞏穴每三月則上渡龍門得則爲龍否

則點額而還

蜚廉故城在縣南七里

龍門關在縣西北二十二里

大禹祠在縣西二十五里龍門山上隋末摧毀貞觀九年奉勅更令修理

高祖神堯皇帝廟在禹廟南絕頂之上畫行幸儀衛之像蓋義寧初義旗至此也

晉州

平陽

開元戶六萬八百五十三
元和戶六千五百六十七

鄉一百四十八
鄉五十九

禹貢冀州之域即堯舜禹所都平陽也春秋時其地屬晉戰國時屬韓後將馮亭以上黨降趙又屬趙在秦為河東

元和郡縣志

卷十二

十四

郡地也今州即漢河東郡之平陽縣也永嘉之亂劉元海僭號稱漢建都於此前趙錄曰太史令宣于循之言於元海曰蒲子崎嶇非可久安平陽唐堯昔都願陛下都之於是遷都平陽後魏太武於此置東雍州孝明帝改為唐州尋又改為晉州因晉國以為名也高齊武成帝於此置行臺周武帝平齊置晉州總管義旗初建改為平陽郡武德元年罷郡置晉州三年為總管府四年為都督府貞觀六年廢府復為晉州

州境

東西三百二十四里
南北二百五十里

八

到西南至上都七百三十里
東南至東都六百二十四里

東北至汾州三百六十里
東至路州三百九十里

西至慈州二百二十里 東北至沁州二百九十里 東南至澤州四百一十里 西北至隰州二百五十里

貢賦開元貢 賦麻布 蠟燭

管縣九 臨汾 襄陵 神山 岳陽 洪洞 霍邑

趙城 汾西 冀氏

臨汾縣望郭下 本漢平陽縣屬河東郡在平水之陽故曰平

陽魏置平陽郡平陽縣屬焉開皇元年改平陽縣為平河

縣三年罷郡縣屬晉州其年又改車河縣為臨汾縣

平山一名壺口山今名姑射山在縣西八里平水出焉尚

書曰壺口理梁及岐

汾水北自洪洞縣界流入

元和郡縣志

卷十二

十五

滴水今名三交水東自襄陵縣界流入

堯廟在縣東八里汾水東

姑射神祠在縣北十三里姑射山東武德元年勅置

龍子祠在姑射山東平水之源其地茂林翁鬱俯枕清流

實晉勝境也

劉和墓在縣南三十五里和元海太子也

劉聰墓在縣西南十一里聰元海第四子也

襄陵縣緊 西北至州 二十六里 本漢舊縣也屬河東郡高齊省周

平齊自臨汾縣移禽昌縣於今理屬晉州大業二年改禽

昌為襄陵取舊漢名也縣東南有晉襄公陵因以為名先

是以禽昌名者後魏禽赫連昌以置縣故也

浮山在縣東南七里

滴水在縣北十五里

黑水經縣北二十五里

晉賈克墓在縣西南十里

神山縣

中 西至州七十八里

本漢襄陵縣地也武德二年僕射

裴寂奏分襄陵縣置浮山縣屬晉州因山為名至三年因羊角山神人見又改為神山焉

黑山今名烏頭山在縣東四十四里黑水出焉

羊角山在縣東南三十一里

元和郡縣志

卷十二

十六

老君祠在縣東南二十里武德三年見神於羊角山下語曲沃縣人吉善行曰報大唐天子得聖理一千年其年勅遣通事舍人柳憲立祠因改縣為神山

岳陽縣

中 西南至州一百五十里

本漢穀遠縣地後魏孝莊帝置

安澤縣屬義寧郡開皇十六年改屬沁州大業二年改為

岳陽縣因山為名義旗初建屬平陽郡武德元年罷郡改

屬晉州

烏嶺山在縣東三十里

千畝原在縣北九十里周迴四十里

東池堡在縣南三十三里今堡中見貯義倉北面絕崖三

面各二丈五尺周迴二里

洪洞縣

望

西南至州六十里

本漢楊縣即春秋時楊侯國也晉

滅之以賜大夫羊舌肸漢以縣屬河東郡魏置平陽郡楊縣屬焉開皇三年罷郡改屬晉州義旗初建改為洪洞縣因縣北故洪洞鎮為名也

霍山在縣東北三十里事具霍邑縣

汾水自趙城縣東流入

洪洞故城在縣北六里後魏鎮城也姚叡序行記曰周建德五年從行討齊師次洪洞百雉相臨四周重複控據要險城主張元靜率其所部肉袒軍門即此也

元和郡縣志

卷十二

十七

禽昌故縣在縣東南二十四里後魏太武帝禽赫連昌置因以名焉

師曠祠在縣東南二十五里

霍邑縣

上

南至州一百五十里

本漢彘縣也屬河東郡因彘水為

名即周厲王所奔之邑後漢順帝改為永安縣屬郡不改後魏初省及宣武正始二年又置永安縣開皇十八年改為霍邑縣屬晉州因霍山為名隋末喪亂武牙郎將宋老生屯兵於此義師之至也老生陳兵據險師不得進忽有白衣老父詣軍門曰霍山神遣語大唐皇帝若向霍邑當東南傍山取路我當助帝破之遣人視之果有微道高祖

笑田此神不欺趙襄子豈常負吾耶於是進師去城十餘里老生戰敗劉弘基斬之遂平霍邑置霍山郡武德元年廢郡復置呂州貞觀十七年廢呂州縣又隸晉州

霍山一名太岳在縣東三十里禹貢曰壺口雷首山于太岳鄭玄注曰今河東彘縣霍太山是也

呂坂在縣西南十里有呂鄉晉大夫呂甥之邑也呂州取名於此

汾水經縣西二里

彘水出霍山經縣南一里

普濟寺貞觀八年奉詔以破宋老生於此置寺

元和郡縣志

卷十二

十八

周厲王陵在縣東北二十五里

趙城縣

上

南至州九十五里

本漢彘縣地即造父之邑也自漢

迄晉不改後魏太武帝廢其趙城縣義旗之初分霍邑縣置屬霍山郡因故趙城為名武德元年廢郡置呂州縣屬焉貞觀十七年廢呂州縣屬晉州

汾水在縣西四里

霍山廟在縣東南三十里霍山上甚有靈驗貞觀五年勅

令修理

汾西縣

中

東西至州一百八十里

本漢彘縣地屬河東郡後漢改

彘為永安縣高齊又於此置臨汾郡及臨汾縣開皇三年

改臨汾縣為汾西縣十六年改屬汾州十八年改屬呂州
大業二年改屬晉州義旗初屬霍山郡武德元年又屬呂
州貞觀十七年廢呂州又屬晉州

汾水在縣東三十五里

冀氏縣

中 西至州一百九十二里

本漢隋氏縣地也屬上黨郡隋

音居義及至晉省後魏莊帝於隋氏城南置冀氏縣屬晉

州

烏嶺山在縣西三十里

沁水在縣東一里

慈州

文城

開元戶一萬一千二百七十五

鄉三十

元和郡縣志

卷十二

十九

禹貢冀州之域春秋時晉之屈邑獻公子夷吾所居也左
傳曰驪姬賂外嬖梁五與東闕嬖五使言於公曰蒲與二
屈今平陽郡北屈縣也左傳屈產之乘亦此地秦兼天下
縣屬河東郡漢此屈縣屬河西郡後魏孝文帝於北屈縣
南二十一里置定河郡即今州理是也隋開皇元年改定
陽郡為武城郡貞觀八年改為慈州州內有慈烏戍因以
為名

州境

東西五百五十一里
南北二百一十二里

八到

西南至上都六百八十五里
東南至絳州太平縣一百九十里

東南至東都七百二十五里
西至龍門縣一百八十里

北至隰州二百里
西北至丹州一百八十里
東南至絳州二百四十里
東南至晉州二百四十里
正西至黃河六十五里

貢賦

開元貢賦 麻布 蠟 白蜜

管縣五 吉昌 文城 昌寧 乍城 呂香

吉昌縣

中郭下

本漢北屈縣地也屬河東郡後魏孝文帝於今州置定陽郡并置定陽縣會有河西定陽胡人渡河居於此因以為名十八年改定陽縣為吉昌縣貞觀八年改置慈州縣依舊屬焉

壺口山在縣西南五十里

風山在縣北三十里山上有穴如輪風氣蕭瑟未嘗暫止

元和郡縣志

卷十二

二十

當其衝略不生草故以風為名

黃河北去縣六十里

姚襄城在縣西五十二里本姚襄所築其城西臨黃河控帶龍門孟門之險周齊交爭之地齊後主武平二年遣右丞相斛律明月左丞相平原王段孝先破周兵於此城遂立碑以表其功其碑見存齊氏又於此城置鎮開皇廢武德二年又置鎮九年廢城高二丈周迴五里也

文城縣

中

東南至州六十五里

本漢北屈縣地屬河東郡後魏孝

文帝於此置斤城縣屬定陽郡開皇十六年改斤城縣為

文城縣

孟門山俗名石槽在縣西南三十六里淮南子曰龍門未
闢呂梁未鑿河水孟門之上名曰洪水大禹疏通謂之孟
門水經注曰風山西四十里河水南出孟門與龍門相對
即龍門之上口也實為黃河之巨阨今按河中有山鑿中
如槽束流懸注七十餘尺

文城故城在縣北三十里故老曰此城晉文公為公子時
避驪姬之難從蒲奔狄因築此城人遂呼為文城

昌寧縣

中

西北至州
五十里

本漢臨汾縣地屬河東郡後魏太

武帝分臨汾縣置太平縣孝文帝又分太平縣置昌寧縣
屬定陽郡開皇元年改屬耿州十八年又屬汾州大業二
元和郡縣志

卷十二

五

年改汾州為文城郡縣仍隸焉貞觀八年改為慈州縣又
屬焉

兩乳山在縣西南七十里山有兩岫望如乳形因以為名
黃河北去縣七十九里

倚梯故城在縣西南一百五十里累石為之東北兩面據
嶺臨谷西南兩面俯眺黃河懸崖絕壁百餘尺其西南角
即龍門之上口也以城在高嶺非倚梯不得上因以為名
城中有禹廟後魏孝文帝西巡至此立碑碑今見在

禹廟在縣西南一百五里龍門東岸上其碑是後魏孝文
帝所立

晉荀息墓在縣東北六十里

忸城縣中 西南至州五十八里本漢北屈縣地屬河東郡後漢於

此置忸城郡領京軍縣孝文帝改京軍縣為忸城縣開皇

三年廢忸城郡改屬文城郡皇朝改屬慈州

石門山在縣北六十里

拓定故城在縣西一里周保定四年置以高境因以為名

隋廢

呂香縣中 至州二十里百本漢臨汾縣地也屬河東郡後魏

太武帝於此置邢軍縣屬忸城郡孝文帝改為平昌縣開

皇十六年省平昌入忸城縣義寧元年於此置平昌縣貞

元和郡縣志 卷十二 三

觀元年改為呂香縣因舊呂香鎮為名屬慈州

馬頭山在縣南六十里其山峭嶷焉如馬首因以為名

橫嶺山在縣西北六十里

隰州大寧 開元戶一萬八千五百八十三 鄉四十八
下 元和戶二萬三千三百四十九 鄉二十四

禹貢冀州之域春秋時為晉地七國屬魏秦為河東郡地

在漢為蒲子縣屬河東郡後魏初屬忸城郡孝文改蒲子

為長壽縣太和十二年於此置汾州周宣帝大象元年於

今州東百步置龍泉郡隋開皇五年改為隰州大業三年

又改為龍泉郡武德元年又為隰州爾雅曰下隰曰隰以

州帶泉泊下濕故以隰為名

州境東南西北

八到東南取慈州路至上都八百八十五里

東南至東都八百八十里

西至延州三百六十里

北至石州二百五十里

南至河一百四十里

東北至汾州二百七十里

東南至河中府六百里

貢賦開元貢 麻 布 蠟 白蜜 麝香 胡女布

管縣六 隰川 蒲縣 大寧 溫泉 永和 石樓

隰川縣中郭下 本漢蒲子縣地也屬河東郡魏少帝分河東

置平陽郡蒲子縣屬焉劉元海僭號稱漢初理於蒲子後

徙平陽又於此置大昌郡以蒲子屬焉周宣帝改置長壽

元和郡縣志 卷十二 重

隰州 縣開皇十八年改為隰川縣南有龍泉下隰因以為名屬

蒲水源出縣東北石樓山

黃櫨谷水出縣東北黃櫨谷

故橫城在縣南三十五里隋仁壽四年楊諒作逆遣偽將

吳子通屯兵築城於此橫絕蒲川道因以為名

蒲縣中 西北至州一百一十里 本漢蒲子縣地後魏於此置石

城縣後廢周宣帝於石城故縣置蒲子縣因漢蒲子縣為

名也屬定陽郡開皇五年改屬隰州大業二年改為蒲縣

五禿山在縣東北五十里山少草木故名五禿周迴七十

七里

常安原在縣西南四十里東西廣四十里南北長二十里
作城故城在縣南六十三里後魏作城郤也

大寧縣

中 東北至州八十六里

本漢北屈縣地也屬河東郡後魏

於此置作城縣尋廢周武帝又於廢縣西三里置大寧縣
屬南汾州大業二年省武德二年於此置中州復置大寧
縣以屬焉貞觀元年廢中州以縣屬隰州

孔山在縣西北二十五里上有穴如車輪三所東西相去
各二丈其深不測因以名

黃河北去縣六十八里

元和郡縣志

卷十二

十四

蒲水一名斤水去縣六十步

浮圖鎮齊清河四年築隋移大寧縣理即今此縣理是也

溫泉縣

中 西南至州一百六十里

本漢土軍縣地也後魏於土軍

故縣東七十里置新城縣屬土京郡太武改名嶺東縣孝
文改為新城縣武德三年於縣東南四十里置北温州及
溫泉縣因縣南溫泉為名貞觀元年省北温州及新城縣
以溫泉縣屬隰州

遠望山一名可寒堆在縣西七十里高五里周迴七十五
里

西陽泉源出縣東北去縣十里

永和縣中

東至州八十里

本漢狐讞

之涉反

縣屬河東郡後漢省

魏初復置狐讞縣屬河東郡魏廢高齊後主於其城置永和鎮周宣帝廢鎮置臨河郡及臨河縣屬汾州開皇五年改屬隰州十八年改臨河為永和縣以縣西永和關為名也

樓山在縣西南二十二里

黃河東去縣六十里

狐讞故縣城在縣西南三十五里

石樓縣

中下東至州九十里

本漢土軍縣也屬西河郡晉省後魏

孝文帝於此城置土京郡即漢土軍縣蓋胡俗音訛以軍

元和郡縣志

卷十二

二十五

為京也開皇五年又以土京屬隰州十八年改土京為石

樓縣因縣東石樓山為名也

石樓山在縣東南六十里水經注曰蒲水出石樓山

黃河東去縣九十九里

龍泉水出縣東南去縣十里山下牧馬多產名駒故得龍

泉之號

縣理城漢土軍城也其城圓而不方 謂之團城

元和郡縣圖志卷第十二



元和郡縣圖志卷第十三

河東道三

河東節度使

今為河東節度理所

太原府

開元戶一十二萬六千八百四十元
和戶一十二萬四千

鄉二百四十五
鄉二百四十九

管州十一

太原府

汾州

沁州

儀州

嵐州

自嵐州已下分入下卷

石州

忻州

代州

蔚州

朔州

雲州

管縣四十五

都管戶一十五萬一千六百八十三

元和郡縣志

卷十三

一

禹貢冀州之域禹貢曰既修太原注曰高平曰原今以為
郡名舜典曰肇十有二州王肅注曰舜為冀州之北太廣
分置并州至夏復為九州省并州合于冀州周之九州復
置并州職方曰正北曰并州其山鎮曰恒山藪曰昭餘祁
川曰潯沱漚夷寢曰涑易釋名曰并兼也言其州或并或
設因以為名春秋晉荀吳敗狄于大鹵即太原晉陽縣也
中國曰太原夷狄曰太鹵按晉太鹵大夏墟平陽晉陽諸
名其實一也太康地記曰并州不以衛水為號又不以恒
山為名而言并者蓋以其在兩谷之間乎按今州本高辛
氏之子實沈又金天氏之子臺駘之所居也左傳曰昔高



辛氏有二子伯曰闕伯季曰實沈居於大林不相能也日
尋干戈后帝不臧遷實沈于大夏主參金天氏有裔子曰
昧為玄冥師生允格臺駘以處太原晉陽縣也太原臺駘
之所居按今州又為唐國帝堯為唐侯所封又為夏禹之
所都也帝王世紀曰帝堯始封於唐又徙晉陽及為天子
都平陽平陽即今晉州晉陽即今太原也又曰禹自安邑
都晉陽至桀徙都安邑至周成王以封弟叔虞是為晉侯
史記曰成王與叔虞戲削桐葉為圭曰以是封汝周公請
封之於唐成王曰吾戲耳周公曰天子無戲言遂以封之
今州春秋時為晉國戰國時為趙地左傳曰晉趙鞅入晉
元和郡縣志

卷十三

二

陽以叛穎客曰趙簡子居晉陽至成公居邯鄲史記曰智
伯率韓魏攻趙襄子奔保晉陽復為韓魏趙所滅故其地
屬趙地理志曰趙西有太原秦本紀曰莊襄王二年蒙驁
攻趙定太原四年初置太原郡始皇置三十六郡仍為太
原郡漢二年魏豹反為楚盡有太原上黨之地九月韓信
虜魏豹定魏地置河東上黨太原郡六年以太原二十一
縣為韓國徙封韓王信都太原七年信反走入匈奴十一
年封皇子為代王都晉陽文帝元年立皇子參為太原王
都晉陽地理志云太原郡領二十一縣屬并州後漢末省
并州入冀州魏文帝黃初元年復置并州改太原郡為太

原國初曹公圍袁尚於鄴時袁紹外甥高幹為并州州刺史袁紹說幹曰并州左有恒山之險右有大河之固北有強胡宜速迎尚并力觀變幹不能用故敗晉惠帝時并州之地盡為劉元海所有其後劉曜徙都長安自平陽以東盡入石勒至符堅姚興赫連勃勃並於河東郡置并州後符丕為慕容垂所迫奔于晉陽稱帝一年為慕容永所滅後魏復為太原郡周武帝建德六年平齊置六府於并州後省六府置并州總管隋開皇二年廢總管置河北道行臺尚書省今州理是也九年廢行臺復置并州總管大業元年廢總管三年罷州為太原郡隋季陵遲寇盜充斥煬

元和郡縣志

卷十三

三

帝以高祖為山西河東道撫慰大使太原郡留守仍遣武賁郎將王威高君雅為副時賊帥歷山飛衆號十萬來寇郡境劉武周又殺太守王仁恭舉兵馬邑俄又攻破汾陽宮監裴寂晉陽令劉文靜勸高祖舉兵旬日間衆至數萬威君雅有疑心高祖斬之以徇時大業十三年也其年入關尅定京邑高祖輔政義寧元年太原郡仍舊不改武德元年罷郡為并州總管三年廢總管四年又置其年又改為上總管五年又改為大總管七年又改為大都督天授元年罷都督府置北都神龍元年依舊為并州大都督府開元十一年玄宗行幸至此州以王業所興又建北都改

并州為太原府立起義堂碑以紀其事二十一年分天下州郡為十五道置採訪使以檢察非法太原為河東道又

於邊境置節度使以式遏四夷河東最為天下雄鎮河東節度

理太原府管兵五萬五千人馬一萬四千匹衣賜一百二十六萬匹段軍糧五十萬石 倚角朔方天

兵軍太原府城內聖歷二年置管兵二萬人馬九千五百匹 雲中郡守捉東西去單于府二百

七十里調露中裴行儉破突厥置管兵七千七百匹 大同軍門

郡北三百里調露中突厥南侵裴行儉開置管兵九千五百匹 雁門今代州也

橫野軍關 安邊郡東北百四十里開元中河東公張嘉貞移置管兵七千八百

百人馬千八百匹西南去理定襄郡去理西百八十管兵

雁門郡去理西五百里 樓煩郡東南去理西二百五十里

元和郡縣志 卷十三 四

岢嵐軍樓煩郡北百里長安中李迥秀置管兵 天寶元年

改北都為北京今太原有三城府及晉陽縣在西城太原

縣在東城汾水貫中城南流

府境東西南北

八到西南至上都一千二百六十里 東南至儀州三百四十五里 東南至沁州三百四十里 西南至微東潞州四百五十里 正南微東潞州四百五十里 北至忻州一百八十里 東北至恒州五百里

貢賦開元貢 甘草 龍骨 特生草 銅鏡 賦麻布 黃石 鉞 人參 栝子仁 蒲萄

管縣一十三 太原 晉陽 榆次 清源

壽陽 太谷 祁縣 文水

交城 廣陽 陽曲 孟縣

樂平

太原縣

赤郭下

開元戶二萬一千六百五十六

鄉四十

本漢晉陽縣地高齊河清四年自今州城中移晉陽縣於汾水東隋文帝開皇十年移晉陽縣於州城中仍於其處置太原縣屬并州大業三年罷州至太原郡縣仍屬焉隋末移入州城貞觀十二年還遷於舊理在州東二里百六十步

牢山一名看山在縣東北四十五里後魏書曰劉總遣子粲襲晉陽倚盧救之遂獵牢山陳閱皮肉山為之赤其山出金錒

元和郡縣志

卷十三

五

潛丘在縣南三里爾雅曰晉有潛丘隋開皇二年於其上置大興國觀

洞過水東自榆次縣界流入西去縣三十里入晉陽縣界陽曲故城在縣東北四十五里

陽直故城在縣東北二十里開皇十六年改陽曲縣理此晉渠在縣西一里西自晉陽縣界流入汾東地多鹹鹵井不堪食貞觀十三年長史英國公李勣乃於汾河之上引決晉渠歷縣經鄆又西流入汾水

晉陽縣

赤郭下

開元戶一萬二千八百八十一

鄉二十五

本漢舊縣也屬太原郡至後魏並不改按此前晉陽縣理

州城中高齊武成帝河清四年移晉陽縣於汾水東今太原縣理是也武平六年於今理置龍山縣屬太原郡因縣西龍山以爲名也開皇三年罷郡置并州十年廢龍山縣移晉陽縣理之大業三年罷州爲太原郡縣仍屬焉皇朝因之在州南二里

懸甕山一名龍山在縣西南十二里山海經曰懸甕之山晉水出焉其上多玉其下多銅

蒙山在縣西北十里六國春秋曰前趙劉聰征劉琨不尅略晉陽之入踰蒙山而歸即謂此也今山上有楊忠碑爲周將討齊戰勝隋文開皇二年追紀功烈始建此碑忠即

元和郡縣志

卷十三

六

文帝之考謚曰武元皇帝

汾水北自陽曲縣界流入經縣東二里又西南入清源縣界

晉水源出縣西南懸甕山水經注曰晉水出懸甕山東過其縣南昔智伯遏晉水灌晉陽城不沒者三板後人踵其遺跡蓄以爲沼沼水分爲二派其北瀆即智氏故渠也其瀆乘高東北注入晉陽城以周漑灌東南出城注於汾水其南瀆於石塘下伏流東南出晉陽城南又東南入於汾今按晉水初泉出處砌石爲塘自塘東分爲三派其北一派名智伯渠東北流入州城中出城入汾水其次派東流

經晉澤南又東流入汾水此二派即酈元所言分為二派者也其南汾隋文開皇四年開東南流入汾水

洞過水東自太原縣界流入西入於汾晉水下口者也水經注曰劉琨之為并州也劉元海引兵擊之合戰於洞過即此水是也今按此水出沾縣北山沾即今樂平縣也水經縣東南二十五里入汾水

晉澤在縣西南六里開皇六年引晉水溉稻田周迴四十一里

府城故老傳晉并州刺史劉琨築今按城高四丈周迴二十七里今按城中又有三城其一曰大明城即古晉陽城也和郡縣志

卷十三

七

也左傳言董安於所築史記云智伯攻襄子於晉陽引汾水灌其城城不沒者三版春秋後語云智伯攻晉陽決晉水灌之城中懸釜而炊今按城東有汾水南流城西又有晉水入城而史記云引汾水後語云決晉水二家不同未詳孰是高齊後帝於此置大明宮因名大明城姚最序行記曰晉陽宮西南有小城內有殿號大明宮即此也城高四丈周迴四里又一城南面因大明城西面連倉城北面因州城東魏孝靜帝於此置晉陽宮隋文更名新城煬帝更置晉陽宮城高四丈周迴七里又一城東面連新城西面因州城開皇十六年築今名倉城高四丈周迴八里

故唐城在縣北二里堯所築唐叔虞之子燮父徙都之所也

三角城在縣西北十九里一名徙入城

捍胡城一名看胡城在縣北二十三里

受瑞壇在州理倉城中義旗初高祖太武皇帝受瑞石於此壇文曰李理萬吉

晉陽故宮一名大明宮在州城內今名大明城是也昔智伯攻趙襄子襄子謂張孟談曰無箭奈何對曰臣聞董安子簡主之才臣也理晉陽公宮之垣皆以荻蒿楛墻之蒿至于文於是發而試之其堅則菌韜之勁不能過也公曰

元和郡縣志

卷十三

八

矢足矣吾銅少對曰臣聞董安于之理晉陽公宮之室皆以鍊銅為柱質請發而用之則有餘銅矣高齊文宣帝又於城中置大明宮

竹馬府在州城中

汾橋架汾水在縣東一里即豫讓欲刺趙襄子伏於橋下襄子解衣之處橋長七十五步廣六丈四尺

晉祠一名王祠周唐叔虞祠也在縣西南十二里水經注曰昔智伯遏晉水以灌晉陽其川上源後人蓄以為沼沼西際山枕水者唐叔虞祠水側有涼堂結飛梁於水上晉川之中最為勝處序行記曰高洋天保中大起樓觀穿築

池塘自洋已下皆遊集焉至今爲北都之勝

介之推祠在縣東五里

唐叔虞墓在縣西南十六里

高齊相國咸陽王斛律金墓在縣西南十七里

晉祠碑在乾陽門街貞觀二十年太宗幸并州所置御製

并書

起義堂碑在乾陽門街開元十一年玄宗幸太原所立御

製并書

講武臺在縣西北十五里顯慶五年置

榆次縣

西去府五十六里

開元戶一萬五千四百三十七 縣三十

元和郡縣志

卷十三

九

本漢舊縣即春秋時晉魏榆地左傳曰石言于晉魏榆注曰魏晉邑榆即州理名也史記曰莊襄王二年使蒙驁攻趙魏榆漢以爲縣屬太原郡後魏太武帝并入晉陽縣宣武帝復置榆次縣高齊文帝省自今縣東十里移中都縣理之屬太原郡十年改中都縣又為榆次縣三年罷州爲郡縣仍屬焉皇朝因之

麓臺山俗名鑿臺山在縣東南三十五里

洞過水東自壽陽縣界流入經縣南四里又西南入太康

縣界

中都故城縣東十里高齊移於廢榆次城即今縣理是也

鑿臺在縣南四里水經注曰洞過水西過榆次縣南水側有鑿臺智伯瑤刳腹絕腸折頭摺頤之處史記曰智氏信韓魏從而伐趙攻晉陽韓魏殺之於鑿臺之下說苑曰智氏見伐趙之利不知榆次之禍皆謂此也今按其臺為洞過水所侵無復餘跡

原過祠俗名原公祠在縣東九里史記曰智伯率韓魏攻趙趙襄子懼乃奔保晉陽原過從後至於王澤見三人自帶已上可見自帶以下不可見與原過竹三節莫通曰為我遺趙母卹原過既至以告襄子襄子齊三日親自剖竹有朱書曰趙母卹余霍泰山山陽侯天吏也三月丙戌子元和郡縣志

卷十三

十

將使汝反滅智氏汝亦立我百邑襄子再拜受三神之令既滅智氏遂祠三神於百邑使原過主之麓臺山祠俗名智伯祠在麓臺山上

清源縣

東北至府三十九里

開元戶八千五百四十一

鄉十七

本漢榆次縣地地理志曰榆次有梗陽鄉魏成邑按梗陽在今縣南百二十步梗陽故城是也自漢晉皆為榆次縣地後魏省榆次縣地屬晉陽開皇十六年於梗陽故城置清源縣屬并州因縣西清源水為名大業二年省又為晉陽縣地武德元年重置

汾水經縣東去縣九里又東南入文水縣界

梗陽故縣城春秋晉大夫祁氏邑也在縣南百二十步左傳曰晉殺祁盈遂滅祁氏分爲七縣戍爲梗陽大夫是也開皇十六年於其城內置清源縣

鵝城在縣東南二十二里晉陽春秋曰永嘉元年洛陽步廣里地陷有二鵝色黃蒼者飛冲天白者不能飛倉雜色故夷之象劉擢以爲己瑞築此城以應之

閻沒墓在縣西南三里左傳曰梗陽人有獄魏戍不能斷以獄上其太宗賂以女樂魏子將受之魏戍謂閻沒必諫許諾退朝待於庭饋入召之比置三歎魏子問之對曰或賜小人酒不夕食饋始置恐不足中自咎曰豈將軍食之元和郡縣志 卷十三 十一 而有不足及饋之畢願以小人腹爲君子之心屬饜而巳魏子辭梗陽人

壽陽縣

畿西南至府一百五十里

開元戶五千一百六十七

鄉十

本漢榆次縣地西晉於此置受陽縣屬樂平郡永嘉後晉末山戎內侵後魏太武遷戎外出徙受陽之戶於太陵城南置受陽縣屬太原郡受陽縣即今文水縣是也開皇十年改受陽爲文水縣又於受陽故城別置受陽縣屬并州即今縣是也大業三年罷州爲太原郡縣仍屬焉武德三年置受州縣改屬焉貞觀八年廢受州縣并州貞觀十一年更名壽陽

方山在縣北四十里

洞過水東自樂平縣界流入在縣南五十里又西南入榆次縣界

馬首故城在縣東南十五里左傳曰晉分祁氏之田為七縣韓固為馬首大夫即其地也

神武故城後魏神武郡也在縣北三十里周廢

太谷縣

畿

西北至府七十五里

開元戶一萬五百九十

鄉二十

本漢陽邑縣地屬太原郡今縣東十五里陽邑故城是也後漢明帝以馮魴為陽邑侯後魏太武帝省景明二年復置陽邑縣屬太原郡即今縣是也高齊及周同開皇三年

元和郡縣志

卷十三

十二

罷郡屬并州開皇十八年改陽邑為太谷縣因縣西太谷為名大業三年罷州為太原郡縣仍屬焉武德三年分并州之太谷祁二縣於此置太州六年省太州復以太谷祁縣屬并州

白壁嶺北縣北七十五里

蔣谷水今名象谷水源出縣東南象谷經縣北四里北入清源縣界

陽武故城在縣東南十五里

咸陽故城在縣西南十里秦伐趙築之以咸陽兵戍之因名

蘿孽亭俗名落漠城在縣西北十九里

祁縣

畿北至府一百里

開元戶一萬五千七百八十二鄉三十和戶

本漢舊縣即春秋時晉大夫祁奚之邑也左傳曰晉殺祁盈遂滅祁氏分爲七縣以賈辛爲祁大夫注曰太原祁縣也按漢祁縣在東南五里故祁城是也後漢訖後魏並不改高齊天保七年省開皇十年重置屬并州武德二年改屬太州六年省太州還屬并州

情山在縣東南六十里

胡甲水一名太谷水東南自潞州武鄉縣界流入又南入汾州平遙縣界

元和郡縣志

卷十三

十三

故祁城漢祁縣城也在縣東南五里晉大夫賈辛邑水經注曰賈辛以貌醜妻不爲言與之如臯射雉中之妻乃笑按左傳魏獻子謂賈辛曰昔賈大夫惡娶妻而美三年不言御以如臯射雉獲之其妻始笑而言注曰賈國之大夫以此而言則辛非射雉者酈元所引爲謬

趙襄子城在縣西六里

雲州故城後魏雲州城也在縣西二十里孝武帝永熙中寄理并州界謂此也

祁奚墓在縣東南七里

後漢溫序墓在縣西北十四里序本祁人死塋洛陽其子

夢序云久客思故鄉乃反葬焉

後漢周黨墓在縣東南十四里黨廣武人世祖引見伏而不謁

高齊唐邕墓在縣東南七十里碑云齊尚書令晉昌王

文水縣

畿

東北至府一
百一十里

元和

戶一萬二千六百六

鄉二十三

文水縣

本漢大陵縣地屬太原郡今縣北十三里大陵故城是也後魏省仍於今理置受陽縣屬太原郡開皇十年改受陽縣為文水縣因縣西文谷水為名皇朝因之天授元年改為武興縣神龍元年復為文水縣城甚寬大約三十里百姓於城中種水田

元和郡縣志

卷十三

十四

汾水東北自清涼縣界流入經縣東十五里又西南入汾州隰城縣界

文水西北自交城縣界流入經縣西又南入隰城縣界大陵城漢大陵縣也在縣東北十里史記曰趙武靈王遊大陵夢處女鼓琴而歌異日數言所夢想見其狀吳廣聞之因進孟婉焉

平陶城漢平陶縣城也在縣西南二十五里屬太原郡後魏改為平遙縣後西胡內侵遷居京陵塞在今汾州界大于城在縣西南十一里本劉元海築令兄延年鎮之胡語長兄為大于因以為名

交城縣

畿 東北至府 八十里

開元戶五千四百十三 元和戶

鄉十二

本漢晉陽縣地開皇十六年分晉陽縣置交城縣取古交城為名屬并州皇朝因之天授二年長史王及善自山北故交城縣移就却波村置

少陽山在縣西南九十五里其上多玉其下多赤銀高二百丈周迴二十里

羊腸山在縣東南五十三里石磴縈委若羊腸後魏於此立倉今嶺上有故石墟俗云太武帝避暑之所地理志上黨壺關亦有羊腸陂在今潞州界不謂此也

狐突山在縣西南五十里出鐵鉤

元和郡縣志

卷十三

十五

汾水西北自嵐州靜樂界流入

文谷水出縣西南文谷水經曰文水出大陵縣西山文谷按大陵縣在今文水縣北十三里大陵故城是也文水發源此城西北東南流入文水縣界行八十里

廣陽縣

畿 西至府二 百六十里

開元戶二千六百七十三 和戶

鄉五

本漢上艾縣也屬太原郡後漢屬常山國晉屬樂平郡後魏改石艾縣屬樂平郡不改開皇三年罷郡改屬遼州大業三年省遼州後屬并州武德三年又屬遼州遼州今太原府樂平縣理是也六年改屬受州貞觀八年廢受州後屬并州天寶元年改為廣陽縣因縣西南八十里廣陽故城

爲名也

浮山在縣東南三十五里

澤發水一名阜漿水亦名妬女泉源出縣東北董卓壘東今其泉初出大如車輪水色青碧泉傍有祠土人祀之婦人袷服靚粧必興雨電故曰妬女故老傳此泉中有神似驚晝伏夜游神出水隨神而涌其水東北流入井陘縣界廢受州城在縣西北三十里舊名塞魚城武德八年因故跡築移受州理此貞觀八年廢

井陘故關在縣東八十里史記曰漢二年韓信與張耳欲東下井陘擊趙王成安君陳餘聚兵井陘曰二十萬廣武元和郡縣志

卷十三

十六

君李左車說成安君曰井陘道狹車不得方軌騎不得成列假臣竒兵三萬從間道絕其輜重不至十日兩將之頭可致戲不餘不從故敗今按井陘亦名土門

盤石故關在縣東北七十里
葦澤故關在縣東北八十里

董卓壘在縣東北八十里水經注曰澤發水出董卓壘東妬女祠在縣東北九十里澤發水源

陽曲縣

畿南至府
七十里

開元戶八千一百二十二
元和戶

鄉十六

本漢舊縣也屬太原郡黃河千里一曲曲當其陽故曰陽曲按此前陽曲縣今忻州定襄縣是也後漢末移於太原

縣北四十五里陽曲故城是也後魏又移於今縣南四里陽直故城開皇三年改為陽直縣十年又移於今縣東北四十里汾陽故縣十六年改陽直縣為汾陽縣因漢舊名也煬帝又改為陽直縣移理木井城即今縣理是也武德七年又於今縣西十五里分置汾陽縣屬并州七年省陽直縣改汾陽為陽曲縣因漢舊縣也

方山在縣東六十里

汾水西自交城縣流入經縣西南去縣三十里又東南入太原縣界

縣城故木井城也東魏孝靜帝築城中有井以木為甃因

元和郡縣志

卷十三

十七

名之

狼孟故城在縣東北三十六里史記曰始皇十五年大興兵至太原取狼孟是也漢以為縣屬太原郡晉末省按城左右狹澗幽深南面大壑俗謂之狼馬澗舊斷澗為城今餘壁猶存

故孟城漢孟縣也本春秋時晉大夫祁氏邑在縣東北十里左傳曰晉殺祁盈遂滅祁氏分為七縣以孟景為孟大夫漢以為縣

石嶺鎮在縣東北七十里

孟縣

西南至府二百二十里

開元戶五千二百七十六

元和戶

鄉十

本漢舊縣屬太原郡後漢及晉不改按此前孟縣在今縣西南陽曲縣東北八十里故孟縣城是也後魏省地屬石艾縣開皇十六年分石艾縣置原仇縣屬遼州因原仇故城為名即今縣是也大業二年改原仇為孟縣因漢舊名屬并州皇朝因之武德三年割并州之孟壽陽二縣於此置受州貞觀八年省受州孟縣復屬并州

白馬山在縣東北六十里山海經曰白馬之山其陽多玉石其陰多鐵及赤銅木馬之水出焉山上有白馬關後魏所置

原仇山在縣北三十里出人參鐵鉞縣取此山為名潯沱元和郡縣志

卷十三

十八

水西自代州五臺縣界流入南去縣百里

縣城本名原仇城亦名仇由城按韓子曰智伯欲伐仇由國道難不通鑄大鐘遺之仇由大悅除塗將內之赤章曼支諫不聽斷轂而馳仇由以亡蓋其地也

樂平縣

西南至府三百里

開元戶二千六百八十九

鄉五

本漢沾縣屬上黨郡

沾音丁念反

晉於此置樂平郡沾縣屬

焉又別置樂平縣後魏太武帝省樂平郡及縣孝明帝於今儀州和順縣重置樂平郡及縣高齊移理沾城即今縣是也開皇十六年於此置遼州縣屬焉大業二年省遼州以樂平屬并州皇朝因之武德六年廢受州貞觀八年省

受州縣改屬并州

少山一名河逢山在縣西南三十里福地記曰河逢山在樂平沾縣高八百丈可避兵水此即恒山之佐命也

沾嶺在縣西三十里

清漳水出縣西南少山山海經曰少山清漳水出焉今按清漳出樂平濁漳出潞州山子縣界

縣城即漢沾縣城也隋文帝更加修築

昔陽故城一名夕陽城在縣東五十里左傳曰晉荀吳假道於鮮虞遂入昔陽滅肥子綿臯歸七國時趙戍於此

汾州

西河望

開元戶五萬三千七十六元
和戶八千三百四

鄉一百一十四
鄉一百一十八

元和郡縣志

卷十三

十九

禹貢冀州之域其在虞舜十二州及周皆屬并州春秋時為晉地後屬魏謂之西河子夏居西河吳起為西河守皆謂此也秦屬太原郡漢武帝元朔四年置西河郡領縣三十六理富昌縣是也後漢徙理離石即今石州離石縣也獻帝末荒廢魏黃初二年乃於漢慈氏縣置西河郡即今州理是也晉惠帝時為劉元海所攻破郡遂廢後魏孝文帝太和八年復於慈氏舊城置西河郡屬吐京鎮按吐京鎮今隰州西北九十里石樓縣是也十二年改吐京鎮為汾州西河郡仍屬焉明帝時為胡賊所破因此移西河郡理平陽界高齊又於此城置南朔州周武帝廢南朔州宣帝

於此置汾州大業三年廢汾州還於隰城縣置西河郡皇朝初改為涪州武德三年又改涪州為汾州

州境 東西一百六十四里 南北二百八十五里

八到 西南至上都一千九十里 西北至石州一百六十里 東南至太原府一百七十里 西南至潞州四百四十里

東北至沁州二百六十里 東南至沁州二百六十里 西南至隰州二百七十里

貢賦 開元貢 龍鬚蓆 石膏 賦麻布 菽粟

管縣五 西河 孝義 介休 靈石 平遙

西河縣 望郭下 開元戶一萬二千三百七十五 鄉二十五

本漢慈氏縣也曹魏於此置西河郡晉改為國仍改慈氏

縣為隰城縣上元元年改為西河縣今城內有晉西河王

元和郡縣志 **卷十三** 二十

斌碑文字殘缺

謂泉山上有石室去地五十餘丈頂上平地可千頃相傳

以為子夏石室

比干山在縣北一百一十里

文湖一名西河泊在縣東十里多蒲魚之利

八門城在縣北十五里劉元海遣將喬嵩攻西河築營自

固營有八門因名

卜商祠在縣北四十里

孝義縣 繫西北至州 開元戶一萬六百八十五 三十里

本漢慈氏縣地曹魏移西河郡中陽縣於今理永嘉後省

入隰城後魏又分隰城於今靈石縣東三十里置永安縣
貞觀元年以縣名與涪州縣名同改為孝義縣因縣人郭
興有孝義故以名焉

勝水在縣南一里

團城在縣西北十八里後魏築以防稽胡其城紆曲故名
團城

魏文侯墳在縣西五里

段干木墓縣東北二十五里

介休縣

望西北至州六十五里

開元戶一萬一千三百八十三

鄉二十三

本秦漢之舊邑在介山西因名之後魏明帝時為胡賊所
元和郡縣志

卷十三

主

破至孝靜帝更修築遷朔州軍人鎮之因立為南朔州但
領軍人不領郡縣其介休縣仍屬汾州高齊省介休入永
安縣周武帝省南朔州復置介休縣宣帝改介休為平昌
縣隋開皇末又改平昌為介休縣義寧元年於縣置介休
郡武德元年改郡為介州貞觀元年廢介州以縣屬汾州
介山在縣西南二十里

雀鼠谷在縣西十二里

汾水在縣北十二里

鄆城泊在縣東北二十六里周禮并州之藪曰昭餘祁即
鄆城泊是也

郭林宗墳在縣東三里周武帝時除天下碑唯林宗碑詔特留

靈石縣 上 北至州一 開元戶三十七百三十一 鄉八 百二十里

本漢介休縣地隋開皇十年因巡幸開道得瑞石遂於谷口置縣因名靈石皇朝因之

介山在縣東四十二里

汾河在縣北十步深一丈闊三丈

賈胡堡在縣南三十五里義寧元年義師次于霍邑隋將宋金剛拒不得進屯軍此堡有霍山神見靈事已具於霍

邑縣叙事

元和郡縣志

卷十三

二十三

平遙縣 望 西北至州 開元戶一萬八千九百七 鄉三十八 八十里

本漢平陶縣地屬太原郡後漢隸西河郡魏以太武帝名燾改平陶為平遙隋屬西河郡義寧元年於介休縣置介休郡以平遙縣屬焉武德元年於此置介州縣屬不改貞觀元年省州縣屬汾州

麓臺山在縣東南五十二里

京陵故縣在縣東七里漢京陵縣晉九原地也禮記注曰

九原晉卿大夫之墓地也

中都故縣在縣西十二里屬太原郡漢文帝為代王郡於

此

沁州陽城開元戶六千五百一十
中下元和戶二千二百一十
鄉一十三

禹貢冀州之域春秋時其地屬晉戰國屬韓在秦為上黨郡地今州即漢上黨郡之穀遠縣地也開皇十六年於此置沁州因州東沁水為名大業二年省沁州武德元年重

置

州境東西一百五十里
南北二百六十四里

入到西南至上都一千二十里
東南至東都六百三十里
西南至晉州二百九十里
西北至汾州二百六十里

東北至太原府五百四十里
西至晉州霍邑縣一百五十里
東北至潞州三百三十里

貢賦開元貢 龍鬚席 賦布

管縣三 沁源 和川 綿上

元和郡縣志

卷十三

二十二

沁源縣中開元戶二千二百五十四
郭下 鄉五

本漢穀遠縣地舊在今縣南百五十里孤遠故城是也語音訛轉故以穀為孤耳後魏莊帝於今理置沁源縣因沁水為名也屬義寧郡開皇三年罷郡置縣屬晉州十六年置沁州縣屬焉

霍山一名太岳在縣西七十八里

沁水自綿上縣界流入在縣東一里

和川縣中下北至州七十里
開元戶二千八十 鄉四

本漢穀遠縣地後魏莊帝於今縣南九里置義寧縣屬義寧郡開皇三年罷郡改屬晉州十六年置沁州縣屬焉十

八年改為和川縣大業二年省武德元年重置

烏嶺在縣西十六里

沁水在縣東十里

弃波水在縣東八十步

冀缺墓在縣南三十六里

綿上縣 中下南至州七 開元戶一千八百一十五 鄉四 十六里

本漢穀遠縣地開皇十六年置綿上縣屬沁州以縣西界有綿上地因以為名

羊頭山一名謁戾山在縣東北五十里沁水所出

沁水一名少水出縣東南二十四里覆甑山左傳曰齊侯

元和郡縣志

卷十三

二十四

伐晉封少水為京觀也

霍山在縣西南八十里

儀州 樂平開元戶七千九百九十五 鄉二十九 下 元和戶一千六百五十一 鄉二十九

禹貢冀州之域春秋時其地屬晉戰國屬韓秦為上黨郡

地今州即漢上黨郡之涅縣地也後漢於此置轅陽縣屬

上黨郡隋開皇十年於轅陽故城置遼山縣屬并州即今

州理是也武德三年於此置遼州八年改為箕州因遼山

縣界箕山為名先天元年以與玄宗韓同聲改為儀州因

州東夷儀嶺為名也

州境 東西二百五十里 南北一百五十九里

八到

西南至上都一千六百四十里
西北至太原府三百四十五里

西至東都七百八十里
西至太原府祁縣三百里

正東微南至洺州三百六十里
北至太原府樂平縣一百十里

南至潞州一百一十里

貢賦

元和貢

人參三十兩

管縣四

遼山

榆社

平城

和順

遼山縣

中郭下

開元戶二千一百九十

鄉五

本漢涅縣地後漢於此置轄阿縣屬上黨郡晉改為轄陽

縣屬樂平郡後魏明帝改為遼陽開皇十年改置遼山縣

因縣西北轄山為名皇朝因之

箕山在縣東四十五里上有許由冢按司馬遷傳曰余登

箕山上有許由冢則在今洛州陽城縣不當在此

元和郡縣志

卷十三

二五

玉指山在縣東五十里

祝融祠在縣北二里

榆社縣

中東至州一百一十里

開元戶二千七百一十

鄉六

本漢涅縣地晉於今縣西北三十五里置武鄉縣屬上黨郡

石趙時改屬武鄉郡開皇十六年於此置榆社縣屬韓外

今潞州襄涅縣理是也

因縣西北榆社故城為名大業二年省義寧

二年又置武德三年於縣置榆州縣屬焉六年廢榆州以

縣屬遼州後屬儀州縣城故武鄉城也石勒時築前趙錄

曰石勒上黨武鄉人僭號後還令曰武鄉吾之豐沛其復

之三世

石勒漚麻池在縣北三十里即勤微時與李陽所爭處今
枯涸纔有處所

平城縣

下東南至州九十里

開元戶九百五十四

鄉三

本漢涅縣也晉置武鄉縣地屬焉開皇十六年於趙簡子
所立平都故城置平城縣屬遼州大業三年改屬并州武
德三年改屬榆州六年省榆州改屬遼州貞觀八年改屬
箕州先天元年改屬儀州

八賦嶺在縣西南三十里武鄉水所出

和順縣

中南至州八十五里

開元戶二千一百二十九

鄉五

本漢沾縣地即韓之闕與邑也史記曰秦伐韓闕與趙惠

元和郡縣志

卷十三

三六

文王使趙奢救之大破秦師即此地也開皇十年於今理
置和順縣屬并州因縣東北和順故城以爲名

九京山在縣西十里

清漳水在縣北

元和郡縣圖志卷第十三

元和郡縣圖志卷第十四

河東道四

太原府下 嵐州 石州 忻州 代州 蔚州

朔州 雲州

嵐州 樓煩 下 開元戶一萬七百二十六 鄉二十二 元和戶六千三百八十二 鄉三十三

本并州之域春秋屬晉晉滅後為胡樓煩王所居趙武靈王破以為縣秦為太原郡地在漢即太原郡之汾陽縣地也漢末大亂匈奴侵邊自定襄已西盡雲中雁門西河之間遂空建安中曹公糾率散亡立新興郡晉末陷劉元海後魏於今理置嵐州因州西奇音奇嵐山為名也大業四年元和郡縣志 卷十四 一

州境 東西三百一十里 南北二百七十八里

八到 南至上都取太原路一千五百八十里取石隰路一千三百七十五里 東南至東都一千二百一十里 東南至太原府三百二十里

東至忻州二百四十里 東北至代州三百里 西至黃河一百八十里 河上有合河關從關西至麟州百二十里

南至石州二百四十里 東北至朔州三百七十四里

貢賦 開元貢 熊皮 麻 石蜜

管縣四 宜芳 靜樂 合河 嵐谷

宜芳縣 上郭下 開元戶五千五百二十四 鄉十一

本漢汾陽縣地屬太原郡後魏於此置岢嵐縣開皇十八年改為汾源縣大業四年改汾源為靜樂縣八年分靜樂置嵐城縣屬樓煩郡武德四年改為宜芳縣岢嵐山在縣北九十八里高二千餘丈西北與雪山相接

岢嵐鎮在縣西北九十八里

秀容故城在縣南三十里劉元海感神而生姿容秀美因以為名也

靜樂縣

上

西至州四十五里

開元戶三千四百八十七

鄉七

本漢汾陽地城內有堆阜三俗名三堆城開皇三年自今宜芳縣北移岢嵐縣於三堆城十八年改為汾源縣大業

元和郡縣志

卷十四

二

二年改為靜樂縣武德四年於縣置北管州因管涔山為名六年省縣屬嵐州

管涔山在縣北百三十里汾水源出焉初劉曜隱於此山山神使二童子獻劔於曜曰管涔山王使謁趙皇帝獻劔伏伐城在縣北八十里隋樓煩郡所理也

隋汾陽故宮在縣北百二十里

樓煩關在縣北百五十里

天池在縣北燕京山上周迴八里陽旱不耗陰霖不溢故老言嘗有人乘車風飄墮池有人獲車輪於桑乾泉後魏孝文帝以金珠穿魚七頭放此池後亦於桑乾泉得之隋

煬帝嘗於池南置宮每夜風雨吹破宮竟不成今池側有祠謂之天池祠

合河縣 中東至州一百八十里 開元戶一千八百五十九 鄉四

本漢汾陽縣地後魏於蔚汾谷置蔚汾縣屬神武郡開皇三年罷郡縣屬石州大業二年改為臨泉縣四年屬樓煩郡武德七年改為臨津縣屬嵐州貞觀元年改為合河縣以城下有蔚汾水西與黃河合故曰合河

黃河在縣西二里

合河關在縣北三十五里

蔚汾關在縣東七十里

元和郡縣志

卷十四

三

隋長城起縣北四十里東經幽州延袤千餘里開皇十六年因古跡修築

嵐谷縣 中南至州九十里 開元戶四千六百五十七 鄉九

隋大業中置岢嵐鎮壓草城川賊路長安三年於此置嵐谷縣景龍年廢開元十二年重置因取嵐谷為名

石州 昌化 開元戶九千二百六十二 鄉三十二 下 元和戶五百二十

禹貢冀州之域虞及周屬并州春秋時屬趙亦為白狄之地今步落稽其胄也在秦為西河郡之離石縣靈帝末黃中大亂百姓南奔其郡遂廢魏黃初三年復置離石縣晉惠帝末劉元海起於河西攻陷郡縣其離石又沒於賊石

勒時改為永石郡後魏明帝改為離石鎮高齊文宣帝於
城內置西汾州周武帝改為石州大業二年又為離石郡
武德元年改為石州五年置總管七年改為都督貞觀六
年復為石州

州境東西一百九十里
南北三百三十里

八到西南至上都一千二百五十里
東南至汾州一百六十里
西渡河至綏州二百三十里
正南微東至隰州二百五十里
北至嵐州二百四十里

貢賦開元貢 胡女布三端 麩蠟 賦麻布 龍鬚席五領 麝香

管縣五 離石 平夷 定胡 臨泉 方山

離石縣中郭下 開元戶二千七百七十三 鄉五

元和郡縣志 卷十四 四

本漢舊縣也屬西河郡縣東北有離石水因取名焉漢末
荒廢魏黃初復置後陷劉元海石勒改為永石郡高齊文
宣帝於此置昌化縣屬懷政郡後周復為離石屬石州隋
氏不改皇朝因之

離石山今名赤洪嶺在縣西五十步高歡大破爾朱兆於
赤洪嶺蓋此處也

盧城在縣東二十里晉并州刺史劉琨所築以攻劉曜

平夷縣中北至州 五十一里 開元戶一千五百七十一 鄉四

本漢離石縣地周宣帝割縣西五十一里置平夷縣屬石
州隋氏不改皇朝因之

黃河西去縣四十五里

寧鄉水在縣西南一百五十步

定胡縣中東至州 開元戶二千六百九 鄉五 九十五里

本漢離石縣地周宣帝大象元年於此置定胡縣隋因之

武德三年於縣置西定州貞觀二年廢州置孟門縣七年

廢縣為孟門鎮八年廢鎮復為定胡縣

黃河去縣西二百步

孟門關在縣西一百步河東岸

臨泉縣中下南至州 開元戶一千五百九十六 鄉五 一百七十里

本漢離石縣地周大象元年於此置烏突郡烏突縣隋開

元和郡縣志 卷十四 五

皇元年改烏突郡為太和郡烏突縣為太和縣三年廢郡

以泰和縣屬石州武德三年改太和為臨泉縣

臨泉水在縣北一百步縣因此水為名

黃河在縣北二十里

方山縣中南至 開元戶一千三百五十三 鄉四 州九十里

本漢離石縣地高齊文宣帝於此縣北六十八里置良泉

縣屬離石郡大業三年移就今縣南三十五里方山置故

名方山貞觀十一年移於今理

赤洪水在縣南五十里

三角戌在縣北七十三里

忻州定襄

開元戶一萬四千四百三十八
元和戶四千二百四

鄉二十八
鄉二十九

本并州之域春秋時為晉地戰國為趙地秦為太原郡地今州即漢太原郡之陽曲縣也按漢陽曲縣在今州東四十五里定襄縣理是也後漢末大亂匈奴侵邊自定襄已西盡雲中雁門之間遂空曹公立新興郡以安集之理九原即今州是也後魏宣武帝又於今州西北十八里故州城移肆州理此因肆盧川為名也開皇十八年改置忻州因州界忻川口為名也大業二年省忻州義旗初又置新興郡武德元年廢郡復置忻州二年陷劉武周四年武周平依舊置忻州

元和郡縣志

卷十四

六

州境

東西一百四十五里
南北八十六里

八到

西南至上都一千四百四十里
東北至代州一百六十里

南至東都一千七十里
西至嵐州二百四十里

南至太原府
一百八十里

貢賦

開元貢 麝香 扇十五枚 賦麻布

管縣二 秀容 定襄

秀容縣

上郭下 開元戶七千一百三十八

鄉十一

本漢陽曲縣地屬太原郡後漢末於此置九原縣屬新興郡後魏莊帝於今縣東十里置平寇縣開皇十八年於此置忻州又於今縣西北五十里秀容故城移後魏明元所置秀容縣於今理屬忻州國朝因之

潯洹水在縣東三十二里

定襄縣上東至州四十五里開元戶五千五百三十二鄉十七

本漢陽曲縣屬太原郡黃河千里一曲縣當其陽故曰陽曲後魏末移陽曲縣於太原界仍於此城置定襄縣屬新興郡高齊省武成帝移平寇縣於此開皇十年移平寇於崞城今代州崞縣是也武德四年分秀容縣於漢陽曲城重置定襄縣

聖阜今名聖人山在縣東北二十里石上手足跡猶存潯洹水西自秀容縣界流入

代州雁門都督府開元戶一萬五千七十七鄉二十八元和戶二千一百二十鄉四十

卷十四

七

本并州之域春秋時為晉地戰國時屬趙史記曰趙襄子與韓魏共滅智伯分晉地則趙有代勾注之北今按勾注在西州北三十五里雁門縣界西陘山是也秦置三十六郡雁門是其一也漢因之後漢末匈奴侵邊其地荒廢周宣帝大象元年自九原城移肆州於今理隋開皇五年改肆州為代州大業三年改為雁門郡隋氏喪亂陷於寇境武德四年平代置代州都督府

州境東西三百二十里南北三百二十八里

入到西南至上都一千六百里南至東都一千二百三十里北至朔州一百二十里西至嵐州三百里

東北至蔚州四百里東南取崩石嶺至恒州五百四十里

貢賦 開元貢 鵬翎五具 麝香

管縣五 雁門 繁峙 五臺 唐林 崞縣

雁門縣 上郭下 開元戶五千二百二十一 鄉十

本漢廣武縣地屬太原郡後漢改屬雁門郡開皇三年罷郡縣仍屬肆州後改肆州為代州縣屬不改十八年改廣武縣為雁門縣蓋避太子之諱也國朝因之夏屋山在縣東北三十五里史記曰趙襄子北登夏屋誘代王使厨人操銅斗擊殺之遂有代地

勾注山一名西陘山在縣西北三十里晉咸寧元年勾注碑曰蓋北方之險有盧龍飛狐勾注為之首天下之阻所元和郡縣志 卷十四 八

以分別外內也漢高祖欲伐匈奴不從婁敬之說械繫於廣武遂踰勾注困于平城謂此地也

河神祠在縣南開元九年并州長史張說奏置

繁峙縣 中州六十里 開元戶一千五百九十三 鄉五

本漢舊縣屬雁門郡漢末匈奴侵寇舊縣荒廢晉又置繁峙縣周省隋開皇十八年重置於今縣東六十里大堡戍大業十二年移於武州城聖曆二年以縣在平川難於固守遂東移於今理其城三面枕澗東接峻坂極為險固秦戲山一名武夫山在縣東南九十里滹沱水出焉

五臺縣 中一百二十里 西北至州 開元戶二千一百六十五 鄉四

本漢慮僥上音閭下音夷縣屬太原郡因慮僥水為名也晉省後

魏孝文帝復置即今縣理是也屬新興郡高齊改屬雁門

郡大業二年改為五臺縣因山為名也

五臺山在縣東北百四十里道經以為紫府山內經以為

清涼山

慮僥水在縣北十五里

唐林縣中一百一十里東北至州

本漢廣武縣地證聖元年分五臺崞二縣置武延縣唐隆

元年改為唐林縣

滹沱水在縣東

元和郡縣志

卷十四

沙河在縣南二里

崞縣中東北至開元戶二千七百四十八鄉五十里

本漢舊縣因山為名屬雁門郡漢末荒廢晉初又置魏改

為崞山縣後魏宣武帝移雁門郡理此開皇十年移平寇

縣於此屬代州大業二年改為崞縣

滹沱水在縣東二百步

蔚州興唐開元戶四千八百八十七鄉十一下和戶一千五百六十三鄉十二

禹貢冀州之域虞及周屬并州周禮并州川曰漚夷浸曰

涑易今漚夷在靈丘涑易在飛狐皆在州境春秋時其地

屬晉戰國時屬趙襄子殺代王有其地後武靈王置雲中

雁門代郡秦亦為代郡漢元年項羽徙趙王歇為代王二年陳餘迎歇還趙歇又立餘為代王三年韓信斬陳餘置代郡領縣十八東魏孝靜帝又於此置北靈丘郡周宣帝於今理置蔚州大業三年罷州置雁門郡武德四年平劉武周重置蔚州

州境

東西南北

八到

西南至上都二千里

南至東都一千六百三十里

東北至媯州界孔嶺關一百里從關至媯州一百五十里

東南至易州山路三百六十里

東南至定州取鞭轡山路四百九十里

東至恒州取方秦嶺路四百九十里

西南至代州四百里

西至朔州二百八十里

貢賦

開元貢

熊皮

豹尾

賦麻布

元和郡縣志

卷十四

十

管縣三 興唐 靈丘 飛狐

興唐縣

下郭下

開元戶一千四百七十二

鄉四

本靈丘縣也開元十二年於州東北一百三十里橫野軍子城南置安邊縣屬蔚州天寶元年改為安邊郡仍自靈丘移州理於安邊城至德二年改為興唐郡仍改安邊縣為興唐縣倒刺山在縣東七十里亦號雪山俗傳靈仙居所與五臺山略等

滙夷河亦曰瓠蘆河上槽狹下流闊有似瓠蘆因名大韭多生於山野及平 大韭魏孝文所種以濟軍須後沃壤處皆長三尺葉廣於馬蘭但味少短耳

橫野軍置在州城內

靈丘縣

中下東北至州一百三十里

開元戶二千四百二十一

鄉五

本漢舊縣屬代郡後漢省東魏孝靜帝重置屬靈丘郡隋開皇三年罷郡縣屬蔚州大業二年省蔚州改屬代州隋末陷賊武德六年又置靈丘縣屬蔚州

太白山在縣南十里山有鍾乳穴其深不測仰望穴中乳如懸穗焉

石銘陁嶺在縣西北八十里上有石銘題言冀州北界故謂之石銘陁

隘門山亦曰隘口在縣東南十五里壁立直上層崖刺天

元和郡縣志

卷十四

十一

有古道極險陁後魏明元帝置義倉之所

漚夷水一名漚水出縣西北高是山周禮曰并州其川漚夷謂此也

茲水出縣西枝迴山懸河五丈湍激之聲響動山谷樵棧之士咸由此度巨木淪渚久乃方出或落崖石無不粉碎開皇長城西自繁峙縣經縣北七十里東入飛狐縣界趙武靈王墓在縣東三十里

飛狐縣

下西至州一百五十里

開元戶九百九十二

鄉三

本漢廣昌縣地屬代郡後漢屬中山國晉又屬代郡開皇三年改屬蔚州仁壽元年改為飛狐縣因縣北飛狐口為

名也隋末陷賊武德六年重置寄理今易州遂城縣界遙屬州貞觀五年移還今所

磨笄山在縣東北一百五十里趙襄子姪為代王夫人襄子既殺代王迎其姊夫人曰以弟慢夫非仁也以夫怨弟非義也磨笄自刎百姓閔之為立祠

倒刺山在縣東北百二十里出佳大黃

飛狐道自縣北入媯州懷戎縣界即古飛狐口也酈食其說漢王曰杜白馬之津塞飛狐之口此言皆一方之阨也又劉琨自代出飛狐口奔於安次亦謂此道也

三河治舊置鑪鑄錢至德已後廢元和七年中書侍郎平

元和郡縣志

卷十四

十二

章事李吉甫奏臣訪聞飛狐縣三河治銅山約數十里銅鑛至多去飛狐錢坊二十五里兩處同用拒馬河水以水斛銷銅北方諸處鑄錢人工絕省所以平日三河治置四十鑪鑄錢舊跡並存事堪覆實今但得錢本令本道應接人夫三年已來其事即立救河東困竭之弊成易定援接之形制置一成長獲利詔從之其年六月起工至十月置五鑪鑄錢每歲鑄成一萬八千貫時朝廷新收易定河東道久用鐵錢人不堪弊至是俱受利焉

朔州 馬邑

開元戶六千三百元
和戶七百二十九

鄉十三
鄉十六

禹貢冀州之域虞及周為并州之地春秋時為北狄地戰

國時屬趙秦為雁門郡地在漢即雁門郡之馬邑縣也史記曰匈奴圍韓王信於馬邑信降匈奴按馬邑即今州理是也漢末大亂郡遂荒廢建安中曹公又立馬邑縣屬新興郡晉改屬雁門郡晉亂其地為猗盧所據劉琨表盧為大單于封代公徙馬邑後魏都代地屬畿內孝文遷洛之後又於定襄故城置朔州葛榮之亂州郡又廢高齊文宣帝又於馬邑城置朔州即今理是也武成帝置北道行臺周武帝置朔州總管開皇罷總管大業三年罷州為馬邑郡皇朝改為朔州

州境東西百八十里南北九十七里

元和郡縣志

卷十四

十三

八到西南至上都一千七百二十里東至蔚州三百八十里

南至東都一千三百五十里西南至嵐州三百七十四里

北至單于大都護三百五十里東北至雲州三百四十里

貢賦

開元貢白鵬翎四具

管縣二 鄠陽 馬邑

鄠陽縣

中郭下

開元戶三千六百五十八

鄉十八

本漢馬邑縣屬雁門郡漢末荒廢建安中又置屬新興郡晉又屬雁門郡晉末又廢高齊於此置招遠縣屬郡不改開皇三年罷郡改屬朔州大業元年改為鄠陽縣

勾注山在縣東八十里

河水在縣西三百里

州城本漢馬邑城也昔秦人築城於武周塞以備胡城將成而崩者數矣有馬馳走周旋反覆父老異之因依而築城乃不崩遂名馬邑

馬邑縣

中州三十里

西至開元戶二千三百八十

鄉五

本鄆陽縣地開元五年分鄆陽縣於州東三十里大同軍城內置馬邑縣建中年河中節度使馬燧權移州於馬邑縣焉

桑乾河在縣東三十里

雲州

雲中

開元戶三千一百六十九

鄉七

禹貢冀州之域虞及周屬并州春秋時為北狄地戰國時

元和郡縣志

卷十四

十四

其地屬趙其後武靈王自代至高闕為塞而置雲中雁門代郡今州即秦雁門郡地在漢雁門郡之平城縣也史記曰漢七年韓王信亡走匈奴上自將逐遂至平城為匈奴所圍用陳平祕計得出是也漢末大亂匈奴侵邊自定襄以西雲中雁門西河遂空曹公鳩集荒散又立平城縣屬新興郡晉又改屬雁門晉亂劉琨表封猗盧為代王都平城後魏道武帝又於此建都東至上谷軍都關西至河南至中山隘門塞北至五原地方千里以為甸服孝文帝改為司州牧置代尹孝文遷都洛邑改置恒州孝昌之際亂離尤甚恒代之北盡為丘墟高齊文宣天保七年置恒安

鎮徙豪傑三千家以實之今名東州城其年廢鎮又置恒州周武平齊州郡並廢又於其所置恒安鎮屬朔州自周迄隋仍為鎮也隋亂陷賊武德四年平劉武周置北恒州七年廢貞觀十四年自朔州北界定襄城移雲州及定襄縣於此後為默啜所破移百姓於朔州開元十八年復置雲州及雲中縣

州境

東西一百七十七里
南北四百九十里

八到

西南至上都一千九百六十里
東至幽州七百里

南至東都一千五百九十里
東至清塞城一百二十里

又東至天城軍六十里
西至靜邊軍一百八十里

又東至納降守捉九十里與幽州分界
西南至太原府七百里

貢賦

貢 鵬翎 五具

元和郡縣志

卷十四

十五

管縣一 雲中

雲中縣

中

本漢平城縣屬雁門郡漢末大亂其地遂空魏

武帝又立平城縣屬新興郡晉改屬雁門郡後魏於此建

都屬代尹孝文改代尹為恒州縣屬不改隋為雲內縣屬

馬邑郡貞觀十四年朔州北界定襄城移於此後為默啜所

破移百姓至朔州開元十八年改置雲中縣屬雲州

白登山在縣東北三十里

火山在縣西五里山有火井深不見底以草投之則烟騰

火發有火井祠

紇真山在縣東三十里虜語紇真漢言三十里其山夏積

雪霜

單于臺在縣西北四十餘里漢武帝元封元年勒兵十八萬騎出長城北登單于臺即此也

元和郡縣圖志卷第十四

元和郡縣志

卷十四

十六



元和郡縣圖志卷第十五

河東道五

澤潞節度使

今為澤潞節度理所

潞州

上黨大都督府

開元戶六萬四千二百七十六元和戶一萬七百八十

鄉一百三十五鄉一百二十

管州五

潞州

澤州

邢州

洺州

磁州

磁邢洺本河北

道令隸澤潞節度管五

縣三十七

都管戶二萬六千二百四十三

禹貢冀州之域殷時為黎國春秋時屬晉又兼有潞子之

國潞子嬰兒為晉所滅戰國時屬韓別為都以其遠韓近

元和郡縣志

卷一五

一

趙至趙孝成王時馮亭以上黨降趙復為趙地秦為上黨

郡地後漢末董卓作亂移理壺關城即今州理是也周武

帝建德七年於襄垣縣置潞州上黨郡屬焉開皇十年罷

郡自襄垣縣復移潞州於壺關即今州是也州得名因潞

子之國武德元年又於襄垣縣置韓州貞觀十七年廢開

元七年以玄宗歷試嘗在此州置大都督府

州境

東西二百九十三里南北三百三十六里

八到

西南至上都一千三百三十里南至東都四百七十里

北至儀三百一十里東北至洺州四百五十里

東取穴徑嶺路至相州三百五十里西至晉州三百九十里



東南至澤州一百八十七里
西北至沁州二百一十里

貢賦 開元貢 人參 墨 賦 麻布

管縣十 上黨 長子 屯留 潞城 壺關 黎城

銅鞮 鄉縣 襄垣 涉縣

上黨縣 望 郭下 開元戶一萬一千三百八十三 鄉二十二

本漢壺關縣也開皇中分壺關置上黨縣屬潞州釋名曰

黨所也在於山上其所最高故曰上黨

雞鳴山一曰火山在縣東南七十六里

濁漳水在縣西南二十二里

州城漢壺關縣也上黨記曰曹公之圍壺關起土山於城

元和郡縣志 卷十五 二

西北角穿地道於城西內築界城以避之

五龍祠在縣東南二十里五龍山上慕容永所立以祭五

方神

馮亭墓在縣西五里

長子縣 縣緊 東北至 開元戶二萬二百六十六 府五十二里

漢舊縣本春秋時地名左傳曰晉人執衛石買於長子是

也慕容永僭號於此稱西燕為慕容垂所滅開皇九年移

寄氏縣理此屬潞州十八年改寄氏為長子縣

發鳩山在縣西南六十五里濁漳水出焉

羊頭山在縣東五十六里後漢安帝時羗寇河東以任尚

為御史擊破於羊頭山謂此也

神農城後魏風土記曰神農城在羊頭山上山下有神農泉即神農得嘉穀之所

武訖嶺在縣南四十五里風土記曰秦趙戰於長平趙軍敗退秦將白起逐至此名曰武訖嶺

屯留縣上 東南至 開元戶八千一百六十六 府六十四里 鄉十七

本晉邑春秋曰晉人執衛行人孫蒯於屯留是也漢以為縣屬上黨郡高齊省開皇中重置屬潞州

絳水出縣西南方山去縣八十四里

潞城縣上 南至 開元戶七千四百六十四 州四十里 鄉十六

元和郡縣志 卷十五 三

本漢潞縣屬上黨郡即春秋時赤狄潞子嬰兒國也晉滅之後魏太武帝改潞縣為剡陵縣屬襄垣郡隋開皇十六年於此置潞城縣屬潞州

黃阜山在縣西北二十五里劉聰將綦母劼敗晉將崔恕於黃阜

漳水一名潞水在縣北關駟曰潞水在縣北為冀州浸即漳水也按王猛與慕容評相禦於潞川評鬻水與軍人絹疋水二石則此無他大川可以為浸所有唯漳水耳故士俗尚謂濁漳為潞水也

武王塢在縣西北四十里塢東有後魏天柱大將軍爾朱

榮碑文曰建義元年東討逆賊鎮豎葛榮軍次上黨武王祠東有二狡兔從賊方而來天柱彎弓祝之曰中則擒葛榮不中則否應弦而殪遂擒榮

壺關縣

上西北至府三十里

本漢縣也屬上黨郡山形似壺故於此置關故名壺關開皇十六年分壺關置上黨縣大業二年省壺關併入上黨武德四年重置

羊腸坂在縣東南一百六里沾水出焉

漢壺關三老令狐茂墓在縣東北一十九里上書明庾太子寃者

元和郡縣志

卷十五

四

曹公壘在縣東南一百二里曹公攻高幹所築

黎城縣

中西南至府一百二十里

古黎國春秋曰晉荀林父滅潞立

黎侯而還今縣十八里黎侯城是也漢為潞縣之地後魏太武改潞縣為剡陵縣開皇十八年改剡陵為黎城縣武德初屬韓州貞觀十七年廢韓州屬潞州古壺關在縣東二十五里春秋齊國夏伐晉取八邑有孟口孟口即壺口也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭儀墓在縣東二里

銅鞮縣

上 東至州一百五十里

本晉大夫羊舌赤邑時號赤曰銅鞮

伯華漢以為縣屬上黨郡開皇十六年改屬沁州大業二

年省沁州復屬潞州武德六年屬韓州貞觀十七年廢韓

州復隸潞州

石梯山在州西三十里

關與城在縣西北二十里史記曰秦昭襄王攻趙關與趙

奢曰其險狹譬如兩鼠鬪於穴中將勇者勝遂破秦軍解

關與之圍

晉銅鞮宮在縣東十五里子產曰今銅鞮之宮數里斷梁

城在縣東北三十里下臨深壑東西北三面阻澗廣袤二

元和郡縣志

卷十五

五

里俗謂之斷梁城

叔向墓在縣東十八里

鄉縣

中 東至府一百七十里

本漢涅氏地屬上黨郡晉始為武鄉縣

屬樂平郡石氏分上黨置武鄉縣屬焉開皇初廢郡縣屬

潞州晉縣元有武字後草創失其舊名

禿頂山在縣西北九十三里

石曰嶺在縣北六十五里

護甲水在縣西北八十里

襄垣縣

上 南至州九十三里

本漢舊縣屬上黨郡趙襄子所築因

以為名魏莊帝改屬襄垣郡開皇十六年改襄垣城置韓

州縣屬焉貞觀十七年廢州縣屬潞州

鹿臺山在縣南二十里

涅水在縣西北六十里

濁漳水在縣南二十一里

井谷關在縣東南四十里置在天井谷內深邃似井因以為名魏武初遷鄴於此置關周建德六年廢

涉縣上南至州一百八十里本漢舊縣屬魏郡因涉河水為名晉屬

廣平郡後省開皇十年於故涉城重置涉縣屬礪州十六年改屬韓州貞觀十七年廢韓州縣屬潞州清漳水一名

涉河在縣南一里

元和郡縣志

卷十五

六

澤州高平上

開元戶二萬二千二百三十五
元和戶三千五百二十七

鄉五十九
鄉五十

禹貢冀州之域春秋時屬晉戰國時屬韓魏後屬趙秦使白起破趙於長平即今州北高平縣西北二十一里長平故城是也秦兼天下今州即上黨郡地又為上黨郡高都縣之地也後魏道武帝置建興郡孝莊帝改置建州周改建州為澤州蓋取濩澤為名也濩鳥反

州境東西二百九十里南北一百五十里

八到西南至上都一千一百四十里西南至東都二百八十里

北至潞州一百四十九里北至太原府大路六百一十里

西至絳州四百四十里東踰山至衛四百一十里

貢賦

開元貢元和貢

白石英五十斤

人參賦野雞九十隻

麻布

管縣六

晉城

高平

陵川

沁水

陽城

端氏

晉城縣

上郭下

本漢高都縣屬上黨郡開皇三年改屬澤州

十八年改為丹川縣因縣東丹水為名貞觀三年改置城

縣

太行山在縣南四十里禹貢曰太行恒山至於碣石注曰

二山連延東北接碣石

丹水在縣北十二里司馬山俗傳秦坑趙衆流血丹川故

名丹水斯為不經也

元和郡縣志

卷十五

七

天井故闕一名太行闕在縣南四十五里太行山上

高平縣

上南至州八十里

本漢洹

音濁

氏縣屬上黨郡在洹水之上

故以為名後漢改為玄氏屬建興郡高齊文宣帝省玄氏

縣自長平高城移高平縣理之仍改高平縣屬高都郡開

皇三年改屬澤州

頭顱山一名白起臺在縣西五里秦坑趙衆收頭顱築臺

米山在縣東十里趙將廉頗積糧此山因名

涇水在縣西北三十六里

長平故城在縣西二十一里白起破趙四十萬衆於此盡

殺之

長平關在縣北五十一里

陵川縣

中 西至州 一百四十里

本漢涇氏縣地開皇十六年於此置陵州縣因川為名屬

澤州

太行山在縣西南百里

沁水縣

中 東南至 州二百里

本漢端氏縣地後魏莊帝於此置秦

寧郡及東永安縣高齊省郡而縣存開皇十八年改為沁

水縣

沁水在縣東北五十二里

古王離城在縣東北五十里秦時王離擊趙所築四面絕

元和郡縣志

卷十五

八

險

陽城縣

中 東至州 一百一十里

本漢濩澤縣屬河東郡因濩澤為名也改屬澤州天寶元

年改為陽城縣

析城在縣西南七十五里

濩澤在縣西北十二里墨子曰舜漁於濩澤

端氏縣

中 南至 州一百里

本漢舊縣也史記曰趙成侯十六年與

韓魏分晉封晉君於端氏肅侯元年奪晉君端氏徙處屯

留漢以為縣屬河東郡晉屬平陽郡後魏屬安平郡開皇

三年罷郡屬澤州

石門山在縣西南四十一里

沁水在縣南一里

邢州

鉅鹿上

開元戶五萬八千八百二十
元和戶三千六百九十三

鄉一百二十
鄉三十三

禹貢冀州之域亦古邢侯之國邢侯為紂三公以忠諫被
誅周成王封周公旦子為邢侯後為狄所滅齊桓公遷邢
于夷儀按故邢國今州城內西南隅小城是也夷儀今龍
峒縣界夷儀城是也春秋時屬晉後三家分晉屬趙秦兼
天下於此置信都縣屬鉅鹿郡項羽改曰襄國蓋以趙襄
子謚名也趙歇為趙王張耳為常山王並理信都襄國今
州理龍峒城是也前趙嘉平元年石勒屯兵許昌張賓說
元和郡縣志

卷十五

九

勒曰觀王彌有王青州之心遲迴未發者懼明公踵其後
也明公獨無并州之思乎勒從之遂長驅之鄴攻晉北中
郎將于三臺張賓又進曰三臺險固攻守未卒下王彭祖
劉越石大敵也宜及其未至密規進據牢城掃定并薊桓
文之業可濟也邯鄲襄國趙之舊都依山憑險形勝之國
可擇此二邑而都之王業可圖也勒於是進據襄國王浚
遣兵五萬人來討勒勒欲挑戰張賓諫曰夫用兵當以已
所便擊彼所不便今段末杯強捍且宜示之以弱鑿北壘
為突門二十餘道伏精卒候賊列守未定出其不意雷鼓
奮勇直衝杯帳杯卒既奔則彭祖可指辰而定也勒從其

計遂生擒末杯永嘉六年勒僭號遂定都焉至季龍徙都鄴為襄國郡石氏既滅罷之後魏復為襄國縣開皇三年以襄國縣屬洺州九年改為龍峒縣十六年割龍峒等三縣置邢州以邢國為名也大業三年改為襄國郡武德元年改為邢州置總管二年陷竇建德四年討平之又為劉黑闥所陷五年擒之依舊為邢州

州境

東西二百八十二里
南北一百三十六里

八到

西至上都一千九百里
西南至東都八百四十里

東北至趙州一百九十里
東至具州二百三十里

西踰山至儀州二百三十五里
東南至洺州一百二十里

元和郡縣志

卷十五

十

貢賦

開元貢

文石師子

絲

布

綿

絹

管縣九

龍峒

堯山

鉅鹿

沙河

平鄉

南和

任縣

內丘

青山

龍峒縣

上郭下

古邢國也秦以為信都項羽更名曰襄國漢因不改石勒僭號據之勒未立前襄國有識曰古在左月在右讓亡言或入口識者以為有襄國也周武帝改為襄國郡開皇三年罷郡縣屬洺州九年改為龍峒縣以西北有龍峒因名之十六年於此置邢州龍峒縣屬焉皇朝因之

土山二在縣東百五十步昔冉閔攻石祗於襄國為土山地道於此

石井峒一名龍峒在縣西北七里峒上有井大如車輪石勒時天旱沙門佛圖澄於此握得一死龍長尺餘漬之以水良久乃蘇雨遂大降因名龍峒

夷儀嶺在縣西百五十七里

夷儀故城在縣西四十里今俗謂之隨宜城蓋語訛也石勒墓在縣南十五里

堯山縣

州上

西南至

本曰

栢人春秋時晉邑戰國時屬

趙秦滅趙屬鉅鹿郡漢書曰八年高祖從平城過趙相貫

元和郡縣志

卷十五

十一

高壁人栢人婁之置厠上曰栢人者迫於人也不宿去後魏改人為仁開皇三年罷鉅鹿郡屬趙州大業三年改屬邢州天寶元年改為堯山縣

泫水在縣西一里俗亦名曰脂溝

栢人故城在縣西北十二里

張耳臺在縣西北十二里

鉅鹿縣

上

西至州一

本漢南樂

反力立

縣地開皇六年於

此置鉅鹿縣屬趙州取漢鉅鹿縣之名也武德元年於此置起州又立白起縣二年陷竇建德四年討平罷起州以縣屬趙州貞觀元年改屬邢州

大陸澤一名鉅鹿在縣西北五里禹貢曰恒衛旣從大陸旣作按澤東西二十里南北三十里葭蘆芟蓮魚蟹之類充物其中澤畔又有鹹泉煮而成鹽百姓資之

沙河縣

上北至州三十五里

本漢襄國縣地開皇九年改襄國為龍

峒縣十六年分龍峒於此置沙河縣以沙河在縣南五里因以為名

黑山在縣西四十里出鐵

磬口山在縣西南九十八里漢魏時舊鐵官也

平鄉縣

上

西至州九十里

本春秋時邢國後為趙地始皇滅趙

以為鉅鹿郡亦大稱也張耳與趙王歇走入鉅鹿城王離元和郡縣志

卷十五

十二

圍之即此地也後魏自平鄉故城移平鄉縣於此理之屬

廣平郡開皇三年屬洺州十六年改屬邢州

濁漳水今俗名柳河在縣西南十里

落漢水在縣西南十八里

沙丘臺在縣東北二十里殷紂所築又李允圍靈王於沙

丘宮探雀穀食之而死又始皇東巡迴死於沙丘

南和縣

緊西南至州三十八里

本漢舊縣屬廣平國後漢屬鉅鹿郡

石趙屬襄國郡周屬南和郡開皇三年屬洺州十六年改

屬邢州

鴛鴦水經縣北五里

張賓墓在縣西十二里石勒軍師號曰右侯

任縣上 西南至州 三十八里

本漢張縣地也在今縣西南渚陽城

是也後漢省趙於此置苑縣石氏滅廢開皇十六年於此置任縣屬邢州大業三年省武德四年重置張城一名渚陽城在縣西南二十七里漢張縣也石勒傳晉將王浚遣石季龍盟就六眷于渚陽謂此也

內丘縣上 南至州 五十八里

古邢國地在漢為中丘縣屬常山郡

晉於此立中丘郡石趙改為趙安縣後魏孝文帝復立中丘縣隋室諱忠改為內丘開皇三年屬趙州大業二年改屬邢州

元和郡縣志

卷十五

十三

鵲山在縣西三十六里昔扁鵲將號太子遊此山採藥因名

青山縣中 東南至 州 五十里

本漢中丘縣地開皇十六年於此置青山縣屬邢州縣界有青山因名大業二年省縣屬龍騰府武德元年折龍峒內丘兩縣重置屬邢州黑山一名青山在縣西二十里幽深險絕為逋逃之藪以周太祖諱黑因改黑山為青山縣取名焉

雷公山在縣西南八里漢末黑山羣盜張飛燕等不立君長直以名號為稱多髯者謂之羝公大聲者謂之雷公時

有雷公賊保此因以為名

洺州 廣平 開元戶七萬七千一百五十九

鄉一百四十六
鄉一十七

禹貢冀州之域春秋時赤狄之地後屬晉荀林父敗赤狄於曲梁按曲梁今州理地也七國時屬趙趙敬侯始都邯鄲至幽王遷為秦所滅秦兼天下是為邯鄲郡地漢帝分置廣平國自漢至晉或為國或為郡永嘉末胡虜竊號石勒據有其地石氏滅又屬慕容雋至于暉滅又屬符堅後慕容垂得山東其地復屬焉周武帝建德六年於郡置洺州以水為名大業三年罷州為永安郡武德元年又改為洺州兼置總管二年陷於竇建德四年討平又為建德元和郡縣志

卷十五

十四

舊將劉黑闥所陷尋討平之六年罷總管復為洺州

州境 東西一百九十七里
南北一百一十二里

八到 西南至上都一千六百二十里
西南至東都二百六十里
西北至邢州一百二十里
東北至具州二百二十里
東南至魏州一百六十四里
西微北至儀州三里六十四里

貢賦 開元貢 綿 紬 縑 纈

管縣八 永年 鷄澤 洺水 肥鄉

清漳 曲周 臨洺 平恩

永年縣 望 郭下

本漢曲梁縣屬廣平國後漢屬鉅鹿郡高齊文宣帝省曲

梁置廣年縣開皇三年罷郡屬洺州仁壽元年改廣年為永年避煬帝諱也

洺水在縣南三里

雞澤在縣西南十里左傳諸侯同盟於雞澤今其澤魚鱉菱茨州境所資

廉頗臺在州城南十里十六國春秋冉閔遇慕容恪於廉臺十戰皆敗 皇家平劉黑闥壘在縣西南十里洺水南貞觀四年於壘東置昭福寺碑岑文本祠

雞澤縣上十里西南至州五

本漢廣平縣地開皇十六年於廣平城置雞澤縣大業二年省武德四年重置

元和郡縣志

卷十五

十五

洺漳二水在縣東南二十五里合流東入平鄉縣界

洺水縣上五西至本漢斥漳縣屬廣平國漳水經其城其

地斥鹵故曰斥漳開皇六年以縣西近洺河改為洺水屬

洺州

衛漳故瀆俗名阿難渠在縣西二百步蓋魏將李阿難所導故名

黃塘坡在縣西北十五里晉龍驤將軍劉牢之救苻丕追慕容垂大軍於黃塘泉即此坡也

肥鄉縣上四十九里西北至本春秋時晉地七國時屬趙今縣即

漢邯鄲縣地魏黃初二年分邯鄲等二縣立肥鄉屬廣平
郡後魏省入臨漳開皇十年又置屬礪州十六年割屬洺
州

肥鄉故城在縣西二十二里

平原君墓在縣東南七里

清漳縣上西北至本漢列入縣地接列入縣故城在今

肥鄉界開皇十六年於此置清漳縣南濱漳水因以為名

屬洺州

曲州縣上西南至本漢舊縣屬廣平國鄴商為曲周侯

漢屬鉅鹿郡魏屬魏郡後魏宣武帝改置曲安縣屬廣平

元和郡縣志

卷十五

十六

郡高齊省開皇六年復置屬洺州大業二年省武德四年

於曲周故城重置

漳水在縣西二十九里

阿難枯渠在縣南十四里

臨洺縣紫東南至本漢易陽縣地屬趙國後魏省入邯

鄲縣開皇十年移邯鄲縣理陟鄉城在今邯鄲縣界仍

於此中府城別置臨洺縣北濱洺水因以為名屬礪州大

業三年割屬洺州

狗山在縣西十里山頂石上有狗跡因名武德五年太宗

親總戎討劉黑闥於此立宮

平思縣上 西至州八十三里 本漢舊縣也屬魏郡宣帝以許廣漢

為平思侯魏省尋復置開皇三年罷屬洺州

康臺澤在縣東五里

礪州 上 滏陽 元和戶一千四十 鄉一十三

本漢廣平郡武安縣之地周武帝於此置滏陽縣及成安郡開皇十年廢郡於縣置礪州以縣西九十里有礪山出礪石因取為名大業二年廢以縣屬相州 皇朝永泰元年重置以河東有礪州故此加石也

州境 東西一百七里 南北一百一十五里

八到 西南至上都一千五百四十里 西南至東都六百四十五里

元和郡縣志

卷十五

南至相州六十五里 正北微東至洺州一百十里 西至潞州三百四十里

貢賦 開元貢 紗 絹 綿

管縣四 滏陽 邯鄲 昭義 武安

滏陽縣 望郭下

本漢武安縣之地魏黃初三年分武安立臨水縣屬廣平郡以城臨滏水故曰臨水以城在滏水之陽亦曰滏陽周武帝於此別置滏陽縣屬成安郡開皇三年廢郡縣屬相州十年於此置礪州滏陽屬焉大業二年廢礪州縣屬相州永泰元年重立德州縣又割屬

鼓山亦名滄山在縣西北四十五里滄水出焉泉源奮涌若滄水之湯湯故以滄口名之八陁第四曰滄口陁山嶺高深實為險阨

石李龍墓在縣西南十四里

佛圖澄墓在縣西南十七里

高齊神武陵在縣南三里

邯鄲縣

上南至州七十里

本衛地也後屬晉七國時為趙都趙敬侯立自晉陽始都邯鄲至幽王遷降秦遂滅趙以為邯鄲郡邯山名也單盡也城郭從邑故單字加邑魏以為縣屬廣平郡開皇十年元和郡縣志

卷十五

十八

置磁州邯鄲縣屬焉大業二年廢磁州縣屬洺州永泰年

重立磁州縣還割屬

邯山在縣東南五里

叢臺在縣城內東北隅

洪波臺在縣西北五里

趙簡子墓在縣西南十二里

公孫杵臼程嬰墓在縣西十五里

趙奢墓在西北七里

樂毅墓在縣西南十八里

藺相如墓在縣西南二十三里

昭義縣

州上東南至州四十里

魏黃初三年於今滏陽縣置臨水縣

北齊天保元年移理松釜周建武德六年廢永泰元年再置仍改名昭義

武安縣

州上東南至州九千里

本七國時趙地趙將李改封武安君

即今縣也漢屬魏郡魏屬廣平郡開皇三年屬相州十年割屬磁州大業二年磁州廢割屬洺州後置磁州又分隸焉

關與山在縣西南五十里趙奢拒秦軍關與即此山也洺水西北去縣八十三里

武安故城在縣西南五里六國時趙邑也趙奢之救關與秦軍鼓譟武安屋瓦皆動即此城也

元和郡縣志

卷第十五

十九

元和郡縣圖志卷第十五

元和郡縣圖志卷第十六

河北道二

懷州 魏州 相州 博州 衛州 貝州

澶州

懷州

河內 雄

開元戶四萬三千一百七十五 元和戶八千七百四十一

鄉八十九 鄉三十五

今為河陽三城懷州節度理所管 懷州

河陽 汜水 溫縣 濟源 河清等五縣事

具河南府

禹貢冀州之域覃懷之地周為畿內及衛邢雍三國春秋時屬晉七國時屬韓魏二國秦兼天下滅韓為三川郡滅

元和郡縣志

卷十六

一

魏為河東郡今州為三川郡之北境河東郡之東境楚漢之際項羽立司馬邛為殷王河內高帝二年邛降以其地為河內郡領縣十八理懷後漢世祖南定河內難其守鄧禹舉寇恂世祖謂恂曰河內殷富吾將因是而起昔高祖留蕭何鎮關中吾今委卿以河內恂遂伐淇園之竹理矢百餘萬養馬三千疋收租四百萬斛以給軍事由是東漢之業濟焉晉河內郡移理野王隋開皇三年罷郡置懷州武德二年陷賊其年於河清縣界柏崖城置懷州四年討平王充自柏崖城移於今理今屬河陽三城

州境

東西二百一十七里 南北一百一十五里

八到 西南至上都一千一十里
西至東都一百五十里

東至衛州二百六十里
東南渡河至鄭州一百九十里
北至澤州一百四十里

貢賦 開元貢 絲 絹 十疋 綿 牛 膝
元和貢 平 絹 十疋

管縣五 河內 武陟 武德 修武 獲嘉

河內縣 望郭下 開元戶一萬八百五十四 鄉二十一

本春秋時野王邑也左傳曰晉人執晏弱於野王是也漢以為縣屬河內郡隋開皇十三年改為河內縣皇朝因之太行山在縣北二十五里禹貢曰太行恒山至於碣石注曰二山連延東北接碣石

元和郡縣志 卷十六 二

太行陁在縣西北三十里連山中斷曰陁述征記曰太行山首始於河內自河內北至幽州凡有八陁第一曰軹關

陁 今屬河南府濟源縣 第二太行陁第三白陁陁此三陁
在縣理西十一里

今在河內第四滏口陁對鄴西第五井陁第六飛狐陁一名望都關第七蒲陰陁此三陁在中山第八軍都陁在幽州太行陁闊三步長四十里

沁水在縣北四里

丹水北去縣七里分溝灌漑百姓資其利焉

濟水經縣西南去縣三十里

新城壘在縣東北九里武德三年劉德威於此置營

武陟縣

望西北至州一百里

開元戶七千九百九十九

鄉十六

本漢懷縣地開皇十六年分修武縣置武陟縣理武德故城今縣東二十里武德故城是也屬殷州皇朝因之貞觀元年省殷州屬懷州

沁水在縣東一里故懷城在縣西十一里兩漢河內郡並理之晉移郡理野王

故殷城在縣東南十里楚漢之際司馬卬為殷王都在此

武德縣

望西至州四十七里

開元戶一萬二百六十二

鄉二十

本周司寇蘇忿生之州邑也左傳曰周與鄭人蘇忿生之田州陘隕懷注曰州今河內州縣是也漢以為州縣屬河

元和郡縣志

卷十六

三

內郡隋開皇十六年改州為邢丘縣遙取古邢丘為名也大業二年改邢丘為安昌縣取安昌侯張禹國城為名也武德二年改為武德縣

太行山在縣北五十里

沁水北去縣二里

安昌故城在縣東十三里即張禹所封國城也

故大斛闕在縣北一百六里太行山上

平臯陂在縣南二十三里多菱蓮蒲葦百姓資其利周迴

二十五里

脩武縣

緊西南至州一百二十里

開元戶六千七百一十七

鄉十三

本殷之寧邑韓詩外傳曰武王伐紂勒兵於寧改曰修武左傳曰晉陽處父聘于衛過寧注云汲郡修武縣是漢以為縣屬河南郡周武帝以為修武郡修武縣屬修武郡開皇三年罷郡屬懷州武德初屬殷州貞觀元年省殷州依舊屬懷州

太行山在縣北四十二里

天門山今謂之百家巖在縣西北三十七里以巖下可容百家因名上有精舍又有鍛竈處所即嵇康所居也

濁鹿故城在縣界東北二十三里魏文帝受禪封漢帝為山陽公居河內山陽濁鹿城即此城也禪陵在縣北三十

元和郡縣志 卷十六 四

五里獻帝陵也以禪讓名

獲嘉縣 望西南至州 開元戶一萬十四 鄉十九 一百六十里 元和戶

本漢縣也武帝將幸緱氏至汲縣之新中鄉得南越相呂嘉首因立為獲嘉縣屬河內郡此前獲嘉縣理在今衛州

新鄉縣西南十里獲嘉縣故城是也高齊又移於衛州共城隋自共城移於今理

同盟山在縣東北五里武王伐紂與諸侯同盟於此山

七賢祠在縣西北四十二里嵇阮祠也

魏州 魏郡 開元戶十一萬七千五百七十五 鄉一百四十一 大都督府 元和戶六千九百二十 鄉四十五

今為魏博節度理所

管州六縣四十三 都管戶墾田

魏州八縣

相州六縣

博州十縣

衛州五縣

貝州十縣

澶州四縣

禹貢交冀二州之域在夏為觀扈之國春秋時為晉地按

沙麓崩在今元城東南四十里是戰國時為衛魏二國地

秦滅魏置東郡滅趙置邯鄲郡漢高祖使韓信定河北以

秦邯鄲郡之南部東郡之邊縣置魏郡即今元城縣是也

後漢封曹操為魏王理鄴前燕慕容暉都鄴其魏郡並理

於鄴中也於今州理置貴鄉郡尋省周宣帝大象二年又

於貴鄉郡東界置魏州隋煬帝大業三年罷州為武陽郡

元和郡縣志

卷十六

五

隋亂陷賊武德四年討平竇建德改置魏州其年又陷劉

黑闥五年平黑闥置總管府七年改為都督府貞觀六年

罷都督後為州

州境東一百九十六里
南一百三十八里

八到西南至上都一千六百十里
西南至東都七百五十里

東北至貝州二百一十里
正東徼北至博州一百八十里

西至相州二百一十里
西北沼州一百六十四里

東南至渡河至濮州一百九十里
東南至鄆州二百四十里

貢賦開元貢
賦 絲 綿 網 純 平 網

管縣八

貴鄉

元城

魏縣

館陶

寇氏

朝城

華縣

昌樂

貴鄉縣

望三
管西界

郭下

本漢光武縣地後魏孝文帝

分置貴鄉縣屬昌樂郡隋開皇三年罷郡縣屬魏州大業三年改屬武陽郡 皇朝因之武德初割屬魏州太河故瀆俗名王莽河西去縣三里

州城前燕慕容暉所築周宣帝於此置州理焉

古堰今名愜山在縣西九里成帝時河決金堤河堤使者王延世募人蓋運土塞河之處以其愜當人情故謂之愜山

元城縣

望三十
音東界

郭下

本漢舊縣屬魏郡魏武侯公子元

元和郡縣志

卷十六

六

食邑於此因名魏黃初二年於此置陽平郡高齊省元城縣入貴鄉隋開皇六年復置貞觀十三年又省入貴鄉聖曆元年重置開元十三年移在州東北三百步沙麓在縣東十二里即春秋經所書沙麓崩漢書以為元后興之詳也

馬陵在縣東南一里齊將孫臏破魏軍殺龐涓於此五鹿墟在縣東十二里公子重耳乞食於五鹿人野人與之塊即此處也

王翁孺墓在縣東二百步元后之祖也

東督墓在縣東二十五里

相州鄴郡

開元戶七萬八千

鄉一百五十一

卷二十九

禹貢冀州之域又為殷盤庚所都曰殷墟項羽與章邯盟於洹水南殷墟是也春秋時屬晉戰國時屬魏魏文侯使西門豹守鄴是也秦兼天下為上黨邯鄲二郡之地漢高帝分置魏郡理鄴後漢末冀州理之韓馥為冀州牧居鄴其後袁紹曹操因之建安十七年冊命操為魏公居鄴黃初二年以廣平陽平魏三郡為三魏長安譙許鄴洛陽為五都石季龍自襄國徙都之仍改太守為魏尹慕容雋平冉閔又自薊徙都之仍置司隸校尉符堅平鄴以王猛為冀州牧鎮鄴後魏孝文於鄴立相州初孝文幸鄴訪立州名尚元和郡縣志

卷十六

七

書崔光對曰昔河亶甲居相聖皇天命所相宜曰相州孝文從之蓋取內黃東南故殷王河亶甲居相所築之城為名也至東魏孝靜帝又都鄴城高齊受禪仍都於鄴攷魏尹為清都戶周武帝平齊復改為相州大象二年自故鄴城移相州於安陽城即今州理是也隋大曆三年改相州為魏郡武德元年復為相州後或為總管或為都督

州境

東西二百一十四里
南北一百六十九里

八到

西南至上都一千四百四十里
西南至東都五百八十里

北至礪州六十五里

東取臨洛縣北至邢州二百六十五里
東至魏州二百一十里

魏縣望三十六東至州四十里本漢舊縣屬魏郡後魏孝文帝分

魏縣置昌樂高齊省魏縣屬昌樂縣隋開皇六年又分昌

樂置魏縣屬魏州皇朝因之

舊漳河在縣西北十里

新漳河在縣西北二十里

蓋寬饒墓在縣東南八里

狄仁傑祠在縣東南四里為魏州刺史百姓生為立祠此祠

在州城南門外此恐悞

館陶縣緊二十五西至州五十里本春秋時晉冠氏邑陶丘在縣西

北七里爾雅曰再城為陶丘趙時置館於其側因為縣名

元和郡縣志

卷十六

八

漢魏郡魏文帝改屬陽平郡石趙移陽平郡理此周大象

二年置屯州以近屯河為名隋大業二年廢屯州以屬魏

州

大河故瀆俗名曰王莽河在縣東四里

屯氏河俗名毛河在縣西二里

白溝水本名白渠隋煬帝導為永濟渠亦名御河西去縣

十里

冠氏縣緊二十里西至州六十里本漢館陶縣地隋開皇六年分館

陶東界置冠氏縣因古冠氏邑為名屬毛州隋大業二年

廢毛州縣屬魏州

王莽河北去縣十八里

冉仲弓墓在縣北二十五里

朝城縣緊三十西北至州一百里本漢東武陽郡在武水之陽故

曰武陽其後為縣屬魏郡開皇十六年屬莘州大業二年

廢莘州屬魏郡貞觀十七年廢永昌元年置改名武聖開

元七年改為朝城

武河在縣東十步

黃河在縣東二十九里

武陽臺在縣西南一里

扁鵲墓在縣羅城西北隅

元和郡縣志

卷十六

九

莘縣上二十一西至州一百里本衛地漢為陽平縣屬東郡魏改屬

陽平郡隋開皇六年又於樂平故城置陽平縣屬魏州八

年改清平為清邑縣大業二年改為莘縣因縣北古莘亭

為名皇朝因之

莘亭在縣北十三里傳曰衛宣公使太子伋之齊使盜待

諸莘將殺之二子伋壽爭相為死即此地也

昌樂縣望二十四北至州五十里本漢舊縣屬東郡後漢省後魏孝

文帝於漢舊昌樂城置昌樂郡又昌樂縣周武帝改屬魏

郡隋罷郡改屬魏州皇朝因之

王莽河西去縣十六里

西至潞州三百五十里
東南滑州一百三十里

貢賦

開元貢

紗

鳳翮扇

胡粉

知母

管縣十 安陽 鄴縣 成安 內黃 堯城 洹水

臨漳 臨河 湯陰 林慮

安陽縣

繫五

郭下

本七國時魏寧新中邑秦昭襄王拔之

改名安陽漢初廢以其地屬陽陰縣晉於今理西南三里

置安陽縣屬魏郡後魏并入湯陰隋開皇十年置安陽縣

屬相州皇朝因之

韓陵山在縣東北十五里東魏丞相高歡破爾朱兆第於

此山

元和郡縣志

卷十六

十

洹水西南自林慮縣界流入

鄴縣

繫二南至州四十里

本漢舊縣屬魏郡晉以懷帝諱改鄴

為臨漳縣石李龍徙都之復改為鄴縣冉閔及慕容雋洎

東魏高齊並都於此其縣名直至隋氏不改皇朝因之

濁漳水在縣北五里西門豹為鄴令引漳水以富魏之河

內後史起為鄴令又引漳水溉鄴人歌之曰鄴有賢令號

為史公決漳水兮灌鄴旁終古瀉鹵生稻梁今天下井堰

即其遺址也

故鄴城縣東五十步本春秋時齊桓公所築也自漢至高

齊魏郡鄴縣並理之今按魏武帝受封於此至文帝受禪

呼為此郡都

西門豹祠在縣西十五里

魏武帝西陵在縣西三十里

成安縣

上四西南至州一百五十里

本漢斥丘縣地屬魏郡土

地斥鹵故曰斥丘陵其地盡屬鄴縣高齊文宣帝分鄴縣置成安縣屬清河尹周平齊屬魏郡隋開皇三年改屬相州皇朝因之

濁漳水西自滏陽縣界流入

斥丘故城在縣東南三十里本春秋時乾侯邑漢以為斥丘縣左傳曰公如晉次於乾侯

元和郡縣志

卷十六

十一

內黃縣

繫三西北至州八十里

本漢舊縣屬魏郡以河北為河

內南為外故此有內黃陳留有外黃後魏省隋開皇六年重置內黃縣屬相州武德二年於黎陽縣置黎州縣屬焉貞觀十七年廢州縣屬相州

湯水南去縣七里

黃澤在縣西北五里

故殷城縣東南十三里殷王河亶甲居相因築此城永濟渠本名白渠隋煬帝導為永濟渠一名御河北去縣二百步

堯城縣

上西至州四十里

本漢內黃縣地晉於此置長樂縣高齊

省長樂入臨漳縣隋開皇十年分臨漳洹水二縣於此重置長樂縣十八年改爲堯城因所理堯城爲名也

洹水在縣北四里

丹朱墓在縣東一里

洹水縣上三西南至州一百二十里本漢內黃縣地晉於此置

長樂縣屬魏郡後魏省孝文復置長樂縣高齊省入臨澤

縣周武分臨漳置洹水縣因以水爲名屬魏郡隋開皇三

年割屬相州皇朝因之

洹水西自堯城縣界流入

鸕鷀陂在縣西南五里周迴八十里捕魚之利州境所資

元和郡縣志

卷十六

十二

永濟渠西去縣二里

臨漳縣上西西南至州六十里本漢鄴縣地東魏孝靜帝分鄴

縣之地於鄴城中置臨漳縣周武帝平齊自鄴城移臨漳

縣於今理屬魏郡隋開皇三年改屬相州皇朝因之

東山池在縣西南十五里東魏相高澄所築引萬金渠水

爲池作遊賞處

鸕鷀陂在縣東南三十里與洹水縣同利

袁紹墓在縣西北十六里

臨河縣上二西北至州一百二十里本漢黎陽縣地隋開皇六

年分置臨河縣屬衛州其城本春秋時衛築新城十六年

改屬黎州大業二年又改屬衛州武德二年重置黎州縣屬貞觀十七年廢黎州以縣屬相州

黃河南去縣五里

湯陰縣上二北至州四十里本七國時魏蕩陰邑也漢以為縣

屬河內郡縣有蕩水因取名焉晉屬魏郡後魏省隋開皇

六年重置蕩陰縣屬相州十六年改屬黎州武德四年分

安陽置蕩源縣屬衛州六年改屬相州貞觀元年改為

湯陰從漢舊名也

蕩水西去縣三十五里

牖里一名姜城在縣北九里紂拘西伯之所也

元和郡縣志

卷第十六

十三

林慮縣上一東至州一百一十里本漢舊縣屬河內郡以隆慮

山在北因為名後避殤帝諱改曰林慮屬朝歌郡晉屬汲

郡後魏太武帝省入鄴縣文帝立復屬魏郡周武帝置林

慮郡隋開皇三年罷郡縣屬相州武德二年又置巖州五

年廢縣又屬相州

林慮山在縣西二十里山多鐵縣有鐵官南接太行北道

連恒岳慮音閭

博州博平上

開元戶三萬七千四百七十元和戶二千四百三十

鄉七十四村一十五

禹貢冀州之域春秋時齊之西界聊攝地也戰國時為齊

地秦兼天下今州即秦東郡地也在漢為東郡聊城縣之

地後魏明元帝於此置平原鎮孝文罷鎮置平原郡葛榮之據冀州也又於今理置冀州尋廢孝武帝復置平原郡隋開皇三年置郡十六年於今理置博州大業二年省隋亂宇文化及殺逆自江都舉兵至此竇建德攻陷其城化及復自據武德四年討平竇建德重置博州

州境東西一百五十七里
南北一百六十六里

八到西南至上都一千七百九十里
西南至東都九百三十里

西南至魏州一百八十里
西北至貝州一百九十里

東北至德州一百六十里
東渡河至鄆州一百八十里

東渡河至齊州二百九十里

元和郡縣志

卷十六

十四

貢賦開元貢
賦
平綾十疋
綿
絹

管縣六 聊城 武水 堂邑 清平 博平 高唐

聊城縣三 郭下 本春秋時聊攝地晏子對景公曰聊攝

以東其人多矣漢以為縣屬東郡晉屬平原郡高齊改屬

濟州隋開皇三年改屬冀州十六年置博州縣屬焉

黃河南去縣四十三里

莊平故城在縣東五十三里在莊山之平地石勒之賤也

賣在莊平人師歡家為奴

四口故闕在縣東南八十里隋於此置

武水縣上八
東北至州六十里 本漢陽平縣地屬東郡隋開皇

八年改陽平爲清邑縣十六年分清邑置武水縣屬莘州
即今博州武水縣理是也在武水溝之南因名之大業三年廢莘州改

屬魏州貞觀元年改屬博州

黃河南去縣二十二里

堂邑縣

上二東至州六十里

本漢清縣發干二縣之地屬東郡

隋開皇六年於此置堂邑縣屬毛州因縣西堂邑故城爲

名大業二年改屬魏州武德四年又屬毛州貞觀元年廢

毛州改屬博州

樂平故城本漢清縣在縣東三十里後趙錄日東海王使

征東將軍苟晞擊汲桑石勒勒與晞相持戰於平原陽平

元和郡縣志

卷十六

十五

間爲晞所敗桑奔樂平

堂邑故城在縣西北二十七里高帝五年陳嬰爲堂邑侯

嬰孫午繼封尚館陶公主

清平縣

上二東南至州八十里

本漢清陽縣地屬清河郡隋開

皇六年自今貝州清河縣界移貝丘縣於今理屬貝州十

六年改貝丘爲清平縣屬博州大業二年省博州改屬貝

州隋亂廢武德四年重置屬博州

博平縣

上二西南至州七十里

本齊之博陵邑也史記曰齊威

王伐晉博陵是也漢以爲縣屬東郡晉屬平原國隋開皇

三年改屬毛州十六年改屬博州

故攝城在縣西南二十里晏子曰聊攝以東其為人多矣
即此縣也

高唐縣

上二
西南至州一百一十里

本齊邑春秋夙沙衛奔高唐

以叛史記齊威王曰吾臣有盼子者使守高唐趙人不敢
東漁於河漢以為縣屬平原郡後魏屬濟州高齊改屬平
原郡隋開皇十六年改屬博州皇朝因之長壽二年改為
崇武縣神龍二年復舊名

黃河在縣東四十五里

華歌墓在縣東二十里

衛州

汲郡

開元戶三萬六百六十六
元和戶二千七百七十七

鄉六十七
鄉一十九

元和郡縣志

卷十六

十六

禹貢冀州之域後為殷都在今州東北七十三里衛縣北
界朝歌故城是也今州理即殷牧野之地周武王滅殷分
其畿內為三國詩國風邶鄘衛是也邶封紂子武庚鄘管叔
尹之衛蔡叔尹之以監殷人謂之三監武王崩三監及淮
夷叛成王既伐管叔蔡叔以殷封康叔為衛侯今郡及魏
郡之黎陽河內之野王朝歌皆衛之分其後十五葉懿公
為翟所滅

更封于楚丘今滑州衛南縣是也河內殷墟更屬於晉後
又屬齊戰國時屬魏秦屬河東郡在漢為汲縣屬河內郡
魏黃初中置朝歌郡屬冀州晉武帝改朝歌為汲郡仍屬

冀州後魏孝靜帝移汲郡理枋頭城今在衛縣界又於汲
縣置義州以處歸附之人周武帝改義州為衛州隋大業
三年改為汲郡武德元年又改為衛州二年陷竇建德四
年討平仍舊名焉

州境

東西二百三十六里
南北一百四十一里

八到

西南至上都一千二百五十里
西南至東都三百九十里

東北至相州一百九十里
東渡河至滑州一百一十五里

正西微南至懷州二百六十里
正南渡河至鄭州二百三十里

東北至澶州二百五十里
西北至踰山至澤州陵山縣二百四十里

貢賦

開元貢賦
絹 綿

元和郡縣志

卷十六

十七

管縣五 汲縣 新鄉 衛縣 共城 黎陽

汲縣

緊二

郭下本漢舊縣屬河內郡後魏於此置義州及

伍城郡伍城縣周改義州為衛州伍城縣屬衛州隋開皇
六年改伍城縣為汲州大業三年改屬汲郡武德元年重
置義州汲縣屬焉四年廢義州縣屬衛州

黃河西自新安縣界流入經縣南去縣七里謂之棘津亦
謂之石津濟左傳云晉伐曹曹在衛東假道於衛衛人不
肯還自南津是也宋元嘉中遣宣威將軍垣護之以水軍
守石濟亦是此處也

比干墓及廟在縣北十里

太公廟在縣西北二十五里太公即河內汲人也

新鄉縣

繫十九
東至州四十八里

本漢獲嘉縣汲縣二縣地隋開

皇六年於兩縣地新樂城中置新鄉縣屬衛州武德四年屬殷州貞觀元年廢殷州縣屬衛州

清水在縣北一里

獲嘉故城在縣西南十里本漢舊縣越相呂嘉反武帝將幸於汲新中鄉得呂嘉首以為獲嘉縣

衛縣

繫十九
西南至州六十八里

本漢朝歌縣屬河內魏黃初中

朝歌縣又屬朝歌郡晉武帝改為汲郡隋開皇三年罷郡縣屬魏州大業二年改朝歌為衛縣屬汲皇朝因之

元和郡縣志

卷十六

十八

黑山在縣北五十五里漢末眭固白統等起黑山聚眾十餘萬號黑山賊

蘇門山在縣西北十一里孫登所隱阮籍嵇康所造之處延津在縣西二十六里魏曹公遣於禁度河守延津即此地也枋頭故城在縣東一里建安九年魏武在淇水口下大方木為堰遏淇水令入白渠以開運漕故號其處為枋頭晉太和四年桓溫北伐慕容暉時亢旱水道不通乃鑿鉅野三百餘里以通舟運自清水入河暉將慕容垂率眾八萬來拒溫大破之遂至枋頭軍糧竭盡溫焚舟步退垂以八千騎追溫戰敗於襄邑亦謂此也後符氏尅鄴改枋頭為

昌永縣十六國春秋曰晉劉牢之救苻丕慕容垂率師至枋頭以拒之知晉軍盛乃退後魏嘗移汲郡理此

陽河水出縣西北平地即紂斲朝涉之脛處

朝歌故城在縣西二十一里殷之故都也

鹿臺在縣西殷紂營之七年乃成大三里高十尺

共城縣

上二

東南至州六十二里

本周共伯國屬王無道流崩

於彘共伯奉王子靖立為宣王共伯復歸於國漢以為縣屬河內郡晉屬汲郡高齊省隋開皇四年加城字於此置共城縣屬衛州皇朝因之

白鹿山在縣西五十四里

元和郡縣志

卷十六

十九

天門在縣西五十里

淇水源出縣西北沮洳山

故凡城在縣西二十里古九伯國也

百門陂在縣西北五里方五伯許步百姓引以溉稻田此米明白香潔異於他稻魏齊以來常以薦御陂南通漳水

黎陽縣

上二

西南至州一百二十里

古黎侯國漢為黎陽縣在

黎陽山北屬魏郡漢屬黎陽郡隋開皇三年屬衛州十六年又屬黎州大業二年省黎州縣屬衛州

皇朝武德

二年重置黎州縣屬焉貞觀十七年黎州廢復屬衛州

大丕山正南去縣七里即黎山也尚書云東過洛汭至于

大任注曰山再成曰任

枉人山在縣西北四十二里或言紂殺比干於此

黎陽鎮故城在縣東南一里古翟遼城也翟遼於此僭號
皇朝改曰白馬鎮

袁譚故城在縣西南百步

曹公故城在縣西南一里是曹公攻譚時所築

白馬故關在縣東一里五步酈食其說高祖曰杜白馬之
津即此處也後更名黎陽津慕容德自鄴將徙滑臺至黎
陽津風飄船渡魏軍垂至三軍色懼昏而水合是夜濟訖
旦而魏軍至冰亦消泮德大悅改黎陽津為天橋津高齊
元和郡縣志
卷十六
二

文襄征潁城仍移石濟關於此即造橋焉改名白馬關周

又改名黎陽關

貝州

清河

開元戶八萬四千四百
元和戶二萬一百二

鄉一百七十七
鄉三十五

禹貢冀州之域春秋時其地屬晉七國時屬趙秦兼天下
以為鉅鹿郡漢文又分鉅鹿置清河郡以郡臨清河水故
號清河後漢以為清河國周武帝建德六年齊於此置貝
州因立以為名隋大業三年又為清河郡隋末陷賊武德
四年討平竇建德復置貝州

州境

東西二百四十九里
南北一百九十里

八到

西南至上都一千八百二十里
西南至東都九百六十里

南 至魏州二百一十里
正東 微北至德州二百三十里
北 至冀州二百一十里
東 至博州一百九十里
西 至邢州二百三十里

貢賦

開元貢賦

綾

絹

管縣十

清河

清陽

歷亭

東武城

宗城

經城

漳南

臨清

夏津

永濟

清河縣

繫四郭下

本漢信成縣地屬清河郡後漢省信成縣置

清河縣至隋不改皇朝因之

故末枉城在縣東北五十里十六國春秋曰鮮卑段末枉

自稱遼西公於此築城與石勒相持因為名

永濟渠東南去縣十里

元和郡縣志

卷十六

三

清陽縣

繫四郭下

本漢舊縣也屬清河郡後漢省青陽縣其地

屬甘陵縣隋開皇六年重置皇朝因之

甘陵在縣城內後漢清河王慶陵慶即安帝父也

歷亭縣

上三西南至州一百里

本漢東陽縣地屬清河郡後漢省東

陽縣其地屬鄒縣

鄒音輸

開皇十六年於此置歷亭縣遙取

漢歷縣為名皇朝因之

東陽故城在縣西十八里漢高祖以張相如為東陽侯

東武城縣

上二西南至州四十二里

本七國時趙邑也史記趙平原君

勝封東武城即此地也蓋以定襄有武城同屬趙故此如

東字以辨之屬新河郡隋開皇三年改屬貝州皇朝因之

自後魏以來山東貴族清河諸崔即此邑人也爲天下甲族

宗城縣

望五東北至州六十里

本後漢章帝分立廣宗縣屬鉅鹿郡

後魏改屬廣宗郡隋開皇三年改屬貝州仁壽元年改宗城縣皇朝因之

張甲河在縣南二十五里

漳水東去縣二十七里

經城縣

上四東至州六十里

本後漢分前漢堂陽縣於今縣西北二

十里置經城縣後魏省併入南宮縣孝文又於今理置經城縣又置廣宗郡高齊省郡及縣仍置武強縣於此隋開

元和郡縣志

卷十六

十三

皇六年移武強縣於此置經城縣屬貝州皇朝因之

張甲枯河東去縣十里

漳南縣

上二西南至州一百一十里

本漢東陽縣之地隋開皇六年置

東陽縣屬德州取漢東陽之名十六年改屬貝州十八年改爲漳南縣以漳水在縣北故名也皇朝因之

永濟渠在縣東五十里

漳水在縣北四十六里

臨清縣

隸五東北至州六十里

本漢清泉縣地後魏孝文於此置

臨清縣屬魏郡高齊省隋開皇六年復置臨清州屬貝州皇朝因之

貝丘城在縣東南五十里漢貝丘縣城也城內有丘高五丈周迴六十八步城因此為名春秋公田于貝丘是齊州地與此異也

永濟渠在縣城西門外

夏津縣

上二西北至州九十里

本漢鄒縣也呂他欒布皆為鄒侯

田蚡奉邑亦在鄒屬清河郡隋大業二年改屬貝州天寶元年改為夏津縣

屯氏河在縣北

永濟縣

緊四東北至州一百十里

本漢貝丘縣地臨清縣之南偏大

曆七年田承嗣奏於張橋行市置西井永濟渠故以為名

元和郡縣志

卷十六

二十三

永濟渠在縣西郭內闊一百七十尺深二丈四尺南自汲郡引清淇二水東北入白溝穿此縣入臨清按漢武時河決館陶分為屯氏河東北經貝州冀州而入渤海此渠蓋屯氏古瀆隋氏修之因名永濟

澶州

頓丘上

元和戶三千二百六十九

鄉一十七

本漢頓丘縣地武德四年分魏州之頓丘觀城二縣於今理置澶州因澶水為名又分置澶水縣貞觀元年廢澶州以澶水縣屬黎州

今衛州黎陽縣理是也非城都管內黎州

大曆七年魏博節

度使田承嗣又奏置澶州

州境

東西一百二十九里南北七十里

八到

西南至上都一千五百里
西南至東都六百三十里

北至衛州二百五十里
北至魏州一百一十里

南至濮州濮陽縣三十六里
南至濮州范縣一百一十里

西至相州內黃縣七十里
西至相州臨河縣八十里

東北至魏州朝城縣九十四里

貢賦

開元貢賦

純平綉及絹

絹粟

管縣四

頓丘

臨黃

觀城

清豐

頓丘縣

郭望下

本漢舊縣因縣東北頓丘以為名屬東郡晉

屬頓丘郡隋魏郡武德初割屬澶州州廢還屬魏州大曆

初割屬澶州

元和郡縣志

卷十六

十四

秋山在縣西北三十五里

黃河在縣南三十五里

顓頊陵縣西北三十五里

帝嚳陵縣北三十里

衛康叔墓縣東北九十里

臨黃縣

上西至州六十七里

本漢觀縣地後漢改觀縣為衛縣後魏

孝文帝分衛縣置臨黃縣以北臨黃溝因以為名屬頓丘

郡隋改屬魏郡武德初割屬澶州州廢還屬魏州大曆初

又割屬澶州

黃河南去縣三十六里

盧津關今古高陵津縣東南三十五里

魏長賢墓縣十五里貞觀七年追贈定州刺史即徵父也

觀城縣繫西至州二十四里漢觀縣古之觀國左傳曰虞有三苗

夏有觀扈國語注曰觀國夏啟子太康之弟五弟所封也

在衛縣夏襄滅之漢以為縣屬東郡後漢改觀縣為衛國

縣屬東郡隋開皇六年改衛國縣為觀城縣屬衛州武德

四年以觀城屬澶州州廢還屬魏州大曆初隸澶州

衛靈公墓縣東南四十二里

清豐縣上東至州二十五里本漢內黃縣地大曆七年於清豐店置

因以為縣

元和郡縣志

卷十六

十五

黃河在縣南五十里

元和郡縣圖志卷第十六



元和郡縣圖志卷第十七

河北道二

恒冀節度使

恒州

常山
大都督府

開元戶四萬二千六百九十四
元和戶一萬七千五百八十

鄉八十七
鄉七十

今為恒冀節度理所

管州六 縣四十五

都管戶六萬二千六百四

恒州

縣十

冀州

縣九

深州

縣四

趙州

縣八

德州

縣七

棣州

縣五

禹貢冀州之域周為併州地春秋時屬鮮虞國戰國時屬

趙秦兼天下為鉅鹿郡之地漢三年韓信東下井陘擊破

元和郡縣志

卷十七

一

陳餘趙王歇以鉅鹿之北境置恒山郡因恒山為名後避

文帝諱改曰常山兩漢恒山太守皆理於元氏晉理於真

定即今常山故城是也後魏道武帝登恒山郡城北望安

樂壘嘉其美名遂移郡理之即今州理是也周武帝於此

置恒山隋煬帝大業九年罷州以管縣屬高陽郡武德元

年重為恒州三年陷賊四年討平竇建德仍舊焉

州境

東西二百一十里
南北二百七十里

八到

西南至上都一千九百九十里
西南至東都一千一百三十里

西取太原路至上都一千七百六十里
東北至定州一百二十里

東南至臺城縣六十里從臺城北至定州一百二十里

東南至深州一百八十里 西取井陘路至太原府五百里

西北取五臺山路至代州五百三十里



貢賦

開元貢

羅

綿

絹

管縣十

真定

藁城

九門

靈壽

行唐

井陘

獲鹿

石邑

房山

鼓城

真定縣

望二十一郭下

本名東垣屬中山國以河東有垣縣故

此如東字高帝十一年代相陳豨反帝自攻拔之改曰真

定屬恒山郡武帝改為貞定國後漢復為縣屬常山郡後

燕慕容垂都之後徙理盧奴開皇三年貞定縣改屬恒州

皇朝因之

潞水北去縣三十里

潁池河南去縣十里

元和郡縣志

卷十七

二

以縣屬恒州

潯沱水在縣西九十里

潩水北去縣二十三里

靈壽縣

中東至州八五里

本中山國都也按中山武公本周同姓

其後桓公不恤國政後樂羊爲魏將枝中山封之靈壽縣於此置靈壽縣屬常山國後漢屬常山郡隋開皇三年改屬恒州武德五年屬并州七年改屬恒州

潯沱水在縣西南二十里

行唐縣

上南至州十四里

本趙南行唐邑惠文王初置漢因為縣

屬恒山郡後魏去南字爲行唐縣隋開皇三年改屬恒州

元和郡縣志

卷十七

三

皇朝因之

玉女山縣北三十六里

潩水去縣南二十六里

井陘縣

中東南至五州九十里

六國時趙地秦始皇十七年王翦興兵攻

趙韓信張耳東下井陘擒成安君即此是也陘山在縣

東南八十里四面高中央下如井故曰井陘漢屬常山郡

隋開皇十六年於縣置井州大業二年廢縣屬恒州武德

元年重立井州貞觀十七年廢縣又屬恒州

綿蔓水在縣西南八十里韓信擊趙使萬人先行背水爲

陣信曰陷之死地而後生謂此水也

獲鹿縣

中

東北至州
五十里

本漢石邑縣地屬常山郡隋開皇十

六年於此置鹿泉縣以鹿泉在漢縣南因為名屬井州大

業二年省義寧初重置還屬井州貞觀二年改名獲鹿

飛龍山在縣南四十五里前趙錄曰王浚遣將祁弘率鮮

卑討石勒於飛龍山下勒大敗

葦山音蔽今名抱犢山韓信伐趙使輕騎二千人持一赤

幟從間道葦山而望後遂改為葦山後魏葛榮之亂百姓

固山抱犢而死故以為名又云抱犢者古有其名也即道

家謂之北岳佐命是也名山記以為福地之數云可避兵

水也

元和郡縣志

卷十七

四

井陘口今名土門口縣西南十里即太行八陘之第五陘

也四面高中央下似井故名之韓信擊趙欲下井陘成安

君陳餘聚兵井陘口號二十萬李左車說餘曰臣聞千里

餽糧士有飢色今井陘之道車不得方軌騎不得成列行

數百里其勢糧食必在後願足下假臣奇兵三萬從間道

絕其輜重足下深溝高壘勿與戰彼前不得鬪退不得還

吾奇兵絕其後野無掠鹵不至十日兩將之頭可致戲下

成安君儒者不從故敗述征記曰其山首自河內有八陘

井陘第五四面高中央低似井故名之鹿泉出井陘曰南

山下皇唐貴族有土門崔家為天下甲族今土門諸崔是

也源出博陵安平矣

石邑縣

繫十五
東北至州三十里

本戰國時中山邑也史記趙武靈王

攻中山取石邑是也漢於此置石邑縣屬常山郡後漢至隋不改皇朝因之

鹿泉水一名陘水南去縣十里

趙他墓縣北十三里他真人僭號南越帝文帝為其先人置守冢昆弟在者存問之他遂釋黃屋左纁而稱臣

房山縣

中東南至
州八十里

本漢蒲吾縣地屬常山郡隋開皇十六

年置房山縣因縣北房山為名屬井州大業二年廢井州

縣屬恒州武德四年又屬井州貞觀十七年又屬恒州其

元和郡縣志

卷十七

五

城內實外險一名嘉陽城房山一名王母山在縣西北五里漢武帝此山上立祠今王母觀是也

蒲吾故城在縣東二十里

鼓城縣

中
西北至州
九十五里

本春秋時鼓子國蓋白狄別種也又

漢曲陽縣地左傳曰晉荀吳圍鼓以鼓子鳶鞮歸漢下曲

陽屬鉅鹿郡隋開皇六年置昔陽縣十八年改為鼓城縣

屬鹿州大業九年改屬高陽郡貞觀元年屬定州大業二

年割入恒州

滹沱水在縣北十三里

魏攸墓在縣北七里後魏北齊貴族諸魏皆此邑人也所

云鉅鹿曲陽人者是矣

後漢京觀在縣西南七里後漢皇甫嵩攻黃巾賊張角弟寶於下曲陽首虜千餘人築為京觀

冀州

信都上

開元戶九萬四千一百二十元和戶八十九百六十七

鄉一百八十五鄉四十八

禹貢冀州堯所都也虞及三代同為冀州地爾雅曰兩河間曰冀州冀近也兩河之間其氣相近春秋時屬晉七國時屬趙秦屬鉅郡漢高帝分趙鉅鹿立清河信都常山其信都即今州理是也文帝又分立河間廣平二郡景帝改信都為廣川郡後漢初王郎僭號河北悉應光武自薊南行至下博失道有白頭公曰弩力信都為長安守光武至

元和郡縣志

卷十七

六

信都太守任光果開門出迎即今州理是也明帝更名信都為樂成國後漢末韓馥為冀州牧公孫瓚欲襲之袁紹使高韓諷馥令以冀州讓紹馥素性怯因然其計馥長史耿武諫曰冀州北鄙帶甲百萬穀有十年袁紹孤客窮軍譬如嬰兒在股掌之上絕其乳哺立可餓殺奈何以州與之馥不從以州與紹紹遂領冀州牧及曹公破紹又理之文帝黃初中以鄴為五都之始移冀州理信都自石趙至慕容垂或理鄴或理信都符堅用王猛為冀州牧鎮鄴後魏冀州亦理於鄴仍於信都焉舊冀州之理置長樂郡隋開皇三年罷郡為冀州大業三年復為信都郡隋末陷賊

武德四年討平竇建德改爲冀州

州境 東西二百六十里
南北二百三十六里

入到 西南至上都取相州路一千九百里
西南至東都一千四百里
北至瀛州二百四十里

正南微北至趙州一百六十里
西北至深州一百三十里
東至德州二百一十五里

東北至景州二百一十里
東北至滄州一百二十里

貢賦 開元貢 絹 賦 絹 綿

管縣九 信都 衡水 南宮 武邑 下博

武強 棗強 堂陽 阜城

信都縣 望 郭下 三十 本漢舊縣信都國後漢屬安平國後魏

屬長樂郡隋開皇三年屬冀州皇朝因之

元和郡縣志 卷十七 七

衡水亦曰長蘆水即濁漳水之下流也西北去縣六十二里

群陽故城在縣東南三十五里審食其爲辟陽侯

煮棗故城在縣東北五十里漢煮棗侯國城六國時於此

煮棗油後魏及齊以爲故事每煮棗油即於此城

衡水縣 上 南至州 十六 四十里 本漢桃縣之地隋開皇十六年於今

縣置衡水縣縣在長蘆河西長蘆河則衡漳故瀆也因以

爲名

長蘆水縣南二百步

藺相如臺在縣東北十二里

置武強縣屬武強郡高齊改屬長樂郡隋開皇三年改屬冀州貞觀元年改屬深州後屬冀州

武隧故城在縣東三十一里秦破趙將扈輒於武隧斬首十萬即此也

武強故城在縣西南二十五里漢將嚴不識以擊黥布功封武強侯後漢王梁為武強侯

棗強縣十西北至州六十八里本漢舊縣屬清河郡高帝以留盼

為棗強侯其地棗木強盛故曰棗強後魏屬長樂郡隋開皇三年屬冀州皇朝因之

縣外城即姚弋仲之故壘也

元和郡縣志

卷十七

八

棘津故城在縣東北二十七里左傳曰晉荀吳師涉自棘津史記曰呂望東海人也老而無遇賣食棘津

堂陽縣上東至州六十五里本漢舊縣屬鉅鹿郡在堂水之陽按

長蘆水亦謂之堂水在縣南二百步縣因取名後漢屬安平國高齊省隋開皇十六年重置屬冀州皇朝因之

阜城縣緊西南至州一百四十里本漢舊縣屬渤海郡後漢屬安平

國隋開皇九年改屬觀州大業二年復屬冀州武德四年復屬觀州貞觀十七年廢觀州又隸冀州

符融壘在縣東北二十四里

深州饒陽開元戶四萬二千二百一十五

鄉七十五

元和戶一萬四千九十七

鄉五十

禹貢冀州之域七國時為趙地秦為鉅鹿郡地漢為饒陽縣地屬涿郡隋開皇十六年於饒陽置深州以州西故深城為城大業二年廢深州武德元年討平竇建德四年復置貞觀十七年又廢先天元年於今理重置

州境 東西九十里 南北一百一十里

八到 西南至上都取趙州路二十五十里 正西微北至恒州一百八十里 西南至東都一千三百二十里 東北至瀛州一百四十五里 東南至趙州二百里

貢賦 開元貢 絹 賦 絹 綿

管縣四 陸澤 鹿城 饒陽 安平

陸澤縣 上 郭下 本饒陽鹿城二縣地先天元年因置

元和郡縣志 卷十七 九

州割二縣置陸澤縣禹貢大陸既作此縣南三里即大陸之澤因名之

鹿城縣 上 東至州二十五里 本漢安定縣地屬鉅鹿郡隋開皇

三年於此置安定縣取漢舊名屬定州十八年改為鹿城

取縣東故鹿城為名也改屬冀州貞觀元年改屬深州

衡漳水在縣十里

滹沱河水縣西北四十二里

大陸澤在縣南十里

饒陽縣 望 三十一 西南至州三十里 本漢舊縣屬涿郡在饒河之陽

隋開皇三年改屬定州十六年屬深州大業二年省深州

改屬瀛州武德四年屬深州

潯沱河北去縣四十五里

州理城晉魯口城也公孫泉叛司馬宣王征之鑿潯沱入
派水以運糧因築此城蓋潯沱有魯沱之名因號魯口後
魏道武皇始三年車駕幸魯口即此地也蕪萋故城在縣
東北三十五里隋縣也蓋因東北蕪萋亭為名

蕪萋亭在縣東北四十五里後漢光武自薊東南馳晨夜
至饒陽蕪萋亭飢甚馮異進豆粥光武曰得公孫豆粥飢
寒俱解公孫異字也

安平縣

上 東南至州
大 五十三里

本漢舊縣屬涿郡高帝以鄂千秋

元和郡縣志

卷十七

十

為安平侯後漢屬博陵郡後魏以來博陵諸崔即此邑人
也隋開皇三年縣屬定州十六年改屬深州大業二年還
屬定州武德四年又屬深州

派水今名疆河西自定州義豐縣界流入

潯沱河在縣南二十三里

趙州

趙郡
望

開元戶五萬一千四百三十
元和戶八千一百五十七

鄉九十九
鄉一百一十一

禹貢冀州之域春秋時屬晉戰國時屬趙秦為邯鄲郡地
漢為常山郡平棘縣地又為趙國自兩漢及魏皆以封建
子弟後魏明帝又於廣阿城置殷州高齊改殷州為趙州
因趙國為名隋開皇十六年又於藥城縣置藥州大業二

年廢欒州以縣並屬趙州三年以趙州爲趙郡武德元年張志昂舉城歸國又改爲趙州

州境東西二百五十里南北一百一十七里

八到西南至上都一千八百九十里西南至東都一千三十里北至恒州一百里正東微南至冀州一百六十五里

東北至豪城縣七十里從縣至定州一百二十里西踰山至太原府五百六十里

貢賦開元貢 絲綿絹

管縣九 平棘 元氏 臨城 柏鄉 高邑

贊皇 昭慶 寧晉 欒城

平棘縣上十二 郭下 本春秋時晉棘蒲邑漢文帝三年濟

北王興居反遣棘蒲侯柴武擊之武帝時又有平棘侯薛

元和郡縣志 卷十七 十一

澤爲丞相蓋漢初爲棘蒲後改爲平棘也屬常山郡隋開

皇二年改屬趙州十六年改屬欒州大業二年又屬趙州

皇朝因之

斯波水縣北三十五里

槐水一名白溝河南去縣二十五里

故欒城縣西北十六里春秋時晉邑

千萬壘縣南一里後漢安帝永初元年以御史任尚討羗

無功檻車徵還羗遂入侵河內趙魏間百姓相驚北軍侯

朱寵將五營兵屯孟津詔魏郡趙國常山等繕作塢壘六

百一十處此即其一也

李左車墓縣西南七里

趙郡李氏舊宅在縣西南二十里即後漢魏以來山東舊族也亦謂之三巷李家云東祖居巷之東南祖居巷之南西祖居巷之西亦曰三祖宅巷也三祖李氏亦有地屬高邑縣

封斯村者李氏舊塋多在封斯

元氏縣

上東南至州十七四十九里

本趙公子元之封邑漢於此置元

氏縣屬常山郡兩漢常山太守皆理於元氏後漢書帝紀云世祖光武皇帝建武四年光武北征彭寵陰后從行生孝明帝於元氏傳舍又云顯宗孝明皇帝永平五年冬十

元和郡縣志

卷十七

十二

月行幸鄴與趙王相會鄴常山三老言於帝曰上生於元氏願蒙優復詔曰豐沛濟陽受命所由加恩報德適其宜也其後元氏縣田租更賦六歲賜縣掾吏及門闌走卒錢又云肅宗孝章皇帝建初七年九月己酉幸鄴勞賜常山趙國吏人復元氏租賦三歲元和三年二月戊辰進幸中山遣使者祠北岳出長城癸酉還幸元氏祠光武顯宗於縣舍正堂明日又祠顯宗於始生堂皆奏樂復元氏租賦三月丙子詔復元氏七年徭役其兩漢元氏縣在今縣西北十五里故城是也晉屬趙國高齊廢隋開皇六年又置元氏縣屬趙州皇朝因之

飛龍山縣西北三十里前趙錄曰河瑞元年王浚使將祁
弘擊鮮卑務塵部十餘萬東討石勒戰於飛龍山勒師大
敗

元氏故城在縣西北十五里即漢之舊縣也兩漢常山太
守皆理於此城至隋末爲劉黑闥所破其後移於今所
開業寺在縣西北十五里即後魏車騎大將軍陝定二州
刺史尚書令司徒公趙郡李徽伯之舊宅也

臨城縣

中

東北至州一百里

本戰國趙房子邑也漢以爲縣屬常

山郡自漢至隋不改屬趙州皇朝因之天寶元年改名臨
城以縣西南十里有古臨城因改名焉

元和郡縣志

卷十七

十三

泚水在縣南二里出白土細滑如膏以之濯綿色若霜雪
如蜀綿之得江津也故俗稱房子之纒魏都賦曰織纒房
子是

敦與山在縣西南七十里洹水所出

柏鄉縣

上

北至州六十一里

本春秋時晉鄙

音呼各支

邑之地漢以爲

縣屬常山郡後漢光武即位於鄙南千秋亭五城陌因改
曰高邑屬常山國高齊天保七年移高邑縣於漢房子縣
東北界今高邑縣是也隋開皇十六年於漢鄙城南十八
里改置柏鄉縣遙取古柏鄉縣以爲名屬欒州大業二年
改屬趙州皇朝因之

高邑故縣城縣北二十一里本漢鄆縣也

漢世祖廟一名壇亭縣北十四里鄆縣故城南七里即世

祖即位之千秋亭也後於此立廟故後漢書帝紀云肅宗

孝章帝元和三月丙子詔高邑令祠光武於即位壇是也

高邑縣 上 東北至州 五十五里本六國時趙房子邑之地漢以為縣

屬常山郡縣魏屬趙郡高齊天保七年移高邑縣於其縣城

東北十五里今縣是也隋開皇三年改屬趙州皇朝因之

房子故城在縣西南十五里本漢房子縣也

馮唐墓在縣東北二十八里趙人也

贊皇縣 中 東北至州 七十里本漢鄆邑縣之地屬常山郡隋開皇

元和郡縣志 卷十七 十四

六年於此置贊皇縣縣南有贊皇山因為名屬藥州大

業二年改屬趙州皇朝因之

贊皇山縣東南二十六里穆天子傳曰至房子登贊皇山

泝水在縣西南三十五里韓信斬陳餘處故李左車曰陳

餘軍敗於鄆下身死於泝水上是也

濟水源出贊皇山西北流去縣南十里此自別是一濟水

應劭以為四瀆誤也

百陵崗在縣東十里即趙郡李氏之別業於此崗下也崗

上亦有李氏塋塚甚多

昭慶縣 望 東北至州 九十里本漢廣河縣屬鉅鹿郡後漢省後魏別

置廣河縣隋仁壽元年改為象城縣大業二年又改為大陸縣屬趙州武德四年復改為象城縣取縣西北古象城為名天寶元年改為昭慶縣

廣阿澤在縣東二十五里爾雅曰晉有大陸廣阿即大陸別名淮南子曰鉅鹿大陸廣阿咸一澤也

任敖墓一名七里丘在縣西四里高帝時為御史大夫對廣阿侯

皇十三代祖宣皇帝建六陵高四丈周迴八十丈

皇十二代祖光皇帝啟運陵高四丈周迴六十步二陵共塋周迴一百五十六步在縣西南二十里

元和郡縣志

卷一七

十五

寧晉縣

緊

西北至州四十三里

本春秋時晉楊氏邑漢以為縣屬

鉅鹿郡晉省後魏於此置癭遙縣屬南鉅鹿郡隋開皇六年改為癭陶復漢舊名大業二年改屬趙州天寶元年改為寧晉

欒城縣

中

東南至州三十九里

本漢鬲縣屬常山郡後漢省後魏

太和十一年於此置欒城縣取平棘縣舊棘城為名隋屬欒州又改屬趙州皇朝因之

斯波水在縣西北二十里

德州

平原

開元戶六萬一千七百七十九和戶九千三百五十六

鄉一百十六鄉二十五

禹貢兗州之域春秋時屬齊戰國時亦為齊地秦兼天下

今州秦之齊郡漢分齊郡置平原郡後漢至晉平原為王國封建子弟後魏文帝於今州置安德郡隋開皇三年改為德州大業三年罷州為平原郡隋末陷賊武德四年討平竇建德復為德州

州境 東西一百九十五里 南北二百一十九里

八到 西南至上都二千五百里 西南至東都一千七百九十里 西南至博州二百六十里 東北至棣州二百四十里

正南渡河至齊州二百四十五里 西南至貝州二百三十里 正北微東至滄州二百四十里 西至冀州二百一十五里

貢賦 開元貢 綾賦絹綿

管縣七 安德 平原 平昌 將陵 安陵

修縣 長河

元和郡縣志 卷十七

十六

安德縣 縣 郭下 本漢舊縣屬平原郡後魏屬安德郡隋

開皇三年廢郡改屬冀州九年改屬德州皇朝因之

黃河南去縣十八里

鬲津枯河在縣南七十里禹貢兗州九河既道鬲津即九

河之一鬲津至徒驤二百餘里今河雖移不離此域也

馬頰河縣南五十里

鹿角故關縣東南七十五里

平原縣 上 東北至州 本漢舊縣屬平原郡後漢屬平原

國後魏屬安德郡隋開皇三年罷郡屬冀州九年改屬德

州皇朝因之

黃河在縣南五十里王莽枯河縣南五里

管輅祠縣西南一里

平昌縣上
西南至州 八十里本漢舊縣屬平原郡後漢屬平原國

隋開皇三年屬滄州十六年改屬德州皇朝因之

馬頰河在縣南十里久視元年開決又名新河

將陵縣望
南至州 五十里本漢安德縣地屬平原郡隋開皇十

六年於此置將陵縣取安德縣界故城為名屬德州皇朝

因之

鬲津枯河南去縣二十里

王莽枯河西去縣十里

元和郡縣志 卷十七

安陵縣望
南至州 一百里本漢菑縣地晉立安陵縣屬渤海郡

本菑縣之安陵故以為名高齊省開皇六年重置屬冀州

九年立觀州縣屬焉皇朝因之貞觀十七年觀州廢縣割

屬德州

菑縣上
東南至州 一百二十里本縣條縣即條侯國也景帝封周亞夫

為條侯漢條縣屬信都國後漢屬渤海郡晉改條為條隋

開皇三年廢渤海郡屬冀州五年改修縣為菑縣屬觀州

皇朝武德初亦屬觀州貞觀十年觀州廢改屬德州

長河縣上
東至州 五十里本漢廣川縣地屬信都國後漢屬清

河國魏封裴秀廣川侯高齊省隋開皇六年復置屬冀州

九年改屬德州仁壽元年改廣川縣為長河縣皇朝因之
漳水河自貝州漳南縣流入在縣西二十五里

王莽枯河東去縣五里

永濟渠縣西十里

張公故關縣東南七十里

棣州

樂安上

開元戶二萬五千五百四十五
和戶五千四百四十七

鄉四十八
鄉一十七

禹貢青州之域春秋為齊地管仲曰北至於無棣漢為千
乘國曹魏屬安樂國晉石苞為樂陵公是也隋開皇十七
年割滄州陽信縣置棣州大業二年廢入滄州武德四年
又置棣州六年又廢貞觀十七年又置移於厭次縣即今
元和郡縣志

卷十七

州理是也天寶元年改為樂安郡乾元元年復為棣州

州境

東西三百四十九里
南北一百四十二里

八到

西南至上都二千二百九十里
西南至德州二百四十里

西南至東都一千四百二十里
南至淄州二百一十里

正北微西至滄州二百五十里
西南渡河至齊州二百五十里

東南至青州三百二十三里
東北至大海二百里

貢賦

開元貢 絹十疋 賦 絹粟麥

管縣五

厭次

滴河

渤海

陽信

蒲臺

厭次縣

上六

郭下

本漢富平縣屬平原郡後漢更名曰厭

次則厭次前已廢矣相傳以秦始皇東遊厭氣至碣石次
舍於此因名之高齊省隋開皇十六年重置武德初屬德

州貞觀十七年於此置棣州

黃河在縣南三里

滴河在縣南四十里

通海故闕在縣西南四十里

滴河縣

上東北至州二十里

本漢初縣屬平原郡後漢省隋開皇

十六年於此置滴河縣因北有滴河以名之屬滄州貞觀

元年屬德州十七年改為棣州

黃河縣南八十里

滴河縣北一十五里漢武帝鴻嘉四年河水汎溢為害河

隄都尉許昌鑿此河通海故以商字為名後人加水焉

渤海縣

西至州七十里

本漢蒲臺縣地垂拱四年分置渤海縣屬

元和郡縣志

卷十七

十九

棣州在州東一百一十里天寶五年以土地鹹鹵自縣西

移四十里就李丘村置

大海在縣東一百六十里

陽信縣

上南至州六十里

本漢舊縣屬渤海郡魏屬樂陵國後

魏置樂陵郡隋開皇三年罷郡屬滄州十六年於陽信縣

置棣州武德六年又置屬滄州貞觀十七年又割入棣州

鉤般河即九河之一經縣北四十里

蒲臺縣

上西北至州七十五里

本漢濕沃縣地屬千乘國宋屬樂

陵郡隋開皇三年改屬滄州十六年改為蒲臺縣北有蒲

臺因為名也隋末廢武德三年重屬八年改屬淄州貞觀

十七年置棣州割蒲臺屬焉

海在縣東一百四十里

海畔有一沙阜高一丈周迴二里俗人呼爲鬪口淀是濟水入海之處海潮與濟相觸故名今淀上有甘井可食海潮雖大淀終不沒百姓於其下煮鹽

黃河西南去縣七十三里

蒲臺在縣北三十里秦皇築此臺以望海於臺下縈蒲繫焉今蒲生猶縈結

元和郡縣圖志卷第十七

元和郡縣志

卷第十七

二十

元和郡縣圖志卷第十八

河北道第三

易定節度使 定州 易州

滄景節度使 滄州 景州

定州 博陵 開元戶六萬五千四百六十一 鄉一百三十一
上和戶二萬六千八百三十二 鄉一百一十四

今為易定節度理所

管州二 定州 縣上 易州 縣六

管縣十六 都管戶三萬六千四百二

禹貢兗州之域亦堯帝始封唐國之地春秋時鮮虞白狄之國左傳曰晉荀吳侵鮮虞是也戰國時為中山國與六

元和郡縣志 卷十八 一

國並稱王後為趙武靈王所滅中山之地方五百里秦兼天下今州蓋秦趙郡鉅鹿二郡之地漢高帝分趙鉅鹿置常山中山二郡城中有山故曰中山景帝改為中山國封子勝為中山王成帝崩立中山孝王衍是為平帝後燕慕容垂僭號建都於此仍置中山尹後魏道武帝平慕容垂子寶為中山郡置安州又改為定州以安定天下為名也隋開皇元年以中字犯廟諱改中山郡為鮮虞郡大業三年改為博陵郡遙取漢博陵郡為名也九年又改為高陽郡隋末陷賊武德四年討平竇建德復置定州復開皇之舊名也天寶元年改為博陵郡乾元元年復為定州

州境東西一百七十四里
南北三百里

八到西南至上都二千八十五里
東北至易州二百五十里
西南至東都一千二百二十五里
東至瀛州二百里

西北至蔚州四百七十里
東北至莫州二百五十里
西南取藁城路至趙州一百九十五里

貢賦開元貢兩窠細綾十四疋

管縣十 安喜 新樂 義豐 唐縣 望都

北平 無極 陘邑 深澤 恒陽

安喜縣縣郭下 本漢盧奴縣屬中山國黑水故池在州城西

北去縣四里周迴百餘步深入不流俗謂水黑曰盧不流

曰奴因以名縣後燕慕容垂都中山故改盧奴為弗為縣

後魏平燕又改為盧奴高齊省盧奴移舊安喜縣於此屬

元和郡縣志 卷十八 二

中山郡隋改為鮮虞縣武德四年復為安喜縣按安喜故

城在今縣東三十里本漢安險縣後漢改為安喜縣蜀志

曰先主嘗為安喜尉

澠水音苦
候反 一名唐河在縣北八里

長星川南去縣八里

天井澤在縣東南四十七里周迴六十二里

新樂縣中東北至
州五十里 本春秋鮮虞國漢為新市縣之地隋開

皇十六年置新樂縣屬定州取新樂故城為名也新樂者

漢成帝時中山孝王母馮昭儀隨王就國王為建宮於樂

里在西鄉呼為西樂城時人語訛呼西為新故為新樂

儀臺縣西南十三里後燕錄曰慕容麟與道武戰於儀臺
燕師敗績

木刀溝在縣東南二十四里溝傍人姓木名刀因爲名

義豐縣縣西至州六十里本漢安國縣之地屬中山國魏明帝追

封后父毛嘉爲安國侯晉屬博陵國隋開皇六年改爲義
豐縣屬定州皇朝因之

澠水俗名唐河縣北五里

派水縣西二十五里

解瀆故城縣東北九里本漢解瀆亭靈帝襲爵解瀆亭侯
桓帝崩無子竇武定册迎立即靈帝也

元和郡縣志

卷十八

三

長林溝今名木刀溝經縣南三十三里

唐縣上東南至州五十里本春秋時鮮虞邑漢唐縣之地即古唐侯

國堯初封於此今定州北有故唐城是堯所封也漢唐縣
屬中山國高齊省入安喜縣隋開皇十六年重置屬定州
皇朝因之

孤山蓋都山也縣東北五十四里

澠水一名唐水西去縣一百五十步

寡婦故城縣北九里後漢賈復追銅馬五幡賊於此築城
後人語訛轉呼爲寡婦

八度故關縣西北二十里

倒馬故關縣西北一百一十三里以涇水東經倒馬關山路險峭馬爲之倒因以爲名

望都縣

上西南至州五十里

本漢舊縣屬中山國以堯山在北堯母

慶都山在南登堯山見都山故以望都爲名後魏屬北平郡高齊省隋開皇六年復置屬定州皇朝因之

唐水縣西南四十二里

陽城淀縣東南七里周迴三十里莞蒲菱芡靡所不生柳宿城縣東南四十二里宣帝母王夫人徵時泣別於柳宿城卽此地也

堯祠縣南四十里

元和郡縣志

卷十八

四

北平縣

上西南至州八十三里

本秦曲逆縣地屬中山國陳平封曲

逆侯後漢章帝巡岳以曲逆名不善改爲蒲陰縣後魏孝明帝改名北平縣於今縣東北二十里置北平郡割中山國之蒲陰望都北平三縣屬之高齊省北平郡及蒲陰縣以北平縣屬中山郡開皇三年屬定州皇朝因之萬歲通天二年契丹攻圍七旬不下故改爲徇中縣尋復舊名

蒲陽山在縣西北四十里

濡水縣西五里

安陽故關縣西北二十五里

無極縣

上北至州八十里

本漢無極縣屬中山國後魏太武省高

齊重置屬中山郡隋開皇三年改屬定州萬歲通天元年
改母爲無

潯沱水南去縣三十五里

陘邑縣

中北至州
五十里

本七國時中山國之苦陘邑漢苦陘縣

也李克爲中山相苦陘之吏上計人多於前李克曰苦陘
無山林之饒而入多於前是擾亂吾人也遂免之漢屬中
山國章帝改爲漢昌魏文帝改曰魏昌高齊省開皇十六
年改置隋昌縣屬德州武德四年改曰唐昌天寶元年改
曰陘邑

廉頗臺在縣西南十九里慕容恪與冉閔戰於魏昌冉閔

元和郡縣志

卷十八

五

大敗即此也

木刀溝在縣南二里

深澤縣

中西北至
州九十里

本漢南深澤縣也以涿郡有深澤縣故

此加南以別之屬中山國高齊省開皇六年分安平縣於
潯沱河北重置深澤縣屬定州皇朝因之

潯沱河縣南二十五里光武爲赤眉所追至潯沱欲渡導
吏還言水深無船左右懼上使王霸前瞻水霸恐驚衆乃
言可渡北至冰合以囊沙布冰上乃渡未畢數車冰陷今
名溝傍合處爲危渡口

恒陽縣

上東至州
六十里

本漢上曲陽縣屬常山郡後漢屬中山

國高齊天保七年除上字但爲曲陽縣屬中山郡隋開皇十年改曲陽爲石邑縣其年移石邑於井陘縣屬恒州七年於此置恒陽縣屬定州以在恒山之南因以爲名

恒山在縣北四十里漢以避文帝諱改曰常山至周武帝平齊復名恒山

長星溝水在縣西北十七里

郊壇縣東南十二里後燕慕容垂都中山置壇於此郊祭後燕故苑縣西南十五里

恒岳觀在縣南百餘步

真君廟在縣東北十里嘉禾山下

元和郡縣志

卷十八

六

恒岳下廟在縣西四十步

北平軍在州西三里開元十年置

易州

上谷

開元戶三萬七千二百二十七

鄉七十二

鄉四十五

禹貢冀州之域虞及周爲并州地春秋時屬燕晉戰國時屬燕趙秦置三十六郡以爲上谷郡漢分制涿郡今州則漢涿郡故安縣之地隋開皇元年又屬易州因州南十三里易水爲名上谷郡遙取漢上谷以爲名隋亂陷賊武德四年又改爲易州高陽軍在州城內開元二十年置

州境

東西二百一十里
南北四百四十七里

八到

西南至上都二千三百四十五里
西南至東都一千四百七十五里

東北至幽州二百一十里
北至媯州取故城頭略四百里

東至莫州一百九十里
西北至蔚州取飛狐路三百六十里

貢賦開元貢網綿墨
賦絹絲

管縣六 易縣 涑水 容城 遂城 蒲城

五迴

易縣上郭本漢故安縣屬涿郡文帝以申屠嘉為故安侯

隋開皇十六年於漢故城西北隅至易縣故城即燕之南

郡周迴約三十里

孔山在縣西南四十五里有鍾乳穴深涑水自蔚州飛狐縣

流入

元和郡縣志 卷十八 七

易水一名故安河出縣西中寬容周官曰并州其寢涑易

燕太子丹送荆軻易水之上即此水也

武陽故城縣東南七里故燕之下都

范陽故城秦范陽縣也在東南六十二里在范水之陽故

蒯通說武信君使賜范陽令侯印趙地聞之不戰而下者

四十餘城

樊於期故城縣西十三里於期授首荆軻處

涑水縣上西南至州
四十二里本漢道縣子由屬涿郡因省入涑縣

隋開皇元年又於此置范陽縣遙取漢范陽為名十年又

改為永陽縣屬幽州十六年改屬易州十六年以重名改

涑水縣縣近涑爲名

涑水一名巨馬河東北二里袁紹將崔巨業攻固安不下公孫瓚擊破之於水死者六七千人即此水也石泉故城縣西北三十里在衆山之內平山之中四周絕澗壁立五丈水不周處路不容轍

容城縣

上西北至州八十八里

本漢舊縣屬涿郡高齊省入范陽縣

開皇元年改屬道縣天寶元年改爲容城復漢舊名

遂城縣

上北至州七十里

本漢北新城縣屬涿郡後魏除北字尋

又省隋開皇三年移後魏新昌縣於此屬易州十六年改新昌縣爲遂城按縣城即戰國時武遂城也趙將李牧攻元和郡縣志

卷十八

八

燕拔武遂方城即此也後魏孝武帝永熙二年以韓瓚爲營州刺史行達此城值盧曹構逆就置南營州以瓚爲刺史所部三千餘人並雄武冠時因號英雄城

蒲城縣

中東北至州一百四里

本漢北平縣屬中山國高祖以張蒼

爲北平侯後漢世祖追銅馬五幅賊於北平破之即此後魏於此置永樂縣天寶元年改爲蒲城縣以縣北故蒲城爲名

五迴嶺在縣西北五十里高四十里許建安元年魏太祖表封公孫度爲永寧鄉侯度曰我王遼東何永寧也

五迴縣

中東至州七十里

本漢北平縣地開元二十三年刺史

盧暉奏置在五迴山東麓因名之二十四年刺史田琬以其險隘東遷於五公城在今易縣西五十里

滄州景城 開元戶九萬八千一百五十七 鄉一百七十九
上 元和戶九千五百一十四 鄉三十九

今為滄景節度理所

管州二 管縣十二

滄州縣七 景州

禹貢冀州兗州之域後魏孝明帝熙平二年分瀛州冀州置滄州以滄海為名大業二年罷州為渤海郡武德元年改為滄州二年陷竇建德四年討平建德州仍舊

州境 東西三百二十里 南北四百五十里

元和郡縣志 卷十八 九

八到 西南至上都二千二百二十里 西南至東都一千三百六十里

西南至景州一百二十里 東南至棣州二百五十里

西北至幽州五百五十里 西南至德州二百四十里

東至大海一百八十里

貢賦 開元貢柳箱 葦蓆 糖蟹 鱧鱒 賦綿絹

管縣七 清池 長蘆 魯城 鹽山 饒安

樂陵 無棣

清池縣郭望 本漢浮陽縣屬渤海郡在浮水之陽後魏屬

滄州隋開皇八年改為清池縣以縣東有作清池因以為

名池在縣東一里

乍清池縣東南一十五里

長蘆縣

上東南至州三百四十里

本漢參戶縣地周大象二年於此置

長蘆縣屬章武郡水經云長蘆水名也水傍多蘆葦因以為名隋開皇屬瀛州貞觀後改屬滄州

參戶故城一名木門城在縣西北四十里

薩摩陂在縣北十五里周迴五十里有蒲魚之利

魯城縣

上南至州一百里

本漢章武縣屬渤海郡有鹽官高齊省隋開皇十六年於此置魯城縣

大海在縣東九十里

平魯渠在郭內魏武北伐匈奴開之

元和郡縣志

卷十八

十

鹽山縣

上西至州六十里

本春秋齊無棣邑也管仲曰北至於無

棣漢於此置高城縣屬渤海郡武帝以平津鄉封公孫弘即此縣鄉也隋開皇十八年改為鹽山縣鹽山在縣東南八十里

饒安縣

北至州九十里

本漢千童縣即秦千童城始皇遣徐福

將童男女千人入海求蓬萊至此城以居之故號漢以為縣屬渤海郡靈帝置饒安縣以其地豐饒可以安人後魏屬滄州隋不改

胡蘇河在縣西五十里

無棣河在縣南二十里

樂陵縣上北至州一百三十五里本燕將樂毅攻齊所築漢以為縣屬

平原郡即漢大司馬史高所封之邑後魏屬樂陵郡隋開

皇三年罷郡屬滄州

重合故城縣東二百步漢重合縣武帝封莽通為重合侯

無棣縣上西北至州一百二十里本春秋時齊之四履北至之地在漢

為信陽縣地隋開皇六年割信陽饒安置無棣縣以南臨

無棣溝因以為名屬滄州

橫海軍在州城西南開元十四年置

景州上元和戶五千二十五 鄉一十五

本漢景城縣屬渤海郡隋開皇三年罷郡屬滄州十六年

元和郡縣志

卷十八

十一

原本缺

又於長蘆縣置景州大業二年廢武德四年重置貞觀元

年廢以所屬縣分入滄州貞元二年於弓高縣重置

州境東西南北

八到西南至上都二千一百里 西南至東都一千二百四十里 西南至冀州二百一十里 東北至滄州二百二十里

南至德州二百里 北至瀛州一百四十里

貢賦 與滄州同

管縣五 弓高 南皮 景城 東光 臨津

元和郡縣志

卷十九

原本缺

元和郡縣志

卷二十

原本缺

元和郡縣圖志卷第二十一

山南道

襄州 襄陽節度使 襄陽大都督府

開元戶三萬六千三百五十七
元和戶十萬七千一百七
鄉七十七
鄉一百六十一

今為襄陽節度所理

管州八 襄州 鄧州 復州 郢州 唐州

隨州 均州 房州

縣三十八 都管戶一十四萬二千

禹貢荆豫二州之域於周諸國則穀鄧鄠盧羅都之地春
秋時地屬楚秦兼天下自漢以北為南郡今鄧州南陽縣

元和郡縣志 卷二十一

一

是也漢以南為南郡今荆州是也後漢建安十三年魏武
平荆州置襄陽郡自赤髻之敗魏失江陵而荆州都督理
無常處吳將諸葛瑾陸遜皆數入其境自羊公鎮襄陽吳
不復入永嘉之亂三輔豪族流於樊沔僑於漢水之側立
南雍州孝武帝以朱序為南雍州刺史符堅遣將苻丕攻
陷襄陽序為丕所擒後堅敗州復歸晉安帝時魯宗之為
刺史仍於州理置寧蠻校尉梁太清二年岳陽王蕭譽為
雍州刺史兄河東王譽為元帝所殺譽怒以州北附西魏
尅江陵以譽為梁王都江陵為西魏藩國恭帝改雍州為
襄州因州南襄水為名也按襄陵去江陵陸道五百里勢

同輔車無襄陽則江陵受敵自東晉庾翼為荊州刺史將事北伐遂鎮襄州北接宛洛跨對樊沔為荊郢之北門代為重鎮周置總管隋置行臺皇家初亦置山南道行臺武德七年廢行臺置都督府貞觀六年廢都督府改為州永貞元年昇為大都督府

州境

東西二百四十六里
南北三百六十七里

八到

西北至上都一千八百五十里
北至東都八百二十五里

東至隨州三百五十里
南至江陵府四百七十里

西至房州陸路四百二十里
東南至郢州三百二十里

水路五百八十四里
西北至均州三百六十里

貢賦

開元貢
元和貢

大蘇布
麝香

庫路貞
絞紗

竹筒

橙子

元和郡縣志

卷二十一

二

柘木

弩材

漆器

管縣七

襄陽

臨漢

南漳

義清

宜城

樂鄉

穀城

襄陽縣

望郭下

本漢舊縣也屬南在襄水之陽故以為名魏

武平荊州分南郡置襄陽郡縣屬焉後遂不改峴山在縣

東南九里山東臨漢水古今大路羊祜鎮襄陽與鄆潤甫

共登此山後人立碑謂之墮淚碑名其文即蜀人李安所

製

萬山一名漢臯山在縣西十一里與南陽郡鄧縣分界處

古諺曰襄陽無西言其界促近

檀溪在縣西南初梁高祖鎮荊州開齊王崩今蕭遙光等五人輔政謂之五貴歎曰政出多門亂其階矣陰懷平京師之意潛造器械多伐砍竹木沉於檀溪爲舟裝之備參軍呂僧珍獨悟其旨亦私具櫓數百張及義師起乃取檀溪竹木裝戰艦諸將爭櫓僧珍每船付二張事尅集今溪已乾涸非其舊矣

州理中城在縣東邊一處有土赤色昔符丕攻襄陽朱序用道法以朱沙燻之至今土色有異西北角夫人城符丕之攻也朱序母深識兵勢登城履行知此處必偏受敵令加修築寇肆力來攻果劬而退因謂之夫人城

元和郡縣志

卷二十一

三

劉琦臺縣東三里琦與諸葛亮登臺去梯言之所也諸葛亮宅在縣西北二十里

習郁池縣南十四里

臨漢縣

緊南至州二里

本漢鄧縣地也則古樊城仲山甫之國也

西魏於此立安養縣屬鄧城郡周天和五年改屬襄州天寶元年改爲臨漢縣縣城南臨漢水魏將軍曹仁處樊蜀將關羽圍樊使于禁龐德揀之會漢水暴長羽以舟師攻禁禁遂降羽德瞑目不屈羽殺之故鄧城在縣東北二十里春秋鄧國也桓七年鄧侯吾離來朝是也楚文王滅之

鄧塞故城在縣東南二十二里南臨宛水阻一小山號曰鄧塞昔孫文臺破黃祖於此山下魏常於此裝治舟艦以伐吳陸士衡表稱下江漢之卒浮鄧塞之舟謂此也

南漳縣 中東北至州一百四十里 本漢臨沮縣地按臨沮縣今在荆

州富陽縣西北臨沮故城是也後魏於此置重陽縣隋爲南漳縣

荆山在縣西北八十里三面險絕唯東南一隅繞通人徑祖山在縣東北一百八里吳時朱然諸葛瑾從沮中乘山險道北出租中音祖去襄陽城百五十里按此是地名非山

蓋以地山相近因名或云司馬宣王鑿八疊山開路於此

元和郡縣志

卷二十一

四

停租也

襄水出縣北一百一十里白石山

義清縣 中東北至州五十八里 本漢中廬縣地也西魏於此置義清

縣後因之中廬故縣在今縣北二十里本春秋廬戎之國秦時謂之伊廬項羽卞將鍾離昧家在伊廬也長渠在縣東南二十六里派引蠻水昔秦使白起攻楚引西山谷水兩道爭灌鄢城一道使沔北人一道使沔南人遂拔之

宜城縣 上北至州九十五里 本漢音縣地也城東臨漢江古諺曰

卽無東言具東逼漢江其地短促也宋孝武大明元年以胡人流寓者立華山郡理之後魏改爲宜城周改宜城爲

道縣屬武泉郡開皇三年罷郡屬襄陽皇朝因之天寶元年改爲宜城縣

漢水在縣東九里

故宜城在南縣南九里本楚鄆縣秦昭王使白起伐楚引蠻水灌鄆城拔之遂取郢即此城也至漢惠三年改名宜

城

樂鄉縣中下東北至本春秋時郡國之城在今縣北三

十七里都國故城是也在漢爲若縣地晉安帝於此置樂

鄉屬武寧郡大業三年改屬竟陵郡皇朝改屬襄州

漢水東去縣四十二里

元和郡縣志

卷二十一

五

穀城縣上東南至州本春秋時穀國左傳穀伯綏來朝

今縣北十五里故穀城是也漢爲筑音逐陽縣蕭何子封筑

陽侯即此也開皇七年改爲穀城縣屬襄州筑水在縣南

百二十步

鄧州南陽開元戶三萬八千六百一十一鄉五十八

禹貢豫州之域周爲申國戰國時屬韓蘇秦說韓惠王曰

韓西有宜陽東有穰洧是也昭襄王取韓地置南陽郡以

在中國之南而有陽地故曰南陽三十六郡襄陽居其一

焉漢因之領縣三十六理宛城後漢於郡理置南都建安

中張繡屯兵於穰降魏魏於穰置萬州晉宣王夏侯伯仁

前有邵父後有杜母

南陽縣

繫一百二十里

本周之申國也平王母申后之家漢

置宛縣屬南陽郡更始即帝位代祖納陰后並於宛城魏代荊州都督所理至隋改爲南陽縣屬鄧州精山在縣西北二十七里黃巾賊據宛城漢西鄉侯朱儁擊破之餘衆走保精山謂此也

涇水東去縣三里南都賦曰涇水蕩其曾是也

新野縣

中西北至七十里

本漢舊縣也屬南陽郡魏代新野縣

爲荊州都督所理王昶爲都督即鎮此城晉惠帝立新野郡開皇三年罷郡縣屬鄧州

元和郡縣志

卷二十一

六

涇水西去縣二百步

後漢西華侯鄧晨宅在縣北二十四里晨新野人世祖姊夫也初起兵新野王莽焚其冢墓洿其宅宗族怒曰幸自富足何故隨婦家入湯鑊中晨終無恨

陰皇后宅在縣東北擣衣石存焉

向城縣

上西南至州一百九十里

本漢西鄂縣地春秋時向邑江夏

有鄂故此加西後魏孝文帝於古向城置向城縣屬此涇郡貞觀九年加屬鄧州

豐山在縣南三十二里有九鍾霜降則鳴

西鄂故城在縣南二十里張衡即此縣人故宅餘址猶存

皆為都督或理宛或理新野永嘉五年為劉聰所沒成帝
咸康四年復歸於晉符堅之亂又沒前秦姚興時又復還
晉後魏孝文南侵又陷之梁普通中蹇尅還入魏太和中
置萬州理穰縣今鄧州所理是也開皇七年梁王歸入隨
自穰縣移萬州還江陵於穰縣置鄧州大業三年改為南
陽郡武德二年復為鄧州

州境 東西五百九十里
南北三百八十一里

入到 北至上都五百九里
東北至汝州四百七十五里
北至東都六百四十五里
東至唐州三百二十里

南至襄州一百八十里
西南至均州三百四十里

貢賦 開元貢 紇紆絲布一十疋

元和郡縣志 卷二十一 七

管縣七 穰縣 南陽 新野 向城 臨湍

菊潭 內鄉

穰縣 望郭下 漢舊縣本楚之別邑取豐穰之義後屬韓秦武

王攻取之封魏冉為穰侯漢以縣屬南陽郡後魏既尅南

陽於此城置荊州開皇三年屬鄧州皇朝因之湍水 音北

至縣七里

六門堰在縣西三里漢元帝建昭中召信臣為南陽太守

復於穰縣南六十里造鉗盧陂累石為隄傍開六石門以

節水勢澤中有鉗盧王池因以為名用廣溉灌歲歲增多

至三萬頃人得其利後漢杜詩為太守復修其陂 百姓歌之曰

魯陽關在縣北八十里今鄧汝二州於此分境荆豫徑途
斯為險要張景陽詩云朝登魯陽關狹路峭且深博望故
城在縣東南四十五里張騫封邑

臨湍縣上東南至州八十五里本漢冠軍縣地後魏孝文帝割縣北

境置新縣屬南陽郡廢帝以近湍水改為臨湍隋文復改
為新城天寶元年又改為臨湍縣

翼望山在縣西北二百里湍水出焉

冠軍故城在縣南四十里漢武帝以霍去病討匈奴功冠
諸侯故封此縣以褒異之

後漢膠東侯賈復宅在縣南三十五里

元和郡縣志

卷二十一

八

楚堰在縣南八里擁斷湍水高下相承八重溉田五百餘
頃

菊潭縣上東南至州一百五十里本漢酈音躡縣武陶戍之地後

魏廢帝因武陶戍置郡開皇三年罷郡以為菊潭縣因縣
界內菊水為名屬鄧州

菊水出縣東石澗山其傍多菊水極甘馨谷中三十餘家
不復穿井仰飲此水皆壽百餘歲王暢袁隗為太守命酈
縣月送水三十斛飲食沐浴悉皆用之

內鄉縣上東南至州二百四十里本楚之析邑後屬於秦史記秦昭

王發兵出武關攻楚取析十五城是也漢以為縣屬弘農

郡後漢屬南陽郡後魏於此置析陽郡廢帝改為中鄉縣
開皇三年以避廟諱改為內鄉屬鄧州析水北自盧氏縣
界流入與丹水合古今謂之析口縣城即楚析縣也史記
楚頃襄王元年秦出武關斬楚衆五萬取析十五城漢高
祖入關下析酈是也

復州竟陵

開元戶五千二百三十二
元和戶七千六百九十

鄉一十一
鄉十五

禹貢荊州之域春秋戰國並屬楚史記白起拔郢東至竟
陵即此是也秦屬南郡在漢即江夏郡之竟陵縣地也晉
惠帝分江夏立竟陵郡周武帝改置復州取州界復池湖
為名也貞觀七年州理在沔陽縣寶應二年移理竟陵縣

元和郡縣志

卷二十一

九

州境

東西四百三十里
南北六百九十里

八到

西北至上都一千六百八十五里
西北至東都一千四百二十五里

東至沔州陸路三百四十里水路七百里
西北至郢州陸路百五十里官路三百里

東北至安州三百三十里
南路至沔陽縣一百三十里自縣南至岳州水路五百里

貢賦

開元貢 白紵布一十疋

管縣三 竟陵 沔陽 監利

竟陵縣

中郭下

漢舊縣也屬江夏郡舊縣在今郢州長壽縣

界境陵大城是也周屬復州大業三年改復州為沔州縣

屬不改武德初又屬復州

五華山在縣東北七十里縣城本古風城也古之風國即

伏羲風姓也南臨汧水

沔陽縣中下北至州本漢雲杜縣地梁天監二年分置

沔陽縣即今縣東三十里沔陽故城是今沔陽縣即後魏

所置建興縣大業三年改建興縣為沔陽郡武德改屬復

州

沔水在縣南八十步東入汧川縣界

馬骨湖在東南百六十里秋夏汎漲淼漫若海春冬遂涸

即為平田周迴一十五里

監利縣中下東北至本漢華容縣地也晉武帝太康五

年分立監利縣屬南郡開皇三年改復州

元和郡縣志

卷二十一

十

大江在南一百三十里

郢州富水開元戶五千六百九十九鄉一十二

本江夏郡雲杜縣之地周地圖記曰蠻人酋渠田金生代

居此地常為邊患梁普通末遣郢州刺史元樹討平之因

置新州後魏廢帝二年改為温州因溫水為名也隋末廢

温州縣並入安陸郡武德四年於今山縣重置温州貞觀

十七年廢温州於長壽改置郢州

州境東西南北

八到西北至上都一千三百八十五里

東南至復州三百里
西北至東都一千一百二十五里
西北至襄州三百一十里

正南微西至江陵府三百里
東北至隨州三百九十里

貢賦

開元貢 白紵布二十端

管縣三 長壽 京山 富水

長壽縣

上郭下

本漢竟陵縣地宋分置長壽縣理石城即今

縣理是也屬竟陵郡魏文帝大統十七年於縣改置郢州

縣屬焉後遂因之

漢水去縣十步

縣城本古之石城背山臨漢水吳於此置牙門戍城羊祜

鎮荊州亦置戍焉即今州理是也

京山縣

下西至州一百六十里

本漢雲杜縣地也隋屬温州大業二

元和郡縣志

卷二十一

十一

年改為京山縣皇朝温州所理在此貞觀十七年罷温州

縣屬郢

大洪山在縣西北二百里孤秀為衆山之傑山多鍾乳温

湯水在縣南十五里擁以溉稻田其收數倍經其家多凶

富水縣

中西南至州三百四十里

本漢安陸縣地後漢分其地置新

市縣屬江夏郡後漢有新市平林兵謂此後魏改新市為

富水縣取界富水為名

富水南去縣一百步

唐州

淮安

開元戶二萬一千五百九十七

元和戶四萬七百四十 鄉四十五 八十七

禹貢豫州之域春秋時為楚地秦為南陽郡地自漢迄宋

皆同後魏太和中於此置東荊州理比陽古地其後改爲
淮州開皇五年又改爲顯州貞觀九年改爲唐州

州境東三百八里
南三百十里

入到西北至上都取葉縣路一千三百四十里
西北至東都五百二十里

西北取上州路至東都一千二百二十五里
西至鄧州三百二十里

南至隨州三百六十里
東至蔡州二百四十里

東南至申州二百六十里
東北至許州二百七十里

西南至襄州三百五十里
北至汝州葉縣一百八十里白葉取龍興路至汝州

一百八十里

貢賦開元貢
元和貢絹十疋布

元和郡縣志

卷二十一

十二

管縣七 比陽 慈丘 桐栢 平氏 湖陽

方城 泌陽

比陽縣上郭下本漢舊縣屬南陽郡比水所出故曰比陽後

魏屬江夏郡隋屬淮安郡貞觀改屬唐州

顯望崗在縣西北六十里

比水南去縣二里後漢代祖破甄阜梁丘賜於比水斬之

即此水也

舞陰故城在縣西北六十五里漢縣屬南陽郡曹公與張

繡戰引還舞陰即此城也

慈丘縣上南至本漢比陽縣之地後魏孝文於此置

江夏縣并置江夏郡領之開皇三年廢郡縣屬淮州十八年改名慈丘取慈丘山爲名

慈丘山在縣西五十里

比水出縣東南大湖山

桐柏縣

中 西北至州一百二十里

漢平氏縣之東界也梁於此置義

鄉縣開皇十八年改爲桐柏山爲名也

桐柏山在縣西南九十里禹貢曰導淮自桐柏出紫草天木山俗名天目山在縣東北五十五里祖逖爲豫州刺史藏家口於木木山即此山也山上有池時人號爲天目

淮水出縣南桐柏山一名大復山

元和郡縣志

卷二十一

十三

淮瀆廟在縣西六十里桐柏山東北

平氏縣

中 東北至州七十里

本漢舊縣屬南陽郡晉屬義陽郡其

後爲北人侵掠縣皆丘墟後魏於平氏故城重置屬淮州

隋改屬淮安郡

醴水出縣東南桐柏山西流經縣北三里與淮同導西流

爲醴東流爲淮

湖陽縣

中 東北至州一百六十里

古蓼國也左傳曰鄭人將與隋絞

州蓼伐楚注曰今義陽東湖陽縣是也地理志曰蓼國咎繇後爲楚所滅後魏孝莊帝於此立湖州貞觀元年廢以

湖陽屬唐州

方城縣

上東南至州一百六十里

本漢堵

音者

陽地也屬南陽郡在堵

水之陽故名後漢朱祐為堵陽侯梁於此署堵陽郡隋改

置方城縣取方城山為名也屬滎陽郡貞觀改屬唐州

方城山在縣東北五十里即沮溺耦耕處在左傳屈完對

齊桓公楚國方城以為城漢水以為池是也

堵水西去縣三十五里

泌陽縣

中東至州一百里

本漢棘陽縣地後魏於此置襄城郡領

襄城上馬二縣貞觀元年廢入湖陽縣開元十三年刺史

白知節奏復置天寶元年改為泌陽

隨州

漢東

開元戶一萬三千二百一十六和戶一萬二千七百一十六

鄉二十七

元和郡縣志

卷二十一

十四

本春秋時隨國與周同姓左傳曰漢東之國隨為大注曰

今義陽隨縣也其後為楚所滅為南陽郡地漢立為隨縣

屬南陽郡晉太康九年分義陽置隨郡自宋已還多以封

建子弟為王後魏文帝大統十六年改隨州後遂因之

州境

東三百七十里南三百七十八里

八到

西北至上都一千四百三里西北至東都一千一百六十五里

西至

襄州三百五十里東南至安州一百五十里

西南至

郢州三百九十里東北至申州二百四十里

西至

唐州三百六十里

貢賦

開元貢元和貢

羅綾

賦

絹布綿

管縣四 隨縣 光化 棗陽 唐城

隨縣上 本漢舊縣屬南陽郡即隨國城也歷代不改厲山亦名烈山在縣北百里禮記曰厲山氏炎帝也起於厲山故曰厲山氏

斷地丘在縣北二十五里即隨侯採斷地處

澁水在縣西四十里左傳曰楚武王伐隨莫敖屈重除道梁澁

平林故城在縣東北八十八里王莽未闕東起兵陳牧廖堪起兵號平林兵

季梁廟在縣南門外道西三十二步

元和郡縣志

卷二十一

十五

光化縣

下 西北至 州三十四里

本漢隨縣地南齊武帝分其地立安

化縣屬隨郡後魏文帝改爲新化縣廢帝改爲光化縣耳

棗陽縣

上 東西至 州二百里

本漢蔡陽地屬南陽郡後漢分蔡陽

立襄鄉縣周改爲廣昌隋仁壽元年改爲棗陽縣因棗陽村爲名也

春陵故城在縣東南三十五里漢景帝子長沙王發子春

陵節侯之邑也代祖即位幸春陵復其徭役改曰春陵

後漢代祖宅在縣東南三十里宅南三里有白水東京賦

所謂龍飛白水也

代祖父南頓君陵縣東二十七里

唐城縣州上 東南至一百五里本漢隨縣地梁於此置下澁戍後沒

魏改為下澁鎮開皇三年改鎮為唐城縣大業二年廢開

元二十四年採訪使宋鼎奏置

唐城山在縣北三十二里

均州 武當 開元戶九千八百五十九 鄉二十
下 元和戶八千一百八十二 鄉二十

漢南陽郡武當縣地也因山為名永嘉之亂雍州始平郡

派人出在襄陽者江左因僑立始平郡以領之寄理襄陽

宋孝武帝割武當縣以隸之後魏改始平郡為武當郡開

皇三年罷郡置均州

州境 東西南北

元和郡縣志 **卷二十一** 十六

八到 西北至上都九百里
東北至東都八百八十五里

東至鄧州二百四十里
北至鄧州內鄉縣二百三十里

東南水路至襄州三百六十里
西至金州三百六十里

南至房州二百六十八里

貢賦 開元貢 麝香 山雞皮毛 賦 絹布線麻

管縣三 武當 鄖鄉 豐利

武當縣 上郭下 本漢舊縣屬南陽郡後漢初延岑起兵於此

後遂空廢宋元嘉末移縣理延岑城貞觀十五年於此置

均州

武當山一名參山一名太和山在縣南八十里高二千五

百丈周迴五百里迺陰長生於此得仙

漢水去縣西北四十里水中有洲名滄浪洲則禹貢云又東爲滄浪之水

鹽池在縣東南百里池水四周上生紫氣池左右草木十餘里氣所染著上如雪霜嘗之鹽味土人謂之鹽花

鄖鄉縣上東至州一百一十三里一本漢錫縣古麇國之地也左氏傳

曰楚潘崇伐麇至于錫穴是也漢錫縣屬漢中郡晉武帝改錫縣爲鄖鄉縣隋初屬均州後隸房州貞觀又改屬均州西山今名寶蓋山在縣西南三里其山南臨漢水

漢水西自豐利縣界流入南去縣三里東有澇灘冬即水元和郡縣志卷二十一 十七

淺而下多大石又東爲淨灘夏水急迅行旅苦之歌曰冬澇夏淨斷官使命

豐利縣上東至州二百四十里二本漢長利縣之地也理在長利州

故以爲名宋於此僑置南上洛郡屬梁州後魏文帝改南上洛郡爲豐利郡又立豐利縣隋以豐利縣屬金州貞觀八年改屬均州

錫義山一名天心山在縣東北六十五里山方圓百里形如城四面有門相傳以爲靈仙所居

漢水南去縣二十里

房州房陵開元戶一萬四千四百三十一鄉三十四
元和戶四千四百

禹貢梁州之域古麇國之地左傳曰楚子伐麇成大心敗麇師於防渚闕駟以為防陵即春秋時防渚之得名蓋自此也戰國時屬楚秦為漢中郡地漢立房陵縣屬漢中郡後漢未立為房陵郡建安三十四年蜀先主遣宜都太守孟達征房陵殺太守申耽魏文帝時孟達降魏魏改房陵郡為新城郡後達叛魏降蜀司馬宣王擊殺之侯景之亂地入後魏至周武帝改為遷州貞觀十年廢遷州自竹山縣移房州於廢遷州解即今州理是也

州境

東西五百二十三里
南北三百六十九里

八到

西北至上都一千六百六十八里
東北至東都一千一百五十五里

元和郡縣志

卷二十一

十八

東至襄州四百二十里
正西徽北金州五百四十里
水路五百八十四里

南至歸州山路五百里
北至均州二百六十八里

貢賦

元和貢

麝香

蠟

鐘乳

竹五箇

賦麻布

管縣四

房陵

永清

竹山

上庸

房陵縣

郭上

本漢舊縣屬漢中郡後漢改防為房後魏以

為光遷縣貞觀十年後改為房陵

房山在縣西南四十三里其山西南有石室似房因以為名

建鼓山在縣南百一十三里與馬駿山連接二山並高峻

冬夏積雪

筑水出縣西北葦山經縣北二里魏遣夏侯泉與張郃下巴西集軍宕渠劉備屯軍筑口即此水也

趙王遷墓在縣北九里秦使王翦滅趙徒趙王遷於房陵

永清縣中下西至州一百一十里本房陵縣地後魏廢帝分房陵東

景置大洪縣地周武帝改爲永清縣屬遷州隋改屬房陵

郡

沮水出縣西南景山東南入于漢江左傳曰江漢沮漳楚之望也

筑水經縣三里

大江故縣城在縣東六里

元和郡縣志

卷二十一

十九

竹山縣中下東至州一百四十八里本漢上庸縣古庸國也昔武王伐

紂庸人往焉故牧誓云及庸蜀羌髳微盧彭濮人注云庸

濮在江漢之南左傳曰庸率群蠻以叛楚使盧戢黎侵庸

後遂滅之至漢初立上庸縣屬漢中郡後漢於縣立上庸

郡後魏改置竹山縣因黃竹嶺以爲名也

方城山在縣東南三十里頂上平坦四面險固山南有城

周十餘里

白馬塞山在縣西南三十五里初孟達爲新城太守登此

山而歎曰劉封申耽據金城千里而不能守豈丈夫也

黃竹山在縣北百里山上竹色皆黃因以爲名

上庸縣

中下東至州
二百五十里

本漢上庸縣地也按漢上庸縣今

竹山縣理是也蕭齊武帝分上庸縣地於此立新豐縣屬

上庸郡後魏改爲孔陽縣因界內孔陽水爲名開皇三年

罷孔陽縣仍移上庸縣理於廢孔陽縣理屬羅州貞觀十

年改屬房州

長蘿山在縣北四里

孔陽水在縣西五十步

元和郡縣圖志卷第二十一

元和郡縣志

卷二十一

二十



元和郡縣圖志卷第二十二

山南道三

興元府

漢中

開元戶
元和戶

鄉

今為山南西道節度使

管州十七

興元府

洋州

利州

鳳州

興州

成州

文州

扶州

集州

自集州下
分入下卷

壁州

巴州

蓬州

通州

開州

閬州

果州

管縣八十八

禹貢華陽黑水惟梁州舜十二牧梁其一也春秋時及戰

元和郡縣志

卷二十二

一

國並屬楚楚懷王時秦惠文王取漢中地六百里以為漢
中郡秦二年項羽封高祖為漢王高祖欲攻羽蕭何曰語
曰天漢其稱甚美遂從之後漢末張魯據漢中改漢中為
漢寧郡曹公討平之復為漢中郡蜀先主破魏將夏侯妙
才遂有其地為重鎮魏延蔣琬姜維相繼屯守其後鍾會
既尅蜀又置梁州晉末李時據蜀漢中又為所有桓溫討
平之譙縱時又失漢中縱滅又歸舊理自漢宋已還多理
南鄭開皇三年罷郡所領郡縣並屬梁州大業三年罷州
為漢川郡武德元年又改為襄州二十年又為梁州興元
元年因德宗遷幸改為興元府按漢中當巴蜀捍蔽故先



主初得漢中謂人曰曹公雖來無能為也及蕭齊明帝時
後魏大將元英率兵十萬通斜谷圍南鄭刺史蕭懿拒守
百餘日不拔而退

州境東西三百九十九里
南北四百四十七里

八到東北至上都七百六十里
東北至東都一千六十二里
西南至利州四百九十里
西取巴嶺路至集州二

百八十里
北取太白山路至鳳翔府六百里

西取斜谷路至鳳州三百八十里
正西微北至興州二百五十里

東至今洋州一百二十里

貢賦開元貢 麻布絲綿絹

管縣六 南鄭 褒城 金牛 三泉 城固

元和郡縣志 卷二十二

二

西縣

南鄭縣次赤十
四郭下本漢舊縣屬漢中郡幽王為犬戎所滅鄭

桓公死之鄭人南奔居此故曰南鄭高祖都之蜀後主以

魏延為南鄭侯後魏改為光義縣開皇元年又為南鄭

巴嶺在縣南一百九里東傍臨漢江與三峽相接山南即

古巴國

漢水經縣去縣一百步禹貢曰嶠冢導漾東流為漢裴秀

云漢氏釋淮水改秩漢水為四瀆以其國所氏

褒城縣十四東至府
三十三里本漢褒中縣屬漢中郡都尉理之故

古褒國也當斜大路晉義熙末朱齡石平蜀梁州刺史理

此仍改包中縣魏又於此置襄中郡開皇元年以避廟諱
改爲襄內縣仁壽元年改爲襄城

襄水源出縣西衙嶺川斜水與襄水同源而派分

襄水東流入于

漢中郡襄城縣斜水北流入渭經武縣及鳳翔扶風三縣者也漢孝武時人欲通褒斜道

及漕事下御史大夫張湯湯問其事因言抵蜀從故道多
坂回遠今開褒水至斜間百餘里以車轉從斜下渭如此
漢中之穀可致山東從沔無限便於砭桂之漕且褒斜林
木竹箭之饒擬於巴蜀天子然之拜湯子卬爲漢中守發
數萬人作褒斜道五百里道果便近而水多湍石不可漕
遂止

元和郡縣志

卷二十二

三

褒谷山在縣北五里南口爲褒北口爲斜長四百七十里
褒國在縣東二百步褒如之所出也

甘亭關在縣北九里今爲戍

褒斜道一名石牛道張良令漢王燒絕棧道示無還心即
此道也諸葛亮與兄瑾書曰前趙子龍退軍燒壞赤崖以
北閣道緣谷百餘里其閣梁一頭入山腹立柱於水今水
大而急不可安柱不可強也

金牛縣

四

東至州一百八十里

本漢葭萌縣地東晉孝武分置綿

谷縣武德二年分綿谷縣通谷鎮置金牛縣取秦五丁
力士石牛出金爲名

嶠冢山縣東二十八里漢水所出

嘉陵江經縣西去縣三十里

故關城俗名張魯城在縣西三十八里

三泉縣二 東北至府二百里五十里本漢葭萌縣地屬蜀先主改為

漢壽縣武德四年置南安州又置三泉縣八年州廢以縣

屬梁州

城固縣二 西至州七本漢舊縣有鐵官屬漢中郡開皇

三年改屬梁州武德二年改屬唐固縣貞觀二年復舊

通關山在縣東北九里漢高祖北定三秦蕭何守漢中欲

修此道通關中故名通關山

元和郡縣志

卷二十二

四

漢水南去縣二里

黑水出縣西北太山南流入漢諸葛亮牋曰朝發南鄭暮

宿黑水

城固故城在縣東六里韓信所築晉平譙縱後梁州刺史

嘗理於此也

西縣十 西至府一百里本漢沔陽縣地後魏分置嶠冢犬業二

年改為西縣

百牢縣在縣西南三十步隋置白馬關後以黎陽有白馬

關改名百牢關自京師趣劔南達淮左皆由此也八陣圖

在縣東南十里諸葛亮壘門石為圖

諸葛亮墓在縣東南八里亮卒遺命葬漢中定軍山貞觀

十一年勅禁採樵定軍山在縣東六十里

洋州 洋川 開元戶一萬八千八百八十九 鄉四十八 雄 元和戶二千八百九十六 鄉五十二

本漢秦中郡城固縣地先主分城固立南鄉縣為蜀重鎮

晉改為西鄉縣後魏梁州刺史夏侯道遷以梁州內屬正

始中廢西鄉縣仍於豐寧戍置豐寧郡廢帝於此署洋州

因洋水為名大業二年廢洋州置洋川鎮武德元年復於

西鄉立洋州

州境 東西二百九十二里 南北六百六十里

八到 東北至上都六百四十里 東北至東都一千四百九十里

元和郡縣志

卷二十二

五

東至金州五百里 西至興元府一百二十里

南至壁州西路五百六十里 北至京兆府藍屋縣五百里

貢賦 開元貢 白交樓 大麻布 野紵布

管縣五 興道 黃金 洋源 西鄉 真符

興道縣 縣 郭下 本漢城固縣地後魏宣帝分置興道縣

理在興勢山上以為名武德元年置洋州以縣屬焉貞觀

二十三年改為興道縣

興勢山在縣北二十里蜀先主遣諸葛亮出駱谷戍興勢

山置烽火樓處處通照即此山按三國時蜀以漢中建安

末破魏將夏侯妙才後遂有漢川以魏延鎮守其後蔣琬

姜維相繼鎮於此即今郡也 興勢後主延熙七年將軍
王平守之魏將曹爽等攻不尅即今興道縣也 白帝先
主章武元年屯之遂爲重鎮後主建興十七年吳將全琮
來攻不得即今雲安郡也右並爲重鎮

漢水經縣去縣一百步

儻谷一名駱谷在縣北三十里後主延熙二十年諸葛誕
反於淮南分關中兵東下姜維欲乘虛向秦川率數萬人
出駱谷聞誕已破乃還按駱谷在長安西南南口曰儻谷
北口曰駱谷谷中多反鼻地青攢地音一名焦尾地常登
竹木上能十數步攢人入中此地者即須斷肌去毒不然
元和郡縣志

卷二十二

六

立死

駱水在縣城西一里

黃金縣

中 西南至州一
西 百三十里

本漢安陽縣地屬漢中郡後魏

文帝於此分置黃金縣因黃金水爲名黃水出縣西北百
畝山黃金谷南流入經縣西去縣九里其谷水陸艱險語
曰山水艱阻黃金子午魏遣曹爽由駱谷伐蜀蜀將王平
拒之於興勢張旗幟至黃金谷謂此山也

故鐵城在縣西北八十里城在山上言其險峻故以鐵爲
名昔氐帥揚難當寇漢川令魏興太守薩健據黃金戍姜
寶鐵城宋遣梁州刺史蕭思話攻拔之驛即子午道也舊

道在今金州安康縣界梁將軍王神念以舊子午道緣山避水橋梁百數多有毀壞乃別開乾路更名子午道即此路是也

洋源縣 中 西北至州一百二十里 本漢晉西鄉縣武德七年析置

洋源縣因洋水以為名洋水在縣南三百步

西鄉縣 上 西北至州一百里 本漢城固縣地蜀先主置南鄉

晉武帝改為西鄉縣武德元年置洋州州理在西鄉後移

理興道縣

洋水東去縣八里

貞符縣 中 南至州六十里 開元十八年置初名葦陽縣天寶三

元和郡縣志

卷二十二

七

年廢八年王鉞奏開清水谷路復奏置其年鑿山得玉冊

因改名貞符縣隸京兆府十一年以路遠改屬洋州

利州 益昌 開元戶一萬一千八百八十一 鄉三十二 下府 元和戶二千四百四十四 鄉二十七

本秦蜀郡地漢分巴蜀置廣漢郡按今州即廣漢郡之葭

萌縣地也蜀先主改葭萌為漢壽縣屬梓潼郡晉改漢壽

為晉壽梁天監以竺涪為太守隋夏侯道遷入後魏改立

西益州梁大通六年又尅之始通劍路改西益州為黎州

武陵王蕭紀僭號於蜀以席嶷為黎州刺史嶷反州屬魏

復改黎州為西益州三年改西益州為利州大業三年改

為義城郡武德元年又改為利州 州城西臨嘉陵江周

宣帝大象二年以豆盧勳爲利州總管至任未幾而王謙據之益州叛遣益州刺史達奚堪馬步十萬來攻利州於子城南北起土山城內之人負戶汲援軍既至堪等敗走今大城內東西南北有大池是達奚堪取土處也

州境 東西三百三十里 南北二百五十里

八到 東至上都一千二百五十里 東北至東都一千一百一十里 東北至興元府四百九十里 東至集州三百里

西至龍州四百里 西北至文州四百九十里

貢賦 開元貢 乾天門冬 金燭燭絲布 賦布 元和貢 芎藭 麝香

管縣五 綿谷 益昌 葭萌 涪山 景谷

元和郡縣志 卷二十二 八

綿谷縣 上九 郭下 本漢葭萌縣地東晉孝武分晉壽縣置興安

縣開皇十八年改爲綿谷縣因縣東南綿谷爲名龍門山

在縣東北八十二里出好鍾乳

穿山一名胡頭山出好鐵舊置鐵官又有山空羆伏於空

處皮可爲甲刀箭所不能入

西漢水一名嘉陵水經縣西去縣一里

潛水出縣東北龍門山書曰沱潛既道是也

益昌縣 中下 東北至州 四十五里 本漢葭萌縣地晉改置晉壽縣

周改爲益昌縣屬闕郡隋改屬利州

晉壽故城在縣東南五十里本漢葭萌縣也按蜀先主自

葭萌取成都留中郎將霍峻守葭萌城張魯遣使誘之峻曰小人頭可得城不可得也

小劔故城在縣西南五十一里小劔城去大劔戍四十里連山絕嶮飛閣道通衢故謂之劔閣道自縣西南踰小山入大劔口即秦使張儀司馬錯伐蜀所由路也亦謂之石牛道又有古道自縣東南經益昌戍又東南入劔州晉安縣界即鍾會伐蜀之路也

葭萌縣上 北至州一百一十五里 本漢葭萌縣地東晉於今縣南

置晉安縣隋改爲葭萌縣取漢舊縣名也

嘉陵江在縣城南

元和郡縣志

卷二十二

九

涪山縣中下 西北至州二百一十五里

本漢葭萌縣地後魏於今縣西南十五里置義城縣義寧二年改名義清縣天寶元年改爲涪山以縣北三十里有可涪山爲名

縣城置玄白崖山上武德四年築義清縣治焉唯三面有城皆臨絕嶮南面因嶮不更築城

景谷縣中下 西南至州六十六里 本漢白水縣地屬廣漢郡宋元

嘉十七年玄人楊難當自稱大秦王進軍尅葭萌獲晉壽

太守申坦因分白水置平興縣屬之沙州開皇十八年改

爲景谷縣因縣北景谷爲名大業二年廢沙州縣屬利州

縣城太平興城揚難當所築削山爲城城三角中有一井

傳豎眼所穿

木馬山在縣西南二十五里諸葛亮之出祈山也作木牛
流馬以供運於此造作因以名之

白水一名羌水經縣西一里

石門關在縣南十八里因山爲阻昔諸葛亮鑿石爲門因
名之

鳳州

河池

開元戶四千一百二
元和戶三百五十八

鄉二十二
鄉十二

禹貢梁州之域戰國時爲秦地秦并天下爲隴西郡地漢
高帝分隴西郡置廣漢郡武帝分廣漢西郡置武都郡領
縣九其屬有故道河池二縣今州即二縣之地也三國時
元和郡縣志

卷二十二

十

屬魏明帝大和三年其地沒蜀魏平蜀後復爲雍州之地
其地本氐羌所居後漢獻帝建安中有楊騰者爲部落大
帥騰子駒勇健多計略始徙居仇池至宋武帝封揚盛爲
武都王其子玄及難當亦相繼爲王文帝元嘉十八年難
當傾國南寇規有蜀土後魏太平貞君二年拓定仇池其
年於此城立鎮太和元年置固道郡孝昌中以固道郡置
南岐州廢帝三年改南岐州爲鳳州因州境有鸞鷲山爲
名按成州同谷縣本是鳳州西界縣南有鳳凰山因爲名
州名大業三年改爲河池郡武德元年復爲鳳州

州境

東西四百八十里
南北三百七十六里

八到東北至上都六百里
東北至東都一千四百六十里

東北至鳳翔府三百八十里
東北至興元府三百八十里

東至興州三百三十里
北至隴州四百二十里

貢賦開元貢蠟一百斤 賦布麻
元和貢蜜蠟土布

管縣四今 梁泉 兩當 河池

黃花武德元年祈梁泉
署寶應元年省

梁泉縣中下 郭下 開元戶一千八百一十八 鄉五

本漢故道縣地後魏太和元年於此置梁泉縣取縣西梁泉為名屬故道郡開皇三年罷郡縣屬鳳州皇朝因之

三松山在縣南五里

元和郡縣志 卷二十二 十一

故道水出陳倉縣之大散嶺西南流入故道川今州理即故道川也

迴車戍在縣南北六十里梁太清五年西魏遣雍州刺史達奚武為大都督及行臺楊寬率衆七萬曰陳倉路取迴車戍入斜谷關出白馬道謂此也

兩當縣中 東至州 開元戶一千六十六 鄉三
下 五十里 元和戶

本漢故道縣地屬武都郡漢高帝引兵從故道出襲雍謂此也永嘉之後地沒氐羌縣名絕矣後魏變文為固於此置固道郡領兩當廣鄉二縣因縣界兩當水為名或云縣西界有兩山相當因取為名開皇罷郡縣屬鳳州皇朝因

之

獄鳥鷺山在縣西二十里

尚婆水今名石磐水水多盤石因以為名俗語音訛故云尚婆川中有鳥群飛二月從北向南八月從南還北音如簫管俗云伎兒鳥春來則種米秋去則種麥人常以為農候

河池縣中 東至州一百 開元戶九百六十五 鄉二
下 七十里 元和戶

本漢舊縣屬武都郡河池一名仇池按仇池山本名仇維山上有池似覆壺有瀑布其縣因山為名山在成州界去縣稍遠今縣所處謂之河池川故取以名永嘉之後沒於元和郡縣志
氏羌縣名絕矣後魏於此置廣化郡廣化縣隋開皇三年罷郡縣屬鳳州仁壽元年改為河池縣復漢舊名皇朝因之

卷二十二

固道水經縣城西去城三十步
河池戍在縣城中

羈靺堆在縣東北四十三里後魏討仇池於此大破吳軍築為京觀俗號其地為羈靺堆

興州 順政 開元戶二千四十五 鄉八
下 元和戶二百四十五 鄉九

禹貢梁州之域戰國時為白馬氏之東境秦并天下屬蜀郡漢武帝元鼎六年以白馬氏置武都郡今州即漢武都

郡之沮縣也晉永嘉末氐人楊筏搜自號氐王據武都自後郡縣荒廢而筏搜子孫承嗣為氐王其後楊難當又據下辨自稱大秦王難當弟伯宜為苒盧王伯宜孫鼠分王武興按武興即今州理是也楊鼠既王武興又得武都河池二縣之地鼠子集始稱藩于魏後謀叛魏魏遂廢武興為藩鎮其年改鎮為東益州廢帝二年改東益州為興州因武興郡為名大業二年罷州為順政郡武德元年復置興州按州城即古武興城也初蜀以其處當衝要遣蔣舒為武興督守之及鍾會伐蜀舒遂降會即其處也城雖在平地甚牢實周迴五百許步唯開西北一門外有壘三面

元和郡縣志

卷二十二

十三

周匝

州境

東西北一百八十六里
南西北一百九十里

入到

東北至上都九百五十里
東北至東都一千八百十里

東南至興元府二百五十里
西至武州三百五十里

北至鳳州三百五十里
南沿流至興元府三泉縣百五十里

貢賦

開元貢

蠟六十斤

硃砂

賦布

管縣三

順政

長舉

鳴水

順政縣

中下郭下

開元戶一千一百八十八

鄉四

本漢沮縣地後魏廢帝分置漢曲縣屬順政郡開皇三年罷郡以漢曲縣屬興州十八年改為順政縣皇朝因之

武興山在縣北百里多漆及黃蘗

嘉陵水經縣南去縣百步

沮水出縣東北八十二里以其初出沮洳然故名沮水亦此為名

興城關在縣南五里

大城戍在縣東南四十九里

楊君神祠在縣西南二里嘉陵水南山上即楊難當神也

土人祠之

長舉縣

中

南至州一百里

開元戶四百三十

鄉二

本漢沮縣地後魏於此分置長舉縣屬槃頭郡周武帝廢

元和郡縣志

卷二十二

十四

槃頭郡縣改屬落叢開皇三年罷郡縣屬興州皇朝因之

接溪山在縣西北五十三里出硃砂百姓採之

青泥嶺在縣西北五十三里接溪山東即今通路也懸崖

萬仞上多雲雨行者屢逢泥淖故號為青泥嶺

嘉陵水去縣南十里

槃頭故城在縣南三里因水盤屈為名也

鳴水縣

中

東至州一百一十里

開元戶四百二十七

鄉二

本漢沮縣地也後魏宣武於此置落叢郡因落叢山為名

又置鳴水縣因谷為名開皇三年罷郡縣屬興州皇朝因

之

厨山在縣南三里極崇峻幽深多木蜜百姓資其利落叢
山縣西北十里出鐵

成州

同谷下 開元戶四千九百五

禹貢梁州之域古西戎地也後爲白馬氏國西南夷自冉
驪已來什數白馬以最大有山曰仇池地方百頃其地嶮
固白馬氏據焉秦逐西羌置隴西郡秦末氐羌又侵據之
元鼎六年平西南夷置武都郡今州界二郡之地晉宋間
氐帥楊定揚難當竊據仇池自稱大秦王宋遣將軍裴方
明討平之後魏於此置仇池鎮理百頃峯上後又改爲郡
梁改爲秦州齊廢帝改爲成州大業三年改成州爲漢陽
元和郡縣志

卷二十二

十五

郡武德元年復爲成州本屬隴右道貞元五年節度使嚴
震奏割屬山南道今於同谷縣西界泥公山上權置行成
州

州境

東西三百九十三里
南北三百九十四里

八到

東至上都一千里
東至東都一千八百六十里

東至鳳州四百五十里
東南取長恭縣至容州州五百四十里
南至武州三百八十里
東北至秦州一百八十里

貢賦

開元貢 蠟燭 鹿茸 防葵 狼毒 蠟

管縣三 上祿 同谷 長道

上祿縣

中郭下 本漢舊縣屬武都郡後魏改爲階陵縣周武

帝改爲倉泉縣開皇三年罷郡縣屬成州大業三年改爲上祿縣

仇池山在縣南八十里壁立百仞有自然樓櫓却敵分置均調有如人功上有數萬人家一人守道萬夫莫向其地良沃有土可以煮鹽揚氏故累世據焉

鷄頭山在縣東北二十里後漢將來歎從山道襲得略陽隗囂出其不意便將王孟將兵塞雞頭道即此也州城即楊難當所築也

同谷縣中西北至州一百八十里本漢下辨道也屬武都郡故氏

馬王國魏宣帝於此置廣業郡并白馬石縣恭帝改白石元和郡縣志

卷二十二

十六

爲同谷縣開皇三年罷郡以縣屬康州大業屬鳳州貞觀元年屬成州

仙掌山在縣南五里

下辨水一名甘泉縣東北七十里

長道縣下南至州五十里本漢上祿縣地後魏之天水郡也廢

帝改爲長道縣又立漢陽縣屬焉開皇三年罷郡縣屬成州十八年改漢陽縣爲長道

析山在縣東十里蜀後主建興六年諸葛亮率軍攻析山即此是也

漢水經其南有諸葛亮壘壘之左右猶有豐草蓋亮之所

植也

西漢水東北自秦州上封縣界流入

鹽井在縣東三十里水與岸齊鹽極甘美食之破氣鹽官故城在縣東三十里在嵯冢西四十里相承營煮味與海鹽同

鄭公營在縣西南三里武德元年行軍元帥鄭國公竇軌討薛舉餘黨營軍於此是也

文州陰平貞觀中屬隴右道

開元戶一千七百六十九 鄉九 元和戶二百一十八

禹貢梁州之域戰國時氐羌據焉漢開西南夷置陰平道

元和郡縣志

卷二十二

十七

凡邑有蠻夷曰道以統兵衆屬廣漢郡永平之後羌虜數反遂置

爲郡後入於蜀屬雍州永嘉末太守王鑒以郡降李雄自後氏羌據之不爲正朔所班故江右諸志並不錄也至魏

平蜀始於此置文州理陰平郡隋大業二年罷州縣屬武

都武隋末又陷寇賊武德元年隴蜀平復爲文州大曆十

四年間西戎犯邊境刺史拔城南走建中三年以舊城在

平地窄小難守遂移於故城東四里高原上即今州理是

也

州境東西一百八十八里 南北二百四十里

八到東北至上都一千四百五十里 東北至東都二千三百一十里

東南至利州四百九十里
西至扶州一百六十里

東取山路至龍州三百六十里
北至武州二百五十里

貢賦 開元貢 麝香 蠟燭

管縣二 曲水 長松

曲水縣中下郭下本漢之陰平道也屬廣漢郡晉為陰平縣屬

陰平郡永嘉末地陷李雄縣遂廢後魏平蜀置曲水縣屬

陰平郡開皇三年罷郡縣屬文州皇朝因之

太白山在縣南二百五十三里其山巖谷高深常多霜雪

春夏不消俗因名焉

太白泉一名羌水經縣北去縣一里

元和郡縣志

卷二十二

十八

鄧艾故城在縣東七里魏景元四年鄧艾伐蜀上言今賊

既摧折宜遂乘之從陰平由斜徑經漢德陽亭出劔閣西

百里去成都三百餘里奇兵衝其腹心破之必矣遂自陰

平道伐蜀蓋此時所築城也

姜維故城在縣東七里後主令維於此築城與鄧艾相守

長松縣 中下 西南至州 七十里 開元戶四百九十四 鄉三 元和戶

後魏之建昌縣也屬盧北郡開皇十八年改為長松縣屬

文州大業三年罷州縣屬武都郡武德元年復改屬文州

天魏山在縣北三十一里

盧北故城在縣東五十二里因葭蘆鎮為名也

扶州

同昌下

貞觀中屬隴右道

開元戶二千一百九十五鄉十四

元和戶

禹貢梁州之域古西戎之地自秦漢迄魏晉屬蕃夷無所建置後魏討定陰平鄧至羌立為寧州分置昌寧帖夷等郡後改為鄧州因鄧至羌為名也開皇七年改為扶州大業三年改為同昌郡武德元年重置扶州

州境東西三百九十里南北四百一十九里

八到東北至上都一千六百里東北至東都二千四百六十里

東北文州一百六十里西南至松州驛路三百三十里

東南至龍州六百里西北至故芳州三百里

元和郡縣志

卷二十二

十九

北至宏州四百里

貢賦開元貢麝香當歸芎藭

管縣四 同昌 帖夷 鉗川 尚安

同昌縣中下郭下開元戶六百一十九鄉四元和戶

本漢後魏之舊縣也廢帝前元年置屬昌寧郡開皇初改屬鄧州後屬扶州皇朝因之

鄧至山在縣東二十五里

白水經縣西至縣百步

鄧至故城在縣南三里

帖夷縣中下西至州開元戶五百六十六鄉四下西至州一百里元和戶

本後魏廢帝元年置屬帖夷郡開皇三年屬鄧州七年改屬扶州皇朝因之

白水經縣南去縣百步

安昌故城在縣東北三十二里後魏廢帝遣寧同宇文祖

平彌陰平鄧至二蕃立寧州修築故城

鉗川縣中東至州一百三十里開元戶四百一十八鄉三

後魏廢帝二年置因山為名屬尚安郡開皇三年屬鄧州

七年改屬扶州皇朝因之

羅夷山在縣東南五十八里

白水經縣南去二十八里

元和郡縣志

卷二十二

鉗川神祠去縣西北十里水旱人所請焉

尚安縣中下東南至州一百一十里開元戶四百一十九鄉三

後魏恭帝後三年置屬武進郡開皇三年屬鄧州七年改

屬扶州皇朝因之

素嶺山在縣西北百六十八里

黑水源出素嶺山經縣三十步

元和郡縣圖志卷二十二

元和郡縣志

卷二十三

原本缺

元和郡縣志

卷二十四 原本缺

元和郡縣圖志卷第二十五

江南道一

浙西觀察使

潤州

丹陽

開元戶九萬一千六百三十五
元和戶五萬五千四百

鄉一百八十二
墾田六千七百二

十七頃

今為浙西觀察理所

管州六

潤州

常州

蘇州

杭州

湖州

睦州

縣三十七

都管戶三十一萬三千七百七十二
墾田五萬七千九百三十二頃

本春秋吳之朱方邑始皇改為丹陽漢初為荊國劉賈所封後漢獻帝建安十四年孫權自吳理丹徒號曰京城今

元和郡縣志

卷二十五

一

州是也十六年遷都建業於此為京口鎮按州理或古名京城說者以為荆王劉賈嘗都之或言孫權居之故名京城今按荆字既不同又孫權未稱尊號已名為京則兩說皆非也按京者人力所為絕高丘也亦云非人力所為者人力所為者若公孫瓚所築易京是也非人力所為者崇陽京索是也今地名徐陵即此京非人力所為也京上郡城城前浦口即是京口吳志曰漢獻帝興平二年長沙桓王孫策創業江東使將軍孫何領兵屯京地是也吳志又云魏將臧霸以輕船五百敢死萬人襲徐陵攻燒城塹即吳時或稱京城或稱徐陵或稱丹徒其實一也晉永嘉亂

後幽冀青并兗五州流人過江者多僑居此州吳晉以後皆為重鎮晉咸和中郗鑒自廣陵鎮於此為僑徐州所理昇平二年徐州刺史北鎮下邳京口常有留局後徐州寄理建業又為南兗州後又為南徐州隋開皇九年賀若弼自廣陵來襲陷之遂滅陳廢南徐州改為延陵鎮十五年罷鎮置州東城東有潤浦口因以名隋氏喪亂杜仗威竊據其地武德三年仗威歸化六年輔公祐叛復據其地七年平公祐依前置州其城吳初築也晉王恭為刺史改創西南樓名萬歲樓西北樓名芙蓉樓

州境 東西三百八里
東北一百九十里

元和郡縣志

卷二十五

二

八到

西北至上都二千六百七十里
西北至東都一千八百一十里
東南至常州一百七十里
北渡江至揚州七十里

正北微西至宣州四百里

貢賦

開元貢 雜藥 紋綾 賦絲 紵布自貞元已後
觀察使王偉李錡相繼兼領鹽鐵使務其進奉與楊
蓋相比元和已
後稍革之

管縣六 丹徒 丹陽 金壇 延陵 上元 句容

丹徒縣

望郭下

本朱萬地後名谷陽春秋魯襄二十八年齊

慶封奔吳吳與之朱方聚族而居之富於其舊後楚靈王

使屈申圍慶封於朱方尅之盡滅其族即此地初秦以其

地有王氣始皇遣赭衣徒三千人鑿破長隴故名丹徒

北固山在縣北一里下臨長江其勢險固因以爲名蔡謨謝安作鎮並於山上作府庫儲軍實宋高祖云作鎮作固誠有其緒然北望海口實爲壯觀以理而推固宜爲願江今濶一十八里春秋朔望有奔濤魏文帝東征孫氏臨江歎曰固天所以限南北也

蒜山在縣西九里山臨江壁絕安帝時海賊孫恩至丹徒戰卒十萬率衆登山鼓譟動地引陣南出欲向京城時宋武帝衆無一旅率所領橫擊大破之山多澤蒜因以爲名互父山在縣西北十里晉破符堅獲互賊置此山下因以爲名今土俗亦謂之金山

元和郡縣志

卷二十五

三

獸窟山一名招隱山在縣西南九里即隱士戴顓之所居也

東浦亦謂之潤浦在縣東二里北流入江隋置潤州取此浦爲名也

永興寧陵在縣東南三十五里宋武帝追尊曰孝皇帝諱

翹初仕郡爲功曹

丹陽縣

望西北去州六十四里

本舊雲陽縣秦時望氣者云有王氣

故鑿之以敗其勢截其直道使之阿曲故曰曲阿武德五年曾於縣置簡州八年廢天寶元年改爲丹陽縣

劉繇城在縣西南二百四十步漢末繇爲揚州刺史揚州

舊理壽春是時已爲袁術所據故繇來建城號令江南衆數萬人後孫策東畧繇奔豫章

慶亭壘在縣東四十七里本蘇峻將管商攻畧晉陵郗道微以此地東據要路北當武進故遣督護李閎築此拒之今置埭

故湖在縣北百二十步周迴四十里晉時陳敏爲亂據有江東務修耕績令弟諧遏馬林溪以溉雲陽亦謂之練塘溉田數百頃

新豐湖在縣東北三十里晉帝大興四年晉陵內史張闓所立舊晉陵地廣人稀且少陂渠田多惡穢闓創湖成溉

元和郡縣志

卷二十五

四

灌之利初以勞役免官後追紀其功超爲大司農

南齊宣帝休安陵在縣北二十八里高帝父也追尊爲宣皇帝

高帝道成泰安陵在縣三十一里

武帝頤景安陵在縣東三十二里

景帝道生永安陵在縣東北二十六里明帝父也追尊爲

景皇帝

明帝鸞興安陵在縣東北二十四里

梁文帝順之建陵在縣二十五里武帝父也追尊爲文帝

武帝衍修陵在縣東三十一里貞觀十一年詔令百步禁

樵採

簡文帝網莊陵在縣東二十七里

金壇縣

繫西北去州一百四十里

本漢曲阿縣地隋於此置金山府隋

末亂離鄉人自立爲金山縣武德八年廢垂拱二年又置

縣以婺州有金山改名金壇

延陵縣

繫東至州一百里

晉太康二年分曲阿之延陵鄉置延陵

縣蓋因季子以立名焉又漢地理志季子所居在今毗陵

本名延陵至漢始改然今縣北見有其祠或當采地所及

其地亦曰連陵

茅山在縣西南三十五里三茅得道之所事其仙經不錄

元和郡縣志

卷二十五

五

古神亭在縣西北二十五里初孫策與太史慈過於神亭

卽此地也吳志曰太史慈渡江到曲阿見劉繇會孫策至

繇使慈規輕重獨與一騎卒過於神亭策從騎十二皆韓

當宋謙黃蓋輩也慈便前鬪焉策刺慈馬得慈項上手戟

慈亦得策兜鍪會兩家兵騎來赴遂各解散後策獲慈解

縛捉手曰寧識神亭時耶是時卿得我如何慈曰未可量

也策乃大笑

上元縣

繫東北至州一百八十里

本金陵地秦始皇時望氣者云五百

年後金陵有都邑之氣故始皇東遊以壓之改其地曰秣

陵塹北山以絕其勢及孫權之稱號自謂當之孫盛以爲

始皇逮於孫氏四百三十七載考其曆數猶爲未及晉之渡江乃五百二十六年遂定都焉開皇九年平陳於石頭城置蔣州以江寧縣屬焉武德三年杜仗威歸化改江寧爲歸化縣九年改爲白下縣屬潤州貞觀九年又改白下爲江寧至德二年於縣置江寧郡乾元元年改爲昇州兼置浙西節度使上元二年廢州仍改江寧爲上元縣鍾山在縣西北一十八里按輿地志古金陵山也邑縣之名由此而立吳大帝時蔣子文發神異於此封文爲蔣侯改山曰蔣山宋復名鍾山梁武於西麓置愛敬寺江表上已常遊於此爲衆山之傑

元和郡縣志

卷二十五

六

覆舟山在縣東北十里鍾山西足也形如覆舟故名宋元嘉中改名玄武山以爲樂遊苑初桓玄作亂使卞範之屯覆舟山西衆餘二萬宋高祖帥義師食畢弃其餘糧躬先士卒以擊之範之等一時土崩

牛頭山在縣南四十里山有二峰東西相對名爲雙闕晉氏初過江無闕王導指山鑿兩峯卽此天闕山

方山在縣東南七十里秦鑿金陵以斷其勢方石山堦

居

切是所斷之地也

三山在縣西南五十里晉王濬伐吳宿於牛渚部分明日前至三山卽此也

四望山在縣西北八里晉溫嶠伐蘓峻於四望山築壘以逼賊是也

蔡洲在縣西十二里江中晉盧循作亂戰士十餘萬舟艦數百里連旗而下宋高祖登石頭以望循軍初循引向新亭公顧左右失色旣而迴泊蔡洲公曰此成擒耳俄而循大敗而走

淮水源出縣南華山在丹陽湖屬兩縣界西北淩經秣陵建康二縣之間入于江初王敦搆亂王導憂將覆族使郭璞筮之璞曰淮水絕王氏滅即此淮也

玄武湖在縣北十里周迴二十五里

元和郡縣志

卷二十五

七

婁湖縣東南五里吳張昭所創溉田數十頃周迴七里昭封婁侯故謂之婁湖宋時爲苑

晉故臺城在縣東北五里成帝時蘓峻作亂焚燒宮室都盡溫嶠已下咸議遷都唯王導固爭不許咸和六年使王彬營造七年帝遷于新宮即此城也

揚州故理在縣東百步後漢末又理壽春劉繇爲揚州刺史始移理曲阿吳長沙桓王孫策定江東置揚州於建業其州解王敦及王導所創也後會稽王導子於東府城領州故亦號此爲西州及隋平陳又於石城置蔣州移揚州於江北之江都焉

丹陽郡故城在縣東南五里初丹陽內史後改爲尹

石頭城在縣西四里即楚之金陵城也吳改爲石頭城建安十六年吳大帝修築以置財寶軍器有成吳都賦云戎車盈於石城是也諸葛云鍾山龍盤石城虎踞言其形之嶮固也

秣陵故縣在縣東南四里本金陵地也秦改爲秣陵

湖屬故縣在縣東南七十里

越城在縣南六里本東甌越王所立也吳王濞敗先趨此城後保丹徒郭璞行於塗中贈白衣人袴褶亦此城也

建康故城在縣南三里建安中改秣陵爲建業晉復爲秣

元和郡縣志

卷二十五

八

陵武帝又分秣陵水北爲建業避愍帝諱改名建康東府城在縣東七里其地西則簡文帝爲會稽王時邸第東則丞相會稽王道子府謝安薨道子伏領揚州仍先府舍故俗稱爲東府而謂揚州解爲西州謝惠連祭冥漢君文即因修此府之城墻所爲也

輔公柘城在縣東七里其地本齊文惠太子苑地也公柘構亂築以爲城其年公柘平城遂毀廢

賀若弼壘在縣北二十里隋平陳弼過江於蔣山龍尾築壘

韓擒虎壘在縣西四里隋平陳樹碑其文薛道衡之詞武

德七年趙郡王孝恭平輔公柘樹碑紀功與此碑相對李
百藥之詞

吳文帝蔣陵在縣北二十二里

晉元帝睿建平陵明帝紹武平陵成帝衍興平陵並在縣
北六里鷄籠山

康帝岳崇平陵在縣東北二十里蔣山西南
哀帝丕安平陵在縣北六里雞籠山南

簡文帝皇高平陵孝武帝昌明平陵安帝德宗休平陵恭
帝德文冲平陵並在縣東北二十里蔣山西南

宋武帝劉裕初寧陵在縣東北二十二里

元和郡縣志

卷二十五

九

文帝義隆長寧陵並在縣東北二十二里蔣山東南

孝武帝駿景陵在縣西南四十里巖山

明帝或高寧陵在縣北十九里幕府山東南

陳武帝霸先萬安陵在縣東三十八里方山西北貞觀十
一年詔百步內禁樵採

文帝舊永寧陵在縣東北四十里蔣山東北

宣帝頊顯寧陵在縣南四十里牛頭山西北

梁昭明太子安陵在縣東北五十四里查硯山

晉王導墓在縣西北十四里幕府山西

謝安墓在縣東南十里石子崗北

句容縣

隸東北去州二百里

漢舊縣也晉元帝興于江左為畿內第

二品縣縣有茅山本名句曲以山形似已字故句曲有𠄎容故號句容

赤山湖在縣南三十五里

茅山在縣東南六十里

竹里山在縣北六十里王塗所經塗甚傾險行者號為𪗇車峴山間有長澗高下深阻舊說云似洛陽金谷宋武帝初起自京口至江乘破桓玄將吳甫之於竹里移檄京師即此處也

銅冶山在縣北六十五里山出銅鉛歷代採鑄

元和郡縣志

卷二十五

十

常州

晉陵隸

開元戶九萬六千四百七十五元和戶五萬四千七百六十七

鄉一百八十七

禹貢揚州之地春秋時屬吳延陵季子之采邑漢改曰毗陵晉東海王越謫于毘陵元帝以毘諱改為晉陵郡宋齊因之開皇九年平陳廢郡於常熟縣置常州因縣為名後割常熟縣入蘓州移常州理於晉陵縣隋亂陷于寇境武德七年平仍舊置常州

州境

東西二百一十二里南北二百九十里

八到

西北至上都二千八百四十五里西北至東都一千九百八十里

東南至蘓州一百九十里

西南至右宣州五百里

正南微西至湖州松路三百里

西北至潤州一百七十里

貢賦

開元貢元和貢

細紵紅紫二色綿布布五疋

紙六十張

管縣五 晉陵 武進 江陰 無錫 義興

晉陵縣望郭下春秋時延陵漢之毘陵也後與郡俱改為晉

陵季札所居也墓在本縣北七十里申浦之西

武進縣望郭下吳大帝改丹徒為武進晉武復改武進曰丹

徒曲阿別置武進縣於丹陽縣東五十里梁武改武進為

蘭陵入晉陵垂拱二年又析晉陵西界立武進縣于州

江陰縣繫東南去州五十里本漢毗陵縣之漑陽鄉晉太康二年置

漑陽縣梁敬帝置江陰縣郡開皇九年罷郡縣屬常州

無錫縣望西北至州九十六里漢舊縣也東三十九里有梅里山吳

元和郡縣志

卷二十五

十一

太伯葬處

義興縣繫北至州一百二十里本秦陽羨縣故城在荆溪南晉惠帝

時妖賊石水寇亂揚土縣人周玘創義討水割吳興之陽

羨并長城縣之北鄉為義興郡以表玘功陳廢郡為義興

縣

荆溪是周處斬蛟龍處

蘇州吳郡

開元戶六萬八千九十三和戶一十萬八百八

鄉一百一十八

禹貢揚州之地周時為吳國太伯初置城在今吳縣西北

五十里至闔閭遷都於此後為越所并楚滅越而封黃歇

於吳秦置會稽縣二十六里於吳項羽初起殺會稽太守

殷通即此也漢亦為會稽郡後漢順帝永建四年陽羨令周喜山陰令殷重上書求分為二郡遂割浙江以東為會稽浙江以西為吳郡孫氏創業亦肇跡於此歷晉至陳不改常為輿郡吳興丹陽號為三吳隋開皇九年平陳改為蘇州因姑蘇山為名山在州西四十里其上闔閭起臺外郭城云是伍胥所築周四十七里

州境東西四百四十一里
南北四百九十八里

八到西北至上都三千三十里
西北至東都二千一百七十里
南至杭州三百七十里
正南微西至湖州二百一十里

東北至海三百三十里
西北至常州一百九十里

元和郡縣志

卷二十五

十二

貢賦開元貢
元和貢

細紵布
絲葛十疋

白石脂
地床子
吳白石脂三十斤

吳地床

子三分

管縣七 吳縣 長洲 嘉興 海鹽 常熟 崑山

華亭

吳縣郭下本吳王闔閭所都秦置縣

太湖在縣西南五十里禹貢謂之震澤周禮謂之具區湖中有山一名洞庭山

武丘山在縣西北八里吳越春秋云闔閭葬於此秦皇鑿其珍異莫知所在孫權穿之亦無所得其壑壑處今成深澗松江在縣南五十里經崑山入海左傳云越伐吳軍於笠

澤即此江

長洲縣望郭下本萬歲通天元年析吳縣置取長洲苑為名

苑在縣西南七十里

嘉興縣望北至州一百四十七里本春秋時長水縣秦為由拳縣漢因

之吳時有嘉禾生改為禾興縣後以孫皓父名改為嘉興

縣也

海鹽縣上西北至州二百二十七里本秦縣漢因之其後縣城陷為柘

湖移於武原鄉後又陷為當湖移置山傍開皇元年廢縣

北屬杭州武德七年地入嘉興開元五年刺史張庭珪又

奏置

元和郡縣志

卷二十五

十三

常熟縣緊南去州一百里本漢吳縣地梁大同六年置常熟縣武

德七年移理海鹽虞城今縣是也

崑山縣緊西去州八十里本秦漢婁縣其城吳子壽夢所築梁分

置信義縣又分信義置崑山縣因縣有崑山故取名焉

華亭縣上西去州二百七十里天寶十年吳郡太守趙居貞奏割崑

山嘉興海鹽三縣置

華亭谷在縣西三十五里陸遜陸抗宅在其側遜封華亭

侯陸機云華亭鶴唳此地是也

杭州餘杭上

開元戶八萬四千二百五十二元和戶五萬一千二百七十六

鄉一百八十八

禹貢揚州之域春秋時為吳越二國之境其地本名錢唐

史記云秦始皇東遊至錢唐臨浙江是也漢屬會稽吳志注云西部都尉理所陳禎明中置錢唐郡隋平陳廢郡爲

州

州境 東西五百五十四里
南北八十九里

入到 西北至上都三千四百里
西北至東都二千五百四十里
西南至睦州三百一十五里
東西至浙江至越州一百三十里

西至歙州四百七十里
西北至宣州四百九十六里
東北至浙江入海處約一百里
北至蘇州三百七十里

貢賦 開元貢 黃藤紙 橘 黃連 緋綾 白編 紋紗
元和貢 白編 一十二疋

管縣八 錢塘 餘杭 臨安 富陽 於潛 鹽官

元和郡縣志 卷二十五 十四

新城 唐山

錢塘縣 縣下 本漢舊縣也錢塘記云昔一境徧近流縣理

靈隱山下今餘趾猶存郡議曹華信乃立塘以防海水募

有能致土石者即與錢及塘成縣境蒙利乃遷理此地於

是改爲錢塘按華信漢時爲郡議曹據史記始皇至錢塘

臨浙江秦時已有此名疑所說爲謬隋平陳已後縣頻遷

置貞觀四年定於今所

靈隱山在州西北一十七里

界石山在州西南四十九里

浙江在縣南一十二里莊子云浙河即謂浙江蓋取其曲

折爲名

江源自歙州界東北流經界石山又東北經州北理又東北流入於海江濤每日晝夜再上常以月十日二十五日最小月三日十八日極大小則水漸漲不過數尺大則濤湧高至數丈每年八月十八日數百里士女共觀舟人魚子沂濤觸浪謂之弄濤

餘杭縣

緊東南去州七十里

本吳地吳興記云秦始皇三十七年將

上會稽塗出此地因立爲縣捨舟航於此仍以爲名

由拳山晉隱士郭文舉所居傍有由拳村出好滕紙

臨安縣

緊東南去州一百二十八里

本吳大帝分餘杭縣立臨水縣晉

元和郡縣志

卷二十五

十五

改爲臨安隋亂廢置無准垂拱四年巡撫使狄仁傑復奏

置

富陽縣

緊東北去州七十三里

本漢富春縣屬會稽郡晉孝武太元

中避鄭太后諱改春爲陽吳孫堅父子即此縣人縣有王

洲出橘爲江東之最今見進供

湖狀山在縣西南五十里甚幽邃重叠嶮遠每時有擾攘

人皆逃避於此山

於潛縣

緊東去州二百里

本漢舊縣也縣西有潛山因以爲名舊

替字無水至隋加水焉武德七年置潛州領於潛臨水二

縣八年廢州縣屬杭州

天目山在縣理北六十里有兩峯峰頂各一池左右相對
名曰天目

鹽官縣上東南去州一百三十里本漢舊縣有鹽官吳志云孫權為將

軍陸遜始任幕府出為屯田都尉即此地也武德七年省
入錢塘縣貞觀四年復置

海水在縣南七里

臨平湖在縣西五十五里溉田三百餘頃

新城縣上東北去州一百三十二里一本漢富陽縣地永淳元年分富春

西境置

唐山縣中東去州二百四十八里漢於潛縣地萬歲通天元年置武隆

元和郡縣志

卷二十五

十六

縣神龍元年改為唐山縣

湖州吳興開元戶六萬一千一百三十三元和戶四萬三千四百六十七鄉一百二十二

禹貢揚州之域防風氏之國秦始皇徙越人於此吳歸命

侯置吳興郡梁紹泰初改吳興郡為震州蓋取震澤為名
陳初罷震州復為吳興郡隋平陳廢吳興郡仁壽二年於

縣置湖州

州境東西三百八里南北二百一十三里

八到西北至上都三十二百四十里西北至東都二千二百四十里

東北至蘇州二百一十里
正南微北至宣州三百七十里
東北至常州和睦路三百里
東至杭州私路一百九十里

貢賦

開元貢元和貢

紵布布三十端賦

糴粳米

管縣五 烏程 長城 安吉 武康 德清

烏程縣

望郭下

本秦舊縣越紀云始皇至會稽徙於越之人

於烏程吳興記云吳景帝封孫皓爲烏城侯及皓即位改葬父和於此遂立爲吳興郡

雪溪水一名大漢水一名茗水西南自長城安吉兩縣東

北流至州南與餘不溪水苧溪水合又流入於太湖在州

北三十五里 吳興塘太守沈嘉之所建灌田二千餘頃

長城縣

繫東南去州七十里

本漢烏城縣地晉武帝太康三年分其

地置長城縣昔闔閭使弟夫概居此築城狹而長因以爲

元和郡縣志

卷二十五

十七

名

顧山縣西北四十二里貞元已後每歲以進奉顧山紫筍

茶役工三萬人累月方畢

若溪水釀酒甚醲俗稱若下酒

安吉縣

上東北去州一百四十里

本漢故鄣縣地漢靈帝中平二年張

角作亂荆揚尤甚唯此郡守險阻固漢朝嘉之故分立爲

縣

武康縣

上東北去州一百五十里

本漢烏程餘不鄉之地漢末童謠云

天子當興於東南三餘之間故吳大帝改會稽之餘暨爲

永興而分餘不鄉置永安縣屬吳興晉平吳改爲武康

封山在縣東南十八里即家語云封嵎之山防風氏之國也

德清縣上北去州一百五里天授二年析武康鄉置武原縣景雲二

年改為臨溪縣以臨餘不溪也天寶元年又改為德清縣

睦州新定開元戶五萬五千五百一十六
元和戶九千五百一十四

禹貢揚州之域春秋時迭入吳越秦屬丹陽郡為歙縣後

漢建安十三年吳大帝中郎將賀齊討歙縣山賊平定分

歙為始新新定黎陽休陽四縣與歙黟九六縣立新都郡

理始新縣晉武帝太康元年改新都為新安郡隋平陳廢

新安郡析新安縣置睦州後又改為睦州遂安郡隋氏喪

元和郡縣志 卷二十五 十八

亂陷於寇賊武德四年討平汪華改為州取俗阜人和內

外輯睦為義萬歲通天二年又自新安東移一百六十五

里建德即今州理是

州境 東西四百二十里
南北三百一十一里

八到 西北至上都三千七百一十五里
西北至東都二千八百五十五里

西北至衢州二百八十一里
西北至歙州三百七十里

東南至婺州一百六十里

貢賦 開元貢 交後 石筴 蕈 紵 絲布
元和貢 交後 二疋 竹 蕈

管縣六 建德 桐廬 遂安 清溪 分水

壽昌

建德縣上郭下本漢富春縣地吳黃武四年分置建德縣大業末改爲鎮武德四年復改爲建德縣

浙江在州南十里又有東陽江東南自婺州界來至州南注浙江

七里瀨在縣東北十里

桐廬縣緊西南至州一百五十里本漢富春縣之桐溪鄉黃武四年分

置桐廬縣以居桐溪地因名桐溪

浙江在縣南一百四十步

桐廬江源出杭州於潛縣界天目山南流至縣東一里今

浙江

元和郡縣志

卷二十五

十九

嚴子陵釣臺在縣西三十里浙江北岸也

遂安縣上東北去州一百九十里本漢歙縣地吳大帝使賀齊平黟歙

縣之南鄉安定里置新定縣晉武太康元年改爲遂安

白石山在縣西七十里其山出白石英貢因以爲名

清溪縣上東去州一百六十五里黃武元年分歙縣東鄉置始新縣晉

改爲雉山以縣南有雉山因名之開皇九年併爲新安縣

仁壽中復爲雉山開元二年改爲還淳今改爲清溪

新安江自歙州黟縣界流入縣東流入浙江

分水縣上東北至州一百八十五里本桐廬之西境武德四年置七年

省如意元年改置盛武縣神龍元年復改爲分水

壽昌縣 中東北至州一百一十里 本漢富春縣地吳分立新昌晉太康元年改為壽昌皇朝因之

元和郡縣圖志卷第二十五

元和郡縣志

卷二十五

二十



元和郡縣圖志卷第二十六

江南道二



浙東觀察使

越州

會稽都督府

開元戶十萬七千六百四十五
元和戶二萬六百八十五

鄉二百一十
鄉一百四十

五

今為浙東觀察使理所

管州七

越州

婺州

衢州

處州

温州

台州

明州

管縣三十五

都管戶一千萬四千三百六十七

禹貢揚州之域春秋時為越周禮吳越星紀之分夏少康

元和郡縣志

卷二十六

一

封少子無餘以奉禹祀號曰於越越國之稱始於茲矣後

代句踐稱王與吳王闔閭戰敗之

音

李

故域在今嘉興縣南三十七里

夫差立句踐復伐卒滅之并其地遂渡淮遷都瑯琊朝貢

周周錫命為伯至六代王無疆為楚所滅楚以其地併吳

立為會稽郡後漢順帝時陽羨令周嘉上書以吳越二國

周旋一萬一千里以浙江山川險絕求得分置遂分浙江

以西為吳郡以東為會稽郡自晉至陳又於此置東揚州

隋平陳改東揚州為吳州大業元年改為越州武德四年

討平李子通置越州惣官六年陷輔公祐七年卒平公祐

改惣官為都督

州境東西六百二十八里
南北三百六十里

八到西北至上都三千五百七十里
西北至東都二千六百七十里

東至明州二百七十五里
東南至台州四百七十五里

西北至杭州一百四十里
西南至婺州一百九十里

貢賦開元貢甘橘甘蔗葛根石蜜交梭白紗自貞元已後凡貢之外別進異文吳綾及花鼓歌單絲吳綾吳朱紗等織

麗之物九
數十品

管縣七 會稽 山陰 諸暨 餘姚 蕭山 上虞

剡縣

會稽縣靈下山陰越之前故靈文國也秦立以為會稽山

陰漢初為都尉隋平陳改山陰為會稽縣皇朝因之吳越

元和郡縣志 卷二十六 二

春秋云禹巡行天下會計修國之道因以會計名山仍為

地號山陰縣秦舊地也隋改為會稽垂拱二年又割會稽

西界別置山陰大曆二年刺史薛兼訓奏省山陰併會稽

七年刺史劉少遊又奏置今復併入會稽宋略云會稽山

陰編戶三萬號為天下繁劇

重山大夫種葬處

會稽山在州東南二十里

蘭亭山在州西南一十一里

大海在州四十里

鏡湖後漢永和五年太守馬臻創立鏡湖在會稽山陰兩

縣界築塘畜水水高丈餘田又高海丈餘若水少則洩湖
灌田如水多則閉湖洩田中水入海所以無凶年堤塘周
三百一十里都溉田九十頃

山陰縣 望同會稽

諸暨縣 望東北去州一百四十四里 秦舊縣也界有暨浦諸山因以為

名越王允常所居

鳥帶山在縣北五十里出紫石英

餘姚縣 緊西去州一百四十五里 本漢舊縣舜後支庶所封之地舜姚

姓故曰餘姚隋平陳武德四年復立仍置姚州七年廢州

四明山在縣西一百五十里

元和郡縣志 卷二十六 三

大海在縣北三十里

蕭山縣 緊東北至州一百里 本曰餘槩吳王弟夫槩邑吳大帝改

曰蕭山以縣西一里蕭山為名

浙江在縣西二十五里 浦陽江在縣南一十五里

上虞縣 上西去州九十六里 故城西枕上虞江隋平陳廢貞元元年

刺史王密奏置

上虞江在今縣西二十八里北流

剡縣 望西北去州一百八十五里 漢舊縣故城今縣理西南一十二里吳

賀高為今移理今所隋末陷于李子通武德中以縣為嵎

州六年廢州縣依舊

天姥山在縣南八里

剡溪出縣西南北流入上虞縣界為上虞江

婺州 東陽 開元戶九萬九千四百九 鄉一百九十八 上 元和戶四萬八千三十六 鄉二百

禹貢揚州之域春秋時為越州西界秦屬會稽郡今之州

界分得會稽郡之烏傷 大末二縣之地今本會稽西部

常置都尉孫皓始分會稽置東陽郡陳武帝置縉州開皇

九年隋平陳置婺州蓋取其地於天文為婺女之分野隋

氏喪亂陷於寇境武德四年討平李子通置婺州六年輔

公柘叛州又陷沒七年平定公柘仍置婺州

州境 東西三百三里 南北四百五十六里

元和郡縣志 卷二十六 四

八到 西北至上都三千九百九十五里 西北至東都三千三十五里

正北微西至睦州一百六十里 正北微東至越州三百九十里 水路一百八十里

西至衢州一百九十里 西南至處州二百六十里

貢賦 開元貢 布紙 紵布 元和貢 織纊 白藤 細紙 賦 紵布

管縣七 金華 義烏 永康 東陽 蘭溪 武義

浦陽

金華縣 望 郭下 本漢烏傷縣地獻帝初平二年分烏傷置長

山縣屬會稽郡隋平陳改為吳寧縣十二年又改為東陽

縣十八年又改為金華縣其長山一名金華故取名焉

東陽江有二源一南自永康縣界流入一東自義烏縣界

流入至縣界南合爲一謂之東陽江

金華山在縣北二十里赤松子得道處名出龍鬚草

義烏縣緊西南至州一百五十一里本秦烏傷縣也異烏街塊助之烏

口皆傷時以爲純孝所感乃於其處立縣曰烏傷武德四

年於縣置綢州縣屬焉又以改烏傷爲義烏

永康縣望西北至州一百九里本漢烏傷縣地吳大帝分烏傷之南

界置隋廢武德四年於縣置麗州八年廢州縣屬婺州

東陽縣望西去州一百五十里本漢烏傷縣地垂拱二年分義烏縣

置取舊東陽縣名也

蘭溪縣緊東南去州五十里咸通五年割金華縣西界置

元和郡縣志

卷二十六

五

蘭溪在縣南七里東北流入東陽江

武義縣上北至州五十里天授二年分永康西界以爲武義縣

浦陽縣上西南至州一百二里天寶十三年分義烏縣北界置

浦陽江在縣西北四十里出桑溪山嶺東入越州諸暨縣

衢州信安開元戶六萬二千二百八十八鄉一百二十四

本舊婺州信安縣也武德四年平李子通於信安縣置衢

州以州有三衢山因取爲名六年陷輔公祐廢州垂拱二

年復置

州境東西六百一十里南北二百一十五里

八到西北至上都三千九十五里東南至建州七百里西北至東都三千一百五十里西至信州二百五十里

東至婺州一百九十里
東南至處州四百五十里

貢賦

開元貢
元和貢

綿紙
綿紙

紵布
黃連

葛粉

篛

扇

龍鬚蓆

管縣四

信安

常山

龍丘

湏江

信安縣

望郭下

本春秋姑蔑之地漢大末縣也獻帝初平三

年分大末立新安縣屬會稽郡晋太康元年以弘農有新

安故改名信安皇朝置州縣屬焉

常山縣

上東去州
八十里

本大末縣地隋初置定陽縣隋末廢咸

亨五年於今縣東四十里置常山縣因縣南有常山為名

廣德二年本道使薛兼訓奏移此於舊縣西四十里即今

縣是

元和郡縣志

卷二十六

六

龍丘縣

緊西去州
七十二里

本春秋姑蔑之地越西部也杜注云今

東陽太末縣越絕書謂之姑婺州改太末為龍丘因縣東

龍丘山為名隋末廢貞觀八年又置

湏江縣

上北去州
九十五里

武德四年置衢州分信安縣南境置湏

江縣八年並廢永昌元年秋復置以縣南有湏江溪因以

為名

盈川縣本漢太末縣地如意元年分龍丘兩縣

穀水江在縣東南一里

處州

縉雲

開元戶三萬三千二百六十八
元和戶一萬九千七百二十六

鄉七十六
鄉三十六

禹貢揚州之域春秋為越國秦滅越置會稽郡後越王無

諸七代孫閔君搖佐漢有功立為東越王都東甌今温州
永嘉縣是也後以甌地為回浦縣屬會稽世祖改回浦為
章安晉立為永嘉郡梁陳因之開皇九年隋平陳改永嘉
為處州十二年又改為括州大業三年復改為永嘉郡武
德四年討平李子通復立括州仍置總管府七年改為都
督府貞觀元年廢府天寶元年為縉雲郡乾元元年復為
括州大曆十四年以與德宗廟諱同音改處州貞元六年
刺史齊抗以舊州湫隘屢有水灾北移四里就高原上

州境東北西南

八到西北至上都四千一百五十五里 西北至婺州一百六十里
西北至東都三千二百九十五里 西北至衢州四百五十里

元和郡縣志 卷二十六 七

東南水路至温州二百七十里 東北至台州四百九十里
西北至建州水路九百里陸路四百九十里

貢賦 開元貢 元和貢 蠟 紵布 蜜 縵 麻布 樹皮布 小綾 絲絹 綿綢

管縣六 麗水 松楊 縉雲 遂昌 青田 龍泉

麗水縣上郭下 本後漢松楊縣地隋平陳乃分松楊縣之東

鄉立括蒼縣取括蒼山為名屬處州後因之不改大曆十

四年改為麗水麗水本名惡溪以其湍流咀嶮九十里間

五十六瀨名為大惡開皇中改為麗水故皇朝因之以為

縣名

松陽縣上東去州一百九十二里 本漢回浦縣之地屬會稽後漢分立

此縣有大松樹大十八圍因取為名開皇九年廢十二年

復置皇朝因之

縉雲縣上西南至州八十五里萬歲登封元年分麗水縣東北界婺

州永康縣南界置因山為名

縉雲山一名仙都一曰縉雲黃帝煉丹於此

遂昌縣上東去州三百四十里吳赤烏二年分太末縣置平昌縣晉

太康元年改為遂昌武德八年廢景雲二年刺史孔琮復

奏置

青田縣中西北去州一百五十里本麗水縣之鄉名也景雲二年刺史

孔琮奏於此分置青田縣

青田溪在縣西南一十八里

元和郡縣志

卷二十六

八

龍泉縣中東至州三百五十里乾元二年越州刺史獨孤峻奏割遂

昌松陽二縣置

龍泉湖在縣南二里

温州永嘉開元戶三萬七千五百五十四

鄉七十八一十六

本漢東會稽東部之地初閩君搖有功於漢封為東甌王

晉大寧中於此置永嘉郡隋廢郡地入處州武德五年杜

伏威歸化於縣理置東嘉州尋廢六年輔公柝為亂於丹

陽永嘉安固等百姓於華蓋山固守不陷凶黨高宗上元

元年於永嘉縣置温州

州境東西二百四里南北七百二十里

八到西北至上都四千四百二十五里西北至東都三千五百六十五里西北至處州二百七十里東至大海八十里

正北微西至台州五百里
西南至福州水陸路相兼一千八百里

貢賦

開元貢
元和貢

綿
絳魚皮

布

鮫魚皮三十張

管縣四 永嘉 安固 橫陽 樂成

永嘉縣

上郭下

即漢回浦縣之東甌鄉晉立為縣上元二年

於此置温州縣移在州東百八十步

永嘉江一名永寧江在州東三里

華蓋山在州東一里

安固縣

上北去州七十七里

本漢回浦縣地後漢改回浦為章安吳

分章安於此立羅陽縣少帝改曰安陽晉太康元年更名

安固前上元二年自處州割入温州

元和郡縣志

卷二十六

九

安固山在縣北一里

安固江在縣南一里

橫陽縣

上北去州一百五里

本晉太康元年分安固南橫嶼屯置隋

平陳廢入安固縣大足元年又分安固縣再置

橫陽山在縣南二百七十里東臨大海

橫陽江在縣南一百里

樂成縣

上去州一百二十四里

本漢回浦縣地東晉孝武分永寧縣

置隋廢載初元年復置 大海在縣東二十一里

台州

臨海上

開元戶五萬

鄉一百一十五
鄉九十五

禹貢揚州之域春秋時為越地秦并天下置閩中郡漢立

南部都尉本漢之回浦鄉分立為縣揚雄解嘲云東南一尉西北一侯是也後漢改回浦為章安縣吳大帝時分章安永寧置臨海郡隋平陳廢郡為臨海縣武德四年討平李子通於臨海縣置海州五年改海州為台州蓋因天台一山為名六年輔公柝叛州從陷沒七年平定公柝仍置台州

州境

東西三百九十三里
南北四百三十五里

八到

西北至上都四千五百里
西北至東都三千一百四十五里

東北至越州四百七十五里

正西微南至處州四百九十里

東至大海一百八十里

正南微東至温州五百里

貢賦

開元貢
元和貢

乾薑三百觔
甲香三十觔

鮫魚皮一百張

元和郡縣志

卷二十六

十

管縣五 臨海 唐興 黃巖 樂安 寧海

臨海縣

緊郭下

本漢回浦縣地後漢更名章安吳分章安置

臨海縣屬會稽武德五年改置台州縣屬焉

臨海江有二水合成一水是始風溪一是樂安溪至州城

西北一十三里合

唐興縣

上東南至州一百一十里

三國時吳分章安置南始平縣晉武

帝以雍州有始平改為始農肅宗上元二年改為唐興

天台山在縣北一十里

赤城山在縣北六里實為東南之名山

黃巖縣

上北去州一百五里

前上元二年割臨江南界置

黃巖山在縣西南二百三十里

大海在縣東七十里

樂安縣

上東去州一百五十里

東晉穆帝永和三年分始平南鄉置樂

安縣屬臨海郡歷代因之開皇九年廢武德五年改屬前

上元元年復置於孟溪之側今縣是也

樂安溪原在縣西馮溪山流經縣南又東入臨海縣界

寧海縣

上西南去州二百五十里

晉穆帝永和三年分會稽之鄞縣置

寧海郡開皇九年廢郡併入章安縣永昌元年於廢縣東

二十里又置載初元年移就縣東一十里

大海在縣東六里

元和郡縣志

卷二十六

十一

明州

餘姚

開元戶四和戶四千八十三

右本會稽之鄞縣漢句章縣地也春秋越王句踐平吳徙

夫差於甬東韋昭云即句章東決口外洲是也武德四年

於縣立鄞州八年廢開元二十六年採訪使齊澣奏分越

州之鄞縣置明州以境內四明山為名句章故城在今州

西一里

州境

東西南北

八到

西北至上都三千八百五里
西北至東都二千九百四十五里

西至越州二百七十五里
東北至大海七十里

西南至台州臨海縣一百六十里至州二百五十里至都

四百一十里

貢賦元和貢 海肘子 橘子 紅蝦米 鱸子 紅蝦鮓

管縣四 鄮縣 奉化 慈溪 象山

鄮縣中郭下本漢舊縣也屬會稽郡隋平陳省入句章武德八年再置仍移理句章城後屬明州

大海在縣東一百七十里

翁州入海二百里即春秋所謂甬東地也越滅吳請吳王居甬東吳王曰孤老矣不能事君王乃縊其洲周環五百里有良田湖水多麋鹿

奉化縣上北去州六十里本漢之鄞地開元二十六年採訪使齊

澣奏置奉化縣

元和郡縣志

卷二十六

十二

赤莧山在今縣東一十里

慈溪縣上東南去州七十里本漢鄮縣地開元二十六年齊澣奏置

慈溪縣

慈溪在縣南二十二里

大海在縣北六十里

象山縣中西北至州水陸相兼一百六十里本漢鄞縣地神龍元年監察御

史崔皎奏於寧海縣東界海曲中象山東麓彭姚村置其

縣東至大海二十里南至大海三十五里東北至大海四

十里正北至大海並一十五里唯西南有陸路接台州寧

海

元和郡縣圖志卷第二十六

元和郡縣志

卷二十六

十三

元和郡縣圖志卷第二十七

江南道三

鄂岳觀察使

鄂州

江夏

開元戶一萬九千一百九十九
元和戶三萬八千六百一十八

鄉三十三
鄉三十七

今為鄂岳觀察理所

管州六

鄂州

沔州

安州

黃州

蘄州

岳州

計縣三十五

都管戶七萬二千二百四十七

禹貢荊州之域春秋時謂之夏汭漢為沙羨之東境自後漢末謂之夏口亦名魯口吳置督將於此名為魯口屯以其對魯山岬為名也三國爭衡為吳之要害吳常以重兵鎮

元和郡縣志

卷二十七

一

之魏明帝問司馬懿曰二虜宜討何者為先對曰吳以中國不習水戰故敢散東關凡攻敵必扼其喉春其心夏口東關敵之心喉若陸軍以向皖引權東下為水軍向夏口乘其虛而擊之此神兵從天而墜晉庾翼為荊州曾理於此義熙初劉毅表以為夏口二州之中地居形要控接湘川邊帶漢沔請荊州刺史劉道規鎮夏口即今州理是也至六年自臨鄣徙理夏口即今州理是也宋孝武以方鎮太重分荆湘江三州之八郡為鄂州以分上流之勢隋平陳改鄂州為鄂州州城本夏口城吳黃武二年城江夏以安屯戍地也城西臨大江西南角因磯為樓名黃鶴樓

三國時黃祖爲太守吳遣凌統攻而擒之禰衡遇害亦此地也東南角樓名焦度樓宋沈攸之自荊州稱兵至此時焦度領兵在此城守東南角攸之攻之不克遂退走因名焦度樓

州境 東西四百七十四里
南北三百八十八里

八到 西北至上都二千二百六十里
東至江州六百里

西北至東都一千四百里
西至沔州隔江七里

西南至岳州五百一十里
西北至安州二百九十里

西北微東至黃州二百里

貢賦 開元貢銀五十四兩
元和貢銀五十四兩 紵布

元和郡縣志 卷二十七 二

管縣五 江夏 永興 武昌 唐年 蒲圻

江夏縣 望郭下 本漢沙羨縣地屬江夏郡東晉以汝南流入

僑立汝南郡後改爲汝南縣開皇九年改爲江夏縣屬鄂

州

黃鶴山在縣東九里

江水西南自蒲圻縣界流入又北對崢嶸州劉毅破桓玄

於此又北流經黃軍浦相傳吳將黃蓋屯軍處曹公城在

縣東北二里梁武起義遣將曹景宗所築頭陀寺在縣東

南二里

鸚鵡洲在縣西南二里

永興縣

繫西北至州
四百里

本漢鄂縣地吳大帝分立新陽縣隋

開皇九年改爲富川十八年改爲永興縣

石鼓山在縣西六十里上有三石鼓鼓鳴天即雨

大江水在縣西北四十五里

下雒故縣在縣東南一百四十里漢伍被謂淮南王安曰

守下雒之城絕豫章之口是也

陳永興故縣城東五十里東臨江水俗云伍子胥所築

武昌縣

繫西至州一
百七十里

舊名鄂本楚熊渠封中子紅於此稱

王至今武昌人事鄂王神是也離騷云乘鄂渚而反願漢

以爲縣屬江夏郡武帝以封姊號鄂邑長公主建安二十

元和郡縣志

卷二十七

三

五年吳大帝以下雒尋陽新城柴桑沙羨武昌六縣爲武

昌郡黃武初自建業徙都廢黃龍九年於此即尊位還都

建業皇太子登留守武昌以陸遜輔之嘉禾元年太子還

建業立皇子奮爲齊王居武昌諸葛恪不欲諸生處濱江

兵馬之地徙居豫章甘露元年歸命侯又都之揚土百姓

泝流供給以爲患若陸凱上疏曰武昌土地實危險而墜

确非王都安國養人之處且童謠言寧飲建業水不食武

昌魚寧還建業死不止武昌居於是還都建業改爲江夏

縣後爲武昌

樊山在縣西三里謝玄暉詩曰釣臺臨講閣樊山開廣宴

謂此也

西塞山在縣東八十五里竦峭臨江

孫權故都城在縣東一里餘本漢將灌嬰所築晉陶侃桓
溫爲刺史並理其地

唐年縣

上西北至州
六百三十里

本漢沙羨縣地天寶二年分置唐年

縣

葛仙山在縣北六十里

壺頭山在縣東北六十里

下鳥故縣西南一百六里因雋水爲名

蒲圻縣

上東北至州
四百一十里

本漢沙羨縣也晉武帝改爲沙陽今

元和郡縣志

卷二十七

四

縣一里沙陽故縣城是也吳大帝分立蒲圻縣因蒲圻湖
爲名本屬長沙郡隋割屬鄂州

赤壁山在縣西一百二十里北臨大江其北岬即烏林興
赤壁相對即周瑜用黃蓋策焚曹公舟船敗走處故諸
葛亮論曹公危於烏林是也

雋水源出縣東南

大嶠水西北流入江

蒲圻湖在縣南七十五里

呂蒙城在縣西南八十里孫權以蒙爲橫野將軍爲周瑜
破曹公定荊州於此鎮守

沔州漢陽開元戶五千二百八十六鄉十二
元和戶二千二百六十一鄉十二

本漢安陸縣地晉於今州西臨嶂山下置託陽縣江夏郡
自上昶城移理焉後郡又移理夏口託陽縣屬郡下不改
入陳廢隋開皇九年置戍十七年廢戍改置漢津縣屬沔
陽郡大業二年改為漢陽縣武德四年分沔陽郡於漢陽
縣置沔州及縣並自臨嶂山下故城移於今理

州境東西二百五十二里
南北二百四十六里
東北至東都二千四百四十里
西至復州竟陵縣三百四十里

入到西至上都二千二百五十里
東渡江至鄂州七里
東北至隨州四百三十五里
西取桐塚路至復州四百六十里

西北至安州二百八十里
東北至黃州二百二十里

貢賦開元貢白紵布一端
元和貢麻貨布一疋

元和郡縣志 卷二十七 五

管縣二 漢陽 沔川

漢陽縣中郭下縣本未已具州序

魯山一名大別山在縣東北一百步其山前枕蜀江北帶

漢水山上有吳將魯肅神祠 臨嶂山在縣西六十里

大江水南自復州沔陽縣界流入去縣東二十步東北流入

黃州界

漢水一名沔水西自沔川縣界流入

純陽縣因此水為名

却月故城在縣北三里劉表將黃祖所守處

沔川縣中東至州一百五十里本漢陽縣地武德四年分置沔川縣

因泚水爲名也

內方山在縣南九十里

小別山在縣東南五十里春秋吳伐楚令尹子常濟漢而陣自小別至於大別即此也

泚川水在縣南二里西北自鄂州界流入

赤壁草市在縣西八十里古今地書多言此是曹公敗處今按三國志劉表卒其子琮代立在襄陽劉備屯樊琮降曹公備隨南走曹公以江陵有軍寔恐備先據得之自當陽倍道追備一日夜行三百里遂克江陵又自江陵追備至巴丘遂至赤壁孫權遣周瑜程普各領兵萬人與劉備元和郡縣志

卷二十七

六

來敵曹公曹公遇於赤壁因風縱火曹公大敗遂取華容道步歸退保南郡瑜等復追之曹公留曹仁守江陵自徐北歸據此而言則赤壁不在泚川也何則曹公旣從江陵水軍至巴丘赤壁又在巴丘之下軍敗引還南郡周瑜水軍退並是大江之中與泚川殊爲乖繆蓋是側近居人見崖岬赤色因呼爲赤壁曹公敗處也

安州

安陸中府

開元戶二萬二千二百二十二

元和戶一千八百一十八

鄉三十五
鄉三十五

春秋時鄖國後爲楚所滅漢爲安陸縣高帝六年分南郡置江夏郡於此領縣二十四後漢移理沙羨曹魏齊王芳時王基爲荊州自城上昶徙江夏郡理之以逼夏口在今

州西北五十三里上昶故城是也江夏郡自後漢末當吳魏二國之境永嘉南遷後又當符秦石趙與東晉犬牙爲界自後魏周隋與宋齊梁陳交爭之地故江夏前史所載或移於沙羨或移於上昶或移理魯山城南北二朝兩置江夏郡吳理武昌曹魏與晉俱理安陸故漢所理江夏郡前書多言在安陸其雲夢縣東南四里澗水之北有江夏古城周所理據山川言之此城南近夏水餘趾寬大則前漢江夏郡所理也宋武帝分江夏置安陸郡後魏大統十六年改爲安州

州境東西二百一十九里南北三百二十五里

元和郡縣志

卷二十七

七

八到東至黃州三百一十里西至鄂州三百二十里

西北至東都一千一百六十里西北至隨州一百五十五里

西南至復州二百二十里西北去上都一千九百七十里

東南至沔州二百八十里

貢賦開元貢元和貢

紵布一十八疋紵布一十疋

賦綿紵

管縣六 安陸 應山 雲夢 孝昌 吉陽 應城

安陸縣郭上下 本漢舊縣屬江夏郡隋改屬安州其城三重

西枕澗水

陪尾山一名橫山在縣北六十里禹貢云熊耳外方桐栢至於陪尾即此也

澗水故清發水也西北自隨州流入注于沔謂之鄖口春秋吳敗楚於柘舉從之及于清發是也

雲夢澤在縣南五十里史記司馬相如傳云楚有七澤其小者名雲夢方九百里左傳云邛之子女弃子於夢中無雲字云楚子濟江入雲中復無夢字以此推之則雲夢二澤本自別矣而禹貢及爾雅皆曰雲夢者蓋雙舉二澤而言之故後代以來通名一事故左傳曰畋於江南之雲夢也

應山縣

中南至州一百八里

本漢隋縣地梁大同以隋州北界應濃

山戍置應州又分隋縣置永陽縣開皇十八年改永陽爲應山縣

石龍山在縣東北二十五里有石盤回屈曲若龍形

元和郡縣志

卷二十七

八

澧山關因古澧山縣爲名武德八年縣廢即齊志所謂武陽關也在州東北二百四十里在縣東北一百三十里北至申州一百五十里

百雁關按圖經云者有雁息其上故以爲名在州東北二百里在縣北九十里北至申州九十里東至澧山關一百里

平靖關因古平靖縣爲名後魏大統十七年置隋大業二年廢齊志云義陽有三關此則其一在州北一百七十里在縣北六十五里北至申州九十里東至百雁關一百六十里

雲夢縣中北至州七十本漢安陸縣地後魏大統末於雲夢古

城置雲夢縣

雲夢澤在縣西七里事已具上

孝昌縣中西北至州本漢安陸縣地宋於此置孝昌縣屬江夏

郡隋改安州也

吉陽縣中西至州一百三里本漢安陸地梁於此置平陽縣其故城

今理是也西魏改為京池縣隋大業二年改為吉陽因縣

北吉陽山為名

應城縣中東北至州八十里本漢安陸縣地宋於此置應城縣

故浮城縣在縣西北三十五里即古蒲騷城也左傳莫敖

元和郡縣志

卷二十七

九

徂於蒲騷之役鄭人軍於蒲騷是也後魏於此置浮城縣

隋廢

孔山故城在縣東北一百二十里

平靖故城在縣西四十里

吉陽故城在縣北五十里

黃州齊安開元戶一萬三千七十三元和戶五千五百四十四鄉二十八鄉一十八

本春秋時邾國之地後又為黃國之境戰國屬楚秦屬南

郡二漢為江夏郡西陵縣地魏為重鎮文帝黃初中吳先

揚言欲攻於江北豫州刺史滿寵度其必襲西陽遂先為

之備權聞之尋亦退還後吳尅邾城使陸遜以三萬人城

而守之至晉為西陽國封子弟為王蕭齊於此置齊安郡
開皇三年罷郡置黃州因古黃國為名也

州境

東西二百一十里
南北三百三十七里

八到

西北至上都二千八百八十里
東南至蘄州二百三十里

西北至東都一千四百七十里
西至安州三百一十里

西南至鄂州二百三十里
南至大江一百步

北至光州三百六十里

貢賦

開元貢

紵貨布十疋

賦絹布綿麻

管縣三

黃岡

黃陂

麻城

黃岡縣

上郭下

本漢西陵縣地故城在今縣西二里蕭齊於

此置齊安縣開皇十八年改為黃岡因縣東黃岡為名

大江水西自黃陂縣界流入經州南一百二十八里東入

元和郡縣志

卷二十七

十

蘄州界

故邾城在縣東南一百二十里古邾國也後為楚所滅漢

以為縣

西陽故城在縣東南一百三十里漢縣也屬江夏郡

大活故城在縣北二百三十五里隋於此置關鎮

黃陂縣

中東北至州一百二十里

本漢西陵縣地三國時劉表為荊州

刺史以此地當江漢之口懼吳侵軼建安中使黃祖於此

築城鎮遏因名黃城鎮周大象元年改鎮為南司州并置

黃陂縣隋初改為鎮後復為縣

白沙關西至大關六十里在州西二百四十里北至光州

界二十五里

大活關東北至光州二百八里西至安州澧山關一百里
在縣北二百里

大江水在縣南一百一十九里西南自江夏縣界流入又
東入黃岡縣界

武湖在縣南四十九里黃祖閱武習戰之所後宋謝晦舉
兵叛爲檀道濟所破賊走武湖戍生執之即此地也

龍驤水在縣南七十二里相傳晉龍驤將軍王濬率舟師
伐吳屯軍於此

石陽故城在縣西二十三里吳聞魏文帝崩征江夏圍石
元和郡縣志

卷二十七

十一

陽不尅而還即此也

安昌故城在縣西南七十里高齊築以捍陳寇

麻城縣

中南至州一百一十里

本漢西陵縣地梁於此置信安縣開皇

十八年改爲麻城縣

龜頭山在縣東南八十里舉水之所出也春秋吳楚戰於
柏舉即此地也

穆陵關在縣西北八十八里置在穆山上

陰山關北至光州殷城縣二百里在州東北二百一十里
在縣東北一百一里西至穆陵關一百里

穆陵關西至白沙關八十里在州北二百里至光州一百

四十九里在縣西北一百里

蕪州

蕪春上

開元戶二萬六千八百九
元和戶一万六千四百六十二

鄉五十一
鄉五十一

禹貢揚州之域春秋戰國並屬九江郡在漢為蕪春縣地屬江夏郡三國時屬魏魏使廬江謝奇為蕪春典農屯皖呂蒙襲擊破之後於吳復置蕪春郡晉孝武帝改曰蕪陽以鄭太后諱故也高齊於此立齊昌郡後陷於陳改為江州周平淮南改為蕪州

州境

東西三百三十九里
南北五百五十五里

入到

西北至上都二千五百十里
東北至江州二百五十里

西北至東都一千七百里
西北至黃州二百三十里

東北至舒州三百七十里
東北至壽州踰大山九百七十里

元和郡縣志

卷二十七

十二

貢賦

開元貢
元和貢

白細紵布
白紵布一十五端

管縣四

蕪春

黃梅

蕪水

廣濟

蕪春縣

郭下

本漢舊縣屬江夏郡因蕪水以為名也晉改

為蕪陽開皇十八年復改蕪春縣

蕪水西南經縣三里源出東北大浮山一名蕪山

翻車故城在縣東南八十二里九江王黥布背項籍歸漢

因築此城城近翻車水因為名

黃梅縣

上西至州一
百四十里

本漢蕪春縣地隋開皇九年置新蔡

縣屬蕪州仁壽元年改為黃梅縣因縣北黃梅山為名縣

城晉驃騎將軍郭黥所築

大江水在縣南一百里

太子湫在江之岸梁武帝初下建業留丁貴嬪於此生太子因以為名

九江故城在縣西南七十里漢九江王黥布所築

蕲水縣 上東南至州七十二里本漢蕲春縣地宋文帝於此置浠水

縣北齊改為蘭溪鎮武德四年改為縣天寶六年以名重改為蕲水縣也

廣濟縣 中西至州五十里本漢蕲春縣地武德四年以此地衝要

置永寧縣天寶元年以名重改為廣濟縣

江水在縣南一百二十里

元和郡縣志

卷二十七

十三

積布山在縣南一百里南臨大江壘石壁立形如積布故以為名俗謂之積布磯

岳州 巴陵下開元戶九千一百六十五鄉二十一

本巴丘地古三苗國也史記三苗之國左洞庭右彭蠡春秋及戰國屬楚秦屬長沙郡吳於此置巴陵縣宋文帝立為巴陵郡梁元帝改為巴州隋開皇九年改為岳州大業三年為羅州武德六年復為岳州

州境 東西三百九十一里南北四百五十里

八到 西北至上都二千二百二十五里南至潭州五百五十里

西北至東都一千八百六十五里西至澧州四百四十里
西北至江陵府五百七十里東北至鄂州五百十里
北至復州沔陽縣五百五十里

貢賦開元貢元和貢 細紵布 賦麻紵相兼
白紵練布七疋

管縣五 巴陵 華容 湘陰 沅江 昌江

巴陵縣上郭下 本漢下雋縣之巴丘地也下雋屬長沙郡故

城在今蒲圻縣界吳初巴丘置大屯戍使魯肅守之復改

為巴陵縣自晉巴後遂因之蜀志曰西增白帝之兵東益

巴丘之戍又周瑜卒於巴丘皆此地也昔羿屠巴蛇於洞

庭其骨若陵故曰巴陵

君山在縣西三十里青草湖中昔秦始皇欲入湖觀衡山

遇風浪至此山上泊因號焉又云湘君所遊止故名之也

大江在縣北五里

元和郡縣志

卷二十七

十四

巴陵城對三江口岷江為西江澧江為中江湖湘江為南

江

彭城洲在縣東北九十四里宋元嘉三年荊州刺史謝晦

反臺遣到彥之進討軍次彭城洲彥之軍敗退保隱磯即

此處也

侯景浦在縣東北十二里本名三湘浦景既尅建業自統

兵西趨荆陝先遣其將宋子仙任約襲郢州湘東王繹令

王僧辯拒之景軍大敗燒營退走天監中寶誌道人為符

書云起自汝蔡訖於三湘侯景東起於懸瓠汝水之南而

敗於巴陵三湘之浦也

洞庭湖在縣西南一里五十步周迴二百六十里湖口有一洲名曹公洲曹公征荊州還於巴丘遇疾燒船歎曰郭奉孝在不使孤至此

巴丘湖又名青草湖在縣南七十九里周迴二百六十五里俗云即古雲夢澤也

澧湖一名翁湖在縣南十一里爾雅云河水決出還復入者爲澧左傳定公四年吳人敗楚於雍澧五戰入郢即此是也

陶侃故城在縣東北八里

華容縣

中東至州一百六十里

本漢孱陵縣地吳分置安南縣隋平

元和郡縣志

卷二十七

十五

陳以縣屬岳州開皇十八年改爲華容縣

方臺山在縣南三十二里出雲母往往有長四尺者可以爲屏風掘時忌有聲响則所得粗惡

赤亭湖在縣南八十里侯景攻巴陵遣將任約等入湖湘東王使胡僧祐陸法和夜以大艦過湖口因風縱火鼓譟前賊窮聚湖中俄然崩潰即此也

赤亭故城在縣西南七十里城據絕景原三面臨水極爲阻隘梁湘東王遣胡僧祐據城以擒任約

湘陰縣

中下北至州三百三十里

本春秋時羅子國秦爲羅縣今縣東

北六十里故羅城是也宋元徽二年分益陽羅湘西三縣

立湘陰縣

玉筍山在縣東北七十五里屈原放逐居此山下而作九歌焉

湘水南自長沙縣界流入又北入青草湖昔王延壽有異才年二十而得惡夢作夢賦年二十一溺死於湘浦即斯川也湘水至清雖深五六丈了了見底

泊水東北自洪州建昌縣界流入西經入玉筍山又西經羅國故城爲屈潭即屈原懷沙自決之所又西流入于湘水

舜二妃冢在縣北一百六十三里青草湖上

元和郡縣志

卷二十七

十六

屈原冢在縣北七十一里

沅江縣

中下東北至州三百七十里

本漢益陽縣地梁元年分置重華縣

隋平陳改爲安樂縣開皇末又改爲沅江縣

關州在縣東南五十八里建安二十年孫權以先主得蜀使使求荊州先主言須得涼州相與權患之乃遣呂蒙襲長沙零陵桂陽三郡先主引兵五萬下公安令關羽入益陽此州蓋羽屯兵之處故以爲名

沅江水西北自龍陽縣界流入與華容縣中分爲界

昌江縣

中下西北至州六百五十里

後漢分長沙爲漢昌縣孫權改爲

吳昌縣神龍三年析湘陰於故吳昌城改置昌江縣

汨水在縣東北四十里

元和郡縣圖志卷第二十七

元和郡縣志

卷二十七

十七

元和郡縣圖志卷第二十八

江南道四

江西觀察使 洪州 饒州 虔州 吉州 江州

袁州 信州 撫州

宣歙觀察使 宣州 歙州 池州

洪州 豫章望 開元戶五萬五千四百五 元和戶九萬一千一百二十九 鄉九十四 鄉一百十

今為江南西道觀察理所

管州八 洪州 饒州 虔州 吉州 江州 袁州

信州 撫州

管縣三十八 都管計戶二十九萬三千一百八十

元和郡縣志 卷二十八 一

禹貢揚州之域春秋時楚之東境吳之西境七國時全為楚地秦滅為九江郡惠帝元康二年於郡理立江州晉元帝時江州自豫章移理武昌郡自後或理淦城或理尋陽或理半洲並在淦城側近隋開皇九年平陳置洪州因洪崖井為名武德二年改為總管府七年改為都督府

州境 東西一千六百一十五里 南北一千一百五十六里

八到 西北至上都三千八十五里 西北至東都二千二百七十五里

東至饒州四百四十里 西至潭州一千一百三十五里

東至撫州二百一十九里 北至江州六百三十里

貢賦 開元貢 葛 紵布 丹參 旋覆花 元和貢 細葛 一十五疋

管縣七 南昌 高安 新吳 豐城 建昌 武寧

分寧

南昌縣望郭下 漢高六年置隋平陳改為豫章縣寶應元年

六月改為鍾陵縣十二月改為南昌縣

高安縣縣東至州一百五十里 本漢建城縣武德五年改為高安仍

於縣置靖州八年廢州復為縣屬洪州

新吳縣上東至州一百五十里 後漢靈帝中平中分海昏縣置開皇

九年省入建昌武德五年又置舊隸楚今新屬吳故曰新

吳

豐城縣上北至州一百四十七里 本漢南昌縣地晉武帝太康元年移

元和郡縣志 卷二十八 二

於今縣南四十一里名豐城即是雷孔章得寶劍處也

建昌縣縣北至州一百二十二里 東三里故海昏城即漢昌邑王賀所

封今縣城則吳太史慈所築

武寧縣上東至州三百六十里 長安四年割建昌界置

分寧縣上東南至州六百五十里 貞元十六年刺史李巽奏分武寧縣

西界置因以名焉

饒州鄱陽上 開元戶一萬四千六十二 鄉二十九

本秦鄱陽縣也屬九江郡鄱陽記云在揚州巳午之間孫

權分豫章立為鄱陽郡梁承聖二年改為吳州至陳光大

元年省吳州依舊置郡隋開皇九年平陳改鄱陽為饒州

其城即吳芮為番令所居城

永平監置在郭下每歲鑄錢七千貫

州境東西南北四百六十九里

八到西北至上都三千一百三十里 東北至東都二千三百二十里 南至西至

貢賦開元貢 元和貢 楚金 紵布 稅米 楚金 竹葦

管縣四 鄱陽 餘干 樂平 浮梁

鄱陽縣上郭下 秦置孫權分豫章置鄱陽郡理於此晉武帝

改為廣晉隋開皇九年改廣晉為鄱陽以在鄱水之北故

曰鄱陽

餘干縣上東至州一百里 漢餘干縣淮南王云田於餘干是也縣

元和郡縣志 卷二十八 三

因餘干之水為名開皇九年去水存干名曰餘干

樂平縣上西至州一百四十里 本漢餘干縣地後漢靈帝於此置樂

平縣南臨安江北接平林因曰樂平

銀山在縣東一百四十里每歲出銀十餘萬兩收稅山銀

七千兩

浮梁縣上西南至州二百二十里 武德五年析鄱陽東界新平縣尋廢

開元四年刺史韋玠再置改名新昌天寶元年改名浮梁

每歲出茶七百萬馱稅十五餘萬貫

虔州南康上 開元戶三萬二千八百三十七 鄉五十七 元和戶二萬六千二百六十 鄉五十七

孫權嘉禾五年分廬陵立南部都尉理寧都晉武帝太康

三年罷都尉立為南康郡至永和五年移理贛隋開皇九年平陳罷南康郡為虔州大業三年罷虔州復為南康郡武德五年又再置虔州蓋取虔化水為名也

州境 東西一千四百二里 南北一千三百三十九里

八到 西北至上都四千一百二十五里 東北至東都三千三百一十五里

東至建州一千五百八十五里 西至郴州一千一百一十二里

南至循州一千六百一十二里 北至吉州四百七十四里

貢賦 開元貢 紵布 乾薑 元和貢 紵布 蜜梅

管縣七 贛縣 南康 信豐 大庾 雩都 虔化

安遠

元和郡縣志

卷二十八

四

贛縣 上郭下 貢水西南自南康縣來章水東南自雩都縣來

二水至州北合而為一通謂之贛水因為縣名

南康縣 上東北至州八十里 本漢灌嬰所置南陞也屬豫章郡獻帝

初平二年析南陞置南安縣晉太康五年改為南康

信豐縣 上北至州一百九十五里 獻帝初平二年分南陞立南安縣晉

武帝改為南康永淳元年析南康更置南寶天寶元年改

為信豐

大庾縣 上東北至州二百二十里 南康記云前漢南越不賓遣監軍姓

庾討之築城於此因之為名隋以為鎮神龍初廢鎮為縣

雩都縣 上西北至州一百七十里 漢初所置因雩都水為名

虔化縣上西南至州四本漢贛縣地吳寶鼎三年初置新都

晉太康元年改為寧都隋開皇改寧都為虔化

安遠縣上西北至州五百二十里梁大同中於今縣南七十里安遠水

南置安遠縣開皇中廢貞元四年刺史路應重奏分寧都

縣地置

吉州上廬陵開元戶三萬四千四百八十一鄉七十四元和戶四萬一千二十五鄉六十九

本秦廬陵屬九江郡獻帝興平二年分豫章於此置廬陵

郡晉太康中移郡於石陽縣今舊州東北故城是也隋開

皇中改廬陵為吉州有吉州因為名焉

州境東西四百二十里南北六百九十二里

元和郡縣志 卷二十八 五

八到西北至上者三千六百五里北至東都二千七百九十里

東北至撫州四百五十里西至衡州九百一十里

南至虔州五百二十里北至洪州五百七十六里

貢賦元和貢白紵布 茶 陟釐

管縣五 廬陵 安福 永新 太和 新淦

廬陵縣上郭下本漢石陽縣晉移郡於此隋改為州又改名

石陽縣為廬陵因廬水為名

安福縣上東至州一百二十里本漢安平縣後漢改為平都郡屬廬

陵吳分置安城郡隋廢郡為安復縣武德中改為安福縣

永新縣上東北至州一百二十一里本漢廬陵縣地吳歸命侯所置屬安

城郡隋開皇中廢明慶四年又依舊置

太和縣 上北至州一百里 隋開皇九年平陳分廬陵縣置西昌縣

十年改為太和

新淦縣 上南至州二百七里 本漢舊縣豫章南部尉所居縣有淦水

因以為名陳割屬巴山郡開皇中廢郡縣屬吉州

江州 潯陽 開元戶二萬一千八百六十五 元和戶一萬七千九百四十五 鄉四十一 鄉四十九

禹貢揚荆二州之境揚州去彭蠡既豬今州南五十二里

彭蠡湖是也荆州去九江孔殷今州西北二十五里九江

是也然彭蠡以東為揚州界九江以西屬荆州界春秋時

為吳之西境吳後為楚滅復為楚地秦屬廬江郡漢屬淮

元和郡縣志

卷二十八

六

南國晉太康十年以荆揚二州疆域曠遠難為統理分豫

章鄱陽廬江等郡之地置江州因江水以為名理豫章至

惠帝分廬江之潯陽武昌之柴桑置潯陽郡自東晉元帝

至蕭齊或理半洲至陳武帝於潯陽置西江州復理豫章

文帝天嘉元年省西江州江州自豫章復理潯陽隋文帝

平陳置江州總管移理湓城大業三年罷江州為九江郡

武德四年討平林士弘復置江州五年又置總管七年改

為都督貞觀二年罷都督府州理城古之湓口城也漢高

帝六年灌嬰所築漢建安中孫權經此城權自標地令人

掘之正得古井銘云漢六年頴陰侯開井云三百年當塞

後不滿百年當為應運者所開權以為已瑞井極深大江
中風浪井水輒動晉咸和四年後將軍郭默殺平南劉渚
叛於此城陶侃討默築以攻之默乃以布囊盛米為壘以
應陶今稱云陶公壘

州境東西五百九十九里
南北一百七十七里

八到西至上都二千七百六十里
西北至東都一千九百五十里

東至宣州一千八百里
西至鄂州五百九十三里

南至洪州三百二十五里
北西至蘄州二百八十九里

貢賦開元貢
元和貢 葛 生石斛

管縣三 潯陽 彭澤 都昌

元和郡縣志 卷二十八 七

潯陽縣繫郭下本漢舊縣屬廬江郡居在潯水之陽故曰潯

陽隋平陳改潯陽為彭蠡縣大業二年改浞城縣武德五

年復改為潯陽縣

廬山在縣東三十二里本名鄣山昔匡俗字子孝隱淪潛

景廬於此山漢武帝拜為大明公俗號廬君故山取號周

環五百餘里

巢湖故城在縣東四十二里按楚有二巢在廬江六縣其

南巢桀所奔處

柴桑故城在縣西南二十里

半洲故城在縣西九十里按吳將孫慮黃武二年出鎮於

此築此城

宮亭湖神廟在縣東南九十里

彭澤縣上西南至州二百里本漢舊縣屬豫章郡置彭城湖南因以

爲名開皇元年廢彭澤別置龍城縣至十八年又改爲彭

澤縣

馬當山在縣東北一百里橫入大江甚爲險絕往來多覆

溺之懼

江水西自都昌縣界流入經縣北二十五里東北流入秋

浦縣界

都昌縣上西北至州一百五十里本漢彭澤縣地武德五年分置都昌

元和郡縣志

卷二十八

八

縣以縣北有都村配以昌字取嘉名也

彭蠡湖在縣西六十里與潯陽縣分湖爲界

釣磯山在縣南百一十二里昔陶侃常釣於此釣得一梭

化爲龍而去

彭澤故城在縣北四十五里晉陶潛爲令理此城

左里故城在縣西南九十五里盧循爲宋祖所敗自蔡洲

南走還此潯陽聞大軍將至欲走豫章乃悉力柵斷左里

及大軍至將戰高祖所執麾竿折幡沈水衆懼公笑曰往

年覆舟之戰幡竿亦有折今者復然賊必破矣即進攻柵

賊投水死者萬餘人遂大破

袁州宜春 開元戶二萬二千三百三十五 鄉四十一
和戶一萬七千二百二十六 鄉四十一

本秦九江郡地在漢為宜春縣屬豫章郡晉平吳後屬荆
州東晉已來屬江州開皇十一年置袁州因袁山為名大

業三年罷袁州為宜春郡武德五年討平蕭銑復置袁州

州境東西五百二十六里
南北二百二十五里

八到西北至上都二千九百七十二里
西北至東都二千七百七十里

東至洪州七百四十里
西至潭州五百二十六里

南至吉州三百一十七里
北至洪州五百二十五里

貢賦開元貢 紵麻布

管縣三 宜春 新喻 萍鄉

元和郡縣志 卷二十八 九

宜春縣上郭下 本漢舊縣灌嬰定江南所築城晉武太康元

年以太后諱春改為宜陽縣隋開皇十一年於縣置袁州

移縣於城東五里復改為宜春

新喻縣上西南至州一百五十里 本漢宜春縣地吳孫皓分置新喻縣

因渝水為名今曰新喻因聲變也

萍鄉縣上東至州一百四十二里 本漢宜春縣地吳寶鼎二年分立萍

鄉先隸吉州開皇十一年屬袁州以地多生萍草因以為

名

信州上饒中 元和戶二萬八千七百一十 鄉六十四

本漢餘汗之地三國時又分鄱陽郡葛陽縣之地陳改為

弋陽今州所理在弋陽縣東一百里乾元元年祖庸使洪州刺史元載奏置

州境 東西南北

八到 西北至上都三千六百三十里
西北至東都二千八百二十里

東至衢州二百五十里
西北至饒州五百里
東南至建州五百里

貢賦 元和貢 綿 藤帝

管縣五 上饒 玉山 弋陽 永豐 貴溪

上饒縣 上郭下 本吳所置隋平陳省乾元元年重立

玉山縣 上西至州九十里 證聖二年分常山湏江等縣置乾元二年

元和郡縣志 卷二十八 十

自衢州割入信州

弋陽縣 上東至州一百里 後漢分餘汗東界立葛陽縣自吳至陳

並屬鄱陽郡開皇中因失印改為弋陽縣乾元二年自饒

州割屬信州

永豐縣 中西北至州四十五里 本弋陽縣進賢鄉永豐里之地乾元

元年置因里為名

貴溪縣 上東至州二百二十里 永泰元年洪州觀察使李勉奏割樂

平餘于二縣在貴溪口因以為名

撫州 臨川 開元戶二萬四千九百八十八
元和戶二萬四千七百六十七 鄉四十八
鄉五十一

本禹貢揚州之境秦屬九江郡漢屬豫章吳太平中改置

臨川郡隋開皇九年改爲撫州大業十二年又改爲臨川

縣武德五年又改爲州

州境東西四百七十八里
南北六百三十里

八到西北至上都三千三百五十里
北至東都二千四百九十五里

東至饒州四百七十里
南至吉州四百五十六里
南至虔州一千三百八十里
北至洪州二百四十里

貢賦 開元貢 葛十疋
元和貢 葛十疋

管縣四 臨川 南城 崇仁 南豐

臨川縣上郭下後漢和帝永元八年析南城縣爲臨安縣開

皇九年改爲臨川縣

元和郡縣志

卷二十八

十一

南城縣上東南至州一百三十里漢分豫章郡立爲南城縣

崇仁縣上東北至州一百里本漢臨汝縣之地吳少帝太平二年分

臨汝爲新建縣屬臨川郡梁普通三年改巴縣開皇中改

爲崇仁

南豐縣上西北至州二百六十里本漢南城縣地吳少帝分以爲南豐

縣隋平陳省入南城景雲二年又置先天二年又廢開元

八年復置

宣州宣城

開元戶八万七千二百三十一
元和戶五万七千三百五十一

鄉一百六十七
一百九十五

今爲宣歙觀察理所

管州三 宣州 歙州 池州

禹貢揚州之域春秋時屬楚秦為鄣郡漢武改為丹陽郡領縣十七理宛陵即今理是也漢有銅官輿地志云定陵縣銅官山者漢採銅所治也漢順帝立宣城郡東晉或理蕪湖或理姑熟或理赭圻開皇九年平陳改郡為宣州移於今理武德二年置總管府七年改為宣城郡乾元元年復為宣州州理城周封楚子熊繹於此漢丹陽郡亦治此城俗傳晉桓彝所築

州境 東西四百八十六里 南北五百五十二里

八到 西北至上都取和滁路三千一十里 取潤州路三千七十里

元和郡縣志 卷二十八 十三

西北至東都取和滁路一千一百五十里 西北微東至潤州四百里

正北微西至和州二百五十里 南至池州三百四十里

西南微西踰嶺至歙州三百八十里 西渡江至廬州六百四十里

貢賦 開元貢 縠布 自貢元後常貢之外別進五色線 縠及綾 綺等珍物與淮南兩浙相比

管縣十 宣城 南陵 涇縣 當塗 溧陽 溧水

寧國 廣德 太平 旌德

宣城縣 望郭下 本漢宛陵縣屬丹陽郡後漢順帝置至晉屬

宣城郡隋自宛陵移於今理

敬亭山州北十二里即謝朓賦詩之所

青弋水州西九十九里

南陵縣 望東至州一百里 本漢春穀縣地梁於此置南陵縣仍於縣

理置南陵郡隋平陳廢郡縣屬宣州

鵲頭鎮在縣西一百一十里即春秋時楚伐吳敗於鵲圻是也汭流八十里有鵲尾洲吳時屯兵處

利國山在縣西一百一十里出銅供梅根監

梅根監在縣西一百三十五里梅根并宛陵監每歲共鑄錢五萬貫

銅井山在縣西南八十五里出銅

戰鳥山在縣西北一百二十里臨大江本名孤圻山昔桓

溫于赭圻討賊屯軍山下夜中衆鳥鳴賊謂官軍已至一

元和郡縣志

卷二十八

十三

時驚潰因以爲名

春穀故城在縣西一百五十里

赭圻故城在縣西北一百三十里西臨大江吳所置赭圻

屯處也晉哀帝時桓溫領揚州牧入朝參政自荊州還至

赭圻詔止之遂城赭圻鎮焉後城被火災乃移鎮姑熟

涇縣 繫東北至州一百五里 本漢舊縣因涇水以爲名屬丹陽郡晉

屬宣城郡武德七年於此置猷州八年廢以縣屬宣州

陵陽山在縣西南一百三十里陵陽子明得仙處

微嶺山在縣東南二百五十里涇水所出也

蓋山在縣西南二百八十里下有舒姑泉昔舒氏女化爲

此泉聞絃歌則有雙鯉湧出

當塗縣

緊東南至州一百九十三里

一本漢丹陽縣地其當塗縣本屬九江

郡漢爲侯國左傳禹會諸侯塗山注云在壽春東北以塗山爲邑故以名焉晉武太康初分丹陽置于湖縣成帝時以江北之當塗縣流入過江在于湖者僑立爲當塗縣屬淮南郡大業十年廢于湖縣以當塗屬宣州

牛渚山在縣北三十五里山突出江中謂之牛渚圻津渡處也始皇二十七年東巡會稽道由丹陽至錢唐即從此渡也晉左衛將軍謝尚鎮於此温嶠至牛渚燬犀炤諸靈怪亦在於此

元和郡縣志

卷二十八

十四

博望山在縣西三十五里與和州對岸江西岬曰梁山兩山相望如門俗謂之天門山上皆有却月城宋車騎將軍王玄謨所築

赤金山在縣北一十里出好銅與金類淮南子食貨志所謂丹陽銅也

九井山在縣南十里殷仲文九日從桓温登九井賦詩即此山也

龍山在縣東南十二里桓常與僚佐九月九日登此山宴

集

丹陽湖在縣東南七十九里周迴三百餘里與深水分湖

爲界

蕪湖水在縣西南八十里源出丹陽湖西北流入於大江
漢末湖側亦常置蕪湖縣吳將陸遜晉謝尚王敦皆嘗鎮
此

姑熟水在縣南二里縣名因此

慈湖在縣北六十五里吳時笮融於此屯兵晉成帝咸和
二年陶侃與蘓峻戰於慈湖侯景之亂兵至慈湖梁人聞
之大恐

採石戍在縣西北三十五里西接烏江北連建業城在牛
渚山上與和州橫江渡相對隋師伐陳賀若弼從此渡隋

元和郡縣志

卷二十八

十五

平陳置貞觀初改鎮爲戍

溧陽縣

隸西南至州二百四十里

本漢舊縣屬丹陽郡以立溧水之陽

爲名吳時置屯田於此隋屬蔣州注今潤州上元縣西石
頭城是蔣州理也又屬潤州大業二年屬宣州

平陵山在縣南十八里晉成帝時李完圍韓晃於此山斬
之高四十丈

溧水在縣南六里

溧水縣

上南至州二百二十五里

本漢陽縣地隋開皇十一年宇文述

割溧陽之西丹陽之東置

中山在縣東南一十五里出兔毫爲筆精妙

丹陽湖在西南二十八里與當塗縣分中流爲界

因城湖在縣南一百里周迴九十里多蒲魚之利

寧國縣上西北至州一百一十里本後漢末分宛陵南鄉置屬丹陽郡

晉屬宣城郡其後武德中廢天寶三年復置

五湖水在縣東北四里

廣德縣繫西至州一百六十五里後漢分故鄣縣置屬丹陽郡宋爲經

安縣仁壽三年屬湖州大業二年移於今理屬宣州至德

二年改名廣德

桐汭水在縣西五十里春秋楚子期伐吳至桐汭是也

太平縣上東北至州二百八十里本涇縣地天寶四年宣城郡太守李

元和郡縣志

卷二十八

十六

和上奏割涇縣西南十四鄉里

黃山在縣西南四十里上有泉水泉側多黃蓮

旌德縣上北至州二百三十里本太平之地以縣界闊遠永泰土賊王

方敵據險作叛招討平之奏分太平置旌德縣

歙州

新安開元戶三萬一千九百六十一元和戶一萬六千七百五十四

鄉七十二鄉五十

禹貢揚州之域春秋時屬越秦皇爲丹陽郡歙縣之地其

後或屬新都或隸新安郡或立新寧郡隋開皇十二年置

歙州武德中置都督貞觀廢

州境

東西四百一十九里南北二百四十里

八到

西北至上都取睦州路四千八百五里取宣州路二千四百五十里西北至東都三千二百二十五里取宣州潤州路二千五百九十里

東至杭州四百七十里
西南至饒州七百里

東至睦州三百七十里
正北微東至宣州三百里

貢賦

開元貢
元和貢

紵
細紵布

麻布一十五端
竹葦

管縣六

歙縣

黟縣

休寧

婺源

績溪

祁門

歙縣

上郭下

本秦舊縣也縣南有歙浦因以為名晉後屬新

都郡或屬新安郡或屬新寧郡隋初省十一年又置十二

年置歙州及縣

北黟山在縣西北二百六十八里宣歙二州分界處

布射山一名勤山在縣北二十里吳志歙賊金奇萬戶屯

於此

烏聊山在縣東南二百六步上有毛甘故城後漢末賊毛

元和郡縣志

卷二十八

十七

甘萬戶屯於此吳將賀齊討平之

浙江西自休寧縣界流入

黟縣

上東至州一
百五十二里

本漢舊縣理在黟川因為名屬丹陽

郡隋氏平陳省入休寧縣十一年復置隸宣州十二年改

隸歙州按縣南有墨嶺出墨石又昔貢柿心木縣由此得

名說文黟字從黑旁多後傳誤遂寫黟字

林歷山在縣西南一百五十里昔吳大帝使賀齊討黟歙

山賊賊帥陳僕祖山等二萬戶屯北山四面壁立高數

十丈徑路危狹不容方楯賊乘高下石不可得攻齊乃陰

募輕健士密于隱險賊所不備處以戈帖山為緣道夜令

勇士潛上懸授人遂大破之忽賊中有善禁者官軍刀劍不得拔弓弩失發多還自向賀齊令曰吾聞虫有毒者兵有刃者可禁其無刃者不可禁乃多作靱木白楛選異力精卒五千人攻之禁果不行賊遂大敗

休寧縣

上東至州六十六里

本秦歙縣地屬丹陽郡後漢建安中賀

齊討黜歙山賊分休陽縣其後頻有改易隋開皇九年改爲休寧縣屬婺州十二年屬歙州

橫郭山在縣東南八十四里

漸江一名浙江源出縣東南橫郭山東流經歙縣又東南入睦州界

元和郡縣志

卷二十八

十八

婺源縣

上東北至州二百九里

本休寧縣西南界開元二十六年平

妖賊洪氏始置此縣以婺水繞城三面因以爲名

善山在縣南五十里與惡山隔溪相對俗謂之夫婦山

績溪縣

中下西南至州六十六里

本梁大通元年於此置梁安縣武德中

廢大曆二年刺史長孫全緒奏分歙縣置此縣北有乳溪與徽溪相去一里並流離而復合有如績焉因以爲名

初門縣

中下東至州一百七十九里

本古昌門地漢黟縣之南境永泰

元年草賊方清於此僞置昌門縣以爲守備刺史長孫全緒討平之因其舊城置縣耻其舊號以縣東北一里有初山因改爲初門縣大曆五年又移於東面臨大溪西枕小

山

池州池陽 元和戶一萬七千五百九十一 鄉三十四

本漢鄣郡之域吳於此置石城縣梁昭明太子以其水魚美故封其水為貴池今城西枕此水隋廢石城縣入南陵縣開皇中於此置秋浦縣永泰二年江西觀察使李勉奏置池州因武德四年總管左難當所奏舊名取貴池以為

州號也

州境東西南北

八到西北至上都取宣州路三千四百一十里取江州路二千五百三十里西北至東都取宣州路二千五百一十里取江州路二千五百三十里

東北陸路至宣州三百四十里 西南至江州五百八十里 東南至歙州四百六十里 西南至饒州五百八十里

元和郡縣志

卷二十八

十九

正北微西渡江至舒州四百三十里

貢賦

管縣四 秋浦 青陽 至德 石棣

秋浦縣上郭下 隋開皇十九年於石城故城置屬宣州永泰

二年李勉奏置池州新縣屬縣

烏石山在縣西一百四十里應德初為賊陳庄方清所據

赤慘破平之

大江水在縣北七里

貴池水在縣西七里

秋浦水在縣西八十里

青陽縣 上西南至州七十里 本漢涇縣地天寶元年洪州都督徐輝

奏於吳所立臨城縣南置屬宣州在青山之陽為名永泰

二年隸池州

至德縣 中東北至州二百五十里 本漢石城至德二年刺史宋若思奏

置因年號為名初屬尋陽郡乾元元年改屬饒州永泰三

年割屬池州

堯城在縣南四百里

舜城在縣北二十里舊傳兩帝南巡至此

石隸縣 中西北至州二百里 本漢丹陽郡地至吳大帝封韓當為石

隸城侯因此置縣其後屢有廢興永泰二年洪府都督李

元和郡縣志

卷二十八

二十

勉奏割秋浦青陽涇三縣於吳所置陵陽城南五里置

陵陽山在縣北三十里竇子明於此得仙

石隸在縣西北一百三十里有兩橫石壅江有如隸焉因

名之

元和郡縣圖志卷第二十八



元和郡縣圖志卷第二十九

江南道五



湖南觀察使 潭州 衡州 郴州 永州 連州

道州 邵州

福建觀察使 福州 建州 泉州 漳州 汀州

潭州 長沙 開元戶二萬一千八百 元和戶一萬五千四百四十四 鄉六十九

今為湖南觀察理所

管州七 潭州 衡州 郴州 永州 連州 道州

邵州

禹貢荊州之域春秋為黔中地楚之南境秦併天下分黔

元和郡縣志 卷二十九 一

中以南之沙鄉為長沙郡以繞相川 下言長沙郡地者皆禹貢荊州之域楚之

也南境 按東方南郡有萬里沙祠自湘川至東萊地可萬里

故曰長沙漢初以吳芮有功封長沙王至景帝封其子發

為王因入朝有詔諸王起迭舞王但張袖而已帝怪而問

之對曰臣國地小狹不足以回旋帝悅益以武陵桂陽二

郡自漢至晉並屬荊州懷帝分荊州湘中諸郡置湘州南

以五嶺為限北以洞庭為界漢晉以來亦為重鎮今按其

俗雜有夷人名徭自言先祖有功免徭役也隋開皇九年

平陳改為潭州取昭潭為名也又置總管府大業中罷牧

置都尉府三年罷長沙郡武德四年又置潭州總管府七

年改爲都督府

州境 東西一千六十里
南北五百七十五里

入到 西北至上都二千四百四十五里
正南徽東至衡州四百六十里
東北至東都二千一百八十五里
東至洪州九百八十里

北至岳州水路五百五十里
東南至袁州五百二十五里
西北至郎州四百里

貢賦 開元貢 葛布十五疋
元和貢 絲葛十五疋

管縣六 長沙 醴陵 瀏陽 益陽 湘鄉 湘潭

長沙縣 繫郭下 本漢臨湘縣屬長沙國隋改爲長沙縣屬潭

州

嶽麓山在縣西南隔湘江水六里蓋衡山之足也故以麓

爲名

元和郡縣志 卷二十九 二

雲母山在縣北九里列女傳長沙雲母服之不朽也銅山

在縣北百里楚鑄銅處

昭山在縣南七十里臨湘水下有旋潭甚深無底州之得

名因此也

湘水南自衡山縣界流入於岳州湘陰縣界

故尉城在縣西北七十里孫權發程普爲長沙縣西部都

尉以防闕羽因築此城

故陶闕在縣西南五里晉杜弢據湘州反陶侃討之因置

此城

賈誼宅在縣南四十步

吳芮墓在縣北四里

陶侃墓在縣南二十三里

醴陵縣中下西北至州一百八十里本漢臨湘縣地禹貢岷山導江東別為

沱又東至於醴是也後漢置此縣屬長沙郡吳封顧雍為

長沙侯而家人不知是也隋平陳省入長沙武德年復置

瀏陽縣中下西至州二百五十里本漢長沙縣地吳置瀏陽因縣南瀏陽

水為名隋平陳廢景龍二年復置

益陽縣上東南至州一百八十里本漢舊縣屬長沙國在益水之陽因名

隋平陳屬潭州

濱水一名茱萸江南自邵州流入經縣南三十步縣西有

元和郡縣志

卷二十九

三

關羽瀨南對甘寧故壘昔羽屯兵水北孫權令魯肅甘寧

拒於此水寧謂肅曰羽聞吾咬唾之聲必不敢渡渡則成

擒也羽夜聞寧分處曰與霸聲也遂不渡茱萸江

益水在縣東南益山東北流入濱水

關羽故壘在縣西一十五里

湘鄉縣緊西北至州二百三十里本漢湘南縣之湘鄉也後漢立為縣屬

零陵郡自吳至陳並屬衡陽郡隋省入衡山縣武德四年

復置

石魚山其石色若雲母開發一重若魚形刻畫燒之作魚

膏臭在縣西十五里

龍山有鍾乳穴在縣南二百四十里○水在縣南四十五里煮水一石得鹽五升

湘潭縣繫東北至州一百四里陸路一百二十里本漢湘南縣地吳分立衡陽縣晉

惠帝更名衡山歷代並屬衡陽郡隋改屬潭州天寶八年改名湘潭

涓湖溉良田二百餘頃縣西七十里

湘水經縣理東

衡州

衡陽上

開元戶一萬三千五百一十三元和戶一萬八千四十七

鄉四十四鄉四十四

秦屬長沙郡漢為鄆縣地吳分長沙之東部為湘東郡晉以郡屬湘州開皇九年罷郡為衡州以衡山為名

元和郡縣志

卷二十九

四

州境

東西六百五十里南北四百九十九里

八到

西北至上都二千九百五里東北至吉州九百一十里

北至東都二千六百四十九里西南微西至永州五百七十里

東南至郴州三百七十里東南至郴縣界七百三十八里

北至潭州四百六十里西至邵州三百五十六里

貢賦

開元貢元和貢

金水銀

大麻

紵絲

管縣六

衡陽

攸縣

茶陵

耒陽

常寧

衡山

衡陽縣

繫郭下

本漢鄆縣地吳分置臨蒸縣屬衡山郡天寶

初更名衡陽郡縣仍屬

縣城東傍湘江北背蒸水岨嶮

山即衡山也在縣北七十里

湘水西南自永州祁陽界入

蒸水至臨蒸縣北東注於湘謂之蒸口

鄴湖在縣東二十里可釀爲酒晉紀武帝平吳薦鄴酒於太廟是也

蒸陽故城在縣西一百七十里

攸縣下西南陸路至州三百四十五里本漢舊縣武德四年分湘潭縣置以

北帶攸溪爲名

茶陵縣西南水路至州四百五十里本長沙縣界齊永明七年入湘東郡

開元九年爲湘潭縣武德四年置茶陵縣貞觀九年廢聖曆元年復舊以南臨茶山縣以爲名

耒陽縣西北至州一百六十八里本秦縣因耒水在縣東爲名漢屬桂陽

郡隋改爲耒陽屬衡州後漢蔡倫卽此縣人有宅基在縣

元和郡縣志

卷二十九

五

西一里

兩瀨在故縣西南每旱賽之則雨降

常寧縣下西北至州陸路一百八十里本秦耒縣地吳分耒陽置新平縣宋元

徽中三洞蠻抄掠州縣遂移就江東因蠻寇止息遂號新寧卽今理是東俯潭水西枕宜江天寶元年改名爲常寧

湘水在縣北六十里

衡山縣上西南至州一百二十里本漢陰山縣以縣東百二十里有陰山爲

名至梁武天監中分陰山立湘潭縣天寶八年改爲衡山

湘水在縣東

衡山南嶽也一名岫嶁山在縣西三十里南嶽記云衡山

者朱陵之靈臺火臺之竇洞又云赤帝館其嶺祝融託其陽以其宿當翼軫度應機衛故為名又曰上如車蓋及衛輓之形山高四十一丈

衡岳廟在縣西三十里南獸記曰南宮四面皆絕人獸莫至周迴天險無得履者漢武帝移於江北置山隋文帝復移於今所

郴州 桂陽 開元戶三萬二千一百七十六 鄉五十
元和戶一萬六千四百三十七

東漢長沙郡地漢分長沙南境立桂陽治郴縣領一縣隋平陳改為郴州大業中復為桂陽郡武德四年為郴州桂陽監在城內每年鑄銅錢五萬貫

元和郡縣志 卷二十九 六

州境 東西五百九十六里 南北三百二十三里

八到 西北至上都三千二百七十五里 東至慶州一千里 北至東都三千一十五里 西至道州五百三十五里

東南至韶州四百一十里 西北至衡州三百七十一里

貢賦 開元貢 元和貢 綱白紵 同

管縣八 郴縣 義章 義昌 平陽 寶興 高亭

臨武 藍山

郴縣 上郭下 本漢舊縣項羽徙義帝之所都也歷代屬郴陽

郡隋屬郴州

馬嶺山在縣東北五里昔蘇眺學道於此得仙其舊宅在

州東半里俯臨城餘跡猶存

石井山在縣東北八十里有風母獸旣死張口向風則生
劉洞在縣西北二十三里出偃鼠如牛將爲災乃出畝畝
散落其尾悉爲小鼠

淥水自柳侯山注來

程鄉吳錄云程鄉出酒

橫溪水俗謂之貪泉飲者輒冒于貨財

柳水出經縣東一里

溫水在縣北常溉田十二月種明年三月熟又可一歲三
熟

義帝祠在縣南一里墓在縣西一里

元和郡縣志

卷二十九

七

義章縣

中下西北至州一百一十五里

本漢柳縣地隋末蕭銑分置屬柳州武

德因而不改開元二十三年自縣北移於今理却據曾嶺

前臨通江

章水在縣北六十五里

義昌縣

中下西北至州三百三十里

東漢柳縣地至東晉分置汝城縣屬桂

陽郡隋改爲扈陽縣天寶元年改爲義昌

平陽縣

上東至州九十九里

東漢柳縣地東晉陶侃於今理南置屬平

陽郡至陳俱廢隋末蕭銑分置武德因而不改七年省八

年復置

銀坑在縣南三十里所出銀至精好俗謂之僞子銀別處

莫及亦出銀鑛供桂陽監鼓鑄

資興縣中下西至州一百二十里本漢郡縣北後漢於此置漢寧縣吳政曰

陽安晉改為晉寧至隋省開皇十一年又置改為晉興貞

觀廢咸通三年又置改為資興南府來江北帶長嶺

高亭縣中下南至州九十里本漢便縣晉省陳復置至隋省入郴縣開

皇十三年宇文融奏割郴縣北界置安陵縣安陵水在縣

北百步因以為名天寶元年改為高亭縣以縣東一百三

十里高亭山為名

臨武縣中下東北至州一百一十三里東漢舊縣以南臨武溪水因為名歷

代屬桂陽郡為郴州縣屬不改

元和郡縣志

卷二十九

八

桐柏山在縣西北六十里

雞水在縣南即桂水也

藍山縣中東北至州三百二十里本漢南平縣至隋廢咸通中復置於今

理天寶元年改為藍山縣

九嶷山在縣西南五十里

永州零陵

開元戶二萬七千五百九十九

鄉四十八

秦屬長沙郡漢為長沙國武帝分置零陵郡領縣十至宋

封晉恭帝為零陵王隋文開元九年平陳置永州因水為

名大業三年復為零陵郡四年又置永州史記舜葬九疑

即此地也

州境東西三百三十二里
南北五百六十一里

八到西北至上都三千一百五十五里
西南至桂陽五百五里
東北至衡州陸路五百七十里
西至叔州南郎溪山懸險不通無里數
南至韶州六百里

貢賦開元貢
元和貢
細葛
石鷺

管縣四 零陵 祁陽 湘源 灌陽

零陵縣上郭下本漢泉陵縣地隋平陳改為零陵縣自改泉

陵故移於此

湘水經州四十餘里

石室山在縣北一里呂蒙所築

祁陽縣上南至州路
一百八十里本漢泉陵縣地屬零陵郡吳分泉陵武

元和郡縣志 卷二十九 九

德四年復置於今理貞觀元年省四年又置石鷺山在縣

西北一百一十里出石鷺充藥

湘水經縣南三十步

湘源縣上東北至州
一百三十里本漢洮陽縣地至隋改置湘潭縣屬永

州

湘水經縣東

灌陽縣中北至州三
百六十里本漢零陵縣地大業末蕭銑析湘源縣

置武德七年廢上元二年呂謹奏置

灌水在縣西南一百二里

連州連山
開元戶一萬八百八十
元和戶五千二百七十鄉二十二

秦為長沙郡之南境漢置桂陽郡至陳為桂陽縣隋文帝
開皇十年置連州因黃連扇為名大業改為熙平郡武德
四年復為連州

州境東西二百四十二里
南北四百里

八到東北至上都三十六百六十五里
東至韶州移路五里

西南至封州六百三十里
取連州桂嶺路三百六十里

西北至東都三千四百五里
東南洛澗至廣州八百九十里
西至賀州疾路二百七十里
東北渡嶺至郴州三百九十里

貢賦開元貢
元和貢

細紵布
鍾乳

管縣三 桂陽 陽山 連山

桂陽縣上中
郭下本漢舊縣屬桂陽郡吳宋齊並屬始興郡梁陳

屬陽山郡隋屬連州

元和郡縣志

卷二十九

十

貞女硤在縣東南一十里

黃連嶺在縣西南一百五十里

陽山縣中下西北至州水
路一百四十七里本漢舊縣為南越置闕之邑故其闕在

縣西北四十里茂漢口史記尉他音
陸移檄陽山闕曰盜兵

且至急絕道聚兵自守今陽山北當騎山嶺路秦於此立

陽山關漢破南越以為縣後漢省晉重置在注水南梁天

監六年置陽山郡以縣屬焉隋開皇十年屬連州神龍二

年移於注水北即今理縣也是界諸山各出乳穴

連山縣中下東至州
一百六十里自漢至齊為桂陽郡之地梁武帝分桂

陽置桂陽廣惠縣開皇十年改為廣澤屬連州仁壽元年

改爲連山

滑水今爲黃連水

道州 江華 開元戶二萬七千四百四十八 元和戶一萬八千三百三十八

鄉六十一 五十一

秦屬長沙郡漢屬長沙國武帝分長沙置零陵郡吳分零陵置營陽郡今州是也以郡在營水之南因以爲名隋末

陷寇賊武德四年平蕭銑置營州貞觀八年改爲道州

州境 東西二百九十五里 南北四百里

入到 西北至上都三千四百一十五里 西北至東都三千一百五十五里 西北水路至永州二百六十里 正東微北至郴州五百三十五里

南踰嶺至賀州四百四十里 正南踰嶺至韶州四百二十里

貢賦 開元貢 元和貢

同 細紵

元和郡縣志

卷二十九

十一

管縣五 弘道 永明 延唐 大曆 江華

弘道縣 上郭下 本漢營浦屬零陵郡隋改永陽縣貞觀八年

省入營道縣天寶六年改爲弘道縣

大陽原在縣南五十步多小班竹相傳云舜崩之後二妃

尋湘水以手拭淚把竹遂成斑也

營水南自江華縣流入

永明縣 中東北至州 一百一十里 本漢營浦縣隋改爲永陽縣武德四年移

於州西南貞觀八年省天后又置天寶元年改爲永明

延唐縣 上西至州 一百里 本漢令道縣之地屬零陵漢景帝時零陵

文學於令道舜祠下得玉琯是也至隋自奔巢永口移營

道縣於此武德四年移營道於州郭內於此置唐興縣天寶元年改爲延唐縣

九疑山在縣東南一百里舜所葬也九山相似行者疑惑故爲名

舜廟在縣下

冷水今名遲水源出九疑山

春陵故縣在縣北五十里長沙定王封中子買爲春陵侯是也

大曆縣中下西北至州二百二十里本漢營道縣之地大曆二年觀察使韋

之晉奏析延廣縣於州東置因年號爲名

元和郡縣志

卷二十九

十二

江華縣中北至州一百一十三里本漢馮乘縣也故城在縣南七十里至隋

不改武德四年分馮乘縣置江華縣屬營州八年屬道州

營水出縣東北

淮安王子廟在縣南七十二里荆州記云淮安王被誅其子奔至此城門化爲石今名東塘神

邵州邵陽
開元戶一萬三千三百二十
元和戶一萬八百

秦爲長沙郡地漢爲昭陵縣屬零陵郡吳分置邵郡今州

是也宋齊並爲邵陵王國隋開皇十年以邵陵郡屬潭州

隋末陷于寇賊武德四年平蕭銑屬南梁州貞觀十年改

爲邵州

州境 東西屈曲一百二十里
西北水路七百三十四里

八到 西北至上都二千八百八十四里
東南至永州三百二十里

東至衡州三百五十六里

北至東都二千五百八十五里
東北至潭州陸路五百三十里

貢賦 開元貢 黃蠟 麻布
元和貢 銀

管縣二 邵陽 武岡

邵陽縣 上郭下 本漢昭陵縣屬長沙國後漢改昭陽縣晉武

帝改爲邵陽在邵水之陽爲名

武岡縣 上東北至州四百三十里 本漢都梁縣地屬零陵郡吳寶鼎元年改

屬武岡縣因武岡爲名一云晉武帝分都梁縣置梁天監

元年以太子諱經故爲武強武德四年復舊

元和郡縣志 卷二十九 十三

都梁山在縣東北一百三十里

福州 長樂 開元戶三萬一千六十七
中都督府 元和戶一萬九千四百五十五
鄉六十六
鄉八十一

今爲福建觀察理所

禹貢揚州之域本閩越秦并天下以閩中下郡作三十六

郡之數今州即閩中郡之地也 下言閩中地者皆禹貢揚州之域 漢初又爲

閩越國其後無諸從諸侯之師滅秦率人佐漢漢立無諸

爲閩中王王故地郡又有治縣按治即今台州章安故縣

是也後漢改爲東侯官吳於此立曲都都尉主謫徙之人

作船於此晉置晉安郡領縣八屬揚州南朝以封子弟爲

王梁簡文帝初置封曹安王入爲皇太子是也陳廢帝改

為豐州又為泉州因泉山為名大業三年改為閩州二年改為建安邵武武德六年改為泉州八年置都督府景雲二年又為閩州開元十三年改為福州都督府因州西北福山為名兼置經畧使仍自嶺南道割屬江南東路

州境東西南北

八到西北至上都五千二百九十五里 西北至東都四千四百二十四里 東北至溫州水路屈曲一千八百里山路險阻 西南至泉州三百七十里

正北微西至建州六百里 西南至汀州水路屈曲一千三百六十五里 東南水路至海一百六十里 東至大海七十里

貢賦開元貢 元和貢 絹綿 紵布 海蛤 乾薑 蚺蛇膽 元和貢 海蛤 乾薑 白焦

管縣九 閩縣 侯官 長樂 福唐 連江 長溪

尤溪 古田 永泰

元和郡縣志 卷二十九 十四

閩縣郭上 郭下本漢治縣地也屬會稽郡後漢改為東侯官吳改

屬建安郡晉以侯官為晉安郡開皇九年改為原豐縣又

改為閩縣皇朝因之

海在縣東南一百六十里

東湖在縣北三里

西湖在縣西二里

侯官縣縣北至州二里武德六年於今州西北三十一里置八年廢

長安三年重置貞元五年觀察使鄭叔則奏移於州郭

長樂縣上西至州一百里本隋閩縣地武德六年分置長樂縣因為

名

石尤嶺縣南四十里與福唐縣分界

大海在縣東七十里

海澶山縣東一百二十里山在大海中周迴三百里

福唐縣

緊東北至州水路一百七十里

聖曆二年析長樂縣東南界置萬安縣

天寶元年改名福唐

大海在縣東四十五里

丹步渡在縣南百步其水謂之無患溪

連江縣

緊西南至州水路一百六十里

本漢治縣地晉分立温麻縣武德六

年移於連江之北改為連江縣

連江在縣南三百里東流入海

元和郡縣志

卷二十九

十五

海在縣東五里

長溪縣

中下西南至州水路八百里

長安二年割置晉温麻舊縣北四鄉置

長溪縣

長溪在縣南四十五里流至大海

尤溪縣

中下東南水路至州八百里

開元二十九年開山洞置縣東水路沿

流至侯官縣西水路沂流至汀州龍巖縣

古田縣

中下東至州七百里

開元二十九年開山洞置與連江接界與

沙縣分界

永泰縣

中下東北至州二百五十里

永泰二年觀察使李承昭開山洞置縣

東水路沿流至侯官縣西沂流至南安縣南北俱抵大山

並無行路

建州建安

開元戶二萬八百
元和戶一萬五千四百八十

鄉四十
鄉四十

本秦閩中地也漢于其地立治縣屬會稽郡後漢改治為東侯官吳孫永安二年以會稽南部都尉分為建郡今州即其地也宋齊梁皆以封子弟為王開元十年罷郡以縣屬泉州隋氏喪亂建安縣人擁眾自保武德四年歸附遂于建安縣置建州

州境

東西南北

八到

西北至上都四千六百九十五里
正南微東至福州六百里

西北至東都三千八百三十五里
東北至處州山路九百里

西北至信州五百四十里
西角至汀州水路屈曲一千五百里

西北至撫州八百三十里
正北微東至衢州七百里

元和郡縣志

卷二十九

十六

貢賦

開元貢
元和貢

金花練
蕉布

蕉葛布

賦綿絹
僵鼠皮

管縣五

建安

浦城

邵武

將樂

建陽

建安縣

上郭下

本漢治縣之地後改為東侯官又立建安縣因

遂不改

建陽溪一名建安水在州西四百步南流入福州界

浦城縣

緊東南至州
三百六十里

本漢興縣吳永安三年改曰吳興隋平

陳省入建安武德四年又省載初元年復置改曰唐興天

授二年為武寧神龍元年復為唐興天寶元年改為浦城

梨嶺在縣東北八十里與弋陽縣分界

邵武縣

上

本漢治縣之地吳於此立昭武縣晉改為

邵武

飛猿嶺在縣西一百七十里

邵武溪水源出飛猿嶺東南流經縣西

將樂縣

中下東北至州四百五十里

吳永安三年置開皇九年省武德八年

復立

將樂溪水源出百丈嶺東北流經縣界

建陽縣

中東南至州一百六十里

本上饒縣地吳分置建平縣晉太元四年

改為建陽開皇十年省入建安武德四年重置

建陽溪水源出縣北温嶺南流經縣界

泉州

清源

開元戶三萬七百五十四元和戶三萬五千五百七十一

鄉三十四

元和郡縣志

卷二十九

十七

舊泉州本理在今閩縣武德六年置景雲二年改為閩州

開元中改南福州今泉州本南安縣也久視元年縣人孫

師業訢稱赴州遙遠遂於南安縣東北界置武榮州景雲

二年改為泉州即今理是也

州境

東西四百里南北三百三十里

八到

西北至上都五千六百九十五里東北至福州三百七十里

西北至東都四千八百四十五里正南至漳州三百五十里

東至大海一百里南至大海一百里

貢賦

開元貢元和貢

蠋蠟綿二百兩

紵布蛇膽

紵麻

管縣四

晉江

南安

莆田

仙遊

晉江縣

郭上郭下

開元六年刺史馮仁知綠州郭無縣請析南安

縣東置在晉江之北因名

南安縣縣東北至州八十里本漢治縣地後漢為侯官縣地晉為晉

安縣地陳立為南安縣因縣南安江取以為名

海在縣東南九十里

莆田縣上西南至州一百五十里本南安縣地陳廢帝分置莆田縣開皇十

年省武德六年復置貞觀改隸閩州景雲二年割屬泉州

大海在縣東一十五里

仙遊縣中南至州一百六十里聖曆二年析莆城西界于今縣北十五里

置清源縣天寶元年改為仙遊仍移于今理

仙遊山在縣西三十里縣因為名

元和郡縣志 卷二十九 十八

漳州漳浦上開元戶一千六百九十四元和戶一千三百四十三

鄉十一

本泉州地垂拱二年析龍溪南界置因漳水為名初置于

今漳浦縣西八十里開元四年改移就李澳川即今漳浦

縣東二百步舊城是十二年自州管內割屬福州二十二

年又改屬廣州二十八年又改屬福州乾元二年緣李澳

川有瘴遂權移州於龍溪縣置即今州理是也

州境東西三百七十里南北三百九十里

八到西北至上都六千四百五十里西北至東都閩南至大海一百八十里北至汀州九百里

貢賦開元貢元和貢鯨魚皮 甲香 鱉

管縣三 龍溪 漳浦 龍巖

龍溪縣中下郭下陳分晉安縣立屬南安郡後屬閩州開元二十

九年割屬漳州縣東十五里至山險絕無路西二十里至

山南三里至山北十六里至山

海去縣五十四里

漳浦縣中下東北至州一百二十里垂拱中折龍溪南界置

龍巖縣中下東北至州三百里先置在汀州界雜羅口名雜羅縣屬汀州

天寶二年改為龍巖縣大曆十二年皇甫政奏改隸漳州

廢懷恩縣在州西南三百一十里垂拱二年置屬漳州開

元二十九年廢今置鎮

汀州臨汀下元和戶二千六百一十八

鄉一十一

元和郡縣志

卷二十九

十九

開元二十一年福州長史唐循忠於潮州北廣州東福州

西光龍洞檢責得諸州避役百姓共三千餘戶奏置州因

長汀溪以為名

州境東西南北

入到西北至上都取建州路六千二百九十五里東北至福州水陸相兼屈曲一千三百六十里

東北至建州水陸相兼一千五百里西至虔州水陸相兼一千二百里東南至漳州九百里正南微西至潮州一千三百五十里

貢賦開元貢 蝓 偃鼠皮

管縣三 長汀 沙縣 寧化

長汀縣中下郭下白石溪水在縣南二百步下流入潮州界

沙縣中下西南至州一百八十里本宋置屬建安郡開皇十六年廢武德四

年又置屬建州開元二十三年割屬汀州因沙丘以爲名
溪水自縣西來經縣郭東北流入建安溪

寧化縣中下西南至州六百里本沙縣地開元二十二年開山洞置縣西

與虔化縣接

玄武山在縣北五里

元和郡縣圖志卷第二十九

元和郡縣志

卷二十九

二十

元和郡縣圖志卷第三十

江南道六

黔州觀察使

黔州

黔中
都督府

開元戶三千九百六十三
元和戶一千二百一十一

鄉一十一
鄉九

今為黔州觀察理所

管州十五 黔州 涪州 夷州 思州 費州

南州 珍州 溱州 播州 辰州 錦州

叙州 溪州 施州 獎州

管縣五十一

本漢涪陵縣理後漢獻帝時分為四時縣置屬國都尉理

元和郡縣志

卷三十

一

涪陵至蜀先主增置一時又改為郡永嘉後地沒蠻夷經

二百五十六年至宇文周保定四年涪陵蠻帥田恩鶴以

地內附因置奉州建德三年改為黔中大業三年又改為

黔安郡因州隨州郡之名遂與秦漢黔中郡犬牙難辨其

秦黔中郡所理在今辰州西二十里黔中故郡城是漢改

黔中為武陵郡移理義陵即今辰州叙浦縣是後魏移理

臨沅即今州是秦漢黔所理是今辰錦叙獎溪澧朗施等

州是秦漢黔中郡之地與今黔中及夷費思播隔越峻嶺

東有沅江水及諸溪並合東注洞庭湖西有巴江水一名

涪陵江自牂牁北歷播費思黔等州北注岷沔以山川言

之巴郡之涪陵與黔中故地炳然分矣貞觀四年於州置都督府總施業辰智祥克舊應莊九州其年自今州東九千里故用城移於涪陵江東彭水之南聖曆九年罷都督府景龍三年又罷莊州都督府復以播州爲都督府景龍二年罷播州都督府復以黔中爲都督府開元二十六年又於黔中置採訪處置使以都督軍城爲使又隸五溪諸川入黔中道仍加置經畧使天寶元年改爲黔中部六年都督蕭克齊以舊城傾歆移築城於江畔乾元元年復爲黔州大曆四年以辰錦等五州爲辰錦觀察使至十年奉勅却隸黔府

元和郡縣志

卷三十

州境

東西五百四十五里
南北一百九十八里

八到

西北至上都取陵江府路三千六百五十里
北取蕩開州路至上都二千五百七十里

西南至夷州五百里
西南至播州一百里

西北至東都三千四百四十五里
東南至思州二百八十里

西北至涪州三百三十里
北渡江山路至忠州四百里

貢賦

開元貢
元和貢

黃增
增五斤

調入布充
賦

竹布

紵麻布

管縣六

彭水

黔江

洪杜

洋水

信寧

都濡

彭水縣

上

本漢酉陽縣之地屬武陵郡自吳至梁陳並爲

黔陽縣地隋開皇十三年蠻帥內屬於此置彭水縣

伏牛山在縣北一百里

左右鹽泉今本道官收其課

黔江縣

中下西至府二百里

本漢酉陽縣地隋開皇五年置石城縣屬庸

州大業二年廢武德元年又置天寶元年改名黔江

洪杜縣中下北至府一百三十里武德一年析彭水縣於今縣北十八里置

因縣一里洪杜山為名麟德二年移於今理

洋水縣中下東北至府一百六十里本武德二年於今縣東置盈隆縣貞觀

十年移於今理先天元年改為盈川以縣南有盈川山為

名天寶元年改為洋水以縣西三十里洋水為名

信寧縣中下東南至州一百三十里隋大業十年於今縣西南置信安縣武

德二年改為信寧縣屬義州義州今夷州義泉縣理是貞觀四年移於今

理十一年屬黔州

涪陵江水去縣二里

元和郡縣志 卷三十 三

都濡縣中下北至府二百里本貞觀二十年析洋水縣置以縣西北六十

里有都濡水為名也

涪州涪陵開元戶六千九百九下

禹貢梁州之域春秋時屬巴國秦為巴郡地華陽國志曰

涪陵巴之南鄙從枳縣入泝涪水枳縣即今涪州所理是

也與荆楚界相接秦將司馬錯由之取黔中地漢為涪陵

縣地蜀先主以為涪陵郡武德元年立為涪州在蜀江之

南涪江之西故為名上元二年因黃草峽有獠賊結聚江

陵節度呂諲請隸於江陵置兵鎮守元和三年中書侍郎

平章事李吉甫奏曰涪州去黔府三百里輸納往返不踰

鄉二十六 鄉二十一

一旬去江陵一千七百餘里塗經三峽風波沒溺頗極艱
危自隸江陵近四十年衆知非便疆理之制遠近未均望
依舊屬黔府

州境 東西南北

入到 東取江陵路至上都水陸相兼三千三百二十五里
至東都三千六百里水路至萬州六十里

從萬州北開州道宣縣及洋州路至上都二千三百四十里
東至忠州三百五十里 西至俞州水路二百四十里

東南至黔州水路三百三十里 西北陸路至渠州陵山縣一百七十里
東至江陵府水路一千七百里

貢賦 開元貢 元和貢 黠金 文鐵刀 白審 布一段 連頭 小均譜

管縣四 涪陵 樂温 武龍 賓化

涪陵縣 中下 郭下 本漢舊縣屬巴郡漢時赤甲軍多取此縣入蜀

元和郡縣志 卷三十 四

置涪陵郡開皇廢郡縣屬渝州武德元年置涪州縣改屬

焉

雞鳴峽山在縣西十五里先主時涪陵人反蜀將鄧艾討

焉至雞鳴峽見猿母子相抱艾引弩射中猿母其子拔箭

以樹葉塞創艾投弩水中嘆曰吾傷物之性其死矣果亡

州城本秦枳縣城也自李雄據蜀此地積為戰場人衆奔

波或上或下栢温定蜀以涪郡理枳縣城

開池在縣東三十里出剛鐵土人以為文刀

樂温縣 中下 東南至州 一百一十里 本漢枳縣地周明帝分置巴縣武德二

年改為樂温縣因樂温山為名在縣南三十里北縣出芻

武龍縣

中下東北至州二百五十里

本漢涪陵縣地武德九年分立武龍縣

涪江水在縣南屈曲北流注於蜀江

賓化縣

中下東北至州三百里

本漢枳縣地周武成三年省入巴縣貞觀

十一年分巴縣置隆化縣西永隆山為名先天元年以犯

廟諱改為賓化縣

夷州

義泉下

開元戶一千四百八十七

鄉一十一

本徼引蠻夷之地自漢至梁陳並屬牂牁郡壁代侍險多

不賓附大業七年置綏陽縣屬明陽郡武德四年改為夷

州貞觀元年廢四年於黔州都上縣復置

州境

東西二百九十里南北二百九十里

元和郡縣志

卷三十

五

八到

東北至上都取江陵府四十一百五十五里北取當州路至上都三千七十里

西至東都二千九百四十五里北至黔州五百八十里

西南至播州二百四十里東北至涪州四百里

東至費州三百里

貢賦

開元貢元和貢

班布 賦 茸粉三十斤

麈布

管縣五

緩陽

都上

義泉

洋川

寧夷

緩陽縣

中下

本漢牂牁郡之地隋大業十二年已郡丞梁粲

招慰所置

緩陽山在縣北二十九里縣為名

都上縣

中下西北至州五十二里

本漢牂牁郡之地隋大業十二年招慰所

置其處是酋豪首領都集之所因以為名

義泉縣

中下東北至州一百里

隋大業十一年招慰所置以帶山泉為名

屬義州武德中於此置宥州貞觀十七年州廢以縣屬夷

州

洋川縣中下東至州一百里武德二年於今縣東北置屬義州貞觀十

四年於今理置

寧夷縣中下西北至州一百九里隋大業八年置屬明陽郡武德四年屬州

永徽後廢

思州寧夷開元戶三千四百四十二元和戶四百二十九

楚為黔州地秦拔之置郡自漢至吳並為武陵郡酉陽縣

地吳分置黔陽縣至梁陳不改隋開皇九年置婺川縣屬

庸州庸州黔江縣地是也大業二年廢武德四年於縣置婺川郡貞觀

元和郡縣志

卷三十

六

四年改為思州以思邛水為名

州境東西六百三十里南北五十二里

八到西北至上都取江陵府路三十九百二十五里至東都三十七百二十五里

西北水路至黔州二百八十里南至費州水路四百里

西南至夷州四百里東南至錦州常豐縣五百里

貢賦開元貢元和貢

葛蠟十五斤

朱砂

管縣三 婺川 思王 思邛

婺川縣中下郭下本漢酉陽縣地屬武陵郡自晉至陳並為黔陽

縣地至隋開皇十九年置因以為名

內江水一名涪陵水在縣西五十步

思王縣中下北至州水路三百里武德三年置相傳云漢時陳丘為牂牁太

守阻兵保據思邛水漢將夜郎王數萬破丘於此安撫百姓時人思慕遂為縣名

思邛縣中下南北至州二百九十里開元四年招緝生夷所置

費州涪州下開元戶二百

本古徼外蠻夷地漢武帝元鼎六年通西南夷置折牂柯郡隋文帝於此置涪川縣屬黔州煬帝改為黔安郡貞觀四年分思州涪川扶陽縣置費州

州境東西南北

八到西北取江陵路至上都四百三十五里至東都四千一百二十五里南至思州水路四百里正南徼西至牂柯充州一百九十里

西南至播州四百里東至雙州水陸相兼六百里

元和郡縣志

卷三十一

七

貢賦元和貢 蠲四十斤

管縣四 涪川 名田 城樂 扶陽

涪川縣中下郭下本漢牂柯郡之地隋帝開皇五年置取涪水為

名

內江水經縣地一百五十步

名田縣中下西南至州四十里武德三年置初置屬思州貞觀八年屬費

州

涪陵江水經縣南五十步

城樂縣中下東西至州一百五十里武德四年置初屬思州貞觀八年割屬

費州

扶陽縣中下東南至州八十五里武德置屬思州貞觀四年屬費州

南州南州開元戶一千一百二十四

周屬雍州戰國為巴國界秦為巴郡之地漢為巴郡江

州之境其男女露頭徒跣衣背左衽周閔帝拓定巴境以

江州置七州郡武德二年割渝州置領六縣又改為夔州

四年復為南州

州境東西二百一十里南北一百八十九里

入到西北至上都三千一百六十里北至渝州江津縣二百三十里西北至東都東至契丹上六千里西至沒下山八十里南至濠州二百七十里

貢賦開元貢班布

元和郡縣志 卷三十 八

管縣二 南川 三溪

南川縣中下郭下本漢江州之地武德二年置隆陽為南川

羅緣山在縣南十二里山多楠木堪為大船

夔溪水在縣南十四步

三溪縣中下西北至州二百四十里貞觀五年置以縣內有夔溪東溪葛溪

三溪合流故為名其縣城甚高險

夔溪水在縣南

珍州夜郎下開元戶二千六百

本徼外蠻夷之地貞觀十六年置

州境東西南北

八到 西北至上都五千五百五十里 北至東都四千三百四十五里 東南至播州二百里 北至秦州二百四十里 西接夷獠界

貢賦

管縣三 夜郎 麗臯 洛源

夜郎縣 中下 郭下

麗臯縣 中下

洛源縣 中下

右並貞觀十六年開山洞置并置夜郎麗臯洛源三縣並

在州側近或十里二十里隨砍畚種田處移轉不常厥所

秦州 秦漢 開元戶八百九十二 下

本巴郡之南境貞觀十六年有渝州萬壽縣人牟智才上

元和郡縣志 卷三十 九

封事請於西南夷竇渝之界招慰不庭建立州縣至十七

年置以南有秦溪水為名

州境 東西 南北

八到 東北至上都三千四百三十四里 東北至東都四千二百九十一里 取珍捕夷路至黔府一千三百里 正南微東至珍州二百里

東北南州二百七十里 東與賓州接界山險不通無里數西接合江縣

貢賦 開元貢 茄子 楮皮布 元和貢 增半斤 紵布 黃蠟年貢二十斤

管縣二 榮懿 扶觀

榮懿縣 中下 郭下 貞觀十七年與州同置

扶觀縣 中下 東北至 州五十里 貞觀十六年與州同置以縣東扶觀山為

名

播州 播州下 元和戶

本西南徼外蠻夷夜郎且蘭之地戰國屬楚秦亦常置吏
至漢武帝平西南夷置牂牁郡貞觀元年於牂牁北界置
麟州十一年省十三年置播州景龍三年置都督府先天
二年罷都督

州境 東西南北

入到 東北至上都取江陵路四千三百五十五里
東南至東都四千一百四十五里
北取萬開州路至上都三千二百七十里

東北至黔州八百里
東南至牂牁州二百二十里
東北至牂牁北界巴江鎮七十里
東北至貴州四百里

貢賦 元和貢 增二十斤

管縣三 遵義 帶水 芙蓉

元和郡縣志 卷三十 十

遵義縣 中下 郭本恭水貞觀十四年改為羅蒙十六年改今名

夷牢水經縣北一里

帶水縣 中下東至州七十里 貞觀九年置牂牁盈縣屬朗州十三年屬播

州十四年改為帶水縣因縣北有帶水為名

芙蓉縣 中下西南至州六十里 貞觀五年置在芙蓉山上因為名後移於

山東三里即今理是又有舍月胡刀湖江羅為四縣並貞

觀中置今廢

辰州 盧溪 開元戶五千三百二下府 元和戶一千二百二十九 鄉十三 鄉一十

禹貢荊州之域春秋時屬楚秦為黔中郡漢為武陵郡沅

陵縣地按後漢書高辛氏省畜犬曰盤瓠帝妻以女有子

十二人皆賜名山廣澤其後滋漫今長沙武陵是也光武時尤盛其渠帥精夫相單程等據險為寇精夫者蠻為渠帥者也漢遣將軍劉尚發兵萬餘人乘泝流水入武溪擊之山深水急舟船不得上蠻緣路微戰漢軍皆沒後遣伏波將軍馬援等至臨沅擊破之其單程等悉降蠻平因置吏陳文帝於此置沅陵郡開元九年改為辰州取辰谿為名謹按辰蠻戎所居也其人皆盤瓠子孫或曰巴子兄弟入為五谿之長今酉谿在州西次南武谿次南沅谿次南辰谿次東南熊谿次東南朗谿其熊朗二谿與鄜元水經注雖不同推其次第相當則五谿盡在今辰州界也景雲元和郡縣志

卷三十一

二年置都督府開元中罷

州境東西一千二百五十七里
南北一千四百二十七里

八到西北至上都二千五百一十里
東至朗州路浴流四百六十里
南水路至叙州五百三十八里
正北微東至澧州七百五十里

東北至東都二千二百五十里
西南至錦州水路七百里
正西微北水路西至溪州三百六十八里

貢賦開元貢
元和貢
犀角
光明砂
藥砂
光明砂四斤

管縣五 沅陵 盧溪 麻陽 叙浦 辰溪

沅陵縣上郭下本漢舊縣屬武陵郡陳屬沅陵郡隋平陳屬辰

州

壺頭山在縣東四十九里即馬援攻五谿蠻置營之所初

援軍下雋似院反有兩道可入從壺頭路近而水險從充道則

塗夷而運遠

克州在澧州西五百里武德所置崇儀縣東北一里故克城是南至沅陵縣一百二十里

中郎將

耿況欲從克道援以為如進壺頭搯其咽喉克賊自破遂進營於此賊乘高守隘水迅船不得進會暑甚士卒多疾死援穿岸為室以避炎氣武陵記云今山邊有石窟即援穿空室處

明月山下有明月池沅陵記云兩岸素山崖石披雪寒

松如挿翠在縣東二百里

沅江在縣南六十里

秦黔中故郡城縣西二十里

盧溪縣中東北至州一百六十里本漢沅陵縣地梁天監十年置盧州隋末

元和郡縣志

卷三十

十三

蕭銑於此置盧溪縣以南溪為名武德後因而不改

盧水在縣西二百五十里即武溪所出武陵記溪山高可

万仞山年有盤瓠石窟可容數万人窟中有石似狗形蠻

俗相傳即盤瓠也又有斑蛇四眼大十圍不知長幾里

麻陽縣中下東北至州四百里陳天嘉三年於麻陽麻口置戍垂拱四年

置龍門縣尋改為麻陽因戍為名

三山谷一名辰山在縣西南八百三十五里

苞茅山有刺而三脊在縣西南三百五十里

叙浦縣上西北至州三百八十五里本漢義寧縣地離騷云入叙浦而遭迴

即此也武德四年分辰溪置此縣

車靈故城在縣南一里靈則吳之叛臣入叙溪以自保號車王役爲吳將鍾離殺之

辰溪縣中下西北至州一百六十里本漢辰陵縣屬武陵郡後改曰辰陽以

在辰水之陽爲名離騷云朝發枉渚夕宿辰陽是也隋平陳改爲辰陽

五城山在縣東南三百六十二里武陵記云楚威王使將軍莊躡定黔中因山造此城

沅江水在縣南二百步

錦州盧陽下開元戶三千一百三

鄉十一

本漢辰州盧陽之地也垂拱三年以地界濶遠分置錦州

元和郡縣志

卷三十

十三

以州理前溪水多文石望之似錦因名長安四年移於伏溪水灣曲中置即今理是唯東面平地餘三面並臨谿岸

州境東西南北

八到北至東都二十九百五十里東北水路至辰州七百里

西北至上都三十二百一十一里南陸路至樊州五百四十里

東北至溪約五百里南至思州八百里

貢賦

管縣五 盧陽 洛浦 招喻 涓陽 常豐

盧陽縣上下垂拱三年與州同置在盧水口因以爲名長安

四年移於今理

晃山在縣南一百里山出丹砂

洛浦縣中下南至州一百八十里先天二年分大鄉縣置以縣西洛浦山名

縣東西各有石城一甚險固犵獠反亂居人皆保其土

招諭縣中下西南陸路至州八十里垂拱三年析辰州盧溪縣置

渭陽縣中下東至州三百里垂拱三年析麻陽縣置在坡山西趾山甚高

險百姓食坡山溪水

常豐縣中下東南至州四百里垂拱三年置初名万安天寶二年改為常

豐

磨匿山在縣東五十里

叙州潭陽開元戶四千九百四十一元和戶一千六百五十七

秦置黔中郡漢為武陵郡舞陽縣之地荊州記舞溪獠猓

元和郡縣志 卷三十 十四

之類其縣人但羈縻而已溪山阻絕非入迹所履又舞陽

烏猓萬家皆咬地鼠之內能臯飲情初於此置辰州貞觀

八年分辰州龍標縣置巫州天授二年改曰沅州開元十

三年以沅原聲相近復為吳州天寶元年改為潭陽郡大

曆五年以境接叙浦改為叙州

州境東西南北

八到東北至東都二千七百八十八里北沿流至辰州五百三十八里 北至上都三千四十八里西沿流至樊州八百里

南諭嶺至融州水路共一千五百里西南諭嶺至吉州水路共二千一百里

貢賦

管縣三 龍標 朗溪 潭陽

龍標縣上本漢武陽縣輿地志縣本治在舞水之陰後漢

省入辰陽縣隋初於此置辰州煬帝廢州武德七年置龍

標縣因龍標山為名

朗溪縣中下北至州一百二十里漢鍾音尋城縣之地晉安帝省貞觀八年析

龍標縣置在朗溪之側因為名

沅溪水西南自獠界流入

潭陽縣中下東至州三百二十里先天二年析龍標縣置在舞水東岸溪水

在縣南二里

溪州靈溪開元戶四百七十七元和戶八百八十九

漢屬武陵郡為沅陵遷陵二縣之地梁置大鄉縣天授割

元和郡縣志 卷三十 十五

辰州大鄉三亭二縣立溪州

州境東西六百里南北八百里

八到西至上都二千八百七十八里正東徽南至辰州三百六十二里北至東都二千六百一十八里一路取西沂派三百七十里

本營三亭縣自縣西水陸路相兼五百里至黔江縣又西二百里至黔州東北至澧州水陸相兼一千三十里山路險阻若遇霖潦則不通行其三亭縣與施州接界山路峻不通行

貢賦開元貢朱砂黃連元和貢朱砂十斤黃蠟二百斤

管縣二 大鄉 三亭

大鄉縣上蕭梁置已具州叙

齊方城在縣東二百一十二里秦時武安君所築

陋城在縣東南六十七里漢播海將軍韓說所置

三亭縣中下東至州水路二百七十里本漢遷陵縣屬武陵郡隋廢入大鄉縣貞

觀九年分大鄉復置因鄉西十五里有三亭古城為名

酉水南有龍標故城蜀將馬德信所築其城甚寬大在龍

標山

石門洞在縣一百五十里其嶮峽纔通一舟

黔山在縣西五十里後漢時陸康伐蠻假此即禱請為援

諸樹木皆有人馬之形因平郡寇改為武神山

施州清江開元戶三千四百七十六元和戶一千八百四十五

鄉一十六鄉一十六

春秋巴國之界七國為楚巫郡之地秦屬黔中郡漢為巫

縣之地巫縣即今夔州巫山縣是也吳分立沙渠縣至梁

元和郡縣志

卷三十

十六

陳不改周武帝建德三年於此置施州隋改為清江縣義

寧二年復置郡

州境東西六百一十八里南北四百九十五里

八到西北至上都西北至東都二千三百八十五里西至萬州六百八十五里北至夔州五百里

東至叙州七百六十六里南至黔州四百八十五里

西至萬州六百八十五里北至夔州五百里

貢賦開元貢清油蜜元和貢黃連十斤

黃連藥子二百類

管縣二 清江 建始

清江縣中下本漢南巫縣之地吳沙渠縣開皇五年置清江

縣屬施州置在清江之西因以為名

清江一名夷水昔廩君浮土舟於夷水者即此也

建始縣中下南至州一百三十里本漢巫縣之地後周以前無縣邑建德三

年於此置業州并置建始貞觀八年廢以縣屬施州

獎州龍溪開元戶一千七百四十元

下和戶三百四十九

鄉六

本漢武陽縣地貞觀八年於此置夜郎屬巫州長安四年於此置舞州開元十三年改為鶴州二十年又改為業州大曆五年又改為獎州

州境東西南北

八到北至上都三千八百四十八里東北至東都三千五百八十八里

東谷流至叙州八百里南至牂牁羈縻鶴州三百里

西南沂流沿溪至費州五百七十里西南沂派至牂牁充州七百里

貢賦年貢熟蠟二十斤

元和郡縣志 卷三十

十七

管縣三 峨山 渭溪 梓薑

峨山縣中下郭本夜郎縣天寶元年改為峨山其南本在渭溪之南長壽初移於此溪耳

渭溪縣中下西至州水路一百六十里聖曆元年析峨山縣於渭漢東置因以

為名

渭溪水北自錦州渭陽縣流入也

梓薑縣中下東北至州水路四百里建中四年自牂牁洞外充州割屬獎州

元和郡縣圖志卷第三十



元和郡縣圖志卷第三十一

劍南道上

西川節度使

今為西川節度理所

管州二十六成都府彭州蜀州漢州邛州

簡州資州嘉州戎州雅州自雅州以下分入下卷

眉州松州茂州翼州維州當州

悉州靜州柘州恭州直州黎州

舊州姚州協州曲州

管縣一百七

元和郡縣志

卷三十一

一

成都府

益州

開元戶十三萬七千四十六
元和戶四萬六千一十

鄉二百五十二

禹貢梁州之域古蜀國也歷夏商周武王時庸蜀羗髳微

盧彭濮皆助伐商及周衰蜀僭號稱王秦惠王元年蜀人

來朝八年因五丁伐蜀滅之封公子通為蜀侯於成都置

蜀郡以張若為守因蜀山以為郡名也始皇三十六郡蜀

郡不改其理本在青衣在今嘉州龍遊縣界漢高帝王蜀

分蜀置廣漢郡初有漢中廣漢巴蜀四郡武帝遣唐蒙通

西南夷又置牂牁越雋犍為益四郡因分雍州之南置益

州焉後公孫述據成都改益州為司隸蜀郡為成都郡吳

漢討述平之州郡復舊靈帝末劉焉為益州牧初理綿竹



後遇天火焚燒城開府庫蕩盡遂徙理成都焉子璋繼立
後以州降先主獨益州置牧蜀郡置守魏景元四年鍾會
鄧艾平蜀晉武帝改蜀郡為成都國以皇子穎為王惠帝
時李雄竊據桓溫討平之簡文帝時苻堅遣將鄧羗揚安
伐蜀益州並沒於秦孝武大元八年平蜀安帝時譙縱又
據益州叛朱齡石討平之至梁武陵王蕭紀竊號於蜀其
兄湘東王繹討之斬於白帝西魏廢帝二年地並入於魏
益州置總管至周并省郡與州同理成都開皇三年置西
南道行臺大業三年罷州為蜀郡武德元年改為益州總
管府三年置西行臺龍朔三年復大都督府開元二十一
元和郡縣志

卷三十一

年又於邊郡置節度使以式遏四夷都為劔南節度理都

兵三萬四千七百八人馬三千匹九
依賜八千匹段軍糧七萬石 西抗吐蕃南撫蠻獠統圍結

營蜀郡城內管兵一萬四千八百匹 臨翼郡通化郡北百四十里管兵五百人臨翼今翼州

維川郡通化郡西二百七十里管兵五百人維州今維州 天寶軍平戎城東八十里在維川郡東

開元二十年章仇兼蓬山郡維川郡北管兵五百人蓬山今柘州 交川郡臨翼

瓊置管兵一千人 平戎城恭化郡南八十里開元

郡北百里管兵二千八百人 盧山郡臨邛郡西二百里管兵四百人盧山今雅州 江源郡

管千人去蜀郡八 貞觀二十一年裴行方置 洪源郡開元三年陸象先置管兵五百人江源今當州

昆明軍越嵩郡南開元中移置管兵五千二百人馬一百匹 寧遠城越嵩郡西昆明

管兵三百 雲南郡管兵二千三百人雲南今姚州 澄川寨雲南郡東六百

五十人

南溪郡

瀘州郡西二百五十里管兵二千八百人南溪今戎州瀘川今瀘州

歸城郡

靜川郡東南管兵四百

百人歸城今飛州靜川今靜州

天寶元年改蜀郡大都督一十五年玄宗

幸蜀改爲成都府

州境

東西二百九里南北三百八十八里

八到

東北至上都二千一百一十里東北至東都二千八百七十里

正東微南至簡州一百五十里西至彭州一百里

正西微南至蜀州一百五十里正東微西至陵州二百里

南至眉州二百里北至漢州一百里西南至邛州二百六十里

貢賦

開元貢元和貢

羅八疋布八疋高杆禪布綾羅

高杆衫段絳布

管縣十 成都 華陽 靈池 犀浦 廣都

元和郡縣志

卷三十一

三

郫縣 溫江 新繁 雙流 新都

成都縣

次赤郭下

本南夷蜀侯之所理也秦惠王遣張儀司馬

錯定蜀因築城而郡縣之自秦漢至國初已來前後移徙

十餘度所理不離郡郭

武擔山在縣北百二十步

大江一名汶江一名流江經縣南七里蜀守李冰穿二江

成都中皆可行舟溉田万頃蜀中又謂流江爲懸笮橋水

此水濯錦鮮於他水

州城秦惠王二十七年張儀所築初儀築城屢頽不立忽

有大龜周行旋走巫言依龜行處築之遂得堅立城西南

樓百有餘尺名張儀樓臨山瞰江蜀中近望之佳處也
南外城中有文翁學堂一名周公禮殿華陽國志云文翁
立學精舍講堂作石室一曰王室李膺記云後漢中平火
延學觀廂廊一時蕩盡唯此堂火焰不及 鐘雖古而巧
異竒特壁上悉圖古之聖賢梁上則刺史宣尼及七十弟
子齊永明中劉頊更圖焉朱齡石平譙縱勒宋武帝檄文
於石壁之室代王更以丹青增飾古畫仍加豆盧辨蘇綽
之像

少城一曰小城在縣西南一里二百步蜀都賦云亞以少
城接乎其西

元和郡縣志

卷三十一

四

錦城在縣南十里故錦官城也

摩訶池在州中城內

万里橋架太江水在縣南八里蜀使費禕聘吳諸葛祖之
禕嘆曰万里之路始於此橋因以爲名西南兩江共七橋
李冰所造言上應七星漢世祖遣吳漢伐蜀謂之曰安軍
宜在七星橋間

昇仙橋在縣北九里相如初入長安題其門不乘高車馬
馬不過汝下

江瀆祠在縣南八里

盤石城在縣東三十里

先主廟在縣南一十里

鄧艾廟在縣西二里

華陽縣次赤管縣東界郭下本漢廣都縣地貞觀十七年分蜀縣乾

元元年改為華陽縣本蜀國之號因以為名

宋興山在縣北三十里

笮江水在縣南六里

靈池縣次畿西至府六十里久視元年長史孝道廣奏分蜀縣

廣都置東陽縣天寶元年為靈池縣因以南靈池為名

武侯山在縣東南十五里

分棟山在縣東十五里其山北連秦隴南入資瀘其於東

元和郡縣志

卷三十一

五

川郡此為隔門也

浚江在縣北四十里

犀浦縣次畿東至府二十七里本成都縣之界垂拱二年分置

犀浦縣昔蜀守李冰造五石犀沉之於水以厭怪因取其

事為名

都江水在縣北四里

黃花水在縣南八里

廣都縣次畿北至府四十二里本漢舊縣元朔二年置蜀號三

都者成成都廣都也先主以蔣琬為廣都長諸葛亮曰

琬託志忠雅當贊王業非百里之才即此也隋仁壽二年

避煬帝諱改爲雙流縣今廣都縣龍朔三年長史喬師望重奏置

犬塔山在縣東四十里有阿育王塔因名

牛飲水在縣西三里

諸葛亮宅在縣南一十九里

郫縣

次畿

東至府五十里

本郫邑蜀望帝治汶山下邑曰郫是

也秦滅蜀因而縣之不改

平樂山在縣西二十五里

郫江一名成都江經縣北去縣三十一里

故郫城在縣北五十步晉惠帝大安二年李雄殺汶山太

元和郡縣志

卷三十一

六

守陳君遂竊據郫城自稱大都督益州牧刺史羅尚數攻之後尚爲雄所敗委城夜遁雄遂尅成都自郫遷據焉

温江縣

次畿

東至府七十五里

本漢郫縣地也後魏於此置温

江縣屬蜀郡開皇三年廢入郫縣仁壽三年於郫東境置萬春縣貞觀元年改名爲温江縣

大江俗謂之温江南流經縣一里出楚金

皂江在縣西十里

新繁縣

次畿

東南至府六十里

本漢繁縣也屬蜀郡因繁江以

爲名也周改爲新繁開皇三年省武德三年分廣都縣地重置因周舊名也

郫江名成都江經縣西去縣十一里

雙流縣

次畿

北至府四十里

本漢廣都縣也隋仁壽元年避煬

帝諱為雙流因以縣在二江之間乃取蜀都賦云帶二江之雙流為名也皇朝因之龍朔三年又別立廣都縣

宜城山在縣南十二里出紫草

諸葛亮舊居在縣東北八十八里今謂之葛陌孔明表云

薄田十頃桑八百株即此地也

新都縣

次畿

南至府四十八里

本漢舊縣也屬廣漢郡開皇十

八年改為興樂縣武德二年分成都縣地重置

麗元山在縣北八里

元和郡縣志

卷三十一

七

新婦峴在縣北七里

諸葛亮八陣在縣北十九里

彭州

濃陽

開元戶五万一百二十

元和戶九千八百八十七

鄉一百鄉八十八

禹貢梁州之地漢分梁州為益州即漢益州繁縣地也垂

拱二年於此置彭州以岷山導江江出山處兩山相對古

謂之天彭門因取以名州

州境

東西一百七十六里南北七十一里

八到

東北至上都一千九百八十五里東南至東都二千八百四十五里

東南至成都府一百里東至漢州七十五里

西北取灌口路至茂州三百七十里西北至蜀州一百二十里

貢賦

元和貢

交梭羅

管縣四 九隴 導江 唐昌 濛陽

九隴縣望 郭下 西至州 二里 本漢繁縣地舊曰小郫言土地肥

良比之郫縣也梁於此置東益州後魏改為九隴郡取九

隴山為名也開皇三年罷郡為九隴縣屬益州皇朝因之

後改屬彭州

白鹿山在縣西北六十一里

九隴山在縣西二十五里連峰邈迤凡有九曲

導江縣望 東至州五 十八里 本漢郫縣地武德元年於灌口置

盤龍縣尋改為灌寧縣二年又改為導江縣取禹貢岷山

導江之義也屬成都垂拱二年割入彭州

元和郡縣志 卷三十一 八

玉壘山在縣西北二十九里蜀都賦曰玉壘而為守

灌口山在縣西北二十六里漢蜀文翁穿湔江既灌故以

灌口名山又灌口山西領有天彭闕亦曰天彭門兩石相

立如闕故名之蜀後主以建興十四年至渝江登觀坂看

汶江之流初白馬故侵掠益州刺史皇甫晏表討之軍至

都安屯觀坂蜀郡何旋進表諫曰今所安營地名觀坂自

上觀下反上之象漢高悟柏人岑彭忌彭亡不可不察晏

不納其夜果敗

盤龍山在縣北二十里

大江自西茂州界流入按孫卿子曰江出汶山其源可以

濫觴及至江津下方舟避風不可涉也

蠶崖關在縣西北四十七里其處江山險絕鑿崖通道有如蠶食因以為名漢於此置縣後廢

灌口鎮在縣西二十六里後魏置自灌坂迄於頃山五百里間兩岸壁立如有瀑布飛流十里而九昔人以為井陘之阨

捷尾堰在縣西南二十五里李冰作之以防江決破竹為籠圓徑三尺長十丈以石實中累而壅水漢成帝時瓠子河決王延塞之用此法也漢書所謂下淇園之竹以為捷

望帝祠在灌口鎮城內

元和郡縣志

卷三十一

九

李冰祠在縣西三十三里

司馬相如墓在縣東十二里

唐昌縣

望

東至州三十里

本郫縣導江九隴三縣之地儀鳳二

年於此分置唐昌縣

江水在縣西北四里

白水在縣北三里

昌化山在縣北九里

九隴山在縣北十三里

嚴君平墓在縣西南十里

濛陽縣

縣

北至州四十里

本九隴縣雒新都新繁什邡五縣之

地儀鳳二年於此分置濛陽縣在濛江之水北因曰濛陽
彌濛本在縣南五十步

羅江水在縣北十里

蜀州 唐安 開元戶五萬二千六百八十八 鄉八十八
元 和 戶 一 萬 四 千 五 百 八 十

禹貢梁州之域秦滅蜀為蜀郡在漢為郡之江源縣也李
雄據蜀分為漢原郡晉穆帝改為晉原郡後魏平蜀後移
據為郡理此東三十里因省晉郡以併之仍於此西十里
立多融縣取舊郡名也開皇年改屬益州皇朝初因之垂
拱二年割晉原等四縣屬蜀州

州境 東西 南北

元和郡縣志

卷三十一

十

八到 東北至上都二千一百一十五里
南至東都二千九百一十五里

東北至成都府一百五十里
東南至眉州一百七十里
西南至邛州八十三里
東北至彭州一百二十里

貢賦 開元貢 羅十八疋 木蘭皮 沙糖
元和貢 白羅 同

管縣四 晉原 青城 新津 唐興

晉原縣 望郭下 本漢江原縣屬蜀郡李雄時改為漢原晉為

晉原周立多融縣又改為晉原屬益州後因之垂拱改屬

蜀州

鶴鳴山在縣西七十九里絕壁千尋張道陵天師學道於

此

多融山在縣西南

斜江水出鶴鳴山經縣西四十里

青城縣

望南至州四十一里

本漢江原縣地周武帝於此置青

城縣因山爲名屬犍爲郡開皇三年罷郡縣屬益州垂拱二年改爲蜀州開元十八年改爲青城

青城山在縣西北三十二里仙經云此是第五洞天上有流泉懸澗一日三時灑落謂之潮泉

大江經縣北去縣二里

弩機水如弩箭水流甚急故名之縣東南四十里

新津縣

望西北至州八十里

本漢犍爲郡武陽縣地故城東七

元和郡縣志

卷三十一

十一

里人未津有新津渡謂之新津市周閔帝元年於此立新

津縣垂拱二年割入蜀州

天社山在縣南三里在城郭南百里北枕大江南接連嶺每益土有難人多依焉

唐興縣

望西北至州四十里

本漢江南縣地後魏於此置立犍

爲郡開皇三年罷郡又徙犍道縣於此大業二年廢入新津縣武德元年於廢州置唐隆縣屬益州垂拱二年割入

蜀州先天元年以犍改爲唐安至德二年改爲唐興縣

鄴江一名皂江經縣東二里出麩金

汶井江在縣西二十里

漢州

德陽

開元戶四萬二千五百
元和戶三千一百一十三

鄉一百六
鄉一百六

禹貢梁州之域秦為蜀郡地漢分蜀郡為廣漢郡金州即廣漢州之雒縣也開皇三年罷郡縣屬益州皇朝初因之

至垂拱二年於雒縣分置漢州

州境

東西六十八里
南北一百九十九里

入到

東北至上都一千九百一十里
東北至東都二千九百七十里

南至成都府一百里
正西微南至彭州七十五

東至梓州二百一十里
東北至綿州一百八十里

貢賦

開元貢
元和貢

布二十疋
絺子布

交梭羅
紵布

管縣五

雒縣

綿竹

德陽

什邡

金堂

雒縣

望郭下

本漢雒縣也屬廣漢郡縣南有雒水因以為名

元和郡縣志

卷三十一

十二

開皇三年屬益州垂拱二年割屬漢州

雒水在縣東一里

馬蹄水在縣南二里

綿水在縣東三十里

君平卜臺在縣東一里

鷹橋在縣南二里

綿竹縣

縣

南至州
九十里

本漢雒縣也屬廣漢郡尉理之有紫

崑山綿水所出初劉焉為益州牧從事賈龍選吏卒迎焉

徙治綿竹撫約離叛陰圖異計其後遇天火燒蕪乃徙治

成都開皇十八年改名孝水縣境有孝子姜詩泉故取為

名大業三年復爲綿竹屬郡武德中屬益州垂拱二年割入漢州

紫崑山在縣西北三十里

鹿堂山在縣西二十二里

綿水出縣紫崑山蜀都賦漫以綿洛謂此水也蜀人稱耶繁曰膏腴綿洛爲浸沃

綿竹故城在縣東五十里諸葛瞻於此戰敗

德陽縣

縣

西南至州四十五里

本漢綿竹縣地後漢分綿竹縣立

德陽屬廣漢郡周閔帝元年郡縣並廢武德三年復置屬

益州垂拱二年割屬漢州

元和郡縣志

卷三十一

十三

鄧艾平蜀京觀在縣北三十三里艾以景元四年征蜀大破諸葛瞻於綿竹臺以爲京觀初瞻在涪而艾已入江油瞻曰吾內不除黃皓外不制姜維進不守江油吾有三罪何面而反退就綿竹埋人脚而戰父子死焉

秦密定其地曰三造亭在縣北五里初太守夏纂三造其門故以爲名

姜詩泉在縣北三十九里詩母好江水一旦泉涌舍側味如江水

鹿頭戍在縣北三十八里

什邡縣

望

南至州四十里

本漢舊縣屬廣漢郡高祖封雍齒爲

什邡侯應邵曰汁音十故曰什邡俗名雍齒城周閔帝改
爲方亭縣武帝省武德三年復置垂拱二年割入漢州
洛通山在縣西三十九里李冰導洛通山謂此也

雍齒城在縣南四十里

金堂縣

上北至州五十二里

本漢牛鞞縣地屬犍爲郡咸通二

年蜀郡長吏李崇義析雒縣新都及簡州金水三縣置以
縣界連金堂山故以爲名舊屬益州垂拱二年割屬漢州

昌利山在縣東北十里

望蜀山在縣東南二里

中江水在縣東北一里

元和郡縣志

卷三十一

一四

毗江水在縣西二里

邛州

臨邛上

開元戶一萬三千五十二
元和戶二萬五千一百七十六

鄉六十三
鄉六十五

禹貢梁州之域秦爲蜀郡地今州即蜀州之臨邛縣地也
宋及齊梁不置郡縣唯豪家能服獠者名爲保主總屬益
州梁益州刺史蕭範於蒲水口立柵爲城以備生獠名爲
蒲口頓武陵王蕭紀於蒲口頓改置邛州南接邛來山因
以爲名領依政一縣大業二年廢以縣屬雅州武德元年
割雅州依政等五縣置邛州

州境

東西二百八里
南北一百二十里

八到

東北至上都二千一百七十里
東北至東都二千三十里

南至眉州
西至雅州

一百七十里
一百七十里

北至蜀州八千里
西至羌夷一百三十里

貢賦

開元貢
元和貢

絲布一十疋
絲布一十疋

管縣七 臨邛 大邑 安仁 依政 臨溪

火井 蒲江

臨邛縣

緊郭下

本漢地也屬蜀郡晉末李雄亂後為獠所侵

後魏廢帝二年定蜀復於舊城置臨邛縣仍置臨邛郡開

皇三年罷郡以縣屬邛州大業二年屬雅州武德復屬邛

州

銅官山在縣南二里鄧通所封後卓王孫買為陶鑄之所

白木水經縣南二里

元和郡縣志

卷三十一

十五

火井廣五尺深三丈在臨邛縣南一百里以家火投之有

聲如雷以竹筒盛之持行終日不滅蜀都賦云火井沉熒

於幽水

卓王孫宅在縣南五里

大邑縣

上東南至州
四十九里

本漢江原縣地咸通二年割晉原

縣之西界置

鶴鳴山在縣西北三十七里

七里池在縣西七里

安仁縣

緊

西南至州
二十八里

本秦臨邛縣地武德二年割臨邛

依政唐興等縣置貞觀十七年廢咸通元年依舊置

斜江水經縣南五里

依政縣

上 西至州五十七里

本秦臨邛縣地後魏於此置依政

縣屬蒲陽郡開皇三年罷郡以縣屬邛州大業屬雅州武

德復屬邛州

噫棘山在縣南四十里山南眉州丹陵縣界

白木水東南經縣南十里

州城西漢末公孫述為導江卒正治臨邛謂此城也

臨溪縣

中下 東至州六十二里

本秦臨邛縣地也後魏恭帝於

此置臨溪縣屬蒲源郡開皇三年罷郡縣屬邛州後因之

縣城三面據險北面平坦

元和郡縣志

卷三十一

十六

孤石山在縣東十九里有鐵鑛大如蒜子燒合之成流支

鐵甚剛因置鐵官

火井縣

中下 東北至州六十里

本秦臨邛縣地後魏於此置縣

屬雅州武德元年割依政等五縣置邛州縣屬焉縣有鹽

井

蒲江縣

中下 西北至州六十三里

本秦臨邛縣之地後魏恭帝置廣

定縣仁壽元年改廣定為蒲江縣南枕江水因以為名後

因之

車應山在縣南八十里

蒲江水經縣南二百步

鹽井距縣二十里

簡州 陽安 開元戶二萬二百二十三 下 和戶二萬五百二十二

鄉三十九 鄉四十

禹貢梁州之域秦為四郡地漢武帝分置犍為郡今州即犍為郡之牛鞞音縣也李雄據蜀夷獠內侵因茲荒廢南齊於此置牛鞞戍隋仁壽三年於此置簡州因境有賴簡池為名大業二年省武德三年復置

州境 東西二百一十三里 南北一百八十八里

八到 東北至上都二千一百七十里 正西微北至成都府一百五十里 東北至東都二千九百里 正東微南至普州二百四十里 正西至梓州三百一十里 正西至陵州一百八十里 東南至資州三百二十里

東北至東都二千九百里 正東微南至普州二百四十里

東北至梓州三百一十里 正西至陵州一百八十里

元和郡縣志 卷三十一

一七

貢賦 開元貢 元和貢 同 綱一十五正

管縣三 陽安 金水 平泉

陽安縣 上 郭下 本漢牛鞞縣也後魏恭帝二年於此置陽安

縣屬武康郡開皇三年罷郡縣屬益州武德三年置簡州

縣又來屬

分棟山在縣西七十七里

中江水即牛鞞水也昔羅尚乘牛鞞水東征李雄即此水

也

賴簡池在縣東九十六里

陽明鹽井在縣北十四里又有牛鞞等四井公私仰給

金水縣

上南至州一百五十里

本漢唐郡之新縣地也縣有金堂

山水通於巴漢東晉義熙末刺史朱齡石帥建平生征蜀

仍於東山立金泉戍後魏平蜀置金泉縣隸金泉郡開皇

三年罷郡以縣屬益州武德元年以避神堯諱改爲金水

縣屬簡州

金堂山在縣北二十四里

銅官山在縣北四十九里 大渡津在縣北三十里

平泉縣 中北至州四十八里 本漢牛鞞將縣地也後夷獠所居

後魏恭帝二年置婆閏縣屬益州十八年改爲平泉縣以

縣內有泉源出於平地故以爲名仁壽三年置簡州以縣

元和郡縣志

卷三十一

十八

屬之皇朝因之

大塔山在縣西北六十三里與分棟山連屬南入陵州界

赤水經縣南七十步

上軍井下軍井並鹽井也在縣北二十里公私資以取給

婆閏故縣在縣南四十六里

資州

資陽上

開元戶一萬八千五百二十二元和戶一千四百九十九

鄉五十三鄉五十五

禹貢梁州之域秦併蜀爲蜀郡在漢即犍爲郡資中縣地

也李雄之亂夷獠居之後魏廢帝二年析武康郡之陽安

縣置資州取資水爲名也大業三年改爲資陽郡武德元

年復爲資州

州境東西三百四十八里
南北一百三十三里

入到東北至遂州路至上都二千三百三十里
東北至東都三千二百九十里

西北至簡州三百二十里
正北微東至普州一百七十里

正西至昌州二百六十里
東至合州五百六十五里西南至榮州二百六十里

貢賦開元貢 賦 綿絹
元和貢 麩金 甘子 麻布

管縣八 盤石 資陽 內江 丹山 銀山

龍水 清溪 月山

盤石縣上郭下本漢資中縣地後為夷獠所居周武帝於漢

資中故城置盤石縣屬資中郡開皇三年罷郡屬資州皇

朝因之

元和郡縣志 卷三十一 十九

牛鞞水合內江水南去縣二十步多魚鱉亦出麩金

資陽縣上東南至州一百二十里本漢資中縣也屬犍為郡李雄

亂蜀縣荒廢後魏廢帝二年始通巴蜀開拓資中周明帝

於資中縣置資陽縣因資水為名屬資陽郡開皇三年罷

郡縣屬資州

牛鞞水東去縣二十一里

王褒墓在縣西北十五里褒資中人也宣帝夜祠金馬碧

雞道病死

內江縣中西北至州九十八里本漢資中縣地名後漢分置漢安

縣李雄之後陷於夷獠周武帝天和二年於中江水濱置

漢安成其年改爲中江縣屬資中郡隋文避廟諱改爲內江縣屬州皇朝因之

鹽井二十六所在管下

丹山縣 中 南至州一百三十里 本漢資中縣地貞觀四年於此置

丹山縣取界內崇丹山爲名也

銀山縣 中 西北至州四十八里 本漢資中縣地隋爲內江縣地義

寧二年分置銀山縣因縣界銀山爲名

鹽井一十一所在管下

龍水縣 中 東至州一百二十里 本漢資中縣地義寧二年招慰夷

獠於此分置龍水縣以縣西北有溪屈曲繞城如龍因以

元和郡縣志

卷三十一

二十

爲名

清溪縣 中下 西南至州一百三十里 本漢資中縣地自晉迄梁夷

獠所居大業十二年於此置牛鞞縣因牛鞞水爲名也皇

朝初因之天寶元年改爲清溪縣

月山縣 中下 東至州五十里 本漢資中縣地義寧二年分置月

山縣

內江水在縣南一里

嘉州 中府 開元戶二萬二千九百一十二 捷爲 元和戶一千九百七十五

鄉五十三 鄉六十五

禹貢梁州之域秦爲蜀郡今州即漢捷爲郡之南安縣地

也後夷獠所侵梁武陵王蕭紀開通外徼立青州遙取漢

青衣縣以為名也周宣帝二年改為嘉州境接近漢之漢嘉舊縣因名焉大業二年并嘉州入眉州八年改為眉州郡武德二年改為嘉州割通義洪雅等四縣別置眉州

州境 東西南北

入到 東北至上都二千三百五十里 東北至東都三千二百一十里

北至眉州一百四十里 東至榮州二百一十里 東北至微東至陵州一百九十里 正西微北至雅州三百二十里 東南至戎州陸路三百二十里

貢賦

開元貢 元和貢 麩金 賦 小布 麻 絹 綿

管縣八 龍遊 夾江 綏山 羅目 峨眉

玉津 平羗 犍為

元和郡縣志

卷三十一

三

龍遊縣

緊郭下

本漢南安縣地也周武帝保定元年於此立

平羗縣開皇三年改為峨眉縣九年又於峨眉山下別置

峨眉縣改州理平羗縣為青衣縣取青衣水為名也十三

年改名龍遊以隋將伐陳理舟艦於此有龍見江水引軍

而前故名縣皇朝因之

青衣水經縣南去縣三里

蘇稽戍在縣西南三十里

夾江縣

上

東南至州七十五里

本漢南安縣地開皇十三年割平

羗龍遊二縣地於夾江廢戍置夾江縣屬嘉州大業二年

割眉蜀州武德元年却隸嘉州

青衣水經縣西

綏山縣

中

東至州四十里

本漢高安縣地大業十一年招慰生

獠立以為縣因山為名屬眉山郡武德元年割屬嘉州

綏山在縣西南二百一十九里在峨眉山西南其高無及

峨眉山在縣南六里

小峨眉山在縣南六里

羅目縣

中

東北至州九十五里

本漢南安縣地麟德二年招慰生

獠於今縣西南一百八十三里置沐州及羅目縣前上元

三年州縣俱廢儀鳳三年重置嘉州羅目獠中山名因以

名縣

元和郡縣志

卷三十一

三

峨眉山在縣西四十里

大渡水在縣北二百步

峨眉縣

上

東至州七十五里

本漢南安縣地周武帝於此置平

羌縣後改平羌為峨眉縣又以為青衣縣乃別立峨眉縣

枕峨眉山東麓故以為名屬嘉州大業三年割入眉州皇

朝武德又屬嘉州也

峨眉大山在縣西七里蜀都賦云抗峨眉於重阻兩山相

對望之如峨眉故名此山亦有洞天石室高七十六里

中峨眉在縣東南二十里有古穴初纔容人行數里漸寬

有鍾乳穴穴有蝙蝠其大如筐

車剛水在縣北二十里

玉津縣

中 西北至州三十九里

本漢南安縣地李雄時夷獠自牂牁入居焉蕭紀置青州之地大業十一年於此置玉津縣以江有壁玉津故以為名皇朝因之

峨江在縣城下

玉津鎮在縣城中

平羗縣

中下

南至州一十八里

本漢南安縣地周武帝置平羗縣因境內平羗水為名開皇四年改州理平羗縣為峨眉縣仍於今東六十里別立平羗縣大業十一年夷獠侵没移於今理

元和郡縣志

卷三十一

二三

熊耳峽在縣東北三十一里

犍為縣

中下

西北至州一百五十六里

本漢南安縣地周於此置沉犀郡并立武陽縣開皇三年廢郡以縣屬戎州又改武陽為犍為縣前上元二年割屬嘉州

大江在縣西十步

大鹿山在縣北一里

沉犀故城在縣東南三里

戎州

南漢中府

開元戶六千七百八十七元和戶一千二百九十三

鄉二十五鄉二十五

禹貢梁州之域古夔國也初秦軍破滇通五尺道至漢武帝建元六年遣唐蒙發巴蜀卒通西南夷自夔道扭牂牁

鑿石開道二十餘里通西南夷置犍道縣屬犍為郡今州
即犍道縣也戎獠之中最有人道故其字從人李雄竊據
此地空廢梁武帝大同十年使先鐵討定夷獠乃立戎州
即以鐵為刺史後遂不改

州境 東西五百六十里
南北七百一十三里

八到 東北取嘉眉州水陸相兼至上都二千七百里
東北至東都三千五百六十里

東北至瀘州水路三百一十里陸路三百四十里
北至榮州三百一十里 西南至石門鎮三百里

西北至嘉州水路三千五百里陸路三百二十里
西南至南詔所居羊直咩城二千三百里

貢賦 開元貢 葛布 麻布 葛五疋
元和貢 荔枝煎四斗

管縣五 犍道 義賓 開邊 南溪 歸順

元和郡縣志 卷三十一 十四

犍道縣 中郭下 本漢犍縣也屬犍為郡永嘉後荒廢梁於此

立戎州周保定三年改犍道為外江縣大業三年改為犍

道縣出荔枝一樹可收百五十斗

黃泉山在縣西北五十九里

汶江流經縣東北去縣十步

馬湖戎在縣西二十一里

義賓縣 中東南至州一百六十里 本漢南安縣地屬犍為郡天寶

元年改為義賓屬戎州

大秋溪在縣東南一十三里有秋溪鹽井蓋因此水為名

也

開邊縣

中 東北至州六十五里

本漢楚道地也周為外江縣地開

皇六年於此縣北一百三十里野容川置歸順縣後上元

元年獠賊叛亂因而荒廢永泰二年復於今理

小梨山在縣南四十七里

大梨山在縣南六十里

南廣水在縣西北一里

鹽泉鎮在縣西南八十里

南溪縣

中 西至州五十里

本漢楚道縣地梁於此立南廣縣屬

廣漢郡以縣屬戎州仁壽二年改為南溪縣避煬帝諱也

皇朝因之

元和郡縣志

卷三十一

二十五

平蓋山在縣東三十里多荔枝

可廬山在縣南五十里山多印竹

汶江經縣南去縣十步

歸順縣

中下

聖曆二年析郁鄆縣地以生獠戶置

元和郡縣圖志卷第三十一

元和郡縣圖志卷第三十二

劍南道中

西川下

雅州 眉州 松州 茂州 翼州 維州

當州 悉州 靜州 拓州 恭州 直州

黎州 雋州 姚州 協州 曲州

雅州 廬山下府 開元戶六千五百八十九 元和戶一千四百五十三 鄉二十二 鄉二十四

禹貢梁州之域秦滅蜀為郡即嚴道縣也李膺記曰自晉

永嘉崩離李雄竊據此地蕪廢將二十紀夷獠居云後魏

廢帝二年置蒙山郡於此開皇十三年置蒙山縣并鎮仁

元和郡縣志

卷三一二

一

壽四年罷鎮改置雅州因州境雅安山為名大業三年以

雅州為臨邛郡武德元年復為雅州

州境 東西五百三十九里 南北四百三十五里

八到 東北至上都二千三百四十里 西南至黎州二百四十里

東北至東都二千二百里 西北至西山谷口和順鎮九十里

貢賦 開元貢 麩金 賦 綿 葛 元和貢 同 落雁木

管羈縻州十一

管縣五 嚴道 百丈 名山 廬山 榮經

嚴道縣 中郭下 本漢舊縣屬蜀郡漢遷淮南王長於嚴道邛

邛縣有邛蠻夷曰道後魏於此置始陽縣大業三年改始

陽爲巖道縣

蒙山在縣南十里今每歲貢茶爲蜀之最

長墳嶺在縣西南二十七里道至險惡

平羗水經縣東二里

多切鎮在縣西北三十二里

壠越鎮在縣西三十六里

百丈縣中 西南至州八十六里本秦巖道縣地貞觀八年於此置

百丈縣今按鎮城東有百丈穴故以爲名

隴西山在縣西北三十里

大池水經縣東去縣十五步

元和郡縣志

卷三十二

二

撫人戍在縣西南二十里

名山縣中下 西南至州四十二里本秦巖道縣地後魏於此置蒙

山縣屬蒙山郡開皇十三年改爲名山縣因縣西北名山

爲名也屬邛州仁壽四年改屬雅州

名山在縣西北十里

弱棟坂在縣東北八里長二里道至險阻

名山水在縣東二百步東南入平羗水

廬山縣中 東南至州七十里本秦巖道縣地仁壽元年於此置

廬山鎮三年於此置鎮廬山縣因山爲名屬邛州後屬雅

州皇朝因之

廬山在縣西北九里其山西北連延入夷獠界正北即邛州火井縣界

浮圖水一名車廬水經縣西南五里

羅帶水經縣東五十步

靈關鎮在縣西北六十里車廬山在下山有峽口似門闊三文長二百步關外即夷獠界

榮經縣

中下

東北至州一百一十里

本漢秦嚴道縣地也武德三

年於此置榮經縣

邛來山在縣西五十里本名邛笮山故笮人之界也山巖峭峻山竹高節實中堪爲杖因山名也

元和郡縣志

卷三十二

三

銅山在縣北三里即文帝賜鄧通鑄錢之所後以山假與卓王孫取千疋其山今出銅鑛

九折坂在縣西八十里王陽爲益州刺史經此歎息謝病去官後王尊爲益州刺史至此叱馭而過

邛來水東流經縣北三里

邛來鎮在縣西南八十七里

石門成在縣西南三十五里

眉州

通義

開元戶四萬二千八百三十六
元和戶五千八百八十四

鄉六十五
鄉七十二

禹貢梁州之域在漢即犍爲郡陽武縣之南地梁太清二年武陵王蕭紀開通外徼於此立青州取漢青衣縣爲名

也後魏二年平蜀改青州爲眉州因峨眉山爲名也武德元年改眉州爲嘉州二年於通義縣復置眉州

州境東北

入到東北至上都二千二百一十里 南北至東都三千七十里 東南至嘉州二百四十里 東北至陵州七十里

正西北至邛州一百七十里 西北至蜀州一百七十里 北至成都府二百里

貢賦開元貢 元和貢 麩金 僚麻布 甘子 同

管縣五 通義 彭山 丹稜 洪雅 青神

通義縣郭下本漢武陽縣之南境也後魏於此置通義縣

屬齊通郡開皇三年罷郡以縣屬眉州皇朝因之

大江一名汶江經縣東去縣三里出麩金

元和郡縣志 卷三十二 四

白戰山在縣東北二十五里西臨汶江

彭山縣緊 南去州六 十六里本漢武陽縣也秦惠王時張儀司

馬錯伐蜀蜀之王開明拒戰不勝退走武陽獲之即其地

也漢昭帝時犍爲郡自犍道移理武陽周武帝於此置隆

山郡以境內有鼎鼻山地形隆起故爲名隋開皇三年罷

郡以隆山屬益州貞觀元年割屬眉州先天元年以犯諱

改爲彭山縣

鼎鼻山亦曰打鼻山在縣南十五里宋譙縱據蜀朱齡石

伐之命滅喜奇外出兵譙縱遣將譙小苟引兵塞打鼻以

禦之即此也山形孤起東臨江水昔周鼎淪於此水或見

其鼻遂以名山

大江一名汶江亦曰導江在縣東七里

犍爲故城在縣西北五里漢犍爲郡也武德建元六年分巴蜀二郡立犍爲郡

彭亡城亦曰平無城彭祖家於此而死故曰彭亡後漢岑彭擊公孫述至武陽所營地名彭亡聞而惡之欲徙會日暮而止是夜蜀刺客詐爲亡奴降彭遂刺殺彭初岑彭至其地改曰平無若言巴蜀已平無復賊也

警堰在縣西南二十五里擁江水爲大堰開六水門用灌郡下公孫述僭號犍爲不屬述攻之功曹朱遵拒戰於六元和郡縣志

卷三十二

五

水門是也

丹稜縣

上 東北至州七十三里

本南齊之齊樂郡也周明帝置齊

樂縣武帝改爲洪雅縣開皇十二年因縣南有洪雅鎮就立洪雅縣仍改金理爲丹稜縣屬眉州皇朝因之

三青山在縣東北四十五里

思蒙水在縣西北二十五里

洪雅故城在縣東百五十步

洪雅縣

上 東北至州一百二十里

本漢齊郡之南境也自晉迄宋

夷獠有其地周武帝攘却夷獠立洪雅鎮開皇十三年改洪雅爲丹稜縣更於此置洪雅縣兼帶洪雅鎮屬眉州縣

西有洪雅川以名縣

可暮山在縣西北三十九里山多材木公私資之

青衣水一名平羌水經縣南一里

青神縣中 北至州六十里 本漢南縣地也李雄之後夷獠內侵

西魏恭帝遙於此置青衣縣屬眉州之青城郡開皇三年

罷郡徙縣居郡理屬眉州皇朝因之

青神即青衣神在今嘉州界

汶江縣經東三里

青神故城在縣南二十三里

松州 交川 開元戶七百二十

元和郡縣志

卷三十二

六

禹貢梁州之域古西羌地也羌水本出自三苗蓋姜姓之

別也其國近南嶽及舜流四凶徙之三危濱於賜支至於

河首綿地千里賜支者禹貢所謂析支者也夏桀之亂大

夷入居岐邠之間成湯伐而攘之及武王伐商羌髡會於

牧野周襄西戎來寇殺幽王於驪山及秦穆公得戎人由

余遂霸西戎開地千里其後子孫分別各自為種所居無

常依逐水草以戰死為吉利病終為不祥婦人孕身六月

而生產子不避風雪性剛猛得西方金行之氣始皇時務

力併六國兵不西行故羌種得以繁息漢武北逐匈奴西

逐諸羌乃渡河湟築令居塞始置護羌校尉列河西四郡

隔絕羌胡後漢至於魏晉或降或叛至後魏鄧至王象舒
治者並泉羗也帝為羗豪因地名自號為鄧至王其後子
孫彭舒者遣使內附拜龍驤將軍益州刺史甘松縣開國
子假以渠帥之名後魏末平鄧至藩治統有其地後周保
定五年於此置龍涸防天和元年改置扶州領龍涸郡開
皇三年廢龍涸郡置嘉誠鎮與扶州同理焉大業三年
改扶州為同昌郡嘉誠縣隋末陷於寇賊武德元年隴蜀
平定改置松州貞觀三年置都督府後但為州

州境 東西二百十四里
南北一百七十七里

八到 東北至上都一千九百里
南至翼州一百八十里
東北至東都二千七百六十里
北至茂州三百三十里

元和郡縣志 卷三十二 七

貢賦 開元貢 狐尾 當歸 犀 牛酥

管縣二 嘉誠 交川

嘉誠縣 中下 郭下 本周舊縣也武帝天和元年置屬龍涸郡開

皇三年罷郡屬扶州武德元年改屬松州

雪山在縣東八十里春夏常有積雪故名

甘松嶺在縣西南十五里

寧遠鎮在縣北一百里

大定戍在縣北四十里

交川縣 下 北至州三十四里 本周舊縣天和中置屬龍涸郡開

皇三年罷郡屬扶州武德改屬松州

洛稽山在縣西北七十五里

江源鎮在縣西北三十里

茂州 通化 開元戶二千五百四十 元和戶六百九十

鄉一十三

禹貢梁州之域本冉驪國漢武破南越冉驪等皆震恐諸臣置吏元鼎元年以冉驪為汶山郡今州即漢蜀郡汶江縣也周武保定四年立汶州開皇五年改為會州大業三年罷會州為汶山郡武德三年改置南會州總管府貞觀八年改為茂州以茂滋山為名

州境 東西四百七十八里 南北三百六十里

八到 東北至上都二千一百四十里 東北至東都三千里 南至城都府三百七十里

元和郡縣志

卷三十二

八

東至綿州取松嶺關路三百七十里 北至翼州一百二十里

貢賦 開元貢 麝香 升麻 賦 麻布 元和貢 生馬 牙消 麝香

管縣四 汶山 汶川 通化 石泉

汶山縣 中下 郭下 本漢汶山縣地晉改為廣陽郡屬汶山郡開

皇十八年改為汶山縣屬會州皇朝改屬茂州按汶山即

岷山也南去青山石山百里天色清明望見成都山嶺停

雪常深百丈夏月融泮江川為之洪溢即隴之南首也

汶江北自翼州南流經縣西二里

石密漢在縣東十九里

汶江城在縣北三里

汶川縣

中下

北至州一百里

本漢綿虎音夷縣地也梁於此置汶

川縣縣西汶水因以為名仍於縣置汶山郡開皇三年罷

郡以縣屬汶州

汶州郡茂州汶川縣理是也

六年又屬會川武德改隸

茂州

玉壘山在縣東北四里

濕坂在縣南一百三十七里嶺上樹木森沉常有水滴未

嘗暫燥故曰濕坂

大江水一曰汶江至汶山故郡乃廣二百步

廣柔故縣在縣西七十二里漢縣也屬蜀郡禹本文山廣

柔人有石綠色禹所生處今其地名割兒畔

元和郡縣志

卷三十二

九

故桃關在縣南八十二里遠通西域公私經過唯此一路

關北當風穴其一二里中晝夜起風飛沙揚石

繩橋在縣西北三里架大江水筏竿四條以葛藤緯絡布

板其上雖從風搖動而牢固有餘夷人驅牛馬去來無懼

今按其橋以竹為索闊六尺長十步

通化縣

中下

東北至州一百六十里

本漢廣柔縣之地周武帝時於

此置石門鎮開皇六年以近日苟生羗於金川鎮置金川

縣十八年改為通化縣皇朝因之

蜀山在縣東北六里

縣城累石為城內實外險東北二面並累石南面西向臨

岸去地百餘丈

石泉縣

中下

西至州一百二十里

本漢汶江縣之地也貞觀八年

於此置石泉縣屬茂州

石城山在縣東南一里

石蜜水經縣南一里

翼州

臨翼下

開元戶一千七百一十四

鄉七

禹貢梁州之域本秦漢徼外羗也武帝元鼎中開為縣今

州即漢蜀郡蠶陵縣之地也梁太清中武陵王蕭紀於蠶

陵舊縣置鐵州尋廢周武帝天和元年討蠶陵羗又於七

頃山下置翼州以翼計溪為名隋大業三年省州改置和

元和郡縣志

卷三十二

十

山鎮以翼計等三縣屬會州武德元年重置翼州其城西

枕大江南面臨溪

州境

東西三百三十里
南北一百七十里

八到

東北至上都三千八十里
東北至東都二千九百四十里
北至松州一百八十里
西至悉州二百二十里

貢賦

開元貢
元和貢

麝香
散麝

賦

麻布

管縣三

衛山

翼水

峨和

衛山縣

中下

本漢蠶陵縣地周武帝於此置翼計縣以翼

計水為名屬翼計郡開皇三年罷郡以縣屬翼州皇朝因

之天寶元年改為衛山縣

七頃山一名落日山北路山巖峻阻平地唯有七頃因呼為七頃山

龍涸故城俗名防渾城在縣北十一里城之北境舊是吐谷渾所居故曰防渾城

石曰戍在縣北六十里

笮橋在縣北三十七里以竹筏為索架北江水

翼水縣

中下

北至州六十里

本漢蠶陵縣之地周於此置龍水

縣屬清江郡開皇三年改為清江縣三年罷郡以縣屬翼州十八年又改清江為翼水縣皇朝因之

石鏡山在縣東南九里山側有石圓徑二尺明徹如鏡因名

元和郡縣志

卷三十二

十一

大江水經縣西二百步翼水出縣南下

峨和縣

中下

南北至州六十里

本漢蠶陵縣之地天寶十一年

分置峨和縣以縣有峨和山也縣有石曰戍北大江之西也

維州

維川下

開元戶七百六十五

本徼外羗冉驪之別種初蜀將姜維馬忠北討北汶山叛羗此其地也今居姜維城即維所築自晉已後羗夷或降或叛開皇四年討叛羗以其地置薛城戍屬會州後又沒賊武德四年日苟羗首領內附於姜維城置維州以統之

其城甚險固乾元元年沒西戎

州境 東西三百二十五里
南北二百五十三里

八到 東北至上都
東北至東都

東至直州界一百里
東北至恭州三百五十里
西至

貢賦 開元貢 麝香

管縣三 薛城 定廉 鹽溪

薛城縣 下 本隋薛城戍武德七年改為縣與州同置姜維

山在縣西一里

定廉縣 下 本隋開皇四年置定廉戍於此屬會州武德七

年改為縣與州同置因定廉水為名

元和郡縣志 卷三十二 十二

鹽溪縣 下 貞觀三年置鹽溪村因為名

定廉山在縣東十里

當州 江源
下

本漢蠶陵縣地貞觀二十一年割松州通軌縣置當州仍

以羗首領為其刺史

州境 東西一百六十八里
南北一百三十五里

八到 東北至上都二千一百一十里
東北至東都二千九百七十里

東至松州二百一十里
東至翼州二百七十里

貢賦 開元貢 麝香 大黃 當歸 犂牛尾 羚羊
元和貢 當歸 散麝

管縣四 通軌 利和 谷和 平康

通軌縣

郭下

貞觀三年置屬松州二十一年於縣置當州

利和縣

下

西南至州三十里

周天和元年於此置廣平縣尋廢

明慶二年於廣平舊城置利和縣

谷和縣

下

東至州六十里

文明元年開生羗置

平康縣

下

西南至州六十里

明慶中因古平康城置在平康水

西隸翼州尋廢垂拱元年置以屬當州

悉州

下

開元戶八百五十五

右明慶元年分當州置在悉唐川因以為名其首領任刺

史

州境

東西一百六十里南北八十里

元和郡縣志

卷三十二

十三

八到

東北至上都二千三百五十里東北至東都三千二百一十里

東至翼州二百二十里東南至成都府六百五十里西南至靜州六十里

貢賦

開元貢元和貢

麝香當歸

犂牛酥并尾

當歸

管縣三 識曰 左封 歸誠

識曰縣

郭下

明慶元年與州同置地名識曰因以為名

肅蕃山在州北八十里肅蕃鎮在山下

左封縣

下

東南至州二十里

周天和元年於此置廣平縣開皇

十八年改為左封天寶中又於縣置守捉

歸誠縣

中下

西北至州八里

本生羗垂拱二年從化三年置

縣以處之

靜州

靜川下

開元戶六百七十二

鄉二

本漢蠶陵縣地天授元年於此置靜州其城據山甚險固

州境

東西三百二十里
南北二百三十里

八到

東北至上都三千二百九十里
東北至東都三千一百五十里

東北至悉州六十里
東北至當州六十里

西北至柘州三十里

南至赤和縣三十五里
北至茹州六十里

貢賦

開元貢

麝香

犂牛酥

管縣三

悉唐

靜居

清道

悉唐縣

中下

西至州二十四里

靜居縣

中下

元和郡縣志

卷三十二

十四

清道縣

下

右並明慶元年與悉州同置天授元年割屬靜州

柘州

蓬州下

開元戶

儀鳳元年置以山多柘木因以為名其城西面險阻易於

固守有安戎江蓬婆水在州南三十里

州境

東西南北

八到

東北至上都二千二百六十里
東北至東都三千一百三十里

管縣二

柘縣

喬珠

柘縣

中下

前上元二年置

大雪山一名蓬婆山在縣西北一百里

柏嶺在縣北八十里嶺北三十里至白崖驛與吐蕃接界

喬珠縣 中下 東至州五十里與州同年置

恭州 恭化下 開元戶

開元二十一年析靜州部落於柘州西置

州境 東西南北

入到 東北至上都二千一百九十里
東北至東都三千一百五十里
西南至維州三百五十里
東北至柘州三百里

管縣三 和集 博恭 烈山

和集縣 中下 舊名廣平縣屬靜州開元二十七年於縣置

恭州寶應元年改名和集

元和郡縣志 卷三十二 十五

博恭縣 中下 西至州二十五里

烈山縣 中下 西至州五十里

直州 昭德下

在合江鎮西一百四十二里其地本名直符天寶三年節

度使章仇兼瓊以其地險阻又當西山要路奏置直符營

控押一川仍置兵於其處五年節度郭虛己緣恙頃搖動

仍奏置昭德郡乾元元年改為直州

州境 東西南北

入到 東北至上都二千一百八十里
東北至東都三千四十五里

東至翼州四十里 南至茂州通化縣一百里
西至維州界一百里 北至悉州界四十里

貢賦

元和貢

當歸三斤半

麝香

管縣四 直符 昭德 昭遠 雞川

直符縣

中下郭下

昭德縣

中下

昭遠縣

中下

雞川縣

中下

右昭德等三縣並在州側近以熟羗首領為其令長居無

常所

黎州

洪源中府

開元戶

元和戶三百三十八

鄉五

禹貢梁州之域漢武帝破夷於邛置沉黎郡國天和三年

元和郡縣志

卷三十二

十六

開越雋於此置黎州隋廢州置沉黎鎮武德元年罷鎮為

南登州大足元年巡察使殷祚奏割雅州漢源飛越通望

三縣置黎州龍興三年雋州都督元膺奏廢開元三年本

道使陸象山重奏置天寶初廢飛越縣止領縣二其州城

東西南三面並臨絕澗唯北面稍平貞元元年節度使韋

臯鑿北面隍塹深闊又於州北故武侯城遷迤置保三所

為州城之援

州境

東西南北

八到

東北至上都

二千五百八十里

東北至東都二千四百三十里

東至戎城無路約七百里

東北至種州二百四十里

西南至蕪州六百五十里
其城西臨大渡河河西生羗蠻界
西至廓清城一百八十里

貢賦 開元貢 椒一石

管縣二 漢源 通望

漢源縣中郭下本漢旄牛縣地也隋仁壽二年平夷獠於此

置漢源鎮因漢川水為名四年罷鎮立縣屬雅州貞觀三

年割屬蕪州開元三年分屬黎州

飛越山在縣西北一百里山西北兩面並接羗戎界儀鳳

二年置飛越縣天寶初廢

沉黎鎮在縣東南六十一里

廓清城在州西一百八十里

元和郡縣志

卷三十二

十七

銅山城西北五十里

定蕃城在通望軍東一百八十里

衝要城在通望縣東十三里

大定城在州南二百三十里乾元二年改和集鎮置

已上城並貞元中韋臯置

管羈縻州五十七並蠻夷部落大首領主之

通望縣

中北至州九十里

本漢旄牛縣地開皇二十年於此置

大渡鎮大業二年改為陽山鎮武德元年改為陽山縣屬

蕪州天寶元年改名通望縣割屬黎州

大渡水經縣北二百步

沉黎鎮在縣東北六十一里

通望戍在縣西南十二里

雋州

越雋 開元戶三萬八千三十五
下府 元和戶一万六千五百八十

鄉二十六

本漢南外夷秦漢為邛都國秦嘗攻之通五尺道改置夷馬至漢武帝始誅且蘭邛君併殺笮侯而冉駹等皆震恐乃以邛都之地為越雋郡屬益州按郡有越水雋水出深羌界言越雋者以彰威德遠也領縣十五魏晉已還蠻獠恃險鈔竊乍服乍叛周武帝天和三年開越雋地於雋城置嚴州開皇六年改為西寧州十八年改為雋州皇朝因之至德二年沒蕃貞元十三年節度使韋臯收復

元和郡縣志

卷三十二

十八

州境

東西九百八十里
南北一千二百里

入到

東北至上都三千二百三十里
北至成都府一千二百九十里

東北至東都四千九十里
東至蠻界約二百里

西至東瀘水二百里
東南至姚州三百五十里

南至瀘渡四百五十五里
西北至種州六百九十里

貢賦

開元貢

絲布

管縣七

越雋

西瀘

蘇邾

臺登

邛部

昆明

會川

越雋縣

上郭下

本漢邛都縣之地也開皇六年分邛都置

越雋縣皇朝因之

陷河在縣東南十里初成帝置邛都縣無幾陷為汙澤因

名陷河

西瀘縣

下

東北至州
二十七里

本漢邛都縣地也周武帝天和三年於此置本可縣天寶元年改名西瀘縣

温湯水出縣西山下十二里

瀘水在縣西百一十二里諸葛亮征越雋上疏曰五月渡瀘深入不毛謂此水也水峻急而多石土人以牛皮作船而渡一船受七八人

姜磨戍在縣西南三里

蘇祁縣

上

東南至州

本漢舊縣也屬越雋郡後陷夷獠

周武帝重開越雋復立蘇祁縣屬嚴州開皇改屬雋州皇朝因之

元和郡縣志

卷三十二

十九

温水出縣東平地二十一里

臺登縣

下

正南微北至
州百七十里

本漢舊縣屬越雋郡周武帝重

開越雋於舊理立臺登縣後遂因之

鐵石山在縣東三十五里山有砮石火燒成鐵極剛利念諾水本名繩水流入瀘水在縣西北七百里自羗戎界流入

長江水本名孫水出縣西北

胡浪山下有司馬相如定西南夷橋孫水以通邛笮即此水也

諸葛亮故城在縣東南三里亮南征至此所築也

邛部縣

下

西南至州二百六十里

本漢蘭縣地也屬越雋郡周武

德於此邛部城置縣仍以舊城爲名屬邛部郡開皇三年改屬雋州皇朝因之

雋山在縣西南九里雋水出雋下山州郡得名因此水也清冠鎮在縣西北五十八里

昆明縣

中

東北至州三百里

本漢定笮縣也屬越雋國去郡三

百里出鹽鐵夷皆用之漢將張嶷殺其豪率遂獲鹽鐵之利後沒蠻夷周武帝立定笮鎮武德二年於鎮置昆明縣蓋南接昆明之地因以爲名

鹽井在縣城中今按取鹽先積柴燒之以水洗上即成黑

元和郡縣志

卷三十二

三

鹽

凡笮者夷人於大江水上置藤橋謂之笮其定笮大笮皆是近水置笮橋處

會川縣

中

北至州三百七十里

本漢會無縣屬越雋郡蕭齊沒於

蠻獠高宗上元二年於其地置會川縣天寶初又於縣側立會同軍在今州南三百七十里是也

姚州

雲南下

本漢雲南縣之地武德四年安撫大使李英以此中人多姓姚故置姚州爲瀘南之巨屏天寶十三年沒蕃貞元初蠻帥異牟尋歸國冊拜謂之南詔九年南詔又以其地內

屬

州境

東西南北

八到

東北至上都四千三百里
東北至東都四千八百九里

貢賦 無

管縣三

姚城

長明

長城

姚城縣

下郭

長明縣

下

西南至州十五里

長城縣

下

南至州五里

右並與州同置龍朔中於州理置都督府尋廢入雋州

拱元年重置

元和郡縣志

卷三十二

二十一

協州

下

開元戶三百二十九

本夜郎國也漢武帝開夜郎置犍為郡今州即犍為郡之南廣縣也其後蠻夷內侵郡因荒廢開皇四年中隸附於此置協州大業三年廢入犍為郡武德元年開南中復協

州

州境

東西南北

八到

東北至上都三千一百里
東北至東都三千九百六十里

貢賦 無

管縣三

東安

西安

胡津

東安縣

下郭

西安縣 下 東西至州二十七里

胡津縣 下 南至州六十里

右三縣開皇四年並同州置本漢南廣縣之地大業二年廢武德元年南夷欵附重置

曲州 朱提下

本漢夜郎國郡地武帝於此置朱提縣屬犍為郡後立為郡在犍為郡南一千八百里後漢省郡諸葛亮南征復置朱提郡自梁陳已來下復賓屬開皇四年開置南中立為恭州武德元年改為曲州朱提山名出善銀食貨志曰朱提銀重八兩名為一流因山名郡縣也

元和郡縣志

卷三十二

二十二

州境 東西南北

八到 東北至上都三千三百里
東北至東都四千三百三十里

貢賦

管縣二 朱提 唐興

朱提縣 下 郭下

唐興縣 下 西至州五里

右二縣並武德元年與州同置朱提取漢舊名也

七曲水在州西北三十里

瀾水在七曲水北百三十里南北四百里東西七百里窮年密霧未嘗覩日月輝光樹木皆衣毛深厚時時多水濕

晝夜沾灑上無飛鳥下絕走獸唯夏月頗有蝮蛇土人呼
爲漏天也

元和郡縣圖志卷第三十二

元和郡縣志

卷三十二

二十三



元和郡縣圖志卷第三十三

劍南道下



東川節度使

梓州 劍州 綿州 遂州 渝州 合州

普州 榮州 陵州 瀘州 龍州 昌州

梓州 梓潼 開元戶一萬五千四百七十八 元和戶六千九百八十五 鄉二十六 鄉一百一十六

今為東川節度使理所

管州一十二 梓州 劍州 綿州 遂州 渝州

合州 普州 榮州 陵州 瀘州 龍州

昌州

元和郡縣志 卷三十三 一

管縣六十九 都管戶三萬一千七百二十二

禹貢梁州之域秦併天下是為蜀郡漢高帝分置廣漢郡

今州即廣漢郡郫廣漢二縣地也宋於此置新城郡梁武

陵王蕭紀於郡置新州開皇未改為梓州因梓潼水為名

也州城宋元嘉中築左帶涪水右挾中江居水陸之衝要

州境 東西三百六十里 南北三百六十三里

入到 東北取綿州路至上都一千八百六十四里 東北至東都二千七百二十四里

東北至遂州二百五十里 西北至綿州一百三十里 西至漢州二百一十里 正東徽南至果州三百五十里

西北至閬州三百一十五里 正北微東至劍州三百六十里 西南至閬州三百一十里 正南微東至普州三百五十里

貢賦 開元貢 元和貢 綾 絹 綿 絲布 空青 賦 布 絹 曾青

管縣九 鄆縣 射洪 通泉 玄武 鹽亭

永泰 飛鳥 銅山 涪城

鄆縣縣下本漢舊縣屬廣漢郡因鄆江水為名也後魏置

新城縣改名昌城縣大業三年復為鄆縣

牛頭山一名華朴山在縣西南二里四面危絕

涪江水經縣東去縣四里

縣有鹽井二十六所

射洪縣上西北至州六十里本漢鄆縣地也後魏分置射洪縣

縣有梓潼水與涪江合流急如箭奔射涪江口蜀人謂水

口曰洪因名射洪

元和郡縣志 卷三十三 二

白崖山在縣南十五里

涪江水西北自鄆縣界流入在縣東一百步灘十七所

通泉縣縣西北至州一百四十里本漢廣漢縣地也宋於此置西

宕梁郡後魏恭帝移於涌山改名涌泉郡周明帝置通井

縣開皇三年改為通泉縣十八年改屬梓州

通泉山在縣南二里山前有石鰈墓高七八尺

涪江水經縣東三里

沉水北自鹽亭縣界流入公孫速令延岑盛兵於沉水固

守滅宮進兵縱擊大破之斬首溺死者萬餘人即此也

赤車鹽井在縣西北十二里又別有鹽井一十三所

玄武縣

上

東至州一百一十五里

本先主所立五城縣也屬廣漢

郡後魏平蜀立玄武郡以縣屬焉開皇三年改五城爲玄武縣因玄武爲名也屬益州武德三年割屬梓州玄武山在縣東二里山出龍骨

天柱山一名覆船山在縣西南四十里

七里坂在縣東七里

內江水本名中江經縣南去縣百步

鹽亭縣

西南至州九十三里

本漢廣漢縣之地也梁於此置北宕渠

郡及縣後魏恭帝改爲鹽亭縣以近鹽井因名開皇三年

罷郡屬梓州

元和郡縣志

卷三十三

三

梓潼水經縣南去縣三里

永泰縣

中

西南至州一百四十五里

本漢充國縣地也武德四年分

置地號永泰因以爲名

鹽亭溪水經縣北去縣十九里

大汁鹽井在縣東四十二里又有小汁鹽井歌井針井

飛鳥縣

上

東北至州一百四十五里

本漢郫縣地也開皇十三年於

此置飛鳥鎮十年改鎮爲縣並因山爲名

飛鳥山在縣西南五十五里

哥郎等八山並出銅錒

郫江水經縣北去縣四十里

銅山縣中

東北至州一百二十里

本縣地有銅山漢文帝賜鄧

通蜀銅山鑄錢此蓋其餘峯也歷代採鑄貞觀二十三年

置監署官前上元三年廢監調露元年因廢監置銅山縣

飛鳥山在縣西南三十五里

鄴江水經縣南五里

涪城縣

緊東南至州六十里

本漢涪縣地開皇十六年改置涪

城縣屬綿州大曆十三年割屬梓州

劍州

普安

開元戶一萬三千九百七十六元和戶二千九百三

鄉二十五鄉八十五

本漢廣漢郡之梓潼縣地武帝置十三州屬益州宋於此

置南安郡武陵王蕭紀改郡立安州後魏廢帝二年先下

元和郡縣志

卷三十三

四

安州始通巴蜀故改安州為始州大業三年罷始州為普

安郡武德元年復為始州先天二年改為劍州取劍閣為

名也

州境

東西二百六十七里南北二百五十六里

入到

東北至上都一千四百三十里東北至東都二千三百里

東南至閬州二百二十里西北至龍州三百三十里

西南至綿州二百九十里東北至利州一百九十里

貢賦

開元貢元和貢

綿董席

蘇董席

天重臺

管縣八

普安

梓潼

黃安

永歸

陰平

武連

臨津

劍門

普安縣

中

本漢梓潼縣地宋於此置安南縣周改為普

安縣

大斂山亦曰梁山在縣北四十九里初姜維自沓中爲鄧艾所摧與張翼董厥合還保劔門以拒鍾會即此也

石新婦東北一里千人巖之南岸絕壁高數千丈即劔山之危峰見數百里外傍視衆嶺由平地也岩下高百許丈有石壁紅色方如座席即張孟陽勤銘之處也

千人巖有石室可容千人因名

大劔水出縣西四十九里空冢山下

漢德政城又名黃蘆城在縣東北四十六里三面並阻絕澗唯西面少平周迴百五十步

元和郡縣志

卷三十三

五

鍾會故壘一名開迷戍在縣東北五十三里亦名空冢戍普鍾會軍至此旣度劔閣居死地遂倒種掘冢決爲死戰旣無所埋故曰空冢後魏改名開遠戍

大劔鎮在縣東四十八里本姜維拒鍾會壘也在開遠戍東十一里其山峭壁千丈下瞰絕澗飛閣以通行旅梁時於此置大劔戍

劔閣道自利州益昌縣界西南十里至大劔鎮合今驛道秦惠王使張儀司馬錯從石牛道伐蜀即此也後諸葛亮相蜀又鑿石駕空爲飛梁閣道以通行路初李特入漢川至劔閣顧盼曰劉禪有如此地而面縛於人豈非庸才

石新婦神在縣東北四十九里大劍東北三十里夫遠征婦極望志歸因化為石

梓潼縣

上 東北至州一百六十里

本漢舊縣屬廣漢郡蜀先主分

廣漢置梓潼郡以縣屬焉開皇三年罷郡以縣屬始州後改屬劍州

梓潼水一名馳水北自陰平縣界流入

鄧艾祠在縣南百步

黃安縣

中下 北至州一百四十里

本漢梓潼縣地也宋於此置華

陽縣屬安南郡後魏禪帝改為南安縣周武帝改為黃安

縣

元和郡縣志

卷三十三

六

永歸縣

中下 南北至州五十三里

本漢梓潼縣地也宋於此置曰

水縣周閔帝改為永歸縣

陰平縣

中 東至州一百四十里

本漢梓潼縣地宋明帝太始中於

此置北陰平郡開皇三年罷郡以縣屬始州皇朝初因之後改入劍州

龍血山亦曰龍象巖在縣北五十里絕壁高岩萬有餘丈有四石龍在石壁間昔者群龍相鬪四龍疲斃嘔血死因化為石血變成鱉堪充器物但不耐風日綿布四五里土人取之今龍象猶存石不復入用

岐江水下流即梓潼水也東流縣西南五里

武連縣 中 東北至州八十五里 本漢梓潼縣地宋元嘉中於縣南

五里僑立武都郡下辨縣又改下辨僑置武功縣周明帝改武功為武連縣開皇三年龍郡以縣屬始州

臨津縣 中 西北至州一百三十里 本漢梓潼縣地南齊於此置胡原

縣開皇七年改為臨津縣

掌夫山在縣西南六十里晉太安元年遣都護衛博討李特遣將李盪自掌夫山妻博博為伏兵所圍即此山山出名拓堪為弓材雖繁桑熊角不能勝也

劍門縣 中 西南至州六十里 本漢葭萌縣地聖曆二年分普安

永歸陰平三縣置劍門縣因劍門為名也

元和郡縣志

卷三十三

七

梁山在縣西南二十四里即劍門山也

綿州 巴西 開元戶五萬一千四百八十 元和戶七千一百四十八 鄉一百一十三 鄉九十三

本廣漢郡之涪縣後魏廢帝二年徙梓潼郡理梓潼舊城於此別置潼州梓潼舊城在今劍州界開皇五年改潼州為綿州因綿水為名也大業三年改為金山郡武德元年復為綿州

按州理城漢涪縣也去成都三百五十里依山作固東據

天池西臨涪水形如北斗卧龍伏焉為屬東北之要衝梁

天監中張齊為太守更造樓櫓却敵有東西門東門久塞

富樂山氣所衝門開則喪亂宋元嘉初太守王懷業開之

果致覆敗爾後還塞

州境東西三百一里
南北二百六十二里

八到東北至上都一千七百三十四里
東北至東都二千五百九十四里

西南至漢州一百八十里
西至茂州取松嶺路三百七十里
東南至梓州一百三十里
北至龍州二百二十里

貢賦開元貢 對鳳兩窠 獨窠 白綢絹 又貢雙絲二十疋 賦綿絹
元和貢 雙紉 賦 開元 貢同

管縣八 巴西 昌明 神泉 羅江 龍安

魏城 鹽泉 西昌

巴西縣郭望下本漢涪縣也屬廣郡先主據蜀立梓潼郡以

縣屬馬晉孝武帝徙梓潼郡於此後魏改為巴中縣開皇

元年避廟諱改為巴西縣

元和郡縣志 卷三十三 八

富樂山在縣東五里

天池山在縣北一十餘步

涪江水經縣西去縣五十步

羅江水經縣西去縣三十三里

蔣琬墓在縣西八里琬為大司馬住漢中後上疏曰今涪

水陸四通惟急是應君東北有虞赴之不難由是琬遂還

住涪疾轉增劇卒於北而葬焉

譙周墓在縣南十六里周將亡戒諸子曰吾後嗣當有黃

頭黑齒幾亡吾族及周孫縱之生也頭黃齒黑晉末刺史

毛瓌使縱領白徒七百人由涪水下討桓玄西人不樂遠

征乃逼縱爲主攻陷巴西遂屠益州旣害毛璩自號成都王義熙九年朱齡石討平之卒如周言

昌明縣

緊

南至州七十里

本漢涪縣地也晉孝武帝自白沙戍

移漢昌縣僑理於此仍屬巴西郡後魏廢帝改漢昌爲昌隆縣先天元年改爲昌明縣

涪水經縣南去縣一里

廉水經縣東北讓水出縣北平地宋明帝時梓潼涪人范百年因論事之次帝諸及廣州貪泉百年對曰臣家梁益所有廉讓之間謂此水也

神泉縣

上

東北至州八十四里

本漢涪縣地晉孝武帝於此僑置

元和郡縣志

卷三十三

九

西充國縣屬巴西郡開皇三年罷郡縣屬潼州六年改爲神泉縣因縣西神泉爲名

神泉在縣西平地冬夏溫沸氣如附子能愈衆疾

龍安縣

上

東北至州七十八里

本漢涪縣地周武帝天和六年於

此置金山縣大業三年廢武德三年廢金山縣城置龍安縣因山爲名

金山在縣東五十步每夏雨奔注崩頽所則金粟散出大者如碁子

龍安山在縣北十里有好林泉開皇中蜀王楊秀立亭館以避暑

魏城縣 上 西南至州六十五里 本漢涪縣地隋大業十年自鹽泉井移魏城縣理屬金山郡按鹽泉井在今縣東南四十五里鹽泉縣理是也

高靈山在縣北二十四里

東西井在縣東南四里井西為涪縣界井東為梓潼縣界二縣界分境之所故曰東西

鹽泉縣 中下 東至州五十六里 本漢涪縣地後魏禪帝元年割

涪縣置魏城縣武德三年分魏城置鹽泉縣

五層山在縣西南三十里

梓潼水經縣北去縣十八里

元和郡縣志

卷三十三

十

陽下鹽井在縣西一里

西昌縣 中 東至州五十六里 本漢涪縣地晉孝武帝於此僑置

益昌縣開皇三年省永淳元年又置以與利州益昌縣同名以其州西因以改為西昌縣

龍臺山在縣東北四里

龍安水在縣北五里

遂州 遂寧中下 開元戶三萬七千三百七十七元和戶三千八百四十六

鄉六十五 鄉六十五

禹貢梁州之域秦為蜀郡地漢分置廣漢郡今州又為廣漢郡之廣漢縣地後分廣漢為德陽縣東晉分置遂寧郡周保定二年立為遂州後因之

州境

東西一百二十里
南北一百九十里

八到

東北取果州路至上都二千二十里
東北至東都二千八百八十里

東北至果州一百七十里
西北至梓州二百五十里

東南至合州二百六十里
正南微西至普州百四十里

貢賦

開元貢 綾一十五疋
元和貢 天門冬

甘子

檣蒲綾

管縣五

方義

長江

青石

蓬溪

遂寧

方義縣

郭下

本晉小溪縣也穆帝永和十一年置屬遂寧

郡後魏恭帝改為方義縣開皇三年罷郡縣屬遂州

涪江水北去縣八十步

縣四面各有鹽井九十二所

虛星池在縣西南四里

元和郡縣志

卷三十三

十一

龍池在縣北百二十步

長江縣

上

南至州
五十里

本晉巴興縣魏恭帝改為長江縣

涪江經縣南去縣二百五步

青石縣

中

西北至州
七十里

本晉之晉興縣也本屬巴郡既置

遂寧乃割屬焉後魏改為始興縣開皇十八年改為青石

縣

青石山在縣東南水路五十九里舊巴蜀爭界累年未分

一朝密霧石為之裂破從上至下直若引繩因此定遂合

二州之界

涪水經縣南去縣一里

九節溪出縣東三十六里灘有節因爲名

蓬溪縣

中

西南至州一百二十里

永淳元年割方義縣北界于今

縣南二十里蓬川置唐興縣長壽二年改爲武豐神龍元年復爲唐興天寶元年改爲蓬溪

石香爐山在縣西五里

縣有鹽井一十三所

遂寧縣

中

東南至州一百二十里

景飛二年割青石縣置

渝州

南平

開元戶五千九百六十二元和戶八百三十四

鄉一十二鄉一十

禹貢梁州之域古之巴國也閬白二水東南流曲折如巴字故謂之巴然則巴國因水爲名武王伐殷巴人助焉其

元和郡縣志

卷三十三

十二

人勇銳歌舞以凌殷郊後封爲巴子其地東至魚復西夔道接漢中南極牂牁是其界也春秋時亦爲巴國戰國時楚旣稱王巴亦稱王秦惠文王使張儀司馬錯伐巴蜀滅之分其地爲三十一縣始皇置三十六郡巴郡一焉漢高帝旣定三秦項羽皆約封爲漢王王巴蜀天下旣定乃分巴蜀置廣漢郡武帝又置犍爲郡劉璋爲益州牧於是分巴郡自墊江已下爲永寧郡先主又以固陵爲巴東郡于是巴郡分而爲三號曰三巴梁武陵王蕭紀於巴郡置楚州後魏改爲巴州閔帝又改爲楚州開皇元年改楚爲渝州因渝水爲名漢高祖還伐秦巴人從軍歌舞陷陣帝善

之曰此武王伐紂之歌也後令習之所謂巴渝舞也

州境東西五百一十六里
南北四百七十九里

八到東北至上都三千八百一十里
東北至東都三千六百七十里
正北至合州一百六十里
西南至瀘州水路七百里

東北至涪州水路三百四十里
北至梁州四百四十里

江津縣在州西一百二十里縣南陸路至漆州三百六十里又
自江津縣南尋雙溪水路至南州二百三十里

貢賦開元貢 葛五疋 藥子
元和貢 葛 牡丹皮

管縣五 巴縣 江津 萬壽 南平 璧山

巴縣中郭下 本漢江州縣也屬巴郡在岷江之西漢水之南

即蜀將李嚴所修古巴城也南齊改為墊江縣周明帝武

成三年改為巴城縣後遂不改州理城即漢巴郡城也先

元和郡縣志 卷三十三 十三

主令都督李嚴鎮此又鑿南山欲會汶涪二水使城在孤

洲上會嚴被徵不卒其事鑿處猶存

江津縣中下 東至州一百二十里 本漢江州縣也屬巴郡周改為

江陽縣開皇三年改為江津縣屬渝州

萬壽縣中下 東北至州三百八十里 本漢江州縣地武德三年分

江津置萬春縣屬渝州五年改為萬壽縣

綾綿山在縣西八十五里

大江水經縣南去縣二里

南平縣中下 西至州一百三十里 本漢江州縣地貞觀四年分巴

縣置南平縣屬南平州十三年廢州縣改屬渝州

瀛山在縣西南三百七十里以其高峻象海中蓬瀛故名
巴子魚池在縣西北一十里

壁山縣中下
東北至州一百八十里本漢江津萬壽巴三縣地四

面高山中央平田周迴約二百里天寶中諸州逃戶多投
此營種川中有一孤山西北二面險峻東南面稍平上人
號為重壁山至德二年置縣因山為名縣東陸路至江津
縣二百三十里

合州巴川
開元戶二萬六千七百九十二
元和戶二千八百九十二
鄉四十二
鄉三十九

禹貢梁州之域春秋時為巴國秦滅之以為巴郡今州即
漢巴郡之墊江縣地也宋文帝元嘉中於此置東宕渠郡

元和郡縣志
卷三十三
十四

後魏恭帝于東宕渠郡改置合州以涪江自梓遂州來至

州南與嘉陵江合流因名合州

州境東西三百二十四里
南北六百三十九里

八到東北至上都二千六百五十里
東北至東都三千五百一十里

西至遂州陸路二百六十里水路三百七十里
北至瀘州五百九十里
北至果州三百里

貢賦開元貢
元和貢
藥子三百顆
牡丹皮十斤
木藥子

管縣六 石鏡 漢初 新明 銅梁 巴川

赤水

石鏡縣郭上下本漢墊江縣屬巴郡後漢岑彭與臧宮伐公

孫述自江州縣從涪水上至墊江是也宋武帝于此置東

岩渠縣石似鏡因以為名

銅梁山在縣南九里蜀都賦曰外負銅梁石渠是也山出鐵及桃枝竹

涪江水經縣南去縣二百步

巴子城在縣南五里

漢初縣

中

東南至州一百九十四里

本漢墊江縣地後魏於此置漢

初縣屬合州

西溪水一名嘉陵水經縣理南去縣一里

新明縣

中

西南至州一百二十里

本漢墊江縣之地自後魏訖隋

又為石鏡縣地武德二年分石鏡縣之東北界為新明縣

元和郡縣志

卷三十三

十五

銅梁縣

中

東至州二百五十里

長安四年刺史陳靖意以大足川

僑戶輻湊置縣取小銅梁山為名

小銅梁山在縣西北七十里

涪江水在縣東北四十里

巴川縣

中

北至州二百里

開元二年刺史孫希庄奏割石鏡之

南銅梁之東置縣

小安溪南源出縣南也山中

赤水縣

中

東至州一百里

本漢墊江縣地開皇八年分石鏡縣

於今縣西二里置縣因水為名

朝霞山在縣南十八里

普州安岳

開元戶三萬二千六百八十九和戶一千六百五十二

鄉二十五

禹貢梁州之域秦漢為巴蜀二郡之地今州即漢之資中

牛鞞音整江後漢之德陽四縣之地周武帝於縣立普州

大業二年罷普州以所領縣屬資州武德二年重置

州境東西二百七十八里南北一百九十三里

八到東北至上都二千一百六十里東北至東都三千二十里

正北微東至遂州一百三十里正西微北至簡州二百四十里

正南微西至資州一百七十里正北微西至梓州二百五十里

貢賦開元貢葛八疋元和貢天門冬葛賦絹紵布

管縣六 安岳 普康 安居 普慈 宗龕

元和郡縣志 卷三十三 十六

樂至

安岳縣上郭下周武帝建德四年與州同置

縣有鹽井一十所

安岳山在縣西南一里

普康縣下北至州七十里周建德四年於此置永康縣開皇十

八年改為隆康先天元年改為普康

縣有鹽井三所

安居縣中南至州八十里本周柔剛縣也因山為名開皇十二

年改為安居縣因水為名天授三年移於今理

柔剛山在縣東二十里

安居水在縣北八十步

縣有鹽井四所

普慈縣

中 東南至州一百里

本名多業縣周建德四年置屬普慈郡開皇十三年改多業為普慈

娑娑山在西北三十里其山綿亘數百里

安居水在縣北一里

縣有鹽井一十四所

崇龕縣

下 西至州一百一十里

隋開皇三年於此置隆龕鎮大業十二年於鎮置縣先天元年改名為崇龕

崇龕山在縣西三里因取為縣名

元和郡縣志

卷三十三

十七

樂至縣

中 東至州一百四十里

本周車免鎮也屬普州以車免山為名武德三年於鎮置樂至縣

樂至池在縣東二里

榮州

和義

開元戶四千八百七
元和戶八百八十

鄉一十五
鄉二十

禹貢梁州之域秦為蜀郡地在漢即捷為郡之南安縣地

也李雄據蜀後夷僚居之所謂鐵山生僚也開皇十三年

置大牢縣武德元年割資州大牢威遠二縣于公井鎮置

榮州取榮德山為名也

州境

東西一百八十三里
南北一百三十六里

八到

東北取資州至上都二千四百九十里
東北至東都三千三百五十里

東北至資州一百六十里
南至戎州三百一十里

西至嘉州二百一十里
東北至瀘州水陸路相兼
西北至陵州二百一十里
五百四十里

貢賦 開元貢 元和貢 班布六疋 利鐵 班布

管縣六 旭川 咨官 和義 威遠 公井

應靈

旭川縣 中下郭下 本漢南安縣地貞觀元年於此置旭川縣因

縣有鹽井號旭井因取以名縣

榮德山在縣東北三十五里

鐵山在縣北四十里

大牢溪出縣北鐵山下南流經縣北

元和郡縣志 卷三十三 十八

咨官縣 中東南至州九十里 本漢南安縣地大業十一年屬犍

為郡隋後誤以治為咨也武德元年屬嘉州貞觀六年改

屬榮州

白崖山在縣西北十里

和義縣 中西南至州一百七十里 本漢資中縣地是資瀘二州界

大業十二年分置和義縣以招和夷僚故以和義為名

內江水在縣西一百七十里

縣有鹽井五所

威遠縣 中下西至州七十里 本漢資中縣地開皇三年於此置

威遠戍以招撫生僚十一年改戍為縣屬資州武德元年

改屬榮州

鐵山在縣西北四十里

威遠鎮在縣城內

縣有鹽井七所

公井縣中下西北至州九十里本漢江陽縣地屬犍為郡周武

帝於此置公井鎮隋因之武德元年於鎮置榮州因改鎮

為公井縣

野客山在縣南六十里

縣有鹽井十所又有大公井故縣鎮因取為名

應靈縣中下東北至州一百五十里本漢南安縣地開皇十年於

元和郡縣志 卷三十三 十九

此置大牢鎮十三年改鎮為縣縣界有大牢溪因取為名

天寶元年改為應靈

縣有鹽井四所

陵州仁壽開元戶一萬七千九百五十五鄉四十七

禹貢梁州之域秦為蜀郡地在漢即犍為郡之武陽縣之

東境也晉孝武太元中益州刺史毛璩益西城戍以防鹽

井周閔帝元年又於此置陵州因陵井以為名陵井者本

沛國張道陵所開故以陵為號晉太元中刺史毛璩乃于

東西兩山築城置主將防衛之後廢陵州更開狼毒井今

之煮井是也居人承舊名猶曰陵井其實非也今按州城

南北二面懸岸斗絕四面顯敞南臨井

州境東西一百四十里
南北三百一十里

八到東北至上都二千二百十里
東北至東都三千七十里
西至眉州七十里
東北至成都二百里

東北至簡州一百八十里
西至嘉州一百九十里
東至資州二百三十五里
東南至榮州三百一十里

貢賦開元貢 麩金 細葛四疋 賦 絹 綿
元和貢 同

管縣五 仁壽 貴平 籍縣 始建 井研

仁壽縣郭上本漢武陽縣之東境也後魏定蜀於此置普

寧縣屬懷仁郡開皇三年罷郡以縣屬陵州十八年改普

寧為仁壽縣

三隅山有東隅南隅西隅三山相對去陵井各一里故為

元和郡縣志 卷三十三 二十

名

婆支水出縣北婆支山去縣四十五里

陵井縱廣三十丈深八十餘丈益部鹽井甚多此井最大

以大牛皮囊盛水引出之役作甚苦以刑徒充役中女祠

蓋井神張道陵祠在縣西南百步陵開鑿鹽井人得其

利故為立祠陵即張魯之祖父學道鶴鳴山人從受道者

出五斗米故時人號米賊亦曰五斗米道

貴平縣中西南至州六十七里本漢廣都縣之東南地後魏於此

置和仁郡仍立縣

唱車山在縣西南九里

祿水在縣南五十步

平井鹽井在縣東南七步

籍縣

上

東南至州一百里

本漢武陽縣地周閔帝於此置籍縣

因蜀先主籍田地為名大業二年省永徽四年復置

丹沙山在縣南七十里

大江水在縣北三十五里

木津水在縣南五里

始建縣

中下

北至州五十五里

本漢武陽縣地開皇十年于今

縣立始建鎮大業五年改鎮為縣聖曆二年移于仁壽縣

界置其舊縣復置始建鎮

元和郡縣志

卷三十三

十一

鐵山在縣東南七十里出鐵諸葛亮取為兵器其鐵剛利

堪充貢焉

井研縣

中

北至州一百十五里

本漢武陽縣地大業元年因井研

鎮立縣取鎮為名屬陵州

井研鹽井在縣南七里鎮及縣皆取名焉又有思稜井井

鑊井

瀘州

瀘川下府

開元戶一萬六千八百七十九和戶一千九百六十九

鄉三十七鄉三十八

禹貢梁州之域春秋戰國時為巴子國秦并天下為巴郡

地武帝分置犍為郡今州即犍為郡之江陽符陽二縣之

地按江陽即今州域是也先主入益州遣諸葛亮張飛等

引兵泝流定江陽是也晉穆帝道安西將軍桓溫將萬人伐李子仁軍次江陽亦謂此地也後為獠所沒梁大通初割江陽郡置瀘川魏置瀘州遠取瀘水為名大業二年改為瀘川郡武德元年復為瀘州

州境東西四百七十八里南北五百六十三里

八到西北至資州泝流六百三十里自資至上都三千三百三十里東北至東都三千八百三十里

東北至渝州水路七百里東北至合州五百九十里

西北至榮州五百四十里西至戎州水路三百一十里陸路二百四十里山路險峻或不通

貢賦開元貢 麩金 普 普 普 普 賦 麻 布

管縣五 瀘川 綿水 江安 富義 合江

元和郡縣志 卷三十三 十二

瀘川縣中下本漢江陽縣也屬犍為郡初曹公入漢中諸

葛亮出屯江陽晉穆帝於縣置東江陽郡領江陽縣開皇

三年蜀郡以縣屬瀘州大業元年改江陽縣為瀘川縣皇

朝因之

汶江水經縣南三十步

中江水亦曰綿水經縣北三里出麩金

綿水縣中下東至州一百六十里本漢江陽縣地晉於此置綿水

縣

汶江水經縣東十五里

江安縣中下東北至州五十里本漢江陽縣地也李雄亂沒於

夷獠晉穆帝於此置漢安縣十八年改爲江安縣

方山在縣西北十二里

汶江水經縣北八十步

可盛鹽井在縣西北十一里

富義縣

中下

東南至州三百里

本漢江陽縣地周武帝於此置

富世縣貞觀二十三年改爲富義縣

中江水亦曰綿水經縣東百步

富義鹽井在縣西南五十步月出鹽三千六百六十石劔

南鹽井唯此最大其餘亦有井七所

合江縣

中下

西至州一百二十里

本漢符陽縣地也晉穆帝於此

元和郡縣志

卷三十三

十三

置安樂縣梁改置安樂成周改爲合江縣

安樂山在縣東八十三里縣取名焉

龍州

江油下都督府

開元戶九百一十七元和戶三百二十九

禹貢梁州之域秦漢及魏不置郡縣魏景元元年詔鄧艾

征蜀艾自陰平行無人之地七百餘里鑿山通道造作橋

閣山高谷深至爲艱險艾以氊自裹推轉而下將士皆攀

木緣崖魚貫而進先登至江油即其地也晉於此置平武

縣屬陰平郡至梁有陽李二姓最豪分據其地各稱藩於

梁至西魏禪帝二年平蜀於此立龍州隋末陷於寇賊武

德元年隴蜀平定改爲龍門郡其年加西字貞觀元年改

爲龍州

州境東西四百六十八里
南北二百九十六里

入到東北取利州路至上都一千六百五十里
東北至東都二千五百一十里

東至利州四百里
西至綿州二百二十里
東南至劍州三百二十里
東至松州三百二十里

北至渝州取文州路三百三十里
西南至茂州四百九十里
西北至扶州六百里

貢賦開元貢 麩金 羚羊角 天雄 側子
元和貢 烏頭 附子 羚羊角

管縣二 江油 清川

江油縣中下郭下本晉之平武縣地後魏於此置江油郡并立

江油縣以屬焉

石門山在縣東一百三里有石門戍與氏分界去仇池城

元和郡縣志 卷三十三 二十四

四百餘里

雪山在縣西三百里以春夏常有積雪也

饗漑山在縣南八十二里出錫

涪江南流經州城東又經江油城東其水出金

清川縣中下西南至州九十里本後魏之馬盤郡也領馬盤一

縣屬龍州開皇三年罷郡縣入郡理屬龍州天寶元年改

爲清川縣

昌州昌元中元和戶一千一百九十 鄉七

本漢資中縣之東境墊江縣之西境江陽郡之北境皇朝

乾元元年左拾遺李鼎祚奏以山川闊遠請割瀘普渝合

資榮等六州界置昌州尋為狂賊張朝等所焚州遂罷廢
大曆十年本道使崔寧又奏復置以鎮押夷僚其城南憑
赤水北倚長崑極為險固

州境

東西南北

八到

北至普州遂州路至上都二千五百四十里
東北至東都三千四百里

正南至瀘州取合江縣路三百八十里
正北微西至普州三百八十里

西北至資州三百里
東北至合州三百九十里

貢賦

元和貢 筒布

管縣四 靜南 昌元 永川 大足

靜南縣

中郭下

乾元元年與州同置

元和郡縣志

卷三十三

二十五

銅鼓山在縣北八十里

赤水溪經縣南去縣九十步

始龍溪在縣東南流屈曲五十里合赤水流也

昌元縣

中

東至州一百二十里

乾元元年與州同置東接瀨波溪

西臨耶水

葛仙山在縣南一百五十里

瀨波溪在縣南五十步

永川縣

下

西至州九十里

大曆十一年置東西北三面並枕侯

溪水南面接延陵英山

大鐵山在縣東南八十里

大足縣

下

西南至州七十五里

乾元元年與州同置東臨赤水西

枕營山

牛鬪山在縣東南八十里

元和郡縣圖志卷第三十三

元和郡縣志

卷第三十三

二十六

元和郡縣圖志卷第三十四

嶺南道一

嶺南節度使

廣州

南海 都督府

開元戶六萬四千二百五十 元和戶七萬四千九十九

鄉一百九十四 鄉九十一

今為嶺南節度使所理

管州二十二

廣州

循州

潮州

端州

康州

封州

韶州

春州

自春州已下 分入下卷

新州

雷州

羅州

高州

恩州

潘州

潯州

隴州

勤州

崖州

瓊州

振州

澹州 萬安州

元和郡縣志

卷三十四

一

禹貢梁州之域春秋時百越之地秦并天下置南海郡

不言

南海郡地即禹貢之域也

秦末趙佗竊據之高帝定天下為中國勞苦

釋佗不誅因立佗為南越王使無為南邊害至武帝元鼎

五年遣伏波將軍路博德出桂陽下湟水樓船將軍楊僕

下滇水咸會番禺誅佗立孫建德及相呂嘉遂定越地以

為南海蒼梧鬱林交趾九真日南珠崖儋耳郡按漢南海

郡即秦南海故郡也屬交趾刺史獻帝末孫權以步騭為

交州刺史遷州於番禺即今州理是也孫皓時以交州土

壤太遠乃分置廣州理番禺交州徙理龍編晉氏因而不

改義熙中盧循自稱平南將軍廣州刺史用徐道覆計舉

兵建業軍敗單舸走保廣州為晉將杜慧度所破投水而
 死開皇九年平陳於廣州置總管府仁壽元年改廣州為
 番州大業三年罷番州為南海郡隋末陷賊武德四年討
 平蕭銑復為廣州開皇二十一年又於邊境置節度經略
 使式遏四夷廣州為嶺南五府經略使理所以綏靜夷獠
 經略軍南海郡係本州城內有經略軍額管鎮兵五千四百人
 清海軍恩平郡管兵一千人恩平今恩州

桂管經略使始安郡管兵千人
 容管經畧使普寧郡管兵一千一百人

鎮南經畧使安南都護府管兵四千二百人
 元和郡縣志

卷三十四

邕管經畧使朗寧郡管兵一千七百人
 州境東西六百四十八里南北一千二百一十里

入到西北至上都取郴州路四千二百一十里取虔州大庾嶺路五千二百一十里
西北至東都取桂州路五千八十五里
正西微北至端州泮沂相兼二百四十里
西南至恩州水路六百里
東北至韶州五百三十里
西北泮沂至連州八百九十里
西北至賀州八百七十六里
正南至大海七十里

貢賦開元貢 絲布 竹布 蕉布 沉香 甲香 鍾乳
石斛 蚺蛇膽 煎 山薑 餘甘子 辟龜皮 石斛
元和貢 荔枝 煎 山薑 餘甘子 辟龜皮 石斛
鍾乳 沉香 甲香 占臘香 蚺蛇膽

管縣十三 南海 番禺 化蒙 懷集 增城
 泮水 東莞 新會 義寧 清遠 四會

滇陽 滄涯

南海縣上郭下本漢番禺縣之地也屬南海郡開皇十年分

其地置南海縣屬廣州

番山在縣東南三里

禺山在縣西南一里尉陀死葬於此

南海在縣南水路百里自州東八十里村號曰古斗自此
出海浩淼無際

石門水一名貪泉出縣西三十里平地即晉廣州刺史吳
隱之飲水賦詩之處

州城步騰所築也騰爲交州刺史登臺遠望乃曰新城海
島膏腴之地宜爲都邑遂遷州於番禺建築城郭焉

元和郡縣志

卷三十四

三

趙佗故城在縣西二十七里即尉佗都城也

陸賈故城在縣西一十四里賈之來也佗不即前賈故爲
城以待之

盧循故城在縣南六里循旣爲宋高祖所破聚其餘黨至
自番禺高祖遣建威將軍孫李高振武將軍沈田子力戰大
破之

朝臺在縣東北二十一里昔尉陀初遇陸賈之處也後歲
時於此望漢朝拜故曰朝臺

牛鼻鎮在縣西北五十里

赤岸戍在縣東百里

紫石戍在縣東七十里

北廟在縣北三里即尉佗之廟也

虞翻廟在縣西北三里翻為孫權騎都尉以數諫爭徙交州卒

海廟在縣東八十一里

任囂墓在縣北三里

尉佗墓在縣東北八里又吉佗葬在禺山蓋與此相連接耳

番禺縣 上北至州十五里 本秦舊縣故城在今縣西南二里縣

有番禺二山因為名或言置在番山之隅開皇十年改

元和郡縣志

卷三十四

四

置南海縣即今縣是也長安三年於江南洲上別置番禺

縣取漢名其洲周迴約八十里

化蒙縣

下東南至州四百八十里

本秦四會縣之地也宋元嘉十

三年分四會縣之蒙鄉置化蒙縣屬綏建郡開皇十年廢郡以縣屬廣州

鈞穴山在縣西六十里出鈞錫

滑水一名綏建江經縣南去縣三十步

懷集縣

中東南至州六百三十里

本漢四會縣地也宋元嘉中分

四會縣之銀屯鄉置懷集縣屬綏建郡開皇十年改屬涇

州 涇州即今廣州滄涇縣理是也 二十年廢涇州改屬廣州

驃山在縣東北四十二里多鐵鉏百姓資焉

綏建江經縣西南二里

增城縣中
西南至州一百八十里本漢番禺縣地後漢於此置增

城縣按崑崙山上有閭風增城蓋取美名也屬南海郡開

皇十年屬廣州

猊山在縣東南二十三里多婆婆摩竹圍三四尺至堅里

人以爲弓弓形如弩

九子嶺在縣西四里

泉山在縣西三十二里其上多漆樹

龜泉在縣西青山有神龜帶銅鑲上此水有穢此水則便

元和郡縣志

卷三十四

五

澍雨

石陂在縣東北百五十里溉田餘頃

牛潭在縣東北二十里

洧水縣中
東南至州七百二十里本漢封陽縣地在今賀州界肅

齊於此置洧安縣屬廣州至德二年改爲洧水縣

齊樂水經縣北百步

滑水在縣北五十里

東莞縣中
西北至州三百里本漢博羅縣地之晉成帝咸和六

年於此置寶安縣屬東莞郡開皇十年廢郡以縣屬廣州

至德二年改爲東莞縣取舊郡名也

寶山在縣東北五十五里

南海在縣西二里

新會縣

中 東北至州三百里

本漢四會地隋開皇十年置新會

縣屬岡州

岡州即義熙縣今廣州理是也

開元二十三年割屬廣州

利山在縣南百七十里上多沉香木

南海在縣北百五十里

義寧縣

下 東北至州五百里

本漢番禺縣之地宋元嘉六年於

此置義寧縣屬新會郡隋改屬岡州天寶初廢岡州以縣屬廣州

天路山在縣西一十六里

元和郡縣志

卷三十四

六

清遠縣

中 南至州二百四十里

本漢中宿縣地也梁武帝於此

置清遠郡中宿縣屬之開皇十年廢郡置清遠縣屬廣州

觀亭山一名觀峽一名中宿峽在縣東三十五里縣昔取

此峽為名

四會縣

中 東南至州二百四十里

本秦舊縣也屬桂林郡開皇十

年改屬廣州

金山一名金岡山在縣北六十五里出金沙

雞籠山在縣西二里

湏陽縣

中 南至州四百二十五里

本漢舊縣也屬桂林郡在湏水

之陽因名吳屬始興郡開皇十年改為貞陽屬循州十九

年改屬廣州武德元年復改爲湏陽

湏山在縣北四十里湏水所出尉佗爲城於此山上名爲萬人城

湏陽峽一名臯石山在縣南二十五里崖壁千仞猿狖所不能遊

湏水一名始興大江北自韶州曲江縣界流入東去縣百一十步

湏浦故關在縣西南四十五里山谷深阻實禁防之要地也

滄涇縣 中東南至州五百里 本漢舊縣也屬桂陽郡隋開皇十元和郡縣志

卷三十四

年於此置涇州縣屬焉二十年廢涇州以縣屬廣州因縣界涇水爲名也地理志含字無水

堯山在縣北四十里

白鹿山在縣東南三十里

涇水自西連州陽山縣界流入經縣南百步

滄涇故城本漢滄涇縣也在今縣東四里

故涇城在縣西二十步

循州 海豐

開元戶九千五百二十五元和戶二千八百九

鄉一十五

本秦南海郡地漢平南越復置南海郡今州即漢南海郡之博羅縣也梁置梁化郡開皇十年於此置循州取循江

為名也大業三年改為龍川縣武德五年復改為循州

州境東西九百八十三里
南北七十二里

入到西北至上都取廣榔路四千六百一十里
西北至東都取廣榔路四千四百五十里
西至廣州水路沿沂相兼四里
南至海一百一十里

陸路三百五十里

東北至韶州一千二百里
北至虔州一千五百里

貢賦

開元貢
元和貢

蚺蛇膽
羅浮甘子

甲香
蚺蛇膽

藤器
藤箱

鮫魚皮
大甲香

小甲香

水馬

大魚睛

管縣六 歸善 博羅 興寧 海豐 河源

雷鄉

歸善縣

中下郭下

本漢博羅縣地也宋於此置歸善縣屬郭郡

元和郡縣志

卷三十四

八

梁屬梁化郡開皇十年廢梁化郡以縣屬循州

長山在縣東南百里

寅山在縣東北十五里多出茯苓

南海在縣南一百一十里

河源水北去縣四十步

歸善故城在縣東北七十里

梁化故郡在縣東南八十里

博羅縣

中下

東南至州三十里

本漢舊縣也屬南海郡開皇十

年改屬循州二漢縣立名不一自吳已後復為博羅

羅浮山在縣西北二十八里羅山之西有浮山蓋蓬萊之

一阜浮海而至與羅山並體故曰羅浮高三百六十五周
迴三百二十七里峻天之峰四百三十有二焉事具袁彥
伯記

浮水出羅浮山

河源水東自歸善縣界流入南去縣一百步

興寧縣

中下

西南至州
七百里

本漢龍川縣之地也晉於今縣

西三里置興寧縣屬東莞郡開皇十年以縣屬循州

六石山在縣西南二里

循江西自河源縣界流入西去縣五十里

興寧江南去縣一百八十里

元和郡縣志

卷三十四

九

海豐縣

中下

西北至州
五百里

本漢龍川縣地東晉於此置海

豐縣屬東莞郡開皇十年廢以縣屬循州

南海在縣南二十五里

龍山在縣北五十里

河源縣

中下

西南至州二
百三十里

本漢龍川縣之地齊於此置

河源縣縣東北三百里有三河之源故名也屬南海郡開

皇十年改屬循州

龍穴山今名龍川山在縣東北三百四十里

循江經縣東南去縣二百步

龍川故城在縣東北水路百七十五里秦龍川縣也秦南

海尉任囂疾召龍川令趙佗授之以政即此處也

雷鄉縣 中下 西南至州 六百里 天授二年廣東都督陳崇業奏

置南臨大江

潮州 潮陽 開元戶九千三百二十七 下 和戶一千九百五十五

鄉一十六 鄉一十六

今州即漢南海郡之揭陽縣也晉安帝義熙九年於此

立義安郡及海陽縣開皇十年罷郡省海陽縣仍於郡解

置義安縣以屬循州十一年於義安縣立潮州以潮流往

復因以為名大業三年罷州為義安郡武德四年復為潮

州

州境 東西五百三十六里 南北四百八十四里

元和郡縣志

卷三十四

十一

八到 西北至上都取慶州路五千六百二十五里 西北至東都取慶州路四千八百一十里

西南至廣州水陸路相兼約一千六百里 西南至循州一千五百里

西北至虔州一千五百里 東北至漳州取漳浦縣路四百八十里 東至大海一百二十里 南至大海八十五里

貢賦 開元貢 蕉葛布 蚺蛇膽 鮫魚皮 甲香 靈龜散

元和貢 細蕉布 甲香 鮫魚皮 水馬

管縣三 海陽 潮陽 程鄉

海陽縣 中下 郭下 本漢揭陽縣地也晉於此立海陽縣屬義安

郡開皇十年省郡廢海陽入循州十一年置潮州又立海

陽縣以屬焉南濱大海故曰海陽

鳳凰山在縣北一百四十里

大海在縣東南一百一十三步

西津驛在縣西六里

鹽亭驛近海百姓煮海水為鹽遠近取給

官郭湖在縣東南二十里出名龜以卜勝於含涇龜也

潮陽縣 中下 東北至州 二百里 本漢揭陽縣地晉安帝分東莞

郡置義安郡仍立潮陽縣屬焉以在大海之北故曰潮陽

貞元九年移於今理

獲子山一名龍首山在縣東南五十里

龍溪山今名海寧嶺在縣西南一百七十里

大海在縣西南有三十里

元和郡縣志

卷三十四

十一

程鄉縣 中下 東南至州 四百里 本漢揭陽縣地齊於此置程鄉

縣蓋分海陽縣立焉屬義安郡開皇十年省十一年置潮

州復立程鄉縣屬焉

西陽山在縣東南四十五里

西陽水在縣南二十三里

端州

高要

開元戶八千一百四十二
元和戶一千七百九十五

鄉十四
鄉十四

本秦南海郡地漢武帝置蒼梧郡則為蒼梧郡之高要縣

也梁大同中於此立高要郡開皇十一年置端州大業三

年罷為信安郡武德四年平蕭銑五年重置端州州當西

江入廣州之要口也

州境東西一百五十八里
南北一百十里

八到西北取韶郴州路至上都四千三百三十五里
西北至東都四千六十五里

東至廣州二百八十四里
西至康州二百九十里

北取廣州四會縣界水路至韶州六百四十里
東南水路至廣州新會縣三百里

西南水陸相兼至新州一百八十里
東北至廣州四會縣陸路一百八十里

貢賦開元貢 銀四錠 蕉布 麻布 乳香 黃魚 春子
元和貢 銀

管縣二 高要 平興

高要縣下郭下 本漢舊縣也屬蒼梧郡有鹽官開皇十一年

置端州割屬焉

石室山在縣北五里

元和郡縣志 卷三十四 十三

零羊峽在縣東水行三十里吳步騭為交州刺史興軍取

南海衛毅錢博等領兵逆之戰於峽口博等軍敗投水死

者千餘人即此處也

青岐鎮在縣東八十五里

鶴奔亭在縣西八里漢交趾刺史何敞辯死女子寃即此

處也

平興縣下西北至州 八十里 本漢高要地也晉宋分置平興縣

屬新寧郡開皇十二年罷郡屬端州

漏山在縣東四十里

康州下晉康 開元戶一萬三千一百五十二 元和戶 鄉一十六

漢武帝平南越置蒼梧郡今州即蒼梧郡之端溪縣也晉末於此置晉康郡開皇十二年省晉康郡以所領縣屬端州大業三年罷州爲信安郡隋末陷賊武德四年討平蕭銑五年置康州

州境 東西二百七十九里 南北二百四十五里

八到 西北至上都四千五百一十五里 西北至東都四千二百五十五里

東至端州一百九十里 西南水路至龍州一百八十里

西北泝流至封州一百二十五里 北至霍山一百二十里與廣州化蒙縣分界

貢賦 開元貢 蕉布 麻布 元和貢 銀

管縣四 端溪 悅城 都城 晉康

元和郡縣志 卷三十四 十三

端溪縣 郭下 本漢端溪舊縣也屬蒼梧郡

端山在縣北百二十五里有樹冬榮其子號曰猪肉子大

於孟炙而食之味如猪肉故名

西江水經縣南去縣五十二步

悅城縣 下 西至州 八十里 本漢端溪縣地也宋於此置樂城縣

屬端州武德五年改屬康州天寶元年改名悅城

鬱水一名西江水經縣南去縣十步

程溪水東去縣百步

都城縣 下 東北至州 四十五里 本漢端溪縣地宋於此分置都城

縣屬晉康郡大業二年屬封州武德五年改屬康州

鬱水經縣西去縣一里

晉康縣

下 東至州七十一里

本漢端溪縣地宋於此置安遂縣

貞觀八年於縣置藥州十八年廢州以縣屬康州至德元年改為晉康縣

建水在縣東五十步

封州

臨封下

開元戶五千六百五十三元和戶八百一十一

鄉七 鄉七

秦為南海郡之地漢平南越置蒼梧郡今州即漢蒼梧郡之廣信縣地也梁於此置梁信郡屬成州開皇十年改為封州大業三年罷州以縣屬蒼梧郡武德四年復置封州

州境

東西一百二十八里南北二百八十九里

元和郡縣志

卷三十四

十四

八到

西北取梧桂州路至上都四千三百八十五里西北至東都四千一百二十五里

東南沿流至康州一百二十里西北沂流至梧州五十里北至賀州陸路三百九十里水路六百四十里

貢賦

開元貢元和貢

蕉布 落麻布 銀

管縣二 封川 開建

封川縣

下 郭下

本漢廣信縣也梁於此置梁信郡開皇十年

改為梁信縣屬封州十八年改為封川縣皇朝因之

古鬪山在縣西十三里

封溪水經縣北去縣十五里

開建縣

下 南至州一百七十里

本漢封陽縣之地宋文帝分置開

建縣屬臨賀郡開皇十年改屬連州武德四年改屬封州

鼠石在縣東北二十四里傍有三穴皆容人居止其石上時多石斛石高五十丈週迴五里

臨賀水一名封溪水經縣西去縣十五里

韶州

始興

開元戶二萬七百六十四元和戶九千六百六十六

鄉四十一鄉四十一

秦南海郡地漢分置桂陽郡今州即桂陽郡之曲江縣也後漢置始興都尉今州即都尉所部吳甘露元年初立為始興郡梁承聖中蕭勃據嶺南於此置東衡州開皇元年平陳改東衡州為韶州取州北韶石為名十一年廢入廣州十二年自今南海縣移廣州理曲江之廢韶州城即今州理是也仁壽元年改廣州為番州大業二年又自今始元和郡縣志

卷三十四

十五

興故鎮移番州治南海縣今廣州理是也三年以番州為南海郡隋末陷賊武德四年平蕭銑重於此置番州貞觀元年改為韶州復舊名也

州境

東西四百二十里南北四百五里

八到

西北至上都取郴州路三千六百八十五里取虔吉州至上都四千六百八十里

西北至東都取郴州路三千四百二十五里取虔吉州路二千八百七十里

南至廣東水陸相兼五百三十里東北至虔州陸路五百五十里

西北至郴州陸路四百一十里西至連州山路險峻五百里

貢賦

開元貢元和貢

麻布鍾乳

竹布乳花

蘭桂

鍾乳五兩石斛

管縣六 曲江 始興 樂昌 翁源 浚昌

仁化

曲江縣上郭下本漢舊縣也屬桂陽郡江流迴曲因以為名

吳置始興郡縣屬焉隋置韶州縣屬不改皇朝因之

靈鷲山在縣北六里

玉山在縣東南十里有採玉處

銀山在縣西二十二里出銀

韶石在縣東北八十五里兩石相對相去一里石高七十

五丈周迴五里有似雙闕名韶石

牢石在縣東六十里石高七十丈周迴二十一里色備五

彩狀若樓觀上多零羊

元和郡縣志

卷三十四

十六

玉城一名故郡城在縣南六里地勢險固晉義熙初盧循

尅廣州循將徐道覆移始興郡據此城

湏水在縣東一里元鼎五年征南越樓船將軍下橫浦入

湏水即此水

始興縣

下

西南至州一百九十四里

本漢南海之地吳於此分置始

興郡隋改屬韶州皇朝因之

大庾嶺一名東嶠山則漢塞上也在縣東北百七十二里

從北至水道所極越之北疆也越相呂嘉破漢將軍韓千

秋於石門封送漢節置於塞上即此嶺本名塞上漢伐南

越有監軍姓庾城於此地衆軍皆受庾節度故名大庾五

嶺之戍中此最在東故曰東嶠高一百三十丈秦南有五嶺之戍謂大庾始安臨賀桂陽揭陽縣也

邪階水今名階水出縣東百三十里近水有邪階山又有修仁水出縣東北東嶠山仍有三楓亭五渡水齊范彥龍爲始興守至修仁酌水賦詩曰三楓何習習五渡且悠悠寧飲修仁水不挹邪階流

安遠鎮在縣東北百五十里

樂昌縣

中

東南至州一百四十里

本漢曲江縣地也梁武帝分曲

江置梁化縣屬始興郡開皇十年改屬廣州十八年改爲樂昌縣武德中改屬韶州

元和郡縣志

卷三十四

十七

藍豪山在縣西北一百九十里廣五百里崖嶺峻阻所謂隴中即此也

滄湖在縣東南十里周迴三十五里南通隴水

任囂故城在縣南五里秦楚之際南海都尉任囂因中國方亂欲擾嶺南故築此城以圖進取囂死此城尉佗因之遂有南越

翁源縣

下

西北至州二百八十里

本漢浚陽縣地在今廣州界梁

承聖末蕭勃分浚陽立翁源縣因縣界翁水之源爲名也後因不改貞元元年刺史徐申移於今理

翁水出縣東北一百四十里

松派水與湏水合經縣南二十步

湏昌縣下 西南至州陸路 二百三十里光宅元年析始興北界置湏

昌縣北當驛路南臨湏水

大庾嶺在縣北五十六里

仁化縣下 南至州陸路 一百一十里垂拱四年分曲江縣置仁化縣

元和郡縣圖志卷第三十四

元和郡縣志

卷三十四

元和郡縣志

卷三十五

原本缺

元和郡縣志

卷三十六 原本缺



元和郡縣圖志卷第三十七

嶺南道四

桂管經畧使

桂州 始安 都督府 開元戶三萬六千二百六十五 元和戶八千六百六十 鄉七十二 鄉三十五

管州十二 桂州 梧州 賀州 昭州 象州

柳州 嚴州 融州 龔州 富州 蒙州

思唐州

管縣四十七

禹貢荊州之域漢元鼎六年置零陵郡今州即零陵郡之始安縣也吳歸命侯甘露元年於此置始安郡屬荊州晉元和郡縣志 卷三十七 一 屬廣州梁天監六年立桂州於蒼梧鬱林之境因桂江以爲名大同六年移於今治開皇十年置總管府大業三年罷州爲始安郡武德四年復爲桂州總管府七年改爲都督府天寶元年改爲始安郡至德元年改爲建陵郡

州境 東西三百八十一里 南北一百二十八里

八到 北至上都三千七百五里 北至東都三千四百四十五里 東南至昭州二百三十五里 西南至象州五百二十里

東北至道州四百八十里 南至蒙州三百五十里 西至柳州五百三十里 西北至融州四百九十里

東南水路至梧州六百三十里

貢賦 開元貢 銅鏡四十面 元和貢 銀一百兩

管縣十 臨桂 全義 靈川 陽朔 永福 建陵



治定 慕化 永豐 荔茆浦

臨桂縣上郭下本漢治安縣屬零陵郡至德二年改爲臨桂

桂江一名離水經縣東去縣十步揚僕平南越出零陵下
離水即謂此也

駁鹿山一名福祿山在縣東北十五里

全義縣中下南至州一百五十里本漢始安縣之地武德四年分置臨

源縣大曆三年改爲全義縣

越城嶠在縣北三里即五嶺之最西嶺也

湘水出縣東南八十里陽朔山下經零陵郡西十里陽朔

山即零陵山也其初則觴爲之舟至洞庭日月若出入其

元和郡縣志

卷三十七

二

中

故越城在縣西南五十里漢高后時遣周竈擊南越趙佗
踞險爲城竈不能踰嶺即此也

靈川縣中下西南至州六十里龍朔二年分始安縣置東臨桂江冷

山在縣西南一百里出滑石

陽朔縣中下北至州一百四十里本漢始安縣地開皇十年分置陽朔

縣取陽朔山爲名也皇朝因之

離水在縣西二十里

永福縣中下東北至州一百里武德四年析始安縣之永福鄉置因

以爲名

白石水經縣東去縣七步

建陵縣 中下 北至州三百四十里 本漢荔浦縣地吳孫氏置縣梁武帝

立為郡開皇十年廢為縣後因之

建水出縣北建山南流經縣東

駱駝水在縣西七里

治定縣 中上 東北至州三百里 隋仁壽初分始安縣置至德二年改

為治定縣

慕化縣 中下 東北至州二百二十里 武德四年析始安縣置

常安水東去縣七步

永豐縣 中下 北至州二百一十里 甘露元年析漢荔浦縣之永豐鄉置

元和郡縣志

卷三十七

三

開皇十年省入陽朔縣武德四年復置

荔浦縣 中下 北至州二百四十七里 本漢舊縣因荔水為名屬蒼梧郡

縣南有荔平關今廢吳屬始安郡隋改屬桂州武德四年

於此置荔州貞觀十二年州廢縣復屬桂州

荔江江在縣南一里

梧州 蒼梧 開元戶一千二百九下 元和戶一千八百七十一

鄉九

古越地也秦南取百越以為桂林郡秦末趙佗自立為南

越王其地復屬焉漢元鼎六年平呂嘉又以其地為蒼梧

郡之廣信縣也領縣十一自漢至陳為郡不改開皇十年

罷郡為蒼梧縣屬靜州大業三年罷靜州復為蒼梧郡武

德五年於郡置梧州

州境 東西一百一十里
南北三百八十里

八到 西北取桂州路至上都四千三百三十五里
西北至東都四千七百五里
東南泂派至封州五十里

西北泂派至富州三百二十里
西南泂派至藤州一百里
正南徹西至義州三百里
西北至桂州六百三十里

貢賦 開元貢
元和貢
白石英
石英二十兩

管縣三 蒼梧 戎城 孟陵

蒼梧縣 下本漢蒼梧郡廣信縣地也自漢迄陳不改開皇

十年罷郡於此立蒼梧縣皇朝因之

通星山在縣北六十二里漢劉曜為太守常登此山仰觀

星曆因號通星山

元和郡縣志 卷三十七

四

鬱水南去縣八里

戎城縣 下東北至州
二十里 本漢廣信縣地梁於此置遂城開皇十年

虔慶則南征頓兵於此改為戎城縣皇朝因之縣北臨西

江水孟陵縣 下南至州水
路九十里 本漢舊縣也屬蒼梧郡隋省武德

四年重置屬藤州貞觀八年改屬梧州

賀州 臨賀
下
開元戶二千五百三十七
元和戶四百四十九

鄉十

漢蒼梧郡地今州即蒼梧郡之臨賀縣也吳黃武五年割

蒼梧置臨賀水出州東北界西流又注臨水郡對臨賀二

水故取名焉吳屬荊州晉屬廣州開皇元年以郡為賀州

大業二年廢州以縣屬蒼梧郡武德五年復置賀州

州境

東西三百七十里
南北四百一十里

八到

西北至上都三千八百五十五里
西北至東都三千五百九十五里

西至昭州三百里
西南至富州三百一十里
西南至梧州四百一十里

南至封州三百六十里
東至連州二百七十里

貢賦

開元貢
元和貢

蕉布
銀三十兩

蚺蛇膽

石斛
千金藤

竹布
班弓彈弓面

管縣六

賀臨

封陽

馮乘

桂嶺

蕩山

富川

臨賀縣

下郭

本漢舊縣也自漢至陳不改大業二年省臨賀

縣入富川縣十二年重置屬蒼梧郡武德四年改屬賀州

縣北四十里有大山山有東遊龍中二冶百姓採沙燒錫

以取利焉

臨水東去縣十步又有賀水合更名臨賀水

元和郡縣志

卷三十七

五

封陽縣

下

北至州二百四十五里

本漢舊縣屬蒼梧郡在封水之陽故名

吳屬臨賀郡隋屬桂州武德年屬州

長林山在縣東五里

臨賀水東去縣百步

馮乘縣

下

東南至州一百八十里

本漢舊縣屬蒼梧郡界內有馮溪因以

為名吳屬臨賀郡至隋不改大業三年改零陵郡武德四

年屬賀州

萌渚嶠在縣北一百三十里即五嶺之第四嶺也按今縣

與道州江華縣分界於此嶠之上

錫冶三

桂嶺縣下 西南至州八十二里 本漢臨賀縣之地吳分置建興縣屬臨賀

郡晉改為晉安縣開皇十八年改為桂嶺縣屬連州因界

內桂嶺為名武德四年改屬賀州

桂嶺在縣東十五里

程峒在縣東南一百二十里

朝峒縣北四十五里並有鐵鉞自隋至今採取

蕩山縣下 東至州一百七十二里 蕭梁於此立大業二年省武德四年復

置蕩山在縣西七里

富川縣下 東南至州一百四十五里 本漢舊縣屬蒼梧郡吳屬臨賀郡隋屬

桂州武德四年改屬賀州

元和郡縣志

卷三十七

六

鍾乳穴三

靈溪水今名富水去縣西二里

昭州 平樂 開元戶七千三百一十五百七十八

鄉十二 鄉七

本漢蒼梧郡之富川縣地也吳甘露元年分富州縣置平

樂縣屬始安郡至隋不改武德四年於縣置樂州貞觀八

年改樂州為昭州取境內昭潭為名

州境 東西一百七十三里 南北三百三十七里

八到 西北至上都三千九百三十五里 西北至東都三千六百七十五里 東至賀州三百里 西北至桂州三百里 水路三百里

東南水路至富州一百六十里 東北過嶺至道州四百里 北過嶺至永州六百里

貢賦 開元貢 元和貢

銀三十兩 同

管縣三 平樂 茶城 永平

平樂縣下郭本漢富川縣地吳於此置平樂縣取平溪為名

具序州目

巖山在縣北三十八里巖有兩孔相對如人目瞳子白黑分明因號為目巖

縈山在縣南十里山有木客

縣東三十一里有陽里穴那溪穴新穴皆出鍾乳

平樂溪在縣南三里水西約岸有昭潭周迴一里其深不

測

茶城縣下西南至州九十里武德四年析平樂縣置

元和郡縣志

卷三十一

七

銀殿山其下有鍾乳穴十二所在縣東二十八里

平樂水西去縣二百步

永平縣下西南至州九十里證聖元年割平樂縣永平鄉置因鄉為

名縣南臨永平水西流入平樂縣界

象州象郡下開元戶三千二百九十元和戶二百三十三

漢平南越置鬱林郡今州即鬱林郡中溜潭中二縣地也

開皇十一年廢二縣以潭中縣為桂林縣仍以桂林置象

州大業二年廢象州以桂縣屬桂州武德四年平蕭銑析

桂林立武德縣仍於縣治重置象州取界內象山為名

州境東西南北

八到 北至上都四千二百二十五里
西南至巖州二百八十里

東北至東都三千九百六十五里
東南至潯州二百一十里

東至康州陸路一百九十里

西至柳州一百六十里

貢賦 開元貢
元和貢

銀
銀二十兩

管縣三 陽壽 武仙 武化

陽壽縣 郭下 本漢中溜縣之地也開皇十一年廢中溜縣入

桂林縣又析桂林置陽壽縣屬州

象山在縣西北三里

陽水南去縣二十步

武仙縣 下 西北至州一
百二十里 武德四年析桂州建陵縣南置

武化縣 下 西南至州
六十五里 武德四年析桂州建陵縣之南界置屬

元和郡縣志

卷三十七

八

晏州貞觀十二年廢晏州改屬象州

柳州 龍城 開元戶一千三百七十四
元和戶一千二百八十七

鄉十四
鄉九

本漢鬱林郡潭中縣之地迄陳不改開皇十一年改潭中

為桂林縣仍析桂林為馬平縣屬象州隋末陷賊武德四

年蕭銑於此置昆州又改為南昆州貞觀八年改為柳州

因柳江為名

州境 東西
南北

八到 北至上都四千二百四十五里
東北至東都四千二百四十五里

東至柳州五百四十里
東至象州一百六十里

北至融州陸路一百二十二里水路三百八十里

貢賦 開元貢
元和貢

銀
銀二十兩

管縣五 馬平 龍城 洛容 洛封 象縣

馬平縣下郭隋開皇十一年析桂林縣置屬象州貞觀屬柳

州

潭水東去縣二百步

柳江在縣南三十步

龍城縣下東南至州八十八里開皇十年析桂林縣置

潭水在縣西十里

龍溪水經南入潭水

洛容縣下東南至州一百二十里永徽中置屬嚴州天授二年割屬柳

州

元和郡縣志

卷三十七

九

洛封縣下東南至州一百七十里本烏蠻所住村名乾封二年招慰蠻

戶因為縣

象縣下西南至州六十五里陳於今縣南四十五里置象郡開皇九年

廢郡為縣龍朔三年為賊所蕪乾封二年復置總章元年

割屬柳州

嚴州下循德開元戶一千六百六十元和戶一千一十六

鄉十四

本漢鬱林郡中溜縣之地乾封二年於廢昆州樂沙縣置

嚴州仍改樂沙縣為懷義縣州城南枕大江當桂州往邕

州之路在嚴峒之上因為名

州境東西一千四百四十一里南北三百八十二里

八到 北至上都四千四百五十里
東北至東都四千一百二十五里

西南至賓州一百九十里
南至澄州二百二十六里

管縣二 循德 來賓

循德縣下武德四年析桂林立陽德縣其年又改名循德
縣本屬柳州永徽初割入嚴州仍為治州

古郎山在縣西四十里

都泥江南去州一里

來賓縣下東至州二百里本樂沙縣也乾封二年為懷義縣天寶

二年改曰來賓在都泥北來賓水東故以為名

融州融水開元戶一千七百七
下元和戶二百四十二

鄉七
五

本漢鬱林郡潭中縣地也自漢迄宋不改蕭齊於此置齊

元和郡縣志

卷三十七

十

熙郡梁大同中又於郡治置東寧州開皇十一年改為融

州廢齊熙郡為義熙縣大業二年州廢武德四年平蕭銑

於義熙縣復置融州因州界內融山為名

州境 東西四百四十七里
南北四百九十七里

八到 北至上都取桂州四千一百九十五里
東至桂州四百九十五里 東北至東都三千九百三十五里
南至柳州水路三百八十里陸路二百三十里

貢賦 開元貢黃藤
充和貢金二兩 防風 桂二十五斤

管縣二 融水 武陽

融水縣下開皇十一年改齊熙郡為義熙縣屬融州武德

六年改為融水

銅鼓山在縣西南二十五里

隋建縣 下 西北至州 八十里 開皇十九年分武林縣置屬藤州貞觀

七年割屬龔州 盧越水在縣東南一百一十步

大同縣 下 南至州七 十五里 本漢鬱林郡布山縣之地也貞觀七年於

此置大同縣屬龔州 花憐水在縣東北二十步

陽川縣 下 東南至州 四十里 本漢布山縣地貞觀七年於此置西平

縣屬龔州天寶元年改為 陽川

仙人山在縣東北三十里

潯江南去縣三十五里

富州 開州 開元戶一千三百一十一里 下 元和戶二百四十三 鄉 四

禹貢荊州之域漢平南越置蒼梧郡今州即漢蒼梧郡之

元和郡縣志 卷三十七 十一

臨賀縣地也梁武帝分臨賀郡置南靜郡開皇中廢武德

五年重置靜州貞觀八年改為富州因富川水為名也

州境 東西一百七十六里 南北一百八十里

八到 西北至上都四千九百五里 北至東都三千八百三十五里 東北至賀州三百一十里 西至蒙州九十里 東南沿路至梧州三百二十里 西北至昭州一百六十里

貢賦 開元貢 元和貢 班布 班布五疋 銀

管縣三 龍平 開江 思勳

龍平縣 下 郭下 本漢臨賀縣地也梁於此立南靜郡開皇十一

年廢以龍平縣屬桂州貞觀八年改置富州縣割屬焉

灘水東去縣二十一里

融溪水在縣北五十二里

武陽縣下 東北至州八十里 開皇十一年析義熙縣置臨祥縣永徽

元年廢入融水龍朔二年重置改為武陽

武陽溪水在縣東十里

龍共州 臨江 開元戶二千四百二十 下 元和戶二百七十六

鄉十五

古越地也漢平南越置蒼梧郡今州即蒼梧猛陵縣之地

也晉分猛陵置永平郡又為永平郡之武林縣地也貞觀

三年於此置鷺州於今州東六十五里於鷺州舊治置龔

州都督府因龔江以為名也

州境 東西南北

元和郡縣志 卷三十七

十二

八到 西北至上都取桂路四十五百七十五里

北至東都四十三百一十五里

東至藤州一百四十里

北至象州三百一十里

西南至潯州沂流一百三十里

南至繡州一百七十四里

貢賦 開元貢 銀二十兩

管縣五 平南 武林 隋建 大同 陽川

平南縣 下 本漢猛陵地縣貞觀七年於此置平南縣屬龔

州 鷺石在縣東南十里

龔共江一名潯江亦名都泥江在縣南五十步

武林縣 下 西北至州二十五里 本漢猛陵縣地宋元嘉二年置武林縣

屬永平郡隋屬藤州貞觀七年割屬龍共州

富川水經縣南又東入灘水

開江縣下 北至州一百里 本漢猛陵縣地梁於此置開江郡開皇十

年罷郡為縣以屬靜州大業二年廢武德五年復置屬梧

州神龍元年割屬富州

桂江在縣西二里

思勳縣下 南至州一百四十里 古聖曆元年分龍平縣置二年於縣置

武安州開元二年廢以縣屬富州

富川水在縣東五十步南流

印崗山在縣北四十五里

蒙州 蒙山 開元戶一千六百三十七元 和戶二百七十二

元和郡縣志

卷三十七

十三

本漢蒼梧郡地今州即漢蒼梧郡之荔浦縣也開皇十年

分置隋化縣屬桂州武德五年於此置南恭州貞觀八年

改為蒙州因蒙水以為名

州境 東西南北

八到 西北至上都四千五十二里北至東都二千七百九十二里

東至富州九十里西北至桂州荔浦縣八十里

南至龍州三百五十里西南至象州三百五十里北至桂州三百四十七里

貢賦 開元貢元和貢 金 錢金十兩

管縣三 立山 正義 東區

立山縣下 郭下 本開皇十年分荔浦置隋化縣屬桂州武德五

年置立山縣屬荔州改屬蒙州

蒙水舊名涇水在縣北二里

正義縣

下 東南至州 三百里

武德五年分荔浦縣置屬荔州改屬蒙州

蒙水在縣南四里乳穴二

東區縣

下 西北至州 八十里

武德五年分荔浦縣置

涇水西北去縣三十五里

葛峩鎮在縣城內

思唐州

下

元和戶六十一

鄉二

永崇二年前桂州司馬夏侯處廉奏割龍蒙象三州置開

元二十四年奏為羈縻州建中元年昇為正州額

州境

東西南北

元和郡縣志

卷三十七

十四

八到

西北至上都四千二百一七里 北至東都三千九百五十里

東至高州三百五十里 西至象州一百八十里

南至龔州一百四十里 北至蒙州一百六十里

貢賦

開元貢

銀一十兩

管縣二 武郎 平原

武郎縣

下 郭下

右與州同時置前臨馳禮江

唐嶺在縣西南四十里與平原縣分界

平原縣

下

東北至州 八十里

右與州同時置前臨思洪江

元和郡縣圖志卷第三十七

元和郡縣圖志卷第三十八

嶺南道五

邕管經畧使 邕州 貴州 賓州 澄州

欽州 潯州 蠻州

安南都護 交州 愛州 驩州 峯州 陸州

演州 已上朝貢 長州 郡州 諒州 武安州

唐林州 武定州 貢州 已上附貢

兼管羈縻州三十一

今為邕管經畧理所

管州八 邕州 貴州 賓州 澄州 橫州 欽州

元和郡縣志 卷三十八 一

潯州 蠻州

管縣三十三

邕州 朗寧 開元戶一千六百二十四 下都督 元和戶 鄉十二

古越地也秦併南越為桂林縣地在漢為鬱林郡之領方縣地也晉於此置晉興郡隋開皇十四年廢晉興郡為晉興縣屬簡州大業三年州廢以縣屬鬱林郡武德四年於此置南晉州貞觀六年改為邕州因州西南邕溪水為名乾封二年置都督府後為夷獠所陷移府於貴州景雲二年州界平定復於邕州置都督府

州境 東西 南北

八到 北至上都取象州路四千七百七十五至取藤州路五千四十五里
北至東都四千五百八十五里
東至欽州三百三十里

西南至讓州二百八十里
東北至澄州二百四十里
西南至安南一千里

貢賦

管縣七 宣化 武緣 晉興 朗寧 思籠 如和

封陵

宣化縣 下 本漢領方縣地開皇十四年於此置晉興縣十

八年改為宣化縣屬鬱林郡武德屬邕州

鬱江水經縣南二十步

左溪右溪在縣東西流至縣東南同注鬱江

武緣縣 中 西至州一百里 本漢領方縣地開皇十一年於此置武緣

元和郡縣志

卷三十八

二

縣屬緣州大業三年廢武德五年又置

鬱江水經縣南去縣三十步

都稜鎮在縣西水路一百里

晉興縣 中 南至州一百里 本漢領方縣晉於此置晉興縣開皇十

四年省武德五年又置

朗寧縣 中 南至州一百八十里 本漢蓋增食邑縣地也武德五年分置

朗寧縣屬南晉州改屬邕州

思籠縣 中 東至州三百里

如和縣 中 西南至州一百里

右二縣並景雲後置

封陵縣

中下

東北至州九十里

本漢合浦縣之地武德五年析欽州南

賓安京二縣地置如和縣因縣西南四十里如和山為名

屬欽州景雲二年割屬邕州

貴州

懷澤下

開元戶三千六百二十九

鄉十九

本西甌駱越之地秦併天下置桂林郡尉佗王越改桂林

為鬱州後又為桂林元鼎六年平南夷改桂林為鬱林郡

梁時於郡置南定州開皇十年罷鬱林等郡改南定州大

業二年改尹州為鬱州三年罷州為鬱林郡隋末陷賊武

德四年平蕭銑於郡置南尹州併置總管府八年改南尹

州為貴州

元和郡縣志

卷三十八

三

州境

東西一百三十七里
南北二百一十七里

八到

西北至上都取梧桂州路四千八百七十五里取象州路四千五百八里
西北至東都四千六百三十五里取象州路四千三百二十五里

東北泂流至海州二百一十五里陸路一百四十里 東至續州一百里
南至鬱林州一百四十里 西南泂流至橫州一百七十里

西至賓州二百二十五里
北至象州三百一十里

貢賦

開元貢

紵布

管縣四

鬱林

懷澤

義山

潮水

鬱林縣

上郭下

本漢廣鬱縣也吳改為陰平晉改為鬱平開皇

十年於此置鬱林縣屬鬱林郡武德屬桂州

顯朝岡在縣北二十里陸績為太守每登此岡制渾天圖

鬱江水南去縣十五步

石井亦名司命井在縣北二里澗則人疾疫歲不登

懷澤縣 下 北至州一百里 本漢鬱林縣地武德四年置

義山縣 下 東北至州八十里 本漢廣鬱縣地開皇十年置馬度縣因

縣南三十里馬度山為名武德四年改為馬嶺天寶元年

改為義山

潮水縣 下 東至州五十里 本漢廣鬱縣地武德四年分置潮水縣

浮溪水在縣南十三步

賓州 領方 開元戶一千八百九十五 元和戶 鄉十一

古越地也今州即漢鬱林郡之領方縣也至隋不改隋亂

陷賊貞觀五年折澄川三縣於此置賓州

元和郡縣志 卷三十八 四

州境 東西一百三十二里 南北六十三里

八到 北至上都四千五百九十五里 東北至東都四千三百三十五里 東至貴州二百二十五里 東北至巖州一百九十里 西南至邕州二百四十五里 西北至澄州八十八里

貢賦 開元貢 銀 筒布 蕉布

管縣三 領方 瑯琊 保成

領方縣 下 本漢舊縣也吳改為臨浦縣隋復為領方屬鬱

林郡貞觀割屬賓州武德四年折領方縣置屬南方州

都婁水去縣二十三里

瑯琊縣 下 西北至州二十五里 武德四年折領方縣屬南方州貞觀割

屬賓州

瑯琊水在縣西一里

保城縣

下西至州五十里

本漢廣鬱縣地屬鬱林郡梁置安成郡隋

改縣屬鬱林郡貞觀割入賓州至德年改名保城

可零水出縣西平地北流

澄州

賀水

開元戶二千一百六十五

元和戶

鄉十二

古越地也今州即漢鬱林郡之領方縣地也漢領方縣今

賓州領方縣也自漢迄隋其地不改隋亂陷賊武德四年

平蕭銑於此置南方州貞觀八年改為澄州

州境

東西三百五十三里南北三百三里

八到

東北至東都四千三百七十五里北至上都四千六百三十五里

東至貴州三百四十一里西至邕州三百三十九里

元和郡縣志

卷三十八

五

南至賓州八十八里北至嚴州三百三十里

貢賦

開元貢

銀

管縣四

上林

無虞

止戈

賀水

上林縣下郭下本漢領方縣地也武德四年分置上林洞口因

以為名

都澧水在縣北一百步

無虞縣

下

西南至州三十六里

武德四年折領方縣置屬南方州改屬

澄州

羅富山在縣西北五里

都澧水在縣北一里

止戈縣下 東至州八十里 武德四年折領方縣置屬南方州改屬澄

州賀江水一名都泥江在縣北一百九十里

賀水縣中 西南至州一百九十里 武德四年析柳州馬平縣置屬南方州

改屬澄州

都泥江在縣北一百四十里

橫州 寧浦 開元戶一千三百七十八 鄉十七

古越地趙佗王越地亦屬之漢平南越置合浦郡今州即

漢合浦郡之高涼縣地也在今高州界晉於合浦北部置

寧浦郡開皇十年廢為縣以屬間州十八年改為簡州為

緣州大業三年廢州為鬱林郡隋末陷賊武德四年平蕭

元和郡縣志 卷三十八 六

銑重置南簡州貞觀八年改為橫州至德移於舊州東七

里鬱江北岸

州境 東西一百三十二里 南北二百一十一里

入到 北至上都取貴象州路四千七百五十五里取藤州水路四千一百七十五里 至東都四千八百一十里 東北至東都四千三百九十五里

東北至貴州水路一百七十五里 西南至欽州水陸相兼三百一十一里

貢賦 開元貢 銀

管縣四 寧浦 樂山 涼風 嶺山

寧浦縣下 本漢高涼縣地吳分為寧浦縣開皇屬鬱林郡

貞觀屬橫州

鬱江水俗名蠻江北去縣十步

樂山縣

下 西至州水路一百二十里

本漢廣鬱縣之地陳於此置樂陽郡開

皇十年廢郡為縣仍為樂山屬緣州大業改屬鬱林郡貞

觀改屬橫州

蠻江南去縣七步

涼風縣

下 西南至州九十里

武德四年析寧浦縣之北界置

鰐江水經縣西去縣百步

嶺山縣

下 東至州一百里

本漢高涼縣之地梁於此置嶺山郡開皇

十年廢郡為縣屬鬱林郡武德四年改屬橫州

蠻江北去縣五步

欽州

下 寧越

開元戶二千二百八

鄉十二

元和郡縣志

卷三十八

七

古越地非九州之域尉佗王越亦屬焉漢平南越置合浦

郡今州即

之合浦縣地也按合浦在廉州界宋分

合浦置宋壽郡梁武帝於今欽江縣南三里置安州開皇

十八年改安州為欽州取欽江為名也大業三年改為寧

越郡武德四年平蕭銑改為州仍為都督府貞觀元年罷

都督府復為州

州境

東西六百七十三里 南北四百四十四里

八到

北至上都五千五百五十五里 東北至東都四千八百五里

東北至橫州三百十里 東至廉州三百三里

西南至陸州七百四十里

貢賦

開元貢

銀

金

管縣五 欽江 安京 遵化 內亭 虛山

欽江縣下本漢合浦縣之地宋於此置宋壽郡開皇十九年罷郡為欽江縣屬欽州皇朝因之

豐子嶺在縣北一百二十里

欽江在縣東二百步

西零戍在縣南三里

安京縣下西北至州七十里梁武帝分宋壽郡於此置安京郡開皇

十年廢郡為縣屬欽州皇朝因之

羅浮山在縣北十里俗傳似循州羅浮山因名之

遵化縣下西南至州二百八十里隋開皇二十年置本合浦縣地也

元和郡縣志

卷三十八

欽江水源出縣東北閣博山

內亭縣下東南至州一百里本漢合浦縣地開皇十七年置名新化縣

十八年改名內亭屬州皇朝因之因內亭水為名

虛山縣下南至州九十六里水路一百二十里開皇十八年於州北四十八里置南

賓縣貞觀十年移於峯子嶺南天寶元年改為虛山縣今

南四十里謂之水步即是欽州北來人泝流捨舟登陸處

潯州下潯江開元戶一千七百一十六

鄉五

本漢合浦郡地貞觀七年分置潯州取北潯江為名十二

年廢入龔州長壽元年又割龔州桂平皇化大賓三縣重

置潯州

州境東西南北

入到北至上都四千六百九十五里東北至東都四千一百七十五里

東北沿流至龔州一百二十里西南沿流至貴州二百里陸行一百里

南至繡州八十里西北至象州陸行二百一十里

管縣三 桂平 皇化 大賓

桂平縣下本梁於此置桂平郡開皇十年罷郡為縣屬鬱

林郡貞觀七年於縣置潯州十二年廢以縣又屬焉

皇化縣下西至州三十里開皇十一年置因縣東一里皇化水為名

大業二年廢貞觀七年復立

大賓縣下西至州四十里開皇十五年分桂平縣置以縣西北賓水

為名武德七年曾於縣置潯州後移於桂平縣

元和郡縣志

卷三十八

九

蠻州永定下

本漢領方縣地貞觀末永徽初置後以蠻獠背叛廢於其

城置驛開元十五年李商隱重奏置

州境東西南北

入到西北至上都取橫象州路四千八百五十五里西北至東都四千六百三十里

西沿流至邕州一百五十里

東沿流至橫州一百三十里北至澄州抵大山無路

管縣三 永定 武羅 靈竹

永定縣下郭下

武羅縣下北至州七十里

靈竹縣下西至州九十里

安南都護府交趾 開元戶二萬五千六百九十四
元和戶

鄉五十五
鄉五十六

今為安南都護理所

羈縻州三十二

管州十三 交州 愛州 驩州 峯州 濱州

陸州 已上 朝貢 長州 郡州 諒州 武安州

唐林州 武定州 貢州 已上 附貢

管縣三十六 都管戶二萬七千一百三十五

古越地也秦始皇平百越以為桂林象郡今州即秦象郡地也趙佗王南越地又屬焉元鼎六年平呂嘉遂定越地以為南海蒼梧鬱林合浦交趾九真日南珠崖儋耳九郡

元和郡縣志 卷三十八 十

元封五年置刺史以部之名曰交趾者交以南諸夷其足大指廣兩足並立則交焉漢本定為交趾刺史不稱州以別於十二州建安八年張津為刺史士燮為太守共表請立為州自此始稱交州焉吳黃武五年分交趾日南九真合浦四郡為交州南海鬱林蒼梧三郡為廣州尋首廣州還併交州以番禺為交州所理後又徙於交趾晉太康中徙理龍編開皇十年罷交趾郡為王州仁壽四年置總管府大業三年罷州後為交趾郡武德四年又改為交州總管府永徽二年改為安南都護府兼置節度大曆三年罷節度置經畧使仍鎮南為安南都護府貞元六年又加招討處

置使

府境

東西五百一十六里
南北七百九十一里

入到

北至上都六千四十五里水路六千六百四十里
北至東都五千七百八十五里水路六千三百八十里

西南至愛州五百里水行七百里
西北至峯州一百三十里

東北至陸州水行百里
西北至姚州水陸相兼未有里

貢賦

開元貢
龍花藍

孔雀 蚡地膽
檳榔 黃屑

鸚鵡
翠毛

蕉布
翡翠

今貢犀角
蕉布

草豆蔻
鮫魚皮 白露鮮

管縣八

宋平

武平

平道

太平

南定

朱鷺

交趾

龍編

宋平縣

上郭下

本漢日南郡西捲縣地宋分立宋平縣屬九德

郡後改為宋平郡開皇十年改屬交州武德四年於此置

宋州貞觀元年廢宋州改屬交州

元和郡縣志

卷三十八

十一

慈廣水經縣南二里

蘇晉江南去縣二百步

安陽王故城在縣東北三十一里蓋昔交州之地

羸樓

音蓮樓

故城在縣西七十五里本漢縣屬交州郡有差

官後漢交趾刺史理於此後徙龍編

武平縣

中下

西南至府
九十里

本扶嚴夷城地也吳歸命侯建衡三年

破扶嚴夷置武平郡開皇十年廢郡立崇平縣屬交州武

德四年改名武平

平道縣

中下

西北至府
五十里

本扶嚴夷地吳時開為武平郡立平道縣

屬之開皇十年廢縣屬交州

仙山縣東北十三里隱嶙數百里則龍編之西門也

太平縣

中下 東至府 六十里

本扶巖夷地開皇十年分武平置隆平縣開元元年改名太平

南定縣

中下 東北至府 六十里

本漢羸樓縣地貞元七年於此置南定縣其舊南定縣在今縣東南二百餘里羈縻長州側近開

元十年後廢

朱鳶縣

上 東南至府 五里

本漢舊縣也屬交阯郡至隋不改武德四年於此置鳶州貞觀九年廢縣屬交州

朱鳶江北去縣一里後漢馬援南征鑄銅船於此揚排燃

火炙船頭令赤以焦踊浪及殺巨鱗橫海之類

元和郡縣志

卷三十八

十三

交阯縣

中下 東南至府 一十五里

本漢龍編縣地開皇十年分置交阯縣武德四年於此置慈州貞觀元年州廢縣屬交州

泊江水西北自崇平縣界流入至此故名

慈廉水北去縣四十步

龍編縣

中下 西北至府 四十五里

本漢縣也屬交阯郡立縣之始蛟龍盤編於江津之間因以為瑞而名縣也武德四年於此置龍

州貞觀元年州廢縣屬交州

朱鳶江在縣北即椽榆水之一源也盧循之寇交州也刺

史杜慧度率軍水步晨出南津以火箭攻之燒其船艦一

時潰散循亦中矢赴水而死

交州故城在縣東十四里吳時刺史陶橫珩築

石九子母祠在縣東十四里

愛州九真開元戶一萬四千五百六十六
下和戶五千三百七十九

鄉八
二十五

秦象郡地也漢元鼎六年平南越置九真郡領肯浦居風

都龐音龍餘發咸驩無功無編七縣屬交阯刺史梁武帝於

郡理置愛州大業三年改愛為九真郡武德五年丘和歸

國罷郡復為愛州

州境東西二百八十二里
南北四百一十里

八到北至上都六千四百七十五里
北至東都六千二百一十五里

東至濱州一百四十里
南至濱州二百五十里

東北至長州水行四百五十里
西至小僚界水行一百九十里

西北至僚柵三百里
西北至安南都護五百里水路七百里

元和郡縣志

卷三十八

十三

貢賦開元貢
今貢

孔雀毛 賦綿
孔雀尾十具 翡翠尾一百枚

檳榔五百顆

犀角二十斤

管縣五

九真

安順

崇平

日南

軍寧

九真縣下本漢居風縣地也吳改居風為移風開皇十七

年分移風置縣屬愛州後漢任延為九真太守舊俗以獵

射為業不知牛耕人常告糴交阯每致困乏延乃令作田

器教之墾闢百姓充給

居風山在縣西四里上有風穴長風自是出焉其山出金

珍山在縣西三里

安鎮山在縣南三十一里出石磬勝於湘州零陵者

安順縣

下

西北至州九里

本漢居風縣地吳改為移風又分置常樂

屬九真郡開皇十年改屬愛州十六年改爲安順縣皇朝因之

浮岳山在縣西五里

崇平縣下北至州三十里本漢居風縣地晉於此立爲高安縣屬九

真郡開皇十年改屬愛州十八年改高安爲隆安開元元

年改爲崇安至德二年又改爲崇平

日南縣下北至州三十里本漢居風縣地晉分置津梧縣開皇年折

置日南縣屬愛州皇朝因之

鑿山在縣北一百三十里昔馬援征林邑阻風波乃鑿此

山彎爲通道因以爲名

元和郡縣志 卷三十八

十四

海在縣東七十里

軍寧縣下東南至州二十里本漢都龐縣也晉分立軍安縣屬九真郡

開皇十年改屬愛州至德二年改名軍寧

驩州日南下府開元戶六千六百四十九和戶三千八百四十二

鄉十四 鄉六

古越地九夷之國越裳氏重九譯者也在秦爲象郡漢平

南越又置九真吳歸命侯天紀二年分九真之咸驩縣置

九德縣屬交州梁武帝於此置德州開皇十八年改爲驩

州取咸驩縣爲名也大業三年改爲日南郡武德五年改

爲南德州仍置總管府貞觀元年改爲驩州兼管羈縻州

州境東西南北

八到北至上都六千八百七十五里

東至海一百里 北至濱州一百五十里

貢賦元和貢 象牙 沉香 翡翠

犀角 黃屑

管縣二 九德 越裳

九德縣下 西至州 五里 本吳所立屬九德郡後改屬驩州

越裳縣下 西至州 七十里 本吳所置因越裳國以為名也屬九德郡武

德初屬智州後屬驩州

峯州承化 下 開元四縣共三千五百六十一元和戶一千四百八十二

鄉十五 八

古夜郎國之地按今新昌縣界有夜郎溪秦象郡之地漢

平南越置交阯郡之麓音彌冷縣地也吳歸命侯建衡三年

元和郡縣志 卷三十八 十五

分交阯立新昌郡陳於此置興州開皇十八年改為峯州

大業二年州廢以縣屬交州武德四年又置峯州

管羈縻州二十八

州境東西九十七里 南北六十里

八到北至上都六千一百五里 北至東都五千八百四十五里 東南至安南府一百三十里 北至羈縻平南州界二百里

南至瀾口江一百里

貢賦開元貢 八盤絲 荳蔻 檳榔 蚌地膽 今貢 荳蔻三千三百顆 翠毛一百合 犀角四十斤

管縣二 嘉寧 承化

嘉寧縣下 郭下 本漢麓冷縣地也吳分其地立嘉寧縣後遂之

因之

承化縣下東南至州五里本麓冷縣地也天寶元年分置承化縣漢

交趾麓冷女子微側及妹微貳反稱王伏波將軍援討平

之此地也

陸州玉山開元戶一千九百三十四元和戶二百三十一

鄉三

本漢交趾郡地梁大同元年於郡分置黃州開皇十八年

改為陸州以在海南有陸路通海北因為名州在窮海

不生菽粟又無絲綿唯捕海物以易衣食蓋島夷卉服之

類也

州境東西七百一十里南北五十四里

八到西北至上都水陸相兼六千一百二十里西北至東都五千八百六十里

元和郡縣志

卷三十八

十六

貢賦開元貢今貢同

玳瑁

鼈皮

甲香

管縣三 寧海 烏雷 華清

寧海縣下本梁安海武德四年又置海平至德二載更今

名

羅珮山在縣東九里其山在大海中

烏雷縣下西北至州一里本在州東水路三百里惣章元年置在海島

中因烏雷州為名大曆三年與州同移於安海縣理

狗理山在縣東四里

華清縣下西至州一里本名玉山縣天寶元年改名華清本在烏雷

縣北四十里大曆三年與州同移於安海縣理南枕大海

官井山在縣東約五十里相傳越王過海泊船於此為無淡水因鑿石為井故號焉

濱州龍池下元和戶一千四百五十

鄉三

古南越地漢九真郡之咸驩縣地也自漢迄隋不改武德五年於此置驩州領安人扶演相景西源四縣貞觀元年以德州改此為濱州因濱水為名其州西核海當中國住林邑扶南之大路也

州境東西南北

八到北至上都六千七百二十五里東至大海六里

北至東都六千四百六十五里南至驩州一百五十里

北至愛州二百五十里

元和郡縣志

卷三十八

十七

貢賦開元貢元和貢

孔雀尾金薄

黃屑黃屑

管縣三 忠義 懷驩 龍池

忠義縣下郭下本漢咸驩縣地唐廣德二年分置忠義縣

懷驩縣下東至州二十四里本漢咸驩縣武德五年分置安人縣為

濱州所理貞觀二十四年廢州改安人縣為懷恩天寶二

年又改為懷驩廣德二年復置濱州仍移理忠義縣

龍池縣下南至州二百二十里本漢無編縣地也蓋夷獠所附免其徭役

數以無編為名後漢省垂拱二年於此置龍池縣仍於縣

理立山州廣德二年廢山州以縣屬濱州

大海在縣東四里

附貢州

長州 文陽下

西北至州約一百里

管縣四

文陽縣

銅蔡縣

長山縣

其常縣

戶都六百四十八

貢金

郡州

西北至府約一百九十五里

管縣二

郡口縣

安樂縣

戶都三百三十五

貢白蠟二十斤

孔雀尾二具

蚺地膽二枚

諒州

西北至府約一百五十里

管縣二

文諒縣

長上縣

戶都五百五十五

元和郡縣志

卷三十八

十八

貢白蠟二十三斤

武安州

武曲西至府約一百八十里

管縣二

武安縣

臨江縣

戶都四百五十八

貢朝霞布食單

唐林州

北至府約一百一十里

管縣二

唐林縣

安遠縣

戶都三百一十七

貢白蠟二十斤

武定州

東至府三百二十里

管縣二

扶耶縣

潭湍縣

戶都一千二百

貢翠毛二百二十合

貢州 西南至府約二百五十里

管縣二 武興縣 古都縣 戶都三百十八

貢 翠毛三百合

元和郡縣圖志卷第三十八

元和郡縣志

卷三十八

十九



元和郡縣圖志卷第三十九

隴右道上

管州二十一

秦州 渭州 武州 蘭州 河州

鄯州 廓州 岷州 洮州 疊州

芳州 宕州 臨州

涼州 自涼州已下分入下卷 甘州 肅州

沙州 伊州 瓜州 西州 庭州

秦州 天水中府 開元戶二萬五十七

鄉三十九

禹貢雍州之域古西戎地周孝王時其地始為秦邑孝王一元和郡縣志 卷三十九

使非子主馬於汧渭之間馬大蕃息孝王邑秦使為附庸
今天水龍縣秦亭秦谷是也其後秦仲始大襄公列為諸
侯武公伏郢戎滅而縣之今州理上邽即秦之舊縣也始
皇分天下為三十六郡此為隴西地漢武帝元鼎三年分
隴西置天水取天水名由此湖也王莽末隗囂據其地後
漢建武永平之後改天水曰漢陽郡魏分隴右為秦州因
秦邑以為名後省入雍州晉復改漢陽為天水郡武帝泰
始中又立秦川郡與州同理開皇三年罷郡所領縣並屬
州大業三年罷州為天水郡隋末陷於盜賊武德二年討
平薛舉改置秦州仍立總管府天寶元年改為天水郡乾



元元年復爲秦州寶應二年陷於西蕃

州境 東西四百三十九里
南北五百五十里

八到 東至上都八百里
東至東都一千六百六十里

東北至隴州三百六十里
西至渭水三百里

西至成州一百八十里
東北至原州四百六十里

貢賦

管縣五 上邽 伏羗 隴城 清水 成紀

上邽縣 上郭下 本邽戎地秦伐邽戎而置縣焉漢屬隴西郡

晉屬天水郡後魏以避道武諱改曰上邽廢縣爲鎮大業

元年復爲上邽縣屬天水郡武德屬秦州

元和郡縣志

卷三十九

二

嶠冢山在縣西南五十八里漾水之所出也東流爲漢水

渭水在縣北十三里西自伏羗縣界流入段谷水源出縣

東南山下蜀將姜維爲鄧艾所破於段谷星散流離即此

谷也

司馬宣王壘俗名上募城在縣東二里魏明帝太和五年

諸葛亮寇天水詔大將軍距之此其壘也

諸葛亮壘俗名下募城在縣東二里初亮出議者或欲自

芟上邽左右麥以奪賦食帝不從又勅令護麥及宣王與

亮相持賴此麥以爲軍糧

姜維壘在北八里

漢高祖廟在縣東北五里隗囂自立為大將軍聘平陵人方望為軍師勸囂立高祖廟以取信於人

伏羌縣

中

東北至州一百二十里

本冀戎地秦伐冀戎而置縣焉漢冀

縣屬天水郡後漢隗囂自稱西伯都於此後魏以冀為當亭周為黃瓜大業二年改黃瓜為黃城縣武德三年初立伏州仍置伏羌縣八年罷伏州以縣屬秦州

朱圍山在縣西南六十里上有石鼓不擊而自鳴則有兵起

渭水經縣北去縣一里

縣城本秦冀縣也隗囂稱西伯都此時冀人有謠曰出冀

元和郡縣志

卷三十九

三

門望羗郡有一跛人欲上天謂天可上地上安得人囂卒敗

隴城縣

中

西南至州一百一十里

本漢略陽道屬天水郡初隗囂之

據冀城也來歙從上道襲得畧陽城囂乃使王元拒隴坻牛邯軍瓦亭囂自率衆攻略陽郡開皇三年罷郡河陽縣從理焉六年改為隴城縣

大龍山在縣東一百里

畧陽川水北去縣三十步

瓦亭山在縣東北二百餘里隗囂使將牛邯守處其山亦入原州界又有街泉亭蜀將馬謖為魏將張郃所敗

清水縣 中下

西南至州一百二十五里

本漢舊縣也屬天水郡後魏分

略陽置清水郡隋開皇三年罷郡縣屬秦州

小隴山一名隴坻又名分水嶺隗囂時來歙龍襄得略陽囂

使王元拒隴坂九迴不知高幾里每山東人西役升此瞻

望莫不悲思隴山有水東西分流因號驛為分水驛行人

歌曰隴頭流水鳴聲幽咽遙見秦川肝腸斷絕東去大震

關五十里上多鸚鵡

成紀縣 中

東南至州一百里

本漢舊縣也屬天水伏羲氏母日華

前有履大人跡生伏羲於成紀即此丘也周成紀縣屬畧

陽郡開皇三年罷郡縣屬秦州皇朝因之

元和郡縣志

卷三十九

四

瓦亭川水東去縣一十五里

渭州

隴西

開元戶五千二百三十二

鄉一十四

禹貢雍州之域古西戎地戰國時羗戎雜居其地秦昭王

伐得義渠戎始置隴西郡按天水有大坂名曰隴坻郡處

坻西故曰隴西有鐵官鹽官漢末隗囂竊據建武十年囂

降隴右平仍舊為郡靈帝分南安郡魏於此置鎮守鄧艾

曰蜀師來而為一我分為四以禦之謂狄道隴西南安岐

山處齊王嘉平五年蜀將姜維圍南安襄武皆不尅後魏

莊帝永安三年於郡置渭州因渭水為名禹貢道渭自鳥

鼠同穴山在州西一百二十九里渭源界大業三年罷州

復置隴西郡隋亂陷賊武德元年西土底平復置渭州寶
應二年陷於西蕃

州境東西二百六十六里
南北三百八十六里

八到東至上都一千一百里
東至東都一千九百六十里

東南至秦州三百里
西南至岷州二百二十六里

東北至原州五百五十里
西北至臨洮軍一百九十里

貢賦開元貢
賦麻布 秦苮 麝香

管縣四 襄武 渭源 隴西 彭縣

襄武縣上下本漢舊縣也屬隴西郡開皇三年罷郡縣屬

渭州大業三年復屬隴西郡武德改屬渭州

元和郡縣志 卷三十九 五

渭水北自渭源縣界流入

六泉水在縣東北原上泉源有六因以為名

渭源縣上 正東微南至
州九十里 本漢首陽屬隴西郡西魏大帝分

隴西置渭源郡因渭水為名也開皇三年罷郡縣屬渭州

鳥鼠山今名青雀山在縣西七十六里渭水所出凡有三

源並下其同穴鳥如家雀色小其鼠如家鼠色小黃近穴

溲溺氣甚辛辣使人變逆嘔吐牛馬得此氣多疲卧不起

而大汗

隴西縣上 西至州
五十里 本漢獠道縣也音桓屬天水郡後漢未於

此置南安郡開皇元年獠道移武陽縣名於郡理屬渭州

八年改武陽爲隴西

安都山在縣西四十九里

落門水出縣東南落門谷後漢建武十年來歙大破隗囂於洛門即此地也

渭水經縣南

彰縣上 東北至州 六十里本漢彰縣也屬隴西郡永元元年封耿

秉爲彰侯是也永嘉南渡縣遂廢焉後魏宣武復置屬略

陽開皇三年罷郡縣屬渭州

龍馬山在縣西四十里

鄣水南去縣一里

元和郡縣志 卷三十九

六

鹽井在縣南二里遠近百姓仰給焉

武州武都下開元戶二千四百五十三 鄉十二

禹貢梁州之域古西戎地也戰國時白馬氏居焉氏即西

戎之別種也元鼎六年開白馬氏以其地爲武都郡魏太

祖以楊阜爲武都太守及劉備取漢中魏文帝徙都武於

美陽即今好時縣界也後諸葛亮使將攻武都陰平遂剋

定二郡其地始入於蜀蜀平後晉復以爲郡及永嘉南遷

中原背叛武都又爲氐楊茂搜其所據羣氏推以爲王其

後楊難當爲宋所破其苗裔復擁衆據武都之仇池山在

今成州畧後平仇池於仙陵山東置武都鎮宣武帝於鎮

城復置武都郡廢帝改置武州大業三年又改為武都郡

武德元年復為武州

州境 東西二百五十六里
南北二百九十里

八到 東北至上都二千二百里
東北至東都二千六百里

東至興州三百五十七里
西北至宕州二百五十里

南至文州三百六十里
北至成州三百八十里

貢賦 開元貢 蠟燭 椒 賦 布

管縣三 將利 福津 盤堤

將利縣 中下 郭下 本漢羌道縣地後魏於此置石門縣周閔帝

改為將利縣屬永都郡開皇三年罷郡縣屬武州皇朝

元和郡縣志 卷三十九 七

因之

仙陵山在縣西六里

武都有紫水泥亦紫漢朝封壘書用紫泥即此水之泥也

又出上品雄黃色如雞冠

羌水一名陵水經州城南二里

福津縣 中 下西北至州 六十六里 本後魏之武階郡也屬南秦州文

帝又置福津縣屬武階郡開皇三年罷郡移福津縣於郡

置焉屬武州皇朝因之

隴東山在縣北四十五里

盤堤縣 中下 西北至州一 百五十里 本漢河池縣之地也後魏廢帝於

此置武陽郡領盤堤縣開皇三年罷郡縣屬武州皇朝因之

盤堤山在縣東南七十三里

縣城魏鄧艾與蜀將姜維相持於此築城置茹蘆戍後於此置縣

蘭州金城開元戶四千

鄉一十五

禹貢雍州之域古西羌地也秦併天下是爲隴西郡漢武帝降匈奴以其地置武威酒泉張掖敦煌四郡又分隴西置天水郡昭帝六年分隴西張掖以爲金城郡今州即金城郡之舊地也初築時得金故曰金城又言金取其堅固元和郡縣志

卷三十九

八

領縣十三宣帝又置金城屬國以處降羌平帝元始四年金城塞外羌獻兼魚鹽之地內屬漢遂得西王母石室以爲西海郡理龍夷城即今河源軍西一百八十里威戎城是也後漢建武十三年省金城入隴西郡明帝永平元年復立永憊末前涼張軌分立興晉郡張實徙金城縣即今州理是也西秦乞伏乾歸都苑川南涼秃髮烏孤都廣武皆此地也苑州在今五泉縣至乞伏慕末爲赫連定所滅廣武縣也至秃髮俛檀爲乞伏熾盤所滅

隋開皇元年立爲蘭州置總管府取臯蘭山次爲名也大業三年罷州爲金城郡武德二年討平薛舉復置蘭州八年置都督府明慶元年罷復爲州寶應元年沒於西蕃

州境

東西二百一十七里
南北六百一十里

八到

東南至上都一千四百六十里
東南至東都二千三百二十里

東至歸州一百九十里
東北會州三百八十里

西北至鄠州四百里
西南至河州三百里

貢賦

開元貢

麻褐

野馬皮

管縣二 五泉 廣武

五泉縣

中下郭下

本漢金城縣也屬金城郡前涼張實徙金城

郡理焉開皇三年罷郡縣屬蘭州皇朝因之

康狼山亦名熱薄汗山在縣南一百四十里西秦乞伏乾

歸太子熾磐招結諸部二萬七千築城於康狼山以據之

元和郡縣志

卷三十九

九

即此山也

黃河流經縣北去縣二十里

金城關在州城西周武帝置金城津開皇十八年改津為

關

廣武縣

中下

南至州二百二十五里

本漢枝陽縣也前涼張駿三年分

晉興置廣武郡開皇三年罷郡置廣武縣屬蘭州大業二

年改為允吾

音

鈆子縣取漢舊名也六年改為會寧縣武德

二年重置廣武縣

琵琶山在縣西北一百五十里北涼沮渠蒙遜恃其強陰

謀圖周周乃擁衆南保琵琶山即此也

烏逆水在縣西南二十許里水西有馬蹄谷漢武帝使李廣利伐大宛得天馬胡馬感北風之思遂頓絕羈絆而馳晨發京城食時至燉煌寨下今谷中石上猶存蹄跡允吾故城在縣西南一百六十里本漢縣屬金城郡浩亶故城在縣西南一百三十里漢縣也屬金城郡亶者水流峽岸深若門也

河州

安樂上府

開元戶五千二百八十九

鄉一十四

禹貢雍州之域古西羗地也梁昭帝分隴西天水張掖三郡立金城郡今州即金城郡之枹罕縣也

枹音浮

靈帝時隴

西宋建自稱河平王聚衆枹罕改元置百官獻帝建安末元和郡縣志

卷三十九

十

夏侯妙才討平之晉惠帝立枹罕護軍前涼張軌保據涼州立為興晉郡張駿二十一年以州界遼遠分置河州以禹貢導河積石至於龍門積石州界故曰河州後乞伏熾盤又自金城都於此後魏平定秦隴西改置枹罕鎮孝文太和十六年改鎮復為河州大業三年罷州改為枹罕郡武德二年討平李軌改置河州寶應元年陷於西蕃

州境

東西二百二十八里南北三百七十里

八到

東至上都一千四百六十里東至東都二千三百三十里

東至蘭州三百里

西至鄯州三百九十里

東至洮州三百里

西北至鄯州三百里

貢賦開元貢

麝香

麩金

賦

麻布

管縣三

枹罕 鳳林

大夏

枹罕縣

上郭下

本漢舊縣屬金城郡故罕羗侯邑秦滅爲縣

後遂因之

積石山一名唐述山今名小積石山在縣西北七十里按河出積石山在西南羗中注於蒲昌海潛行地下出於積石爲中國河故今入目彼山爲大積石此山爲小積石鳳林山在縣北三十五里

河水在縣北五十里河下也按四瀆之中河源最高從高注下故其流峻急禹貢導河積石至於龍門又曰導洛自元和郡縣志

卷三十九

十一

熊耳按洛水出上洛西山經熊耳之北所言導者皆謂紀所施功不必自其源也

鳳林縣

東南至州八十里

本漢白石縣地後魏大統十二年刺史

楊寬於河南鳳林川置鳳林縣因爲名儀鳳元年於河州西移安鄉縣理此又名安鄉天寶元年改名鳳林

石門山在縣東北二十八里山高險絕對岸若門即臯蘭山門也漢武元符三年霍去病出隴西至臯蘭即此也

離水西去縣二百步

大夏縣

中下

西北至州七十里

本漢舊縣屬隴西郡前涼張駿置

大夏郡縣屬焉周改屬枹罕郡開皇三年罷郡縣屬河州

金劍山在縣西二十里

大夏山水經縣南去縣十步

鎮西軍在州西一百八十里開元三年哥舒翰於索恭川置

振威軍在天成軍西百餘里天寶十三年九月哥舒翰攻吐蕃鵬窠城置

鄯州

西平下府

開元戶六千四百四十六

鄉一十五

禹貢雍州之域古西戎地也春秋及秦漢爲羗胡所居昭帝元始元年置金城郡按金州界即金城郡地也後漢獻帝分置西平郡屬涼州前涼張軌分西平置晉興郡張天元和郡縣志

卷三十九

十三

錫以晉興西平二郡遼遠分爲廣源郡後涼呂光改西平爲西河郡南涼秃髮烏孤自稱武威王徙都於此弟倕檀遷於姑臧後復徙治於此爲乞伏熾磐所併後魏以西平郡爲鄯善鎮孝昌二年改鎮立鄯州大業三年罷州復爲西平郡隋亂陷賊武德二年討平薛舉開隴平定改置鄯州儀鳳二年置都督後復爲州開元二十一年置隴右節度使都管兵七萬五千人馬一萬六千疋衣賜二百五十萬疋段備西戎統臨洮軍開元中移就節度倚置管兵五萬五千人馬八千四百疋河源軍州西百二十里儀鳳二年即將李乙支置管兵一萬四千馬六百五十三疋白

泉軍州西北二百三十里開元五年郭知運置管兵四千

人馬五百疋安人軍河源軍西一百二十里星宿州開元

七年郭知運置管兵萬人馬三百五十疋振威軍州西三

百里開元中信安王禕置管兵十人威戎軍州西北三百

五十里開元一十六年杜希望置管兵十人馬五十疋綏

和守捉州西南二百五十里開元二年郭知運置管兵十

人合川郡守捉州南百八十里貞觀中侯君集置管兵千

人合州郡疊州莫門軍洮州城內儀鳳二年置管兵五千

五百人馬二百疋寧塞軍廓州城內管兵百人馬五十疋

積石軍廓州西百八十里儀鳳二年置管兵七千人馬一

元和郡縣志

百疋鎮西軍河州城內開元二十六年杜希望置管兵一

萬二千人馬三百疋平夷守捉河州城內西南四十餘里

開元二年郭知運置管兵三千人寶應元年沒於西蕃

州境東西三百五里南北二百一十五里

八到東南至上都一千九百里東南至東都二千七百六十里

東至蘭州二百二十里西至西海三百七十里

西南至廓州一百四十里東北至涼州五百里

貢賦開元貢 褐十疋 羚羊角兩隻

管縣三 湟水 鄯城 龍支

湟水縣中 本漢破羌縣地屬金城郡魏分置西都縣屬

西平郡開皇三年罷郡縣屬鄯州十八年改爲湟水縣皇朝因之

土樓山在縣西百三十里下有土樓神祠

湟水名湟河亦謂之樂都水出青海東地亂山中東南流至蘭西南入黃河

浩亶水今謂之閣門水經縣東去縣五十五里漢宣帝神爵元年遣後將軍趙充國擊先零羌充國欲罷騎兵屯田以待其弊計度臨羌東至浩亶羌虜故田人所未墾可二千頃已上又理湟陁以西道橋七十所令可至鮮水左右留步士萬人屯田爲必禽之具詔從之充國竟以屯田之元和郡縣志

卷三十九

十四

利支解先零

鄯城縣

中

東至州一百二十里

儀鳳二年分湟水縣至北枕湟水西

即土樓山

龍支縣

中

北至州一百三十五里

本漢允吾縣也屬金城郡後魏初

於此置金城縣廢帝二年改名龍支縣西南有龍支谷因取爲名

積石山在縣西九十八里南與河州抱罕縣分界

黃河在縣西南六十里

廓州

下

寧塞

開元戶三十九百六十四

鄉

禹貢雍州之域古西羌地漢宣帝時西羌數背叛後將軍

趙充國屯隴西諸羌不敢動後漢燒當等八種羌爲寇段
熲擊破之諸羌弭定獻帝建安中分金城置西平郡南涼
秃髮烏孤又以河南地爲澆河郡周建德五年於今州理
西南達化縣界澆河故城置廓州蓋以開廓邊境爲義大
業三年罷州復爲澆河郡隋亂陷於寇賊武德二年西土
平定改置廓州乾元元年陷於西蕃

州境

東西三百九十四里
南北四百九十里

八到

東南至上都二千四十里
東南至東都二千九十里

東至廓州三百九十里

西至蕃界樹郭城三百二十里

南至新置曜武軍二百里

北至新安夷騎八十里

元和郡縣志

卷三十九

十五

貢賦

開元貢

麩金

大黃

戎鹽

麝香

管縣三

化城

達化

朱川

化城縣

下郭

本後魏石城縣地廢帝二年因境內有化隆

谷因改爲化隆縣皇朝因之先天

年改爲化城縣黃河

在縣南八十步

扶延山在縣東北七十里多麋鹿

達化縣

下東至州

本後周置達化郡并達化縣開皇三

年罷郡移縣入郡解即今縣是也皇朝因之

黃沙戍在縣東六十里

朱川縣

下西至州

本前涼張天錫於此置郡

川成後魏

孝昌二年於成城置廣威縣貞觀十年於本縣東一百二十里黃河南岸置朱川縣屬河州永徽六年移於河北屬廓州

積石軍在州西南一百五十里儀鳳二年置西臨大澗北枕黃河即隋澆河郡所理

寧邊軍在積石軍西黃河北

威勝軍在積石軍西八十里宛肅城

金天軍在積石軍西南一百四十里洪濟橋

武寧軍在洪濟橋東南八十里百谷城

曜武軍在州南二百里黑硤川

元和郡縣志

卷三十九

十六

古寧邊等五軍並天寶十三年哥舒翰奏置

岷州

和政下

開元戶三千九百五十

鄉十四

禹貢雍州之域古西羌地也禹貢西傾朱圉烏鼠按西傾山在洮州之西今州處其東北此則雍州之域明矣在秦為隴西郡洮縣也自秦至晉不改後魏文帝始於此置岷州南有岷山因以為稱仍領同和郡又改為臨洮郡開皇三年罷郡屬岷州大業三年復為臨洮郡隋末淪陷寇賊義寧二年改置岷州天寶元年改為和政郡乾元元年復為岷州上元二年因羌叛陷於西蕃

州境 東西一百六十三里 南北三百六十七里

八到

東北至上都一千三百三十六里
東北至東都二千一百八十六里

東北至渭州二百二十六里
西南至洮州一百八十里

南至宕州三百八十里
北至臨州三百四十里

貢賦

開元貢

龍鬚蓆

鸚鵡

犂牛酥

鵬翎

管縣三

溢樂

祐川

和政

溢樂縣

中下郭下

本漢秦之臨洮縣也屬隴西郡後魏置同和

郡縣屬焉開皇三年罷郡縣屬岷州義寧二年改置溢

樂縣

岷山在縣南一里

崆峒山在縣西二十里

元和郡縣志

卷三十九

十七

州城本秦臨洮城也後漢建初二年金城隴西保塞羌皆
反車騎將軍馬防長水校尉耿恭擊平之即此地也

董卓臺在縣北十五步

秦長城首起縣西二十里始皇三十四年併天下使蒙恬
將三十萬衆北逐戎狄築長城起臨洮至遼東延袤萬餘
里

祐川縣

中下

西北至州
七十里

周明帝武成元年置開皇九年省義

寧二年重置先天元年改為祐川縣取縣西祐川爲名也

和政縣

中下

南至州三
十二里

本後周洮城郡也武帝保定元年郡

省置同和縣屬同和郡宣政元年改爲和政縣開皇三年

罷郡縣屬岷州皇朝因之

洮水西南自溢樂縣界流入

和政府府在縣西北七里

洮州 臨洮上府

開元戶三千七百八十四

鄉七

禹貢雍州之域古西羌地也自秦漢至於魏晉皆諸羗所居至後魏吐谷渾又侵據其地後周明帝武成中西逐諸戎其地內屬置洮陽防武帝保定元年立洮州大業三年罷州改為臨洮郡隋季亂離所在陷沒郡守孫長詢率所部百姓嬰城固守以義寧元年舉城歸國武德二年復於此置洮州貞觀四年州移治故洪和城於此置臨洮鎮五元和郡縣志

卷三十九

六

年廢鎮置御諱州八年廢州復移洮州治此永徽元年置都督府開元十七年廢入岷州二十年於臨潭又置臨州二十七年又改為洮州廣德元年陷於西蕃

州境 東西五百五十里南北二百二十里

八到 東北至上都一千五百里東北至東都二千三百六十里東至岷州一百八十里西至黃河六百百里

西南至疊州一百八十里北至河州三百里

貢賦 開元貢

管縣二 臨潭 美相

臨潭縣 中郭下 本隋美相縣周保定元年置貞觀四年移美

相縣於東北洪和城內五年於州理改置臨潭縣其城東北三面並枕洮水

洮水出縣西南三百里崑崙山西傾山也

扞傍山在縣東南十一里扞傍羌語也羌語呼石為扞呼高為傍因以為名

安西府在縣東四十里周明帝武成元年行軍總管博陵公賀蘭祥討吐谷渾築此城以保據渾平後因置博陵郡隋又為縣屬洮州貞觀十二年省縣入臨潭十三年於此置安西府

廣思鎮在縣西一百八十里

元和郡縣志

卷三十九

十九

莫門軍儀鳳二年置在州城內

神策軍在州西八十里天寶十三年哥舒翰置在洮河南岸

美相縣

中

西至州七十五里

本漢隋舊縣治在州城貞觀四年移

洮州在此縣亦隨徙焉

霧露山在縣北一十里

疊州

合川下

開元戶一千二百七十里

鄉十一

禹貢梁州之域歷秦漢魏晉諸羌常保據焉至後魏其地入吐谷渾周武帝建德六年西逐諸戎始統有其地乃置疊州蓋取山川重疊為義大業間廢疊州以縣屬洮州武

德二年西土內附於今州西二十九里合川故城置疊州
五年陷吐谷渾七年討平之復置疊州今州城在獨山上
西臨絕澗南枕羌水十三年置都護府永徽元年罷天寶
元年改爲疊川郡乾元元年復爲疊州

州境東西二百六十五里
南北一百二十九里

八到東至上都一千七百里
東至東都二千五百六十里

東南沿派至宕州二百五十里
西至黃河上党預岸二百八十里

東南至故芳州百四十里
東北至洮州一百八十里

貢賦開元貢 甘松香 麝香 酥 調麻布

管縣二 合川 常芳

元和郡縣志

卷三十九

子

合川縣下 本周武二年置有三谷水至縣東合流因以

爲名周屬西疆郡開皇三年罷縣屬疊州皇朝因之

石鏡山在縣西北四十五里其山石皎徹臨照莫不見其

形體故以爲名山有銅窟隋代採鑄今亦填塞

白水一名墊江水在州西六十里

樂水出縣東平地人有患冷者煎水服之多愈

常芳縣中 西北至州一百二十里 本周武成中所置恒鄉屬芳州郭

下前上元中芳沒蕃神龍元年移縣名于天法山東蘇董

谷西即合縣理是也

芳州 貞觀中八百六十二

禹貢梁州之域秦漢及魏晉皆諸羌所居至後魏吐谷渾
入侵據焉周明帝武成中西逐諸戎始有其地乃于三交口
築城置甘松防武帝建德中改爲芳州以爲名領恒香深
泉二郡大業二年郿州廢以縣屬扶州隋氏喪亂陷於寇
賊武德元年西邊平定復於常芳縣置芳州高宗上元二
年陷於西蕃

州境

東西南北

八到

東至上都一千八百四十里
東北至東都二千七百里

東南至扶州三百里

西南至羗直州一百六十里

東至羗二百三十里

西至疊州一百四十里

元和郡縣志

卷三十九

二十一

貢賦

貢 犂牛酥 調麻布

管縣三 常芬 恒香 丹嶺

常芬縣

下

本周置屬恒香郡開皇三年罷郡縣屬芳州

唐上元二年陷於西蕃神龍元年移縣名屬疊州

素嶺山在縣東七十里春夏常多積雪因名之

甘松府在城內

恒香縣

下

東北至州一十五里

貞觀二年置寄理恒香戍

帝侯山在縣南三里

丹嶺縣

下

東南至州二十里

本隋舊縣開皇十九年置屬芳州義

寧三年屬甘松郡武德元年罷郡縣屬芳州所管百姓皆是

党項諸羗界內雖立縣名無城郭居處

湫池在縣西八十里通彌山中周迴百餘里蓋古之天池
大澤白水之源蓋出此也

宕州

懷道下

開元戶一千六百五十九

鄉六

禹貢梁州之域古西羗地也自秦漢至魏晉皆諸羗據焉
後魏招撫西戎始有其地有梁彌念者宕昌羗也其先羗
豪祖勤自稱宕昌王彌念大武初表求內附大武嘉之拜
彌念為宕昌王其後遞相傳襲彌蕃於魏謂其地為宕昌
藩周天和元年改藩置宕州大業三年罷州復宕昌郡武
德元年置宕昌郡武德元年置宕州天寶元年改為懷道
元和郡縣志

卷三十九

二十一

郡乾元元年復為宕州因宕昌山為名也

州境

東西三百六十五里
南北四百二十九里

八到

東北至上都一千四百七十里
東北至東都二千三百三十里

西北至豐州二百五十里
東南至武州二百五十里

西南至扶州四百里
北至岷州三百八十里

貢賦

開元貢 麩金 麝香

管縣二 懷道 良恭

懷道縣

中下郭下

本周武帝天和元年置屬甘松郡開皇三年

罷郡屬宕州皇朝因之

蘇董戍縣西一百八十三里

良恭山在縣北四十里出雌黃

斫花山在縣東北八十里出朱砂雌黃人常採取之宕昌故城今為交和戎在縣東五十二里

良恭縣

西南至州一百一十里

本周之陽谷縣也武帝天和五年置

宕昌郡開皇三年罷郡縣屬宕州十八年改為良恭縣

願虜山接縣城西北隅東西四十里南北三里

臨州

狄道下府

州境

東西南北

八到

東南至上都一千二百八十里
東南至東都一千一百四十里

天寶初割蘭州狄道縣又別置安樂縣置臨州州郭舊有

元和郡縣志

卷三十九

十三

臨洮軍久視元年置至寶應元年陷於西蕃

狄道縣

上

安樂縣

下

元和郡縣圖志卷第三十九

元和郡縣圖志卷第四十

隴右道下

管州八 涼州 甘州 肅州 沙州 瓜州

伊州 西州 庭州

涼州 武威中府

開元戶二萬六千一百六十五

鄉一十五

禹貢雍州之西界自六國至秦戎狄及月氏居焉後匈奴破月氏殺其王以其頭為飲器月氏乃遠過大宛西擊大夏而臣之匈奴使休屠王及渾邪王居其地漢武帝之討北邊休屠渾邪數見侵掠單于怒遣使責讓之二王恐見誅乃降漢漢得其地遂置張掖酒泉燉煌武威四郡昭帝元和郡縣志

卷四十

一

又置金城一郡謂之河西五郡改州之雍州為涼州五郡皆屬焉地勢西北邪出在南山之間隔絕西羗西域於時號為斷匈奴右臂獻帝時涼州數有亂河西五郡去州隔遠自來別立州於是以五郡立為雍州魏又分雍州置涼州領河西五郡晉惠帝永寧元年以張軌為刺史持節護羗校尉會永嘉之亂因保據涼州是為前涼至張天錫為符堅所滅後十餘年又為呂光所據是為後涼至呂隆為姚興所滅及沮渠蒙遜起兵據張掖是為北涼至沮渠茂虔為後魏所滅及太武帝改州鎮置四軍 戊孝文太和十四年後為涼州領威武等十郡二十縣周置總管府大

業三年改爲武威郡廢總管隋末喪亂陷於寇賊武德二

年討平李軌改爲涼州置西河節度使都管兵七萬三千人馬萬八千八百

正羌胡統赤水軍在涼州城內管兵三萬三千馬一萬三千人本赤烏鎮有青赤泉名焉軍之大

者莫如赤水幅員五千一百八十

里前拒土蕃北臨突厥

大斗軍涼州西二百里本是赤水軍守

捉開元十六年改爲大斗軍因大斗枝谷

爲名管兵七千五百人馬二千四百正

建康軍證聖元年尚書

王孝傑開鎮周迴以甘肅兩州中間闊遠頻被賊鈔遂於

甘州西二百里置此軍管兵五千三百人馬五千三百正

東去理所

寧寂軍管兵一千一百七人馬五百餘正

玉門軍

肅州西二百餘里武德中揚恭仁置管兵千人

墨離軍瓜

實三百人馬六百正東去理所一千一百餘里

西北一千五百里管兵五千五百人馬

新泉軍會州西北二百里大

四百正東去理所千四百里

豆盧軍沙州城內以當匈奴要路山川迥

元和郡縣志

卷四十

二

四十五百人馬四百正

張掖守捉東去理所五百管兵六

去理所一千七百餘里

白亭軍涼州西北三千里

天寶

元年改爲武威郡乾元元年復爲涼州廣德二年陷於西

蕃州城本匈奴新築漢置爲縣城不方有頭尾兩名爲烏

城南北七里西三里地有龍形亦名卧龍城

州境東西四百里南北八百三十里

入到東北至上都取秦州路二千里取蘭臯路一千六十里東南至東都二千八百六十里

貢賦開元貢馬皮五張細褐白蠶柔毛氈

管縣五

姑臧 昌松 神烏 嘉麟 天寶

姑臧縣上郭下本漢舊縣屬武威郡因姑臧山爲名亦言故
匈奴蓋臧城後人音訛爲姑臧焉

姑臧南山一名雪山在縣南二百三十里

天梯山在縣南二十五里

白亭軍在縣北三百里馬城河東岸舊置守捉天寶十年
哥舒翰改置軍因白亭海爲名也

文車澤在縣東三十里前秦苻堅遣將軍苟萇毛盛將軍
伐北涼造機械衝車於此因名

休屠城在縣北六十里漢休屠縣也

明威戍在縣北百八十里

元和郡縣志

卷四十

三

武安戍在縣西北百六十里

武興鹽池眉黛鹽池並在縣界百姓咸取給焉

昌松縣上舊郭下本漢鸞鳥縣張天錫改置武興縣後廢武德

三年又於城內置神烏縣與姑臧分理神烏理西姑臧理
東貞觀年廢總章元元年又置也

神烏縣西北至州一百二十里本漢蒼松縣屬武威郡後梁置昌松

郡縣屬焉開皇三年改昌松爲永年縣後以重名復爲昌

松

金山在縣南一百八十里麗水出焉

蒼松故城在縣東北十里漢蒼松縣也

麗水府在縣城中

白馬戍在縣東北五十里

嘉麟縣 中下 東南至州 七十里 本漢宣威縣地前涼張軌於此置

興武郡後涼呂光改置嘉麟縣後廢萬歲通天元年重置

天寶縣 中下 東至州一 百八十里 本漢番 音 盤 禾縣屬張掖郡北涼沮

渠蒙遜立為番禾郡後魏太武帝平涼罷郡置軍開皇三

年改為縣皇朝因之天寶中改為天寶縣

甘州 張掖下 開元戶五千四百四十 中府 鄉十七

禹貢雍州之域自六國至秦戎狄月氏居焉漢初為匈奴

右地武帝元鼎六年使將軍趙 破匈奴出令 居乃分

元和郡縣志 卷四十 四

武威酒泉地置張掖燉煌郡斷匈奴之右臂自張其掖因

以為名初屬張軌後涼末段業亦嘗據此地後業為北涼

沮渠蒙遜所殺據之後又遷理姑臧後魏太武平涼以為

張掖軍廢帝二年改軍置甘州因州東甘峻山為名或言

地多甘草故名大業三年罷州為張掖郡隋亂陷賊戎武

德二年討平李軌改置甘州永泰二年陷於西蕃

州境 東西四百一十六里 南北一千三百七里

八到 東南至上都二千五百里 東至涼州五百里

東南至東都三千三百六十里 西至肅州四百里

南至大雪山二百三十里 東北至花門山一千四百五十里

貢賦

開元貢

野馬皮

白柰

枸杞

管縣二 張掖 刪丹

張掖縣

下郭下

本漢臯得屬張掖郡本匈奴臯得王所居因

以名之晉改名永平縣開皇三年改永平爲酒泉縣大業二年改爲張掖縣取舊郡爲名也皇朝因之

合黎山俗名要塗山在縣西北二百里禹貢導弱水至於

合黎

祁連山在縣西南二百里張掖酒泉二界上美水茂草山中冬溫夏涼宜牛羊乳酪濃好夏瀉酥不用器物置於草上不解散作酥甚好一斛酪得斗餘酥

元和郡縣志

卷四十

五

雪山在縣南一百里多材木箭竿

甘峻山在縣東北四十五里出賁駃鷹稱爲奇絕常充貢

獻

居延海在縣東北一百六十里即居延澤古文以爲流沙者風吹流行故曰流沙

鹽池在縣北九百三十里其鹽潔白甘美隨月虧盈周迴

一百步

建昌軍在州西北一百九十里

刪丹縣

中下

西至州一百二十里

本漢舊縣屬張掖郡按焉支山一名刪丹山故以名縣山在縣南五十里東西百餘里南北

二十里水草茂美與祁連同匈奴失祁連焉支二山乃
歌曰亡我祁連山使我六畜不蕃息失我焉支上使我婦
女無顏色

弱水在縣南山下

大斗枝谷在縣南二百里大業五年煬帝躬率將士出西
平道討吐谷渾還此谷會大霖雨士卒凍餒死者十之七
寧寇軍在居延水兩汊中天寶二年置

肅州

酒泉
下

開元戶二千二百五十二

鄉八

禹貢雍州之域古西戎地也六國時月支居焉後爲匈奴
所逐奔逃西徙匈奴得其地使休屠昆邪王分守之武帝元

元和郡縣志

卷四十

六

狩二年昆邪王殺休屠王拜將其衆來降以其地爲武威
酒泉郡以隔絕胡與羌通之路以城下有泉其味若酒故
名酒泉初屬張軌後涼呂光復據有後魏道武天興三年
晉昌太守唐移檄六郡推武昭王爲王爲大都督涼公秦
涼二州牧自敦煌遷都於此號西涼王後沮渠蒙遜復據
有其地後魏大武平沮渠氏以酒泉爲軍屬燉煌鎮明帝
孝昌中改鎮立瓜州復置酒泉郡開皇三年罷郡立酒泉
鎮所領縣並屬甘州仁壽二年以境宇遼遠分甘州置肅
州隋末陷於寇賊武德元年河右底定復於酒泉縣置肅
州大曆元年陷於西蕃

州境東西五百六十四里
南北五百四十里

入到東南至上都二千九百里
東至甘州四百里

東南至東都二千七百六十里
南至瓜州四百八十里

南至土蕃雪嶺二千五百里
西北至葭蘆泉五百里

貢賦開元貢 野馬皮 礪石 肉蓯蓉 柏豚根

管縣三 酒泉 福祿 玉門

酒泉縣中本漢福祿縣也屬酒泉郡自漢至隋不改義

寧元年分置酒泉縣初西涼武昭王自敦煌遷都於此至

子歆為沮渠蒙遜所破

崑崙山在縣西南八十里周穆王見西王母樂而忘歸即

元和郡縣志 卷四十 七

此山

洞庭山在縣西七十里四面懸絕人不能上遙望談談如

鑄銅色山中出金

白亭海在縣東北百四十里一名會水以衆水所會故曰

會水以北有白亭故曰白亭海方俗之間河北得水便名

為河塞外有水便名為海

遮虜障在縣北二百四十里李陵與單于戰處隋鎮將楊

玄於其地得銅弩牙箭鏃

西涼武昭王陵在縣西十五里

福祿縣中下 西至州 一百里本漢樂涇音官屬敦煌郡後魏大武帝

平沮渠茂虔改縣爲成隸敦煌鎮孝文帝改爲樂涇縣隋改縣爲鎮武德二年置福祿縣取舊名也

崆峒山在縣東南六十里黃帝西見廣成子於崆峒漢武帝行幸雍祠五時遂登崆峒並爲此山也

初連成在縣東南一百二十里

鹽池在縣東北八十里周迴百姓仰給焉

玉門縣

中下

東至州二百二十里

本漢舊縣屬酒泉郡漢罷玉門

關屯戍徙其人於此因以爲名縣後魏孝明帝改爲玉門郡周武帝省入會稽縣開皇十年後改爲玉門縣皇朝因之

元和郡縣志

卷四十

八

金山在縣東六十里出金

獨登山在縣北十里其山出鹽鮮白甘美有異常鹽取充貢獻

石脂水在縣東南一百八十里泉有苔如肥肉燃之極明水上有黑脂人以草蓋取用塗鴟夷酒囊及膏車周武帝宣政中突厥圍酒泉取此脂燃火焚其攻具得水逾明酒泉賴以獲濟

玉門軍開元中玉門縣爲吐蕃所陷因於縣城置玉門軍天寶十四年哥舒翰奏廢軍重置縣

沙州

敦煌中府

開元戶六千四百六十六

鄉十三

禹貢雍州之域古戎地也左傳所謂允姓之戎居於瓜州
注云在今燉煌是也漢武帝元鼎六年酒泉置燉煌郡今
州即其地也前涼張駿於此置沙州蓋因鳴沙山為名流
沙即居延澤也以西胡校尉楊宣為刺史後三年宣讓州
復改為燉煌郡梁武昭王初都於此後又遷於酒泉後魏
太武帝於郡置燉煌鎮明帝罷鎮立瓜州地為名也尋又
改為義州莊帝又改為瓜州大業三年又罷州為敦煌郡
隋末喪亂陷於寇賊武德二年西土平定置瓜州五年改
為沙州建中二年陷於西蕃

皇朝以敦煌為燉煌

州境東西南北

元和郡縣志

卷四十一

九

八到東南至上都三千七百里
東至瓜州三百里

東南至東都四千五百六十里
西至石城鎮一千五百里
西至吐蕃界三百里
北至伊州七百里

貢賦

開元貢 野馬皮 石膏 碁子石 犄羊角

管縣二 燉煌 壽昌

燉煌縣上郭下本漢舊縣也屬燉煌郡周武帝改為鳴沙縣

以界有鳴沙山因以為名大業二年復為燉煌敦大也以

其開廣西域故以盛稱

三危山在縣南三十里山有三峯故曰三危尚書竄三苗

于三危即此山也

鳴沙山一名神沙山在縣南七里今按其山積沙爲之峯巒危峭踰於山石四面皆爲沙壠背有如刀刃人登之即鳴隨足顛落經宿風吹落輒復如舊

有一泉水名曰沙井綿歷古今沙填不滿水極甘美懸泉水在縣東百三十里出懸泉山漢將李廣利伐大宛還士衆渴之引佩刀刺山飛泉湧出即此也水有靈車馬大至即出多少至即出少

鹽池在縣東四十七里池中鹽常自生百姓仰給焉

壽昌縣

中下

東至州一百五里

本漢龍勒縣因山爲名屬敦煌郡

周武帝省入鳴沙縣大業十一年於城內置龍勒府武德元和郡縣志

卷四十

十

二年改置壽昌因縣南壽昌澤爲名也

龍勒水在縣南百八十里龍勒山上李陵發兵至遮虜障東浚稽山南龍勒水上徘徊觀虜所見即此水

陽關在縣西六里以居玉門關之南故曰陽關本漢置也謂之南道西趣鄯善莎車後魏嘗於此置陽關縣周廢玉門故關在縣西北百一十八里謂之北道西趣車師前庭及疏勒此西域之門戶也班超在西域上疏曰臣幸得護西域如自以壽終屯部誠無所恨恐後代謂臣沒西域臣能無依風首丘之思哉臣不敢望到酒泉郡但願生入玉門關即此是也

豆盧軍神龍元年置在州城內

瓜州 晉昌下府 開元戶

本漢酒泉郡元鼎六年分酒泉置敦煌郡今州即酒泉敦煌二郡之地晉惠帝又分二郡置晉昌郡周武帝改為永興郡開皇三年罷郡縣屬瓜州按隋瓜州即今沙州也大業三年改瓜州為敦煌郡武德五年改瓜州別於晉昌瓜州地出美瓜故取名焉狐食其瓜不見首尾大曆十一年陷於西蕃

州境 東西三百九十三里南北六百八十四里

入到 東南至上都三千四百里東南至肅州四百八十里

元和郡縣志

卷四十

十一

東南至東都四千二百六十里西至沙州三百里

南至大雪山二百四十里

貢賦 開元貢 草鼓子 吉莫皮

管縣二 晉昌 常樂

晉昌縣 中下 郭下 本漢冥安縣屬敦煌郡因縣界冥水為名也

晉光康中改屬晉昌郡周武帝省入涼興郡開皇四年改為常樂縣屬瓜州武德七年為晉昌縣

雪山在縣南百六十里積雪夏不銷東南九十里南連吐

谷渾界

冥水自吐谷渾界流入大澤東西二百六十里南北六十

里豐水草宜畜牧

玉門關在縣東二十步

合河戍在縣東北八十里在州西二百步蓋神龍元年置之

常樂縣

中下

東至州一百一十五里

本漢廣至縣地屬敦煌郡魏分廣

至置宜禾縣後魏明帝改置常樂郡隋於此置常樂鎮武德五年置常樂之縣也

伊州

伊吾下

開元戶一千七百二十九

鄉七

禹貢九州之外古戎地古稱昆吾周穆王伐西戎昆吾獻赤刀後轉爲伊吾周衰戎狄雜居涇渭之北伊吾之地又元和郡縣志

卷四十

十二

爲匈奴所得及秦始皇攘戎狄築長城以界中國漢武時驃騎將軍擊破匈奴右地始築令居以西初置酒泉郡後分置武威張掖敦煌列四郡據兩關焉兩關即陽關玉門也王莽時地屬匈奴後漢明帝永平十六年北征匈奴取伊吾廬地宜禾都尉以爲屯田兵鎮之所未爲郡縣後復爲匈奴所得自建武至於孝和三通三絕至順帝時以伊吾舊膏腴之地傍近西域匈奴資之以爲鈔暴開設屯田如故事置伊吾司馬一人至魏立伊吾縣晉立伊吾都尉並寄理敦煌北界非今之伊州後魏及周又有鄯人來居之大業六年得其地以爲伊吾郡隋亂又爲群胡居焉貞

觀四年胡等慕化內附於其地置伊州

州境

東西一千一十五里
南北四百九十里

八到

東南至上都四千四百三十里
西南至西州七百三十里

東南至東都五千一百六十里
東南取莫賀磧路至瓜州九十里

正南微東至沙州七百里

貢賦

開元貢

刀

陰牙角

管縣三

伊吾 柔遠

納職

伊吾縣

下郭

本後漢伊吾屯貞觀四年置縣

天山一名白山一名時羅漫山在州北一百二十里春夏

有雪出好米及金鐵匈奴謂之天山過之皆下馬拜

元和郡縣志

卷四十

十三

鹹池海在縣南三百里周迴百餘里州東北四澗水並南

流至州南七八里合流為一水側近皆有長田

春夏

闕文

柔遠縣

下西北至州二百四十里

貞觀四年置縣東有柔遠故鎮因以

為名兼置守捉

天山在縣北二十里

柳谷水有東西二源出縣東北天山南流十五里合

納職縣

下

東北至州一百二十里

貞觀四年置其城鄯善人所立

胡為鄯善為納職因此名縣焉後漢明帝會於此置宜禾

都尉

但密山在縣北百四十里山北二十里正抵蒲類海其蒲類海後漢桓帝時匈奴呼衍王寇伊吾司馬毛愷遣吏兵五百人與戰悉爲所沒即此海也

繞海名良田漢將趙充國所屯也俗名婆悉厥海

伊吾軍在州西北三百里時羅漫山北甘露川置刺史爲使景龍四年置

陸鹽池在州南六十里周迴十餘里無魚水自生如海鹽月滿則鹽多而甘月虧則鹽少而苦

西州

交河安西都護

開元戶一万一千六百四十七

鄉二十四

本漢車師國之高昌壁也後漢和帝永元三年班超定西元和郡縣志

卷四十

十四

域以超爲都護復置戍已校尉治車師前部高昌壁以其地勢高敞人物昌盛因名高昌晉成帝咸和中張駿置高昌郡後魏太武時有闕爽者自爲高昌太守真君中爽爲沮渠無諱所襲奪據之無諱死弟安周代立爲蠕蠕所併蠕蠕以闕伯周爲高昌王高昌之稱王自此始也太和初伯周死子義成立歲餘爲從兄首歸所殺自立爲高昌王五年主阿伏至羅殺首歸以噉煌孟明爲高昌王太和二十年孟明爲國人所殺立馬儒爲王以麴嘉爲長史遣使內附高昌人戀本土不願東遷相與殺王而立麴嘉嘉卒子堅立堅立卒子伯雅來朝以隋煬帝宇文氏女玉波

為華容公主妻之伯雅卒于文泰立遣使貢獻其後漸失
臣禮貞觀十四年詔兵部尚書侯君集統薛萬鈞牛進達
等總兵討之文泰病死子智盛立八月君集進兵破之下
其二十二城獲戶八千列其地為西州并置西安都護以
統之顯慶三年改置都督府天寶元年復為西州貞元七
年没於西蕃

州境

東西八百九十五里
南北四百八十六里

八到

東南至上都五千三十里
東北至伊州七百三十里

東南至東都五百里

西南至烏耆七百二十里

東南至金沙州一千里

南至樓蘭國一千二百里並砂磧難行

元和郡縣志

卷四十

十五

北至金婆嶺至北庭都護五百里

貢賦

開元戶

土貢

氍毹

乾蒲萄

刺蜜

管縣五

前庭

柳中

交河

天山

菖蒲

前庭縣

上郭下

貞觀十四年置高昌縣取舊高昌國為名也

天寶元年改為前庭縣

天山夷名折羅漫山在縣北三十里

交河在縣西高昌國土良沃穀麥一歲再熟出赤鹽其味
甚美澤間有草名為羊刺其上生蜜食之與蜂不異名曰
刺蜜有鹽其狀如玉取以為枕貢之中國

柳中縣

中下

西至州
三十里

貞觀十四年置當驛路城極險固

天山在縣東北

大沙海在縣東南九十里

交河縣中下 東南至州八十里 本漢車師前王庭也按車師前

王國治交河城自漢迄於後魏車師君長相承不絕後魏之後湮滅無聞蓋為匈奴所併高昌據其地貞觀十四年

於此置交河縣與州同置

交河出縣北天山水分流於城下因以為名

天山縣上 東至州一百五十里 貞觀十四年置

蒲昌縣中下 西南至州一百八十里 貞觀十四年置本名金蒲城

車師後王庭也

元和郡縣志

卷四十

十六

天山軍在州城內開元二年置本漢車師後王庭烏孫之東境也貞觀十四年置

庭州北庭 開元戶二千六百七十六

都護

鄉五

庭州因王庭以為名也後為賊所攻掠蕭條荒廢明慶中重修置以來濟為刺史治究葺焉謂州所管諸蕃奉勅皆

為置州府以其大首領為都督刺史司馬又置參將一人知表疏等事其俗帳居隨逐水草帳門皆向東開門向慕

皇風也其漢戶皆龍朔已後流移人也長安二年改置北庭都護府按三十六蕃開元二十一年改置北庭節度使

都管兵二萬人馬五千正衣賜四十八萬疋段 以防制寔騎施堅昆斬啜西北去

三千餘里北堅昆七十里
東去斬斲一千七百里
管瀚海軍
北庭都護府城內長安二年初置燭龍軍

三年郭元振改為湖海軍開元中蓋嘉運重
加修築營兵一萬二千人馬四千二百疋
天山軍
西州城內

開元二年置營兵五千人
馬五百疋在理南五百里
伊吾軍
伊州西北三百里甘露川景龍四年管兵三千

人馬三百疋在理
所東南七百里

州境
東西南北

八到
東南至上都五千二百七十里
東南至伊州九百七十里

東南至東都六千一百三十里
東至西州五百里

西南至焉耆鎮一千一百里
北至堅昆衙帳約四千里

西至碎葉二千二百二十里
東北至迴鶻衙帳三千里

貢賦
開元貢 陰牙角 內沙 阿魏 延胡索 連霍角

元和郡縣志 卷四十 十七

管縣三 後庭 蒲類 輪臺

後庭縣郭下貞觀十四年於州南置蒲昌縣長安二年改

為金蒲縣寶應元年改為後庭縣

蒲類縣南至州十八里貞觀十四年置因蒲類海為名先天二年

為默啜所陷開元十四年復置

輪臺縣東至州四十二里長安二年置

清海軍在府西七百里舊名鎮城鎮天寶中改名清海

軍

俱六鎮 在州西二百四十里

當碎葉路

憑洛鎮 在府西三百七十里

神山鎮 在府南五十里

當西州路

沙鉢鎮 在府西五十里

當碎葉路

蒲類鎮 在蒲類縣置

郝遮鎮 當蒲類東北四十里

當迴鶻路

醜泉鎮 在蒲類縣二百里

當迴鶻路

特羅堡子

在蒲類縣東北二百餘里四面有磧置堡子處周迴約二千里有好水草即往

迴鶻之東路

元和郡縣圖志卷第四十

元和郡縣志

卷四十

右元和郡縣圖志四十卷唐宰相李吉甫所上也吉甫病古今地理家著錄不得其要獨取蕭何收秦圖書而究天下阨塞戶口多少者以爲準則則不待詳閱其書而其體要卓然可紀也已吉甫再相蓋元和六年此志自載其所常建白者二事改復天德舊城則在八年更置宥州於經略軍則在九年其年十月吉甫遂薨於位則是書又其當國日久乃始纂述此於唐家郡縣疆境方面險要必皆熟按當時圖籍言之最爲可據又其言曰志凡四十七鎮鎮皆有圖冠其篇首故以圖志名之圖今亡矣獨志存焉耳憲宗經略諸鎮吉甫實贊成之其於河北淮西悉嘗圖上

元和郡縣志

後跋

一

程

地形憲宗得以坐覽要害而隄定策畫者圖之助多也惜乎其不存志傳寫久有闕逸又譌誤不敢強補謹書其有益者以示可傳而已淳熙二年五月一日秘書少監

臣大

昌叙

張幾仲帥襄陽且行謂予曰以余之好異書知世間有甚欲之而無其力者矣之鎮苟暇期取古書有益者剡木而布傳之庶其費寡而人可得是亦一爲政也祕藏多書盍選擇見授予思之有元和郡縣圖志者其所記地理多唐家制度本朝疆理天下率多本唐則是書之備稽究特與今宜予嘗即蓬山藏本之

末叙列其所以可傳者矣苟欲諒惠夫人則莫此爲
要遂錄寄之以遂其雅好幾仲名子顏今以敷文閣
待制在鎮淳熙二年至日新安程大昌泰之書

右元和郡縣圖志四十卷目錄二卷唐元和八年丞相李
趙公吉甫所上也後三百六十有三年今京西牧待制張
公幾仲始刻板於襄陽幕府按新唐藝文志著錄是書爲
五十四卷會要析而兩之一曰州縣郡國圖三十卷一曰
郡國圖其卷與新志同皆冠以元和三者了不相似以今
所刻證之皆非也地理之最莫切於圖書周官職方氏掌
天下之圖要周知其利害沛公入關蕭何收秦丞相府圖
籍具知阨塞戶口多少疆弱處基漢爲雄光武與鄧禹論
天下郡國亦披輿地圖乃克見則不出戶庭而九州萬里
在吾目中如策馬并轡援衣挈領舍此誰則然方趙公爲
元和郡縣志

後跋

一

洪

相疆藩悍帥徂正元餘習擅地自子朝廷莫敢訶而能以
期年間易三十六鎮魏田季安病公請以滑任薛平戎重
兵邢洺因圖上河北險要憲宗張於浴堂門壁每歎曰朕
日按圖信如卿料則其所著書蓋已見之行事矣豈直區
區紙上語而已哉幾仲

先忠烈王勛在彛鼎爲

中興社稷臣幾仲濟美稱家文史聲猷有晉宋勝流風度
方守國西門雍容緩帶躡叔子元凱故蹟一旦

天子讀此書悼河山之獨西想燕冀而慷慨騰爲北顧思
有所出趙營平不必馳至金城圖上方略馬伏波不必聚

米爲山指畫形勢幾仲知之矣予願拭目焉本作書之旨
則趙公之叙固在今揭於篇首淳熙三年十一月番陽洪
邁書

元和郡縣志

後跋

二

洪

子顏少有四方志逮長益篤比年數被

上委使尋復領符襄州奏事

便殿

上諭曰馳驅原隰爾素志也顧昧陋何以克承

玉音洎至郡每登岷山撫中原未始不歎息久之思有以
自効者浩不知其涯焉會故人程刑部寄元和郡縣圖志
閱之矍然有感悟惟

明主扼天下之亢制羣生之命者不在茲乎亟用版傳以
資有志者籌贊

恢拓之業又得程洪二鉅公題品詳贍斯文爲不朽矣昔

元和郡縣志

後跋

一

司馬子長南遊江淮上會稽探禹穴闢九疑北涉汶泗東
觀齊魯孔子之遺風西使巴蜀以還周覽山川故其爲文
廣博馳騁古今愚不敏詎敢擬一二唯欲勉馳驅之素志
竭繇薄於異時益有務於是書亦報

上之一云淳熙三年十二月朔旦上秦張子顏書

